

PETRI

CELLENSIS (3) PRIMUM. DEINDE S. REMIGII REMENSIS ABBATIS, DEMUM CARNOTENSIS
EPISCOP

EPISTOLARUM

LIBER PRIMUS.

Eas continens quas scripsit cum abbas Cellensis ageret.

EPISTOLA PRIMA (4).

AD ALEXANDRUM III PAPAM.

[1, 1] Domino suo ALEXANDRO Dei fratri summo pontifici G.

In gravissimis quæstionibus sicut olim ad Moysem, sic nunc, Pater venerande, ab omni Ecclesia Dei recurritur ad beati Petri et vestram sedem. Tam enim communiter communis imponitur vobis sollicitudo omnium ecclesiarum, quam singulariter et specialiter Petro videtur dictum. *Et tu conservare confirmia fratres tuos* (Luc. xxii). Ut tamen compendium de prolixo negotio vobis faciam, Ecclesia nostra Dervensis (5) de manu potentis G. non liberabitur, nisi per manum omnipotentis Dei, nisi in arcu vestro, et brachio extento. Clamat itaque de angustia et afflictione sua ad vos, quia salus ejus in manu Dei et vestra est. Non enim respicit ad adjutorium hominum, quorum vana spes, promissio cassa, nulla confidentia. Vobis autem sine dubio et sermo potens ad liberandum, et virtus sufficiens ad redimendum. In umbra itaque vestra aut est ei vivendum, aut sub umbra mortis, videlicet G. desciendum. Dic verbo, sancte Pater, et sanabitur Ecclesia vestra. Ecce languore desperatissimo jam diu ægrotat. Appone malagma, ut cuius est filia ex se languida, sit per te devotissima ancilla et redempta. In ore hujus nuntii nostri posuimus et quæ dicat et quæ faciat. Rem ut est latius ipse exponet, sive quomodo justitiam in præsentia episcopi Catalauensis subterfugerit; sive quomodo apud Remensem archiepiscopum sola frustratione causa dilata-

B

Cui præter sinus paternos alia non suppetunt refugia, instantius eadem requirit in necessitate suffragia. Ad vos, Pater sanctissime, a multis quæ circumdant nos tribulationibus, et principum nostrorum oppressionibus merito confugimus, cuius studio et sollicitudini regendam Ecclesiam suam in mundi fluctuationibus commisit Christus. Jam enim perimus nisi resperxerit naufragia nostra benignus Deus. Justitia, ratio, veritas, lex et æquitas de die in diem a nostris finibus exterminantur, et earum memoria absque modo et misericordia extinguitur. Proinde respiciat, quæsumus, super nos misericordia vestra, ut vivere possit anima nostra. Vale.

EPISTOLA II.

AD EUDDEM.

[1, 2] Domino suo et Patri ALEXANDRO summo pontifici, fr. PETRUS humilis abbas Cellensis, debitam subjectionem filii et devotionem.

JACOBI SIRMONDI NOTÆ.

(3) *Monasterium Cellense*, cui Petrus abbas præfuit, in suburbio sítum est. Tricassinae civitatis, loco qui olim insula Germanica dicebatur. Unde vetus quoque monasterii nomen duplex. Nam et monasterium S. Petri ab ejus tutela et patrono appellabant, et a prisco loci vocabulo monasterium Insula Germanica, quo sane modo Nicolai Clarevalensis epistola 24 in codice nostro inscribitur, *Petro abbati Insula Germanica*. Dictum est etiam coenobium Cellæ Bobini, ut recte in antiquitatibus suis observavit vir eruditus et diligens Nic. Camuzatius. At "ulgus bodie patria lingua Monsier la Celle, hoc est monasterium Cellæ vocat. Interdum vero absolute monasterium Trecense, et abbates Trecenses

C dicti sunt, qui Celienses. Sic enim Petrus ipse loquitur epist. 7 et epist. 54, ob hanc nimirum causam, quia omnium Tricassinae urbis coenobiorum antiquissimum erat Cellense.

(4) *Epistola prima*. Hanc alieno scribit nomine, ut sextam item : reliquas proprio.

(5) *Ecclesia N. Dervensis*. Monasterii Dervensis, quod in saltu Dervensi positum est in diœcesi Catalaunensi. Gallo vulgo *Monsier-en-Der*, quasi monasterium in Dervo. Hujus nomen saepius infra recurret in epistolis Alexandri III; corrupte vero apud Gerbertum epist. 8, *Terdonensis* editum est pro Dervensi.

(6) *Henricum Trec. com.* Ad quem epist. 30.

summo pontifici, fr. PETRUS Cellensis fratrum A pelivit. Cum de his utrinque altercatum in curia Trecensi et ad judicium ventum esset, appellavit abbas. Pro bujusmodi, Pater dulcissime, benignitatem vestram obsecramus, supplicantes ut et nuntium nostrum benigne suscipiat, et petitiones nostras efficaciter exaudiatis.

Ubi causæ postulandæ perorare per se sufficit prærogativa, solet rogantis etiam minus idonea recipi persona. Supplet namque dignitas petitionis insufficientiam postulantis. Prædecessorum vestrorum privilegiis et beneficiis abbatiam Fontis-Ebraldi sublimatam et communitam ubique divulgatum et notum est in partibus nostris. Episcopus autem Pictavensis, cum rigare debuisse et favere plantationi dexteræ Dei et vestræ, nititur libertatem hujus Ecclesie diminuere, et contra privilegium consuetum abbatissam cogit professionem (7) sibi et obedientiam promittere, quam sibi sedes Petri retinuit. Gloriam itaque vestram alteri non detis; sed omni remoto mediatore, propria benedictione et protectione et abbatissam, et abbatiam ut dignum est, soveatis.

PISTOLA IV.

AD EUMDEM.

[1, 4] Domino ei Patri charissimo ALEXANDRO universalis Ecclesiæ summo pontifici, filius suus PETRUS Cellensis indignus abbas cum omni dilectione obedientiam, voluntariam subjectionem.

De multa bonitate vestra plurimum confidens, etiam pro negotiis aliorum vobis aliquando scripsi. Nunc vero in propriis vestrum, Pater sanctissime, cogor expetere pium auxilium. Est autem hujusmodi pro necessitatibus Ecclesiæ nostræ negotium. Habemus prioratum apud Cantumerulam (8), in cuius cœmeterio jus sepeliendi omnes qui de castello sunt, et de quibusdam aliis villis hactenus dignoscuntur habuisse. Constat etiam antiquitus non fuisse cœmeterium in castello, dum ibi essent canonici sæculares. Cum autem successissent regulares, ab antecessore nostro impetratum est, intervenientibus comite Theobaldo (9) et Ilatone episcopo Trecensi, quatenus ibi fieret cœmeterium, tantummodo ad sepulturam canonicorum et conversorum suorum. Abbas autem cum canonicis suis contra pactum veniens, illos etiam, qui tam jure quam pacto in cœmeterio nostro sepeliri debuissent, se-

JACOBI SIRMONDI NOTÆ.

(7) *Abbatissam cogit profess.* Vetus hæc inter illos controversia, ut docet Sugerii abbatis epistola ad Eugenium III. Adriani sane IV exstat in tabulario Fontisebraldi rescriptum, quo statuit, ut abbatissa professionem episcopo Pictavensi et obedientiam ea lege præstet, ut episcopus monasterio nihil oneris imponat. Ex quo quidem apparet, aut moniales decreto pontificis non statim paruisse, aut epistolam hanc non Alexandro scriptam fuisse, sed Adriano ante ejus rescriptum.

(8) *Prioratum apud Cantum.* Cui titulus a S. Sereno, epist. 72. Inde et prior de Cantumerula apud Saresberiemæ epist. 415. Sita est hæc Cella (sic enim appellant) propter Cantumerulæ castellum in pago Tricassino. In castello autem ipso monasterium regularium S. Augustini, quibuscum hæc Celensibus de cœmeterii jure contentio.

(9) *Comite Theobaldo Magno,* de quo epistola sequenti, ad quem D. Bernardus complures.

(10) *Dom. Guillelmo.* Quartus hic Theobaldi Magni comitis Campaniæ filius, et regii sanguinis nexu,

Trecensi et ad judicium ventum esset, appellavit abbas. Pro bujusmodi, Pater dulcissime, benignitatem vestram obsecramus, supplicantes ut et nuntium nostrum benigne suscipiat, et petitiones nostras efficaciter exaudiatis.

PISTOLA V.

AD EUMDEM.

[1, 5] Venerando Patri et domino Dei gratia universalis Ecclesiæ summo pontifici, frater PETRUS Cellæ sancti Petri Trecensis humilis abbas, quidquid potest.

Qui nostram humilitatem alicuius momenti apud sublimitatem vestram reputant, utinam spei suæ fructum in effectu precum suarum inveniant. Hinc enim et vestra benignior apparebit dignatio, et nostra confortabitur de vobis gloratio, et amicorum pro impetratis gratiosior erit exsultatio. Amici nostri, imo veritatis et honestatis, sunt isti, R. archidiac. et magister H. qui pro præpositura Suessionensis Ecclesiæ D. Guillelmo (10) concedenda, pietatem et providentiam vestram adeunt. Guillelmus vero iste quam de inagno genere, imo quam de bono sit, vel cuius filius fuerit, exprimerem, nisi virtutes et probitatem patris ejus in omni genere virtutum adhuc in curia Romana spirare sperassem. Certe quod optabilius est, nec ramusculus ipse a radicis pinguedine paternæ degenerat. Talem itaque suscitare in Ecclesia Dei cum omnipino expediat, quia multi insurgunt adversus eam dicentes: Non est salus ipsi in Deo ejus; non respuat dextera Dei et B. Petri, et vestra, quia faciet fructum juxta genus suum; quod omni obsequio et obedientia semper obtemperaverit præceptis curiae Romanæ et summorum pontificum. Habet autem et duo brachia præclara et fortissima, quibus poterit relevare incurvantem, et rebellare refrenantem, quibusque umbraculum Dei protegat a turbine et a pluvia. Comes Henricus, et comes sive dapifer regis Theobaldus (11), hi fratres ejus sunt, et erunt ei in omni auxilio et consilio. Valete.

Magister H. vir apud nos probatæ honestatis mandato.

D et rerum gestarum gloria clarissimus, avunculus enim, tutorque fuit Philippi regis Angusti. Huic vero ecclesiasticarum dignitatum, quas plurimas et maximas gessit, exordium non fuit præpositura Suessionensis; nam alias superstite patre jam attigerat, ut docet epistola 271 Bernardi. Posthæc episcopus fuit Carnotensis, tum etiam Senonensis, deinde Remensis, ac S. R. E. cardinalis et legatus in Gallia.

(11) *Comes dapifer Theobaldus.* Comes Blesensis, dapifer Ludovici Junioris, ac postea Philippi Ang. regum, quo munere in aula functus est post Radulfum comitem Viromanduorum. In diplomate Ludovici ejusdem pro cœnobio S. Dionysii. *Actum publice Meloduni anno Dominicæ Incarnationis 4154 astantibus in palatio nostro quorum nomina substituta sunt et signa. Signum Theobaldi Blesensis comitis dapiferi nostri. S. Guidonis Buticularii, S. Matthæi camerarii, S. Matthæi constabularii.* Data per manum *Hugonis cancellarii.*

gistrum I. clericum nostrum et amicum nostrum docuit, et multa bona ei fecit. Hunc vobis attentissime commendamus.

EPISTOLA VI.

AD EUGENIUM III PAPAM.

[1, 6] Domino et Patri Dei gratia summo pontifici Eugenio (12) humilis conventus Sancti Mevenni (13), humilem cum omni subjectione salutem.

Ad sinum vestre pietatis qui debita humilitate recurrat, non solum materiae lenitatis blandimenta, sed et paternae sollicitudinis solet invenire indubia tutamina. In manu namque vestra est post Deum Pax omnium simul Ecclesiarum et nostra. Vestram itaque, Pater piissime, rogamus adesse benevolentiam pauperculae Ecclesiae nostrae; et ne longiori tempestate convellatur, divinitus indulta auctoritate ventis et mari silentium placeat vobis maturius imperare. Ut itaque vehementius et celerius vestra erga nos moveatur clementia, nostra breviter nova et antiqua intimamus pericula. Religionis disciplina et servor monachici ordinis, tam nostra quam abbatis negligentia, olim in Ecclesia nostra in unum intepuerat. Zelo itaque zelatus pro domo Dei Israel sanctissimæ memorie Lucius predecessor (14) vester mandavit humilitati nostræ, et venerabili episcopo nostro Joanni, studiosius ordinem reformatum, disciplinam renovare, et insolitam tumultuationem resecare. Ejus itaque nos tam præcepto quam grata exhortatione ab obediendum inclinati, ut verum fateamur, ad radicem arboris securim extendimus; et abbatem negligentem excidi voluimus, ut vigilantiores recipemus. Sic domine et venerande Pater fuerat, nisi totius malignitatis repertor Sathanas rursus adversaretur, et nisi domini archiepiscopi Turonensis facies et sententia justa circa hoc neglegi perverse mutaretur. Namque electionem nostram prius laudavit, et vestra auctoritate confirmavit, quorundam vero malignantium postea ductus, ne dicamus seductus, machinationibus, nulla rationabili existente causa, aggravavit erga nos et pastorem nostrum consilium suum, volens et consulens illi gregem dimittere sibi commissum. Gravamen itaque injuste sibi imminens abbas dum attendit, vestram recte audientiam appellavit. Post hanc autem appellationem, quidam de familia ar-

JACOBI SIRMONDI NOTÆ.

(12) *Eugenio P.* Eugenius III non solum ante Alexandrum III sedet, ad quem epistolæ superiores; verum etiam ante Anastasiū et Adrianū, quos Alexander secutus est. Quare qui has epistolæ dīgessit, ordinem temporum non usquequaque retinuit. Quod multis deinceps exemplis patet. — Auctores Historiæ litterariorum Galliarum. t. XIV, p. 243, priores quinque epistolæ eidem Eugenio directas censent, et Alexandri nomen amanuensis oscitantia positum. EDIT. PATR.

(13) *Conventus S. Mevenni.* Cœnobium est ordinis S. Benedicti apud Maclovienses in Armoriciis. Itaque qui in hac epistola nominatur Joannes episcopus, episcopus est Macloviensis, ad quem noster epist. 16.

(14) *Lucius prædec.* Lucius II, Cœlestini II successor, decessor Eugenii.

Achiepiscopi et de mensa ejus, insecuri et persecuti sunt abbatem nostrum, ita ut unum de monachis, unum de clericis suis cum equis et quibusdam caperent et turpiter tractarent. Eapropter vestram efflagitamus, pater et pastor universalis Ecclesiæ, gratiam, ut oculo pietatis nostram attendatis misericordiam, et causam nostram sinatis, imo præcipiat tractari non in archiepiscopi curia, sed in qua ex sequo nostra audiatur et ejus justitia, seu injustitia. Excusat autem abbatem nostrum, quod nequaquam vobis se presentaverit, tam illata injuria quain corporis gravis infirmitas.

EPISTOLA VII.

AD ROLANDUM ECCLESIA ROMANA CANCELLARIUM.

[1, 7] Domino et Patri charissimo Rolando cancellario (15) sanctæ Romanæ Ecclesiæ, frater PETRUS indignus abbas Trecensis monasterii, id modicuum quod est et quod potest.

Nullis meritorum suffragiis subnixus, sed sola bonitate vestra confisus, nostris vestram adesse dignationem petitionibus deposco. Arctius siquidem verbum præmissionis vestre per nuntios nostros acceptum in corde reponens, tanquam mihi obligatam ipsorum jure personam vestram teneo. Ut itaque in causa de ecclesia de Villa Mauri (16) contra injustitiam canonicorum pro nobis valenter assistatis, non remordeat vos conscientia vestra, quia justa est causa nostra. Valete. Parisiensis episcopus exponet vobis tenorem facti.

EPISTOLA VIII.

AD HUGONEM SENONENSEM ARCHIEPISCOPUM.

[1, 8] Venerabili domino et Patri charissimo Hugoni (17) Senonensi archiepiscopo, frater PETRUS Cellensis humilius abbas, se ipsum cum devotione.

Vineæ Christi devastatores uvas, sive ejus ovilis oves lupi rapaces toto die devorant, pede conculant, manu dilaniant, et vestra, benignissime Pater, vigilantia obviare dissimulat? Quare non attenditis quid pro officio, quid pro sponsione, quid pro dilectione, summi pastoris ovibus magnus pastor debetis? Certe defensionem, certe instructionem, certe sollicitudinem. Sed qualem, vel quantam? Sine dubio quantum Christus, qualem Petrus. Christus enim diligit usque ad mortem: pascit Petrus secundum triplicem pastionem. Verbis namque,

JACOBI SIRMONDI NOTÆ.

(15) *Rolando cancellario.* Illi ipsi qui pontifices postea renuntiatus Alexandri III nomen gessit. Scripta igitur epistola Adriani IV pontificatus, proinde series interpolata, ut monuimus.

(16) *Ecclesia de Villa Mauri.* In qua prioratus alter monasterii Cellensis in eodem pago Tricasino.

(17) *Hugoni Senon.* Qui vir, quantusque fuerit, declarat epistola cleri Senonensis de ejus electione scripta episcopo Carnotensi. *Elegimus, inquit, nobis in pastorem et pontificem dominum Hugonem præcentorem nostrum, a parentibus Christianis et Deum timentibus nobiliter editum, virum strenuum, modestum, mansuetum, disciplinam ecclesiasticis competenter eruditum, religiosis personis amoris et humanis exhibentem officium, et quæ sequuntur.*

exemplis et miraculis pavit animas fideles Petrus. Non omnino cuilibet pastori impossibile est, pabulum divini verbi oibus suæ curæ apponere, exempla bona demonstrare; sed grave valde est, miracula antiquorum resuscitare. Quod si supra homines hujus temporis sit patrare miraculum, sufficit nobis fidele propugnaculum. Vobis siquidem in Petrodictum est: *Pasce agnos meos (Joan. xxi)*, sana scilicet doctrina. Vobis rursum dictum est: *Confirmata fratres tuos (Luc. xxii)*, bono utique exemplo. Nihilominus claves regni cœlorum tenetis, ut hædos excludatis, et agnos admittatis. Interim in agro mundi, dum agnus et hædus simul habitant, hædus injustior extollitur, agnus innocentior op̄ primitur, dum enim superbit impius, incenditur pauper. Quamobrem Sara, id est patientia Ecclesiæ, adversus Abram, id est pastores suos, conqueritur, quod Ismael secundum carnem ludat cum Isaac promissionis filio, cuius querimonie divinum jungitur mandatum: *Ejice, inquiens, ancillam et filium ejus (Gen. xxi)*. Utinam, amantissime Pater, Ismael nostrum juxta domini papæ preceptum egesset! fiat tamen non mea, sed vestra voluntas. Sacrum nempe secretorum vestorum impudens perscrutator non attingam, sed humilis supplicator. Fortassis longa temporis dispendia resarciet plena et perfecta justitia. Si ad diem illam datam probationes vel testes ducere mecum debeam, si placet, remandate. Valete.

EPISTOLA IX.

AD EUMDEM.

[1, 9] Venerabilis domino et patri Huconi Senonensi archiepiscopo, frater PETRUS humilis abbas Cellensis, se ipsum cum devotione.

Si patienter dominus meus servo suo, ubi poena debetur, plagas amicales admoveret, et ubi justitia debetur, præmium rependeret, tam facile confiterer culpam, quam secure sperarem veniam. Prius tamen quam pelagus formidabilis censuræ ingrediar, an accusem, an deplorem sortem, qua luc delatus serenitatem vestram, sive merito, sive immerito, obnubilatam in me audio, satis anxie delibero. Quomodo enim non accusare vel potius execrari casum illum debeo, per quem tantum casum sentio? Pereat omnis casus, a quo amicitiae infertur D occasus. Sit solitarius, nec laude dignus, qui venias interrumpens dilectionis inimicitarum conglomerat virus. Rursus, deploranda forte potius est sors illa, quæ cogit utrumque in præcipituum, ut scilicet vel pruinam fugiens incurrat, vel arcum æreum, juxta illud Amos: *Dies, inquit, Domini te nebra et non lux; quomodo si fugiat vir a facie leonis, et occurrat ei ursus, et ingrediatur domum, et inni-*

JACOBI SIRMONDI NOTÆ.

(18) *Pro Petro de Tornella*. Desponderat is sibi Hawidein, neptem Petri Cellensis. Quod matrimonium nonnulli, atque in his Hugo archiepiscopus, quasi inter consanguineos initum improbabant; Petrus contra impedimentum conjugii nullum agnoscet. Qua de re iterum hoc libro epist. 19 et 74.

A tatur manu sua super parietem, et mordeat eum coluber (*Amos v*). Ecce amici et domini offendit maiestatem, si stetero pro Petro de Tornella (18). Ecce iterum frater dissipantis opera sua appellor, si quod bona fide, titulo justo, et more ecclesiastico a me factum est dissimulavero. Hinc civile jus, inde jus naturale de me conqueritur. Sed quid? Civilia nunquam naturalia corrumpunt. Dicatur ergo mihi, imo non mihi, sed de me dicitur: Hæc cuncte est Cellensis religio? hæc cuncte est veritas? hæc cuncte est fama? Ecce quomodo adulterium, imo incestum sovet; ecce quomodo carnem suam diligit, canones et Evangelium contemnit; ecce quomodo iniquitati patrocinatur. Non a vobis, sed a vestris, charissime Pater, ista adversum nos dicuntur. Vicem quidem mentiendo, et certe vera dicendo, reddere possem; sed infrenat linguam meam sanctissimæ reverentiae vestræ auctoritas, et conscientiae meæ professionisque non rumpenda integritas. Victoriosissimo enim triumpho tripudiat adversarius, si de castris patientiae et humilitatis ad cuneum me provocat impatientiae et falsitatis. Tunc certe solummodo me suparatum zetimo, cum irritatione quacunque terminos religionis transgredior. Audiant igitur, audiant obrectatores mei. Carnem quidem meam diligo, sed post spiritum carnem diligo, sed secundum Apostolum: carnem diligo, sed non supra modum. *Carnem tuam*, ait Scriptura, ne despexoris (*Isa. lvi*). Beatus quoque Gregor. dicit: Sunt quidam qui diligunt, sed per affectum cognationis et carnis, quibus sacra eloquia non contradicunt. Et Apostolus: *Nemo unquam carnem suam odio habuit (Ephes. v)*. Nos, inquit æmuli mei, diligendam carnem concedimus, sed non contra iustitiam; adversatur autem prorsus iustitiae adulterium sive incestus. Nihil verius. Sed ego incestum ignoro, matrimonium legitime factum agnosco. Convocavi namque seniores, quos conjunctim et separatim, publice et privatim diligentissime examinavi, nec impedimentum conjugii advertere ex verbis eorum potui. Testes quoque qui nunc profunduntur, alter est minus idoneus propter apparensem odium, alter propter causam reticendam usque ad suum locum. Non itaque Evangelii seu canonum contemptor iniquitatem patrocinandam suscepit, qui de lege Domini iota unum aut unum apicem pro temporis opportunitate volens non præterivit.

EPISTOLA X.

AD ALANUM ANTISSIODORENSEM EPISCOPUM.

[1, 22] Domino et Patri suo charissimo ALANO Antissiodorensi episcopo (19), frater PETRUS indignus abbas Cellensis, salutem.

Verum est quia caro et sanguis regnum Dei non

(19) *Alano Antissiod. episcop.* Flandro Insulensi, ordinis item Cisterciensis. Hic Aripatorii ante monasterii primus abbas fuerat in agro Tricassino. Inde ad cathedram Antissiodoreensem proiectus cum fuisset, post aliquot annos sponte abdicavit, et ad claustrum rediit Clarevallense, ubi situs est.

possidebent. Scio, nec de ignorantia excusor. Ambiguo tamen, virtus pietatis in una eademque causa cum affectu carnis concurrens, utrum æque pondere vel præponderet ad meritum. Sine merito namque est sola carnis affectio, aliquando tamen cum exuberat, oneratur merito, sed utique malo. Sequax denique cum fuerit pietatis, honoratur merito, sed bono. Ubi autem prævia, tunc in ambiguum replicitur sententia. Semitas cordis mei ad plenum investigare obstante varietatum caligine nequeo, quantum minus apprehendere? Sic astans turba phantasmatum cordis mei audit in interioribus, sic resert foris sensibus rem ut est exquirentibus. Ad quid hec quasi parabola, vel potius ænigma? ut his qui foris sunt, et de his quæ intus sunt judicant, satisfaciam; neptis nostræ causam non affectu solo carnis me fovere, sed in spiritu veræ pietatis et justitiae. Absit a sensu meo, imo a vestro, propter carnalem supradictæ neptis copulam, meam æternis condemnare ignibus animam! Quod procul dubio facerem, si matrimonium illegitimum defenderem. O domine, et semper pater, quando autem volueritis, amice charissime, qua ascendit spiritus ille infidelitatis ad sanctam animæ religiosæ sedem, ut fidem duobus in honestissimæ vita et famæ haberetis, et de amici expressa vobis veritate hasiaretis? quæ spes amicitiæ in me potuit subsistere, cum mihi non crederetis, et contra me testes falsissimos recipieretis? Plane contra veritatem, quam retinere me jam in aure persuaseram, eorum recepistis verbum, certe qui pro vino venderent justum, et pro buccella venderent si haberent primogenita? Sic læsistis amicum? Sed dicitis: Non est amicus qui obstat in via veritatis. Plane, inquam; ita est ut dicitis. Sed ubi est veritas? In numero? Plures enim fuerunt. In ebriosis et impudicis? Tales siquidem sunt in conductis gratia, pretio et timore. Ita esse, et si modo non affirmo, saltem præsumptione maxima in hoc credere attrahor. Pessimus inimicus et adversarius est nepti et marito ejus avunculus, qui equitatur suis et sumptibus forte illum deduxit. Archiepiscopus abbati, ut canonicos mitteret scripsit; rebelles et inobedientes sero præcedenti abbati ad tempus reconciliavit, donec fieret iniquitas. Estne hic veritas, vel saltem species veritatis? Fitne tædiosa vobis hæc nostra relatio? Certe ut salvo gratiæ vestræ residuo dicam, tædiosius in sententiâ processistis. Dilationem cur negasti? Quæ lex, quis canon hoc docuit, ut vel una dilatio in hoc articulo negaretur? Ne dicatis, quod eam habuerim, quia ante a vobis nec petii, nec impetravi. Prolati namque in iudicio vestro, ita ut supputatio matrimonii fieret, nunquam fuerant. Excessisti, domine, excessisti. Præsumptuosus nimurum in hoc videor, quod sic ad unguem episcopum abbas, dominum

A servus de viis suis redarguere, imo ab eo ei illatas injurias referre præsumo. Non facerem hoc, nisi auroram resurgentis amicitiæ per concessam et recognitam in litteris vestris culpam aspicarem. Nunquam petenti venia deneganda, nunquam pœnitenti culpa imputanda. Satis est. Mittite gladium in vaginam. Valete.

EPISTOLA XI

AD HUGONEM SENONENSEM ARCHIEPISCOPUM.

[i, 11] Charissimo domino et patri Hugo Senonensi archiepiscopo, frater PETRUS humilius abbas Cellensis, spiritum gratiæ et precum.

B Si patientiam monemur pro contumeliis rependere, quid pro gratia nisi gratiam tum lege naturæ, tum præcepto ipsius gratiæ debemus reddere? Etsi inimicos jubemur amare, amicis quid hæc facere? credo tanquam ipsam animam nostram suscipere. Certa vero perfecti amoris hæc est testificatio, si amicorum utilitati omnis postponatur occasio. Sic, sic magister M. non oblivious factus beneficiorum vestrorum, ne vobis materia scandalis fieret, et iram regis vestra sublimitas persentiret, tulit in se periculum inimicitarum, et ab honore interim, donec iniquitas transiret adversarii, gratia vestri cessavit. Foveat itaque pietas, quem sic inventit non ingratum alumnum experientia vestra, ut contemperet malitiam molestiarum, quia spem habet in protectione alarum vestrarum. Tenerius namque, imo secretius dicitur diligi, cui nihil charius sicut pace benefactoris sui. Facite ipsi pacem, qui nec paci suæ pepercit propter vestram pacem.

EPISTOLA XII.

AD THEOBALDUM (20) CANTUARIENSEM ARCHIEPISCOPUM.

[i, 12] Domino et Patri charissimo THEOBALDO Cantuariensi archiepiscopo et apostolicae sedis legato (21), frater PETRUS Cellensis qualiscunque minister, se ipsum.

C D Facti sumus sicut consolati in consolatione sanctitatis vestræ tam affectuosa, tam pia, tam plena dulcedine et charitate. Reddat vobis Spiritus Paracletus consolationem suam, quia respicere-voluntis misericorditer desolationem nostram. Suscitavit siquidem corda nostra etsi non emortua, jam tamen elanguida, susceptio litterarum vestrarum. Dominis et amicis nostris hanc vestram dignationem et consolationem ostendimus, et in spe viva ex consilio eorum fratrem nostrum peregrinari ad vos destinavimus. Excipite illum, et quia vix in terra sua habet, ubi caput reclinet, interim sub umbraculo vestro militet, et stipendia ad nos condigna reportet. Considimus equidem in bonitate Dei, et in liberalitate animi vestri, quam jam prægustavimus, quia, quamvis in baculo suo transeat mare vestrum, tandem sit redditurus in turmis multarum benediction-

JACOBI SIRMONDI NOTÆ.

(20) Male apud Sirmondum, Thomam. Edit.
PATR.

(21)

Apost.

sedis legat.

Legatus per universam

num. Discretione sanctitatis vestræ fratres nostros et nuntios disponendos committimus. Dominum quoque et confratrem in omni oratione et beneficio omnium vestrorum vos annumeramus. Valete.

EPISTOLA XIII.

AD JOANNEM S. MACLOVII EPISCOPUM.

[i, 15] Domino suo charissimo et præcordiali JOANNI episcopo Sancti Maclovii (22) et Mag. presbytero, id quod est et potest.

Charitas patiens, quod mirum dictu est, pene ad impatientiam me impellit. Vidi nuntium vestrum litteris vacuum. Quid hoc est? Estne tanta penes vos chartarum charitas, an sic vestra abbreviata est charitas? Quæ tam importuni silentii causa? quæ ratio tam mutæ et silentis dilectionis? Estne, inquam, in Britannia consecutivum, ut ubi sterilitas panis, sequatur et defectio cordis? Et panis quidem inopiam audiebam, sed famem ex hoc virtutum succedere non credideram. Certe farina et lecythus olei apud Sareptenam, ex quo Elias noster Dominus Macloviensis de his gustavit, non defecit. Certe non deluit amor noster, sed influit, atque effluit. Et episcopum quidem excusat instantia laborum, sollicitudo ecclesiarum, compassio afflictorum, reconciliatio dissidentium. Clericum quid vetat scribere, quid impedit amicales litteras componere? Desidia? sed hanc studium excludit. Insipientia? sed est ei litterarum peritia multa. Ignorantia nuntii venientis? sed mihi nudam salutationem detulit. Festinatio properantis? sed plura sigilla pluribus attulit. Restat igitur condemnanda in amicis negligentia. Quia igitur oleum non misistis, aculeum sumitis; et ideo pungi meruistis, quia ungere noluistis. Valete. Si valetis bene est nobis.

EPISTOLA XIV.

AD EUMDEM.

[i, 16] Domino et Patri charissimo, JOANNI episcopo Sancti Maclovii frater PETRUS Cellensis in dignus abbas cum Apostolo in labore et ærunita.

Etiam in amaritudibus nostris congratulatur anima mea: quanto magis in consideratione gloriose remunerationis? Reminiscor siquidem, quia justi in paucis vexati, in multis bene disponentur, et quia reddet Deus mercedem laborum sanctorum suorum, atque ideo non vana est exspectatio, ubi tam certa, tam grata, tam larga speratur remunratio. Certa, propter veritatem promittens; grata, propter consummationem desideriorum recipientis: larga, propter exuberantiam bonorum coelestium in communicatione Divinitatis. Hæc reposita est in sinu nostro, hæc inter ubera commoratur, bac quælibet insipida condiuntur, et gustui nostro commodissime aptantur. O animæ meæ dulcedo, quid putatis Do-

JACOBI SIRMONDI NOTÆ

(22) Joanni episc. S. Maclovii Ordinis Cisterciensis monacho. Ilunc Maclovienses ut sanctum venerantur, inditoque a clathris ferreis qui tumulum ejus ambiunt, cognomine, S. Joannem de Craticula vocant. Exstat ejus nomine ad D. Bernardum epit-

A minum non attendere miserias compeditorum suorum? non librare in statera æternorum judiciorum poenas aliorum? Nonne, inquit, hæc condita sunt apud me, et signata in thesauris meis? (Deut. xxxii.) Miror vos scrisisse destitutum patrocinio sanctissimi Patris nostri Bernardi (23), cum sancta ejus anima nexibus expedita mortalitatis non charitatis, corruptionis non afflictionis, necessitatibus non voluntatis, liberius aures nunc appelle piissimi conditoris pro necessitatibus populi sui. Non mihi contingat de gratia ipsius diffidere, de orationibus ejus desperare. Nimio vobiscum loquendi tantus desiderio vix finem facio. Quem enim sine fine diligo, numquam satis ei scribere, numquam satis loqui valeo. Conventus noster vester est populus, noster populus vester est, anima mea vestra est. Utinam viderem vos antequam transiretis ad montes illos, ubi tot sunt, sicut audivimus, pericula. Valete.

EPISTOLA XV.

AD EUMDEM.

[i, 17] Domino et Patri charissimo JOANNI episcopo S. Maclovii, frater PETRUS Cellensis humilius abbas salutem.

Nullius ponderis esse in vera dilectione pomposa et vacua verba, novit qui charitatis medullam vel semel degustavit. Vanum certe et abjiciendæ simulationis reputo, replicare quotidie elementa amoris, ex quo fideliter et firmiter inhæserit radicibus cordis. Metuentes quoque aut dissidentis est, semel natos amores sermonibus velle renovare, quasi vestutas temporis soleat veros affectus antiquare. Non est imaginis Dei ab inceptis deficere. Non est virtutis vacillare, non est solii gloriae Dei in diversum se vertere. Annon anima ad imaginem Dei? annon charitas virtus Dei? annon pura conscientia thronus Dei et sedes divinæ majestatis? Ut ergo Filius, qui est imago Patris, quæ creavit semel, semper gubernat et regit, utque virtus Altissimi quæ operatur confirmat et perficit, ac denique incommutabiliter manet incommutabilis Dei sessio æternitatis; sic radicata charitas et fundata de corde puro et conscientia bona et fide non facta, ignorat occasum, corruptionem abominatur, mortem in æternum non gustat. Hæc interno coagulo suo conjunxit nostros ad invicem affectus. Hæc inter nos mediatrix, unico amore dulciter, fortiter et sapienter animas nostras conglutinavit. Hæc in me vestrum tenaciter amorem effudit, et ad vos non dissipiliter me ipsum totum diffundendo contulit. Ad unicum itaque et speciale amicum singulare spe et unica rogo accedat vestra sanctitas. Non diffidat suum esse, cuius veraciter affirmat se esse. Nisi autem justa occasione inventa ad nos ve-

stola inter epistolæ Nicolai Clarevallensis, in qua fr. Joannes episcopus Aleiensis inscribitur, hoc est S. Maclovii.

(25) P. N. Bernardi. Pertinent hæc ad annum 1153, in quem incidit mors S. Bernardi.

nerida, satis de integritate amoris nostri diminutis. A bens quibus pullos suos protegat, nec cibos quibus alat. Non aliud exigimus a vobis, nisi compassionem, orationem, et consilium. Necessum est autem qui non habet ubi caput reclinet, Aigulsum peregrinari apud amicos et vicinos, et rogare quod solebat rogatus et etiam non rogatus præbere. Si venerit ad partes vestras, suscipite illum, tanquam illum. Nostis enim quis sit, et quo honore dignus sit. Ad episcopum Carnoleensem super hoc scribite, et ad alias quibus visum fuerit.

Valete.

EPISTOLA XVI.

AD EUNDEN.

[i, 18] Domino et Patri suo charissimo JOANNI episcopo S. Maclovii, frater PETRUS humilis abbas Cellensis quidquid est et potest.

Miramur plurimum tanto nos tempore insalutatos a vestra paternitate quasi neglectos fuisse. Non credimus ex negligentia, sed forte ex inevitabili occupationum vestrarum pondere sic oppressum simus. Clamamus tandem post vos. Volumus enim suscitare compassionem in vobis passionibus nostris. Neque enim superbe est ab amicis celandum forte subrepens infortunium, nec contumaciter aut inverecunde petendum necessarium sufragium. Præcavendum utrumque, sed maxime alterum. Vitium utrumque, sed alterum patienti gravius, alterum roganti ignobilius. Malum namque absconditum urget acrius, indecenter prolatum nocet aperitus. Exoritur aliud a nobilitate naturæ, aliud a necessitatis propagine. Semper enim natura suis est contenta limitibus; necessitas vero nullis reprimunt legibus. De ventre igitur necessitatibus primogenita importunitas exorta, cum sit molestissima, quia manus ejus contra omnes et manus omnium contra eam, amicorum nunquam fores cum tædio pulsare; nunquam aures debet aggravare. Quam obrem propensa deliberatione apud me ipsum decerno potius quantiscunque malorum confodi jaculis, quam quieta charorum silentia interrumpere congestis clamoribus et lacrymis. Suggestere tamen eis, quorum fides certa, amicitia indubitata est, non recuso tam dolores nostros quam necessitates, ut si satisfaciām propriæ conscientiæ propter compendiosam insinuationem, et non lèdam amicum propter contemptorā inordinationem. Utrumque siquidem suggerens operatur, et necessitatem non tacet, et amicitiæ leges retinet. Nam amicum vel non habet vel habere se non credit, qui fortunam suam quamcumque dubitat aperire, aut instat tantum ab invito aliquid extorquere. Amicus nempe tam omnium consiliorum dicitur esse conscientius quam coadjutor in omnibus voluntarius. Nolo igitur aures vestras implere vastissimis querimoniis, quia stultum est verbis velle explicare, ubi videtur res fidem dictorum exceedere. Hæc idcirco diximus, quia nobilis Beati Aigulfi ecclesia (24) cum omnibus appendiciis suis prorsus ita combusta est, ut nihil præter libros et sanctorum reliquias ab incendio servaretur. Præterea et domos quamplures in cineres redegit, ut sic appareat in oculis nostris tanquam gallina, depilata, nec pennas ha-

mis deformato, missæ sunt pro illorum temporum more in varias horas S. Aigulfi reliquiæ ad stipem pro ecclesiæ restaurazione corrogandam; ea enim est Aigulfi peregrinatio, quam designat iterum epist. 68.

EPISTOLA XVII.

AD EUNDEN.

[i, 19] Domino et Patri suo charissimo JOANNI Dei gratia episcopo Sancti Maclovii, frater PETRUS humilis abbas Cellensis, quidquid est et potest.

B Valet dominus meus? vivitne? Ut credo, aut est alteratus episcopus S. Maclovii, aut alter a meo est substitutus. Si alter est, mirari, sed non dolere desino, tacuisse qui loqui non poterat. Nam surrexit novus rex, qui non noverat Joseph. Si alteratus, nolle tantam fuisse alterationem, quæ pene accedit usque ad alienationem. Alienum ab amico equidem est, posse dissimulare æque et simulare. Non simulat amicus propter veritatem; non dissimulat, sed propter respirantem ardorem. Non simulat, quia sine adulatione; non dissimulat, quia efficacissime naturæ existens, sepulcrum reputat latibulum, et non apparere existimat non esse. Non simulat, quia nescit; non dissimulat, quia non potest. Hoc ignorat, illud non potest. Quid enim non novit sapientia? quid non potest charitas? Quocunque est, scire novit sapientia; quocunque est posse, potest charitas. Non est scire, scire adulari; non posse, posse obliisci. O amice et domine charissime! oblivioni an negligentia vestrae objiciam quod abstinuitis tam a visitatione, quam a salutatione amicorum vestrorum ultra tempus et modum? Estne oblivio? Si est, digna est morte, digna exsilium, quæ diadema tulit de capite episcopi, quæ de pectore rationale sustulit. Oblivio delet et quod præcipuum est in honore, et quod fortissimum est in robore, id est sapientiam et memoriam. Rea ergo crimine tantæ majestatis capite plectatur, et non D memoretur ultra. Negligentia quid? Non sit dissimilis in poena, quæ præcessit in culpa. Talis etenim soboles tali de matre nascitur, ex negligentia scilicet oblio.

Doleo, Pater, excessum memoriarum vestrarum jam per biennium suspensæ, decessum quoque amicitiæ quatriduanæ multo tempore quasi sepultæ. Nuntium saltem suæ salutis, si vivit, mittere debuit amicitia, cuius naturæ est semper odisse absentiam et

JACOBI SIRMONDI NOTÆ.

(24) B. Aigulfi ecclesia. Sub oppido Pruvino in Senonum diocesi, a Theobaldo Tricassium comite prætentibus aucta, et accitis e Cellensi cœnobio monachis addicta sub annum Christi 1048. Hinc prior S. Aigulfi epist. 35. Ille prioratu fortuitis flam-

mis deformato, missæ sunt pro illorum temporum more in varias horas S. Aigulfi reliquiæ ad stipem pro ecclesiæ restaurazione corrogandam; ea enim est Aigulfi peregrinatio, quam designat iterum epist. 68.

appetere amicorum præsentiam. Forte occupata est; sed non est grata quæ semper est occupata. Mansio est, imo possessio, non occupatio, quæ jupiter retinet. Quis ergo ita præoccupavit, quinimo possedit amicitiam, ne libertate, ne ingenuitate sua utens radios suos ad nos usque expanderet ab annis prioribus? Suntne montes interjacentes? Estne mare interjacens? Estne chaos magnum firmatum inter nos et vos, ut hi qui volunt hinc transire non possint, neque inde huc transmeare? Sed charitas omnem altitudinem exsuperat, sed aquæ multæ non possunt extinguiere charitatem; sed non est qui se abscondat a calore ejus, sed attingit usque ad finem fortiter, et disponit omnia suaviter. In episcopo nostro, imo sancto et Dei famulo quis te, o dilectio, debilitavit? quis obumbravit? quis hebetavit? quis commutavit? In aliis quidem non ignoro superveniente iniquitate virtutem tuam debilitari, oblivione lucem tuam obumbrari, negligentia acumen tuum hebetari, totam substantiam posse odio commutari. Sed in sancto quæ iniquitas? in studioso quæ oblio? in viro sorti quæ negligentia? in pleno charitate quod odium? Si quando enim tepescit, si quando flaccescit, si quando hebescit in sancto charitas, ea quæ extrinsecus sunt accusanda, non quæ intrinsecus. Obstacula enim opposita mentiuntur veritatem superpositæ lucis, caloris et aciei. Oppone gladio ancipiti durissimum ferrum vel lapideum, retrocedit vis impenetrabilis. Murum spissum oppone igni, tardius calefacit. Candela accensæ suppone modium, in luce non gaudebit. Non est præcide putandum non lucere candelam, non ardere ignem, non secare gladium, sed contrariis obstaculis imputandum. Sic sanctorum virtutes a radice sua non evanescunt, sed plerumque propter Sabbatum Judæorum conticescunt. Aromata enim sua interim et in secreto distillant et repensant, ut cum dies opportunitatis illuxerit diluculo in effectum desiderati operis prorumpant. *Æque tamen repensatur et desiderium ardens in otii quiete, et opus fervens in actione.* Acceptat namque Deus opus propter affectum, non affectum propter opus. Magnus, imo longus nobis est iste dies Sabbati, cuius ferias non feriales vel solemnies, sed feriales et oientes reputamus. Negligentia siquidem male olet, diligentia semper bene redolet. Iners Judaizantium pigritia non diligit Sabbatum quia sanctum, sed quia otiosum. *Iesus vero stabat in die magno festivitatis et clamabat: Si quis sitit, veniat ad me et bibat (Joan. vii).* Vere magnus est dies festivitatis. Magnum habet clamorem charitas vestra, jamjam loquatur, imo veniat, imo et accurrat. Desiderat vos anima mea; desiderant vos amici vestri. Ostendite faciem vestram, sonet vox in auribus. Episcopos divites multos habemus, pauperem episcopum querimus, qui non

A habeat ubi caput reclinet. Adhuc penes nos reclinatorium non aureum, sed luteum, in quoaliquando quieviatis, habemus. Et de his hactenus.

PISTOLA XVIII.

AD EUMDEM.

[1, 20] Domino suo et Patri charissimo JOANNI episcopo Sancti Maclovii, frater PETRUS Cellensis qualiscunque minister, salutem quæ est in Christo Jesu.

B Spes quæ differtur affligit animam. Verus amor in patientia sui desiderii quandoque non irascitur commendabiliter superari. Nihil enim pene aliud est in vita hominum, quod quadam arte mitigari non possit. Spes itaque adventus vestri nuntiati quanto uberior amicum laetificavit, tanto amplius ex mora dilationis hactenus affligit. *Æstuat siquidem animus in revolutione fortitorum casuum, nunc hoc, nunc illud reformidans contrarium subite accidisse.* Quid plura? Cogitatio præterit, et cogitatio advenit; morarum vero dubitatio nec ad punctum animo recedit. Alia, inquit, jamjam venit; alia forte non valet. Ista incommoda temporis replicat, illa intolerabile negotiorum pondus anxia suspirat. Ecce quanta caligo, quanta suspicionum tumultatio. Ubi veritas? cujusnam supradictarum cogitationum verior sententia? An forsitan error est, ubi latet quod verum est, et non sententia? Sed adhuc sub judice lis est. Ex multis enim ambiguitatibus, aut vix, nunquam certum aliquid sine doctoris demonstratione elicetur. Renuntiate ergo amicis divinæ circa vos miserationis operam, ut omnimode soluto dubitationis vinculo, indubitanter aut viam sinistram compassionis, aut dexteram apprehendamus congratulationis. Satis enim injuriouse detinatur nobilis animus, si se non præparat mutuis obviare beneficiis saltem æquis passibus. Turpe etiam æstimatio, non omnimodo cavere superari beneficio. Unicum quid et singulare natura, sive creator naturæ, tanquam speciale privilegium imagini sue hoc impressit, quatenus commodius et præstantius haberet stricta æquitatis ratione dare quam accipere. Hanc vobis formam nec rubigo exsilii, nec paupertatis tinea excussit. Ex hac prodidit, quod magna pro parvis, pro vilibus cariora D magnifice repenititis: quinimo solemne donum absque præcedentis comparatione obsequii misit. Species quidem doni carius æstimanda; sed affectio donatoris potius incomparabiliter est compensanda. Quidquid namque aliud datur, in comparatione sublimis animi vilipenditur. Valete.

PISTOLA XIX.

AD THEOBALDUM PARISIENSEM EPISCOPUM.

[1, 21] Domino et Patri suo charissimo THEOBALDO Parisiensi episcopo (25), frater PETRUS Cellensis humillimus salutem.

JACOBI SIRMONDI MOTÆ.

presbyter homilias episcopis multas fecisse dicitur a Genadio.

(25) *Theobaldo episc. Parisiensi.* Qui prior ante S. Martini, ordinis Cluniacensis. Huic sermones Petrus noster componebat quomodo Salvianus

Qui transvadari non potest fluvius occurasantium causarum, tam ab executione mandati vestri me inhibet, quam ab impletione desiderii nostri. Sermones enim de adventu Redemptoris ut compone-rem vobis, id mandato acceperam; sed malitia sollicitudinis suæ etiam raritatem lucis dies præsens adjunxit. Breves enim sunt dies isti ad lucendum, grandes et graves ad occupandum; ita ut non sufficiat diei malitia sua. Novit prudentia vestra, non concurrere quietem contemplationis et distensionem mentis per occupationes sæculi. Coangustatum est pallium utrumque operire, imo utrumque operari non valet. Quamvis enim in fronte duos quis habeat oculos, tamen ab uno eos officio disjungere non valet, ut altero colum, altero contueatur terram: quantum minus unam rationis et ingenii aciem simul ad tam diversa porrigit poterit, ut eadem mente coelestium mysterialiter et terrenorum causas discutiat? Sic domine, sic Pater charissime, saltem nisi clausero, ne dicam si eruero oculum, qui me scandalizat (scandalum enim est mundus querentibus Dominum) revelata facie gloriam Domini, sive faciem Moysi splendidam non contemplabor. Quale vero autem quam credibile est ejus testimonium, qui nec visa, nec auditia loquitur? imo refellendus et repellendus tanquam somnia narrans, qui cæcus et manu tentans sicut talpa; non de Scripturarum contemplatione asserit quæ dicit, sed idola cogitationum et phantasmatum suorum in templo Dei audet statuere. Non est, inquit propheta, *idolum in Israel* (*Num. xxiii*); quia qui in lege Domini die a nocte meditatur, et legis vestigia stricto pede observat, non divinationes cordis, sed mentem legis quando scribit interpretatur. Hæc ad excusandam non meam inertiam, sed oppressam miseriam prelibaverim. De his quæ circa me sunt credere Magistro debetis. Ipse vero narrabit de commotione iræ comitis, quam nobis suscitavit latro ille potius Barabas quam abbas, sive de aliis. Tres sermones de Adventu Domini, et unum de Nativitate orditus sum vobis. Valete.

EPISTOLA XX.

AD ESKILUM LUNDENSEM ARCHIEPISCOPUM.

[1, 23] Domino et Patri suo charissimo Eskilo Lundensi archiepiscopo (26), frater PETRUS Cellensis abbas, omne bonum a Domino Deo.

De superabundanti bonorum coelestium gratia eateus tam vultus quam manus vestræ residunt, ut nisi verecundia his temporibus ab humana re- gione se subduxisset, suffunderentur maximo rubore noti et amici vestri in benedictionum vestrarum largitione. Evidem malum dicere in dando vos

A pluere quam seminare. Nam qui seminat primam in spe percipiendi fructus seminat, deinde non fundit, sed spargit. Postremo non nisi cultæ terra semen suum credit. Horum nihil imitatur pluvia; sed se ipsam ut sic dicam perdit in terra visceribus, ut postea resurgens cum maxima frugum prole afferat fructum tricesimum, sexagesimum et centesimum. Aliud rursus charitatis indicium in pluvia reperto, quia sine delectu rigat secunda et infecunda, fertilem agrum et sterilem, granum electum et germen reprobum. Estne virtutis, an vitii, hæc bonitatis et beneficiorum prodigalitas? Sed hoc Dei, nec aliud in eo invenitur vitium, nisi, quod benignus ad ingratum, largus ad avarum, pius ad impium existit. Ista sua vitia comparant mansuetissimo innumera convicia. Aliquando moti sunt pedes nostri mitissimi David, quia eruperat pluvia mansuetissimi Dei super malos et injustos, ita ut diceret: *Sine causa justificavi cor meum, et lavi inter innocentes manus meas* (*Psal. lxxii*). Exciderat a mente quod in libro Sapientiae dicitur: *Tu autem Deus noster suavis et verus es et sapiens, patiens et in misericordia disponens omnia. Etenim si peccaverimus, tu sumus, scientes magnitudinem tuam. Et si non peccaverimus, scimus quoniam apud te sumus computati* (*Sap. xv*). Ecce cujus imitator reprehenditur, qui de bonitate, sive largitate redarguitur. Annon Ecclesiastes (*Eccles. vi*) in concione sua proprio decreto et sententia, hoc malum aestimat sub sole, ut cui dedit Deus divitias et substantiam et honorem, non habeat in eis protestatem, sed extraneus illas rapiat? Ad quid hæc vobis verborum congeries? Ut ignis perpetuus de sancto altari cordis vestri non deficiat; sed hac congerie magis ac magis convalescat, donec holocaustum vestrum pingue in nebula, in qua habitat Deus suscipiatur, et a cineribus omnium superfluitatum facies altaris ejusdem expietur. Ostium per quod aditus ad Sancta sanctorum patet, de lignis est olivarum; quia procul dubio juxta sacræ fidei tenorem non ei negabitur sanctorum ingressus, qui ab operibus misericordiae non fuerit alienus. Suppresso pudore in auribus domini mei id persuaseri, non mea tamen præsumptione, sed alterius persuasione. Nequaquam tamen difficultis ad persuadendum exstiti, faciei vestræ, sermonis, et totius gestus insignia penes me retinens, nec me in humilitate similem reperisse de filiis hominum conjiciens. Non igitur ei scribere vereor, quem nisi malis et superbis verendum non reor. Et de his hactenus.

Cæterum culpari non debet servus de contemptu mandati, cujus mens et voluntas nulla negligentia

JACOBI SIRMONDI NOTÆ.

(26) *Eskilo Lundensi archiep.* Esquilus dicitur epist. 410, sed Eskilum etiam legimus in epistola Bernardi ad eumdem scripta numero 314. Hic cum ex Urbe in Daniam rediret, captus spoliatusque fuit in Germania. Quæ res dum injuriam missis ad Fridericum imp. legatis, acrius persecutus Adrianus IV, pontifex, cui Eskilius privato etiam nomine

charus erat, exacerbatis hinc inde animis, ansam præbuit schismati quod inter eos erupit, ut docet Radevicus lib. 1. De gestis Friderici cap. 8 et sequentibus. Sed apud Radevicum *Londonensis* vitiouse scriptum est, fudius etiam apud Innocentium III, epistola 321 *Lugdunensis* pro *Lundensis*. Est autem Lundensis civitas Danie metropolis.

revocatur ab impletione voluntatis domini. Ex vestra dignatione in mandato ab anno præterito accepi, quatenus Carthusienses fratres expeterem, et de maturando negotio vestro eos commonefacerem. Erat autem negotium, sicut scitis, quatenus ad vos mitteretur frater Rogerius, ad locum ordini illorum in partibus vestris perquirendum et præparandum. Disposuerat namque in animo vestro plena et perfecta charitatis effusio, nova seminaria de omni genere sacrorum ordinum seminare provinciam vobis a Deo commissam, ut exinde fructus, qui permanent in æternum, eusciperetis; et manipulos justitiae de laboribus eorum ad æterna tabernacula reportaretis. Jam non solum in herbam, sed in spicas Cisterciensis sive Clarevallis ordo ibi multiplicatione fratrum excrevit: nibilominus et religio Præmonstratensis. Quia igitur gustavit et vidi prudentia vestra, quod bona sit negotiatio ista, ad ultiora manum porrexistis, et de illo ordine, qui quasi cherubin, sive seraphin, immediate residenti agno, qui habet oculos septem et cornua septem, in throno gratiae accedunt, gazas vestras exornare voluistis. Ecce factum est ut imperastis. Acquievit sanctus Carthusiensium fratrum conventus justis petitionibus vestris. Evidem res impetratu difficultis, sed quis vobis negaret, quod forte Spiritus sanctus in sancto templo suo suggerebat? Certe nec illi, nec nos diffidimus, servum suum fidelissimum et amicum Domini vos possidere, cuius famam et opera tam præclarissima reclamat mundus. Quod cœpistis tam sancte, tam avide, tamque quodammodo intemperanter præ desiderio animæ, sic effectui mancipate, ut melius sit finis orationis, quam principium. Valete.

EPISTOLA XXI.

AD HENRICUM BELVACENSEM EPISCOPUM.

[1, 24] Domino et Patri suo charissimo HENRICO, Dei gratia episcopo Belvacensi (27), frater PETRUS Cellensis abbas, salutem.

Plus satis egena est beneficiorum recordatio, cuius titulus non inscribitur saltem verbotenus gratiarum actio. Proinde stylo ferreo in ungue adamantino profundæ memorie mandavi manipulos liberalitatis vestræ, ut nulla capitis vertigine vacillare, nullo temporalis revolutionis diluvio absorberi, nulla denique oblivionis rubigine valeant offuscari. Claram, novum, et recens penes me retineo semper beneficium acceptum. Quo animo gratiosus cum acciperem ferebar in dati et dantis devotionem, eo in illa senescentis gloria defæcatione mutato, robustius

JACOBI SIRMONDI NOTÆ.

(27) *Henrico episc. Belvac.* Fratri regis; monachus fuerat Clarevallensis. Monacho itaque, nondum episcopo, scribit Nicolaus Clarevall. epist. 1 et 39. Inde vero ad cathedram Bellovacensem proiectus est anno, ut Siberti supplementum notat, 1149. Exstat Henrici ipsius ad Petrum Cluniacensem expostulatoria, in qua de eo tanquam hujus dignitatis conciliatore conqueritur.

(28) *Octavianus.* Nomen adjectum ex conjectura. Nam in scripto exemplari, quo usi sumus, vacuum

A præparor ad obsequium, verius eliquesco in amorem benefactoris totum animi balsamum. Superaccessit dono vestro vultus hilaris, animus gratus, modus honestus. Et manus quidem larga in beneficium totam se expandit, sed voluntas, in circumstantiis domi se supernensuravit. Quid enim fuit convocare dicesaneos abbates et priores? Quid iterum indicii amoris expressit tam benigna personæ et negotii nostri commendatio? Quis nou est admiratus tam despectam personam a fratre regis sic honorari? ab episcopo Belvacensi sic amplecti? a tanto homine tantillum monachum sic nominari? Non sustinui quæ de me supra efferebantur, præ ruboris verecundia, imo pro veritatis conscientia, quæ admonebat me non esse illum de quo talia dicebantur, fugi, recessi, sed non longe, quia majora pati cogebat instanti necessitate. Necessitate revera pallium erubescientia rejeci, cum amicorum foret ut acciperem intravi. Certo accepi a multis multa, sed a nullo tanta, quanta a domino meo. Vicit notos, vicit alios amicos, vicit omnes vicinos et summa doni, et modulus donandi. Non sum locutus, sed quia veni, optimè recessi locatus. Non enim beneficium rogando, sed veniendo consecutus sum. Prævenit spondens lingua rogantis linguam. Pepercit regia nobilitas teneritudini frontis cito se in ruborem verecundiae conspergentis. Hæc omnia beneficia tua, domine, signata sunt in thesauris meis. Quid ergo retribuam Domino meo pro omnibus his quæ mihi tribuisti? (Psalm. cxv.) me ipsum sine dubio, non contra legem me liberum in servitutem distractabendo, sed servum amicitiae tue in libertatem vindicando. Potius enim libertate ista gaudeo, si servus tuus sum munere amicali, quam libertate qua sum alienus ab officio serviendi tibi. Valete.

EPISTOLA XXII.

AD EUDEM.

[1, 26.] Domino et Patri charissimo HENRICO Dei gratia Belvacensi episcopo, frater PETRUS Cellensis abbas, zelo zelari pro domo Dei Israel.

Hactenus in palestra prælium ignave vires non deposcebat egregias. Satis fidum erat equitare sine lorica, sine lancea, sine gladio. Sed nunc qui habet gladium tollat similiter et loriam. Ecce tempus, D ecce dies, ecce causa, ubi fortissimi Israel gladio accingi debent super femur potentissime. Nam ecce Philistium, qui secundum carnem in baculo arundineo ambulant, de foveis occultæ malignitatis erumpentes, castra innumerabilia, castra fortia, castra fulgurantia posuerunt. Octavianus (28) princeps est JACOBI SIRMONDI NOTÆ.

erat spatium. Neque enim de alio intelligi haec possunt, quam de Octaviano antipapa, qui adversus Alexandrum III stetit, et Victor appellatus est. Sarresberiensis epist. 48: *Ecclesia Gallicana recepit Alexandrum, ab Octaviano recessit.* Huic quidem post quatuor annos mortuo suspectus a schismatibus est Wido Cremonensis, quem Paschalem nominarunt. Sed Henricus eo tempore archiepiscopus Remensis jam erat, non Bellovacensis. Quare in Widonem ista non quadravit.

militiae, ne dicam malitiae hujus qui sine Deo, ut dicitur, pro Deo vult regnare. Ecce ipse non velum templi, sed tunicam Christi, non saccum mortali-tatis, sed soccum majestatis in Christo et Ecclesia iterum rescindere nititur. Hoc abominabilius reputat unitas Catholice fidei, quam perfessionem latet, pedum confixionem et manuum Christi. De perfessione namque redemptio, de confixione compara-ta est nostra liberatio. Sed quid de scissione, de divisione, de schismate, nisi anathematis vibratio, animarum damnatio, morum depravatio? Ecce aqua contradictionis, ubi iurgati sunt filii Israel. Tu vero, domine mi, quid? Sta cum Josue, imo cum Jesu eva-ginato gladio, dic omni transeunti: *Noster es, an adversariorum?* (*Jos. v.*) Habes Alexandrum, imo Petrum, aut potius Christum, qui habet ministros Petrum et Alexandrum. Quis timere poterit cum Ale-xandro potentissimo? quis vacillare cum Petro su-pra petram fundato? quis non superabit cum Christo, cui data est omnis potestas in celo et in terra? Novi in te regiam animositatem, novi contra inflexam injustitiam inflexiblem cervicem; novi ardorem zeli. Age ergo pro dignitate officii, pro sublimitate nativi sanguinis, pro religione ordinis, pro debito Christianæ professionis, quod debes et potes. Multum enim debes: nihilominus et plurimum potes. Satis dictum est sapienti. Sanum et incolumem te custodiat manus dexteræ Dei. Vale.

EPISTOLA XXIII.

AD BALDUINUM NOVIOMENSEM EPISCOPUM.

[1, 27.] Domino et Patri charissimo BALDUINO, Dei gratia Noviomensi episcopo (29), frater PETRUS abbas Cellensis, non auferre sal foederis Dei sui ab omni sacrificio!

Scriptum est: *Honor regis judicium diligit* (*Psal. xcviii*). Angeli autem Dei in celo sicut sunt ministri divinæ voluntatis, ut fiat sicut in celo et in terra, sic æquissimi moderatores sunt divini hono-ris, ut utrumque pedem regis sui, misericordiae sci-lacet et justitiae, sic vestiant cum digno honore, ne altero neglecto vocetur palatum domus discalceati. Jam pene in terra nostra conqueritur justitia adver-sus misericordiam, dum agrum justitiae nemo velit excolare, neque pondus diei et æstus pro conven-tione denarii diurni portare. Confluunt autem glo-meratum viri divitiarum et deliciarum ad amoena

JACOBI SIRMONDI NOTÆ.

(29) *Balduno Noviom. episc.* Duo hujus nonnisi ecclesiam Noviomensem ordine rexerunt. Prior Si-moni episcopo successit anno, ut idem Sigeberti continuator observat, 1148. Abbas antea Castellionis, vir religiosus et honestæ vitae, ut testantur cleri Noviomensis litteræ de ejus electione ad Sug-erium abbatem scriptæ. Alter successorem habuit Rainodium, qui synodo Lateranensi intersuit anno 1179. Ad priorem opinor hoc loco scribit Petrus? üm Bernardus epist. 339.

(30) *Thomas cancellarius.* Cancellarius ab Henrico rege creatus est anno, ut Rogerius Hovedinus scribit, 1157, quinto post anno, archiepiscopus Can-tuariensis.

(31) *In quatuor regnis.* Regna dicere videtur qua-

PATROL. CCH.

A prata misericordiae, et non vere, abscondentes ma-num sub ascella, et folia fucus suæ turpitudini con-suentes, et consulentes, dicentesque: *Pax, paz, et non est pax* (*Ezech. xiii*). Haec, domine et Pater charissime, non ex supercilie Pharisæorum, sed suavi-tate litterarum vestrarum dulciter commonitus re-scripserim vobis. Valete.

EPISTOLA XXIV.

AD THOMAM CANCELLARIUM REGIS ANGLIE.

[1, 27.] Domino et amico suo charissimo Thomæ, cancellario (30) regis Anglie, frater PETRUS humilis abbas Cellensis, se et sua.

Quem fortuna non extollit prospèra, magis pro humiliitate quam pro sublimitate est admirandus. Gloria in vobis cum prosperitate, ut accepi ab his qui viderunt et neverunt, ambitiosius quam contentiosius contendit, nec confundit aliquando supe-rata, nec unquam insolescit de victoria. Cedit glo-ria prosperitat, sed gloriose, sed prospere. Quælibet obtineat, humilitatem seu moderationem non amputat. Gloria accedit, sed non superba; prospe-ritas venit, sed non effusa. Inde est quod de nube tanta sublimitatis ad latibulum nostræ paupertatis misistis, quia venire non potuistis. Rogastis de fa-miliaritate et amicitia. Quod rogastis, si admittetis, admirationi procul dubio habendum esset, pro inæquali rogantis et rogati fortuna. Quæ enim pro-portionalitatis habitudo inter abbatem Cellensem et cancellarium regis Anglie? Pene non est compa-ratio, ubi non est existimationis adaptatio. Secundum post regem (31) in quatuor regnis, quis te ignorat? Primum in miseriis fratrum nostrorum, quis me non reputat? Dicam de compendio, quia quantum de vobis excellentiora, tanto de me sentio et scio vi-liora. Nullo igitur modo ad ingressum amicitiae ma-num porrigo; sed si vel de grege accidentalium ami-corum fuerit, bene mecum fecisse dignationem vestram æstimabo. Primitias autem illas non mitto, quia ampliorem gratiam facere propero. Non habebam sermones illos magistri G. (32) sed quæro, et statim scriptorem cum omni instantia huic operi ad opus vestrum designo. Valete.

EPISTOLÆ XXIV bis, XXIV ter.

AD EUNDÆM.

D (Vide Patrologiæ t. CXC, inter epist. S. Thomæ, epp. 334, 335, col. 675.)

tuor provincias quibus reges Anglie tunc impera-bant, Angliam, Normanniam, Aquitaniam, et Ande-gaviam, quarum titulis insigniri solebant. In litteris Thomæ ipsius apud Rogerum eundem: *Henrico Dei gratia illustri Anglorum regi, duci Normanno-rum, et Aquitanorum, et comiti Andegavorum.* In aliis Wilhelmi regis Sicilia: *Henrico Dei gratia illustri Anglorum regi, duci Normannia, et Aquitania, et comiti Andegavia, Willemus eadem gratia rex Sicilia, ducatus Apulia, principatus Capuæ.* Ita enim et reges Siciliae trium quoque provinciarum sese reges appellabant, tametsi Sicilia sola regnum esset.

(32) *Sermones illos mag. G. Gillette, opinor, uni-versalis, de quo ad epistolam 167.*

EPISTOLA XXV.

AD PETRUM VENERABILEM.

[ii, 1.] Domino et Patri suo charissimo PETRO
Dei gratia Venerabili (33), Cluniacensium abbat, frater PETRUS humilis Cellensis abbas, se ipsum.

Igniculum scintillantis in me spiritus vestri cineres nostri tenaciter evaporant, et carbones Seraphin nunquam extinguendos assidua meditatione renovant. Tetigistis, fateor, in me non labia oris, sed venas cordis. Aculeus siquidem collocutionis inter nos habita, nostras interiores medullas perforavit, ac in consideratione sui omnia animæ interiora coegit. Revera sermo ille efficax fuit ad tormentis animæ excitationem, ad vitæ hujus momentaneæ inspectionem, ad regularis professionis observationem, ad angelicæ puritatis emulacionem, ad summæ et ineffabilis Trinitatis expeditam contemplationem. Vivus, quia de vera vita; purus, quia de puritate summa; verus, quia de veritate æterna. Non parcit malis, sed placet bonis; remordet vitia, virtutes suadet. Adducit in lucem obscura: tanquam speculum perlucidum vultus prospicientium renuntiat. Fateor, in hujus contuitu rugas meas inspexi, et quod in interiori homine pulchrum prius testimaveram, deforme reperi. In lucerna ista accensa domum everri, et in peculio multo minus quam computaveram accepi. Marcidum inveni quod floridum credidi. Et quid plura? Fetores niduli mei vix fero, quia ibi reptilia, quorum non est numerus, aspicio. Urticarum ibi punctiones, spinarum compunctiones, veprium complicationes, et tam paliuri sollicitudinum, quam cardui affectionum non parentes exustiones. Quid namque peccatum, quid pena peccati, nisi stimuli mortis animam cruentantes, lacerantes et dilaniantes? Misera miseris suis depascitur anima: *Mors, inquit Psalmista, depaset eos (Psal. XLVIII).* Unde Isaias: *Dilataravit, inquit, infernus animam suam absque ulla termino, quia non habuit populus scientiam (Isai. v).* Nimirum, nimiumque certe se infernus dilatat, cum etiam quosdam in corpore viventes gehennalibus conscientiis jamjam excruciat. Sed usque ad ostium, ceu hostiam crucis, et non ultra, cruciatus isti pertingunt. Cetus namque iste, qui etiam Jonam devorat, omnia rapit, universa devastat, in gutture et ventre malitez suæ quidquid extra arcum invenerit includit. At quam felicius et quam jucundius anima cupientem se caperet, devorantem se absorberet, persequentem se triumpharet! Draco enim sic illudetur, sic denique mors interficeretur, sic anima liberaretur. Utinam sic se vindicaret anima de adversario suo, immo utinam infernales sic absorberet in præsenti miserias, ut nullas in crastinum futuri judicii dimitteret poenarum reliquias! Utinam, inquam, reliquias salvationis, quæ diem festum agent, potius expectaret anima mea,

JACOBI SIRMONDI NOTÆ.

(33) *Petro Venerabili.* Quod illi proprium quasi cognomen factum est. Nam Petrus Venerabilis appellatur Cluniacensium abbas viii, et suis ipsius et

A quam reliquias fecis, quæ subsidunt in calico, qui est in manu domini, vini meri plenus misto! Reliquias prandiorum tuorum, Domine Jesu, suspiro. Venter meus absque spiraculo en totum se expandit, et de micis sive reliquiis tuis repleri appetit. Quæro etiam vinum, quæro et vestimentum. Opto quoque a sanguine peccati, sanguine tuo mundari; opto lineis tuis, Jesu, vestiri, quibus in sacris visceribus virgineis insignitus, ad offerendas preces et munera pro nobis processisti. Hanc sacrosanctam in sancto cœnæ convivio exiusti, in cruce considerasti, in resurrectione innovatam resumpsisti, in ascensione vultibus paternis in propitiationem nostram repræsentasti. Lava me a sordibus, sana a doloribus, mundator filiorum Levi, reparator filiorum Dei. Quod si manum jam glorificatam clementissime ad tam ulcerosa officia inclinare, propter defluentes ægroti assiduas rheumatizationes refugis, habes aliam inferiorum manum, sed bene doctam, sed satis gratiosam, sed similem nobis passibilem, cui si dederis, imo si jusseras, facile curationes animarum nobis propinabit. Cluniacensem tuum loquor, cui dedisti in corde sapientiam, in ore facundiam, in sermone gratiam, in vultu auctoritatem, in operatione virtutem, in intellectu subtilitatem. Dedisti ei et licentiam, ut secundum cor tuum operetur, et laborantium officinas ingressus, manibus tuis confectam medicinam pro cujusque valetudine dispenset fideleriter, et numnum gratiae pro gratia operæ dispensationis reportet. Gravaris quidem, domine charissime et Pater, in hac administratione tantæ multitudinis, tam spatiois decursibus, ut modo ad cœlorum fines curribus igneis amore avido contendas: modo ad terræ inferiora et partes ultimas sollicitudine populi proni in culturam vituli comedentis senum resilias: modo tam procul, modo tam prope, modo supra nubes, modo juxta Goel etiam infra cives, modo supra spiritum, modo infra te ipsum cogaris te levare et deponere. Laboras si non amas; laboras, sed si fructum non videas; laboras, sed si finem non speras; laboras, sed si retributionem non consideras. Et de fine quidem scriptum est, *quia ecce finis venit, venit finis (Ezech. vii).* Denique appensum est in statera laboris tempus, et inventum est minus habens, quam retributionis denarius. Non in dies et annos producitur labor, quia in modico, et in brevi fiet laborum retributio. Iterum de fructu videndum est, quia fructus tuus, fructus sublimis est, fructus lucis, fructus benedictionum Domini, fructus innumerabilis. Dinumera stellas cœli, dinumera arenam maris, et dinumerare poteris fructum horti Domini, scilicet Ecclesiæ Cluniacensis. Quid dicam de dilectione? Annon amas, Pater amantisime, dilectum ex dilecto, vulneratum charitate in ligno? Novi, novi ego, novit et angelus tuus dile-

aliorum scriptis notissimus. Decessit Kalendis Januar. anno 1158.

ctionem tuam, flammescentem in Deum fortiter, re- calescentem in proximum non mediocriter. Denique pius et largus remunerator non solum operum, sed et affectionum, ante faciem tuam Christus Jesus ac- cinctus plena manu præcurrit, in latere claro vultu concurrit, et post tergum extenso brachio succurrit. Præcurrit ut prævious, concurrit ut socius, suc- currit ut medicus. Præcurrit ut imiteris, concurrit ne lasseris, succurrit ne labores. Præcurrit prædestinatione, concurrit vocatione, succurrit justificatione.

Jacob in utero matris prævium habuit, cum non ex operibus, sed ex vocante dictum est : *Jacob di- lessi, Esau autem odio habui* (*Rom. ix.*). Angelica quoque natura in confirmatione suæ stabilitatis concurrentem gratiam habuit. Saulo in languore suæ infidelitatis nonne gratia de cœlo succurrit? Post hunc currens non desicies, cum isto vadens ad omnia sufficies : huic toto totus innixus omnia te posse non desperes. *Omnia*, inquit Apostolus, pos- sum in eo qui me confortat (*Philipp. iv.*). Pennis qui- dem paternæ, necnon et maternæ generationis re- volat iste Filius Dei, et prævolat ad sinus paternos; sed tamen gressum retardat, sustinens lassos. Itineris quoque duriora et asperiora sibi non ignarus, sed benignus secernit. Non enim est dolor, sicut dolor ejus, et nobis planiores semitas, lapides de via tollens, proponit. Unde ait : *Pacem meam do- robis, pacem relinquo vobis* (*Joan. xiv.*). Quasi guerræ vestræ et debiti poenalis discrimina persolvi, et pacis integræ remedia indulei. Partem, inquam, C suam meliorem, non molliorem fecit, quia si nul molliorem et meliorem in mundo, ubi pressuram promittit, neminem posse habere docuit. Volo qui- dem ego meliorem, sed ex gratia; eligo sarpe molliorem, sed ex humanitatis natura. Non sic vero, non sic legit Deus. Divisit enim aliter. Seorsum, sed sursum posuit meliorem. Homines autem tan- quam molliores, infirmiores, seu inferiores, adhuc limum plasmationis præ oculis habentes, molliora et dulciora, non meliora et duriora appetunt. Optioni siquidem nostre relinquitur, utrum acci- piamus meliora, sed duriora; an molliora, sed de- teriora. Video autem humanitatem meam frequenter et dia in hoc discriminare vacillare. Modo enim tentat et attractat durum propositum, quia melius; modo relabitur ad molle, quia delectabilius. In istius contractu placet emptio, sed displicet conditio; in alterius contractu facilis conditio, sed vilis emptio. O anceps, o dubia negotiatio! Superflua carnis equidem delectatio non usquequaque est omni ho- mini odiosa, sed multum quæsita, multum appetita. multumque a multis amplexata. Sed quoque? Mo-

JACOBI SIRMONDI NOTÆ.

(34) *Sine timentia com. carnes.* Monachi vetere instituto a carnibus abstinent, ne, quod de se ipso scribit Bernardus, dum nimis nutriunt carnem, nutrit vitia. Edere tamen interdum licuit, sed infirmis duntaxat, prælatorum missu. Goffridus Vindoc. lib. iv. epist. 42. *Carnis comedatio sicut monachis pro corporis infirmitate conceditur, ita eis*

A dica est, transitoria est; etiam cum esse videtur, non est. Se ipsam consumit, se ipsam destruit, in se crudeliter sævit. Acerbius tamen damnum quod naturam laedit, quam quod se ipsam interimit. In- trat hujusmodi delectatio, et natura fugit. Rerum omnium domina ancillam istam velut pestem refu- git velut mortem evitat, velut infernum cavet. Nunquam enim aut raro in una sede morantur, vix aut nunquam operantur. Semper namque alia est operatio necessitatis, quæ et naturæ, alia superflua delectationis. Verbi gratia, cum sepelitur aliquis vino, cibo usque ad nauseam ingurgitatur, ener- vatur luxuria, nonne hinc luget natura? nonne ægrotat? nonne graviter laborat? Citius procul dubio deserit hunc flos ætatis, et morbi sive mortis B intempestivæ accersiuntur nuntii. Hæc tamen opera carnis esse, sive superflua delectationis, quis igno- rat? Natura vero his gaudet abstinere, et, ut ait Seneca, paucis contenta est. Et ratione quidem ista regitur, illa vero abusione. Illa in veritate ambulat; monstri vero hujus facies blanda, ut decipiat; sed in posterioribus circumfert aculeum scorpionis, ut perimat. Mentum simplicium apprehendit, sed in- guina ferit. Cohors et tribonus synagogæ peccan- tium hujus principatum sibi assumit in caput et re- gem, et respuit super mulam regis verum Salomo- nem! O peccatum! o iniurias! Pater mi, pater mi, currus Israel et auriga ejus (*IV Reg. XIII.*), non sileat saltem in ore vestro spiritus justi Nathan, non sinat fieri tantum nefas in Israel Dei. Sceptrum namque regni superflua carnis delectatione obtinente, quæ pax super Israel? Imo quæ jura non subver- tuntur? quæ leges non obliterantur? quæ ratio non exsulatur? quæ virtus non confunditur? quæ boni species non suffocatur? Quod genus erroris non extollitur supra omne quod dicitur Dominus aut quod colitur? (*II Thess. ii.*) Hæc radix est peccati, totius honestatis linea, sovea vitiorum, potens dæmonum, vorago animarum. Recludite, obsecro, recludite feram istam pessimam, quæ devorat Joseph nostrum (*Gen. xxxvii.*), vel potius filios Jacob et Joseph.

D Certe nimium efficeratur, et rupto propositi ac re- ligionis repagulo usque ad Sancta sanctorum Clu- niacensis ordinis, imperii sui fines propagare co- natur. Ubi enim sine licentia comeduntur carnes (34), nonne Adæ prevaricatio renovatur? Nonne voti et sanctæ institutionis paradisus violatur? Nonne legitur, quia inebriabo sagittas meas san- guine, et gladius meus devorabili carnes? (*Deut. xxxii.*) Sanctitatis opprobrium, religionis abominatio est, non quidem carnes edere, sed cum sanguine inobe-

n carnis voluptate negatur; et post alia: sed quia paucorum vel nullorum istam virtutem esse cognoscimus, ut videlicet a carne omnino abstineant, cum aliqui carnem comedendum tribuimus, rationabilis est consideranda necessitas, non carne carnis nu- trienda cupiditas.

dientiae. Unde a sanguine et suffocatis jubet lex abstinere. A suffocatis non abstinet, qui furtim edere non timet. Periculo namque prælatorum sunt transgressiones commissorum. Vasorum custodes sacrorum puniuntur, cum negligentia sua de templo Domini asportantur, et usque ad manus concubinarum regis Babylonis humiliantur. Sapientiorem me non doceo, sanctiorem non instruo, ferventiorum non excito, studiosiorem non provoco, sed timores meos manifesto, sed dolores aperio, sed consilium quæro, sed evadendi semitam interrogo. Audio principes populi suens in patibulis, et affixos contra solem propter peccata populi, et somno vacare valeo? Dicentem Jacob ad Laban in summo articulo judicii lego: *Oves tuæ et capræ steriles non fuerunt. Arietes gregis tui non comedí, nec ceptum a bestia ostendi tibi: ego damnum omne restituébam: quidquid surto peribat a me exigebas, die noctuque astu urebar et gelu, fugiebatque somnus ab oculis meis, sic per viginti annos in domo tua serivi tibi* (Gen. xxxi). Hæc, inquam, lego, et non inconsolabiliter inertiam meam lugeo? Ubi namque oves curæ meæ? ubi capræ non steriles? Qui enim a pueritia sua in claustris regulariter eruditæ sunt, et tunicam vitæ atque conversationis suæ immaculatam servaverunt, oves Domini sunt. Qui de sæculo fetore luxuriæ fugientes, poenitentiae habitum sumunt, capræ Domini nihilominus sunt. Sed ubi Jacob, ubi abbas tam sedulus exhortator, tam servidus redargutor, tam cautus provisor, tam benevolus persuasor, tam contra rabiem luporum potens, tam contra morborum pestilentiam sapiens, tam ad aeris intemperiem patiens, tam ad latronum insidias prudens, tam fidelis in commisso, tam vigil in evitando damno, tam perseverans in incepto servitio? Damna Domini mei video, sed quomodo resarciam, ignoro. Esset quidem justa recompensatio, si numero numerum æquarem, si pretium par pari pretio restituerem. Nunc vero cum non sit mihi nisi una anima, si perierint per culpam meam tres aut quatuor, quid faciam? Anne triplicatam vel quadruplicatam poenam persolvam? Quod si quoquo modo poenam istam pati possem, centuplicatam forte qua patientia sustinerem? Ista attendens miror me non mirari, expavescere me non expavescere. Certe non est somnus simplex; sopor aut lethargia est, que me tenet. Obsecro, mittite antidotum.

EPISTOLA XXVI.

AD HUGONEM CLUNIACENSEM ABBATEM.

[II. 2.] Domino et Patri suo charissimo Hugoni Dei gratia Cluniacensi abbatii (35), frater Petrus humiliis Cellensis abbas, se ipsum cum devotione.

Serenior post nubila dies succedit: dulcedo cres-

JACOBI SIRMONDI NOTÆ.

(35) *Hugoni abb. Cluniac. Petri Venerabilis successori, ejus nominis tertio. Post Petri excessum monachi Cluniacenses tumultuaria electione Robertum quemadmodum semiilaicum, sed comitis Fiandræ cognatum, reclamantibus, multis elegerant. Quo*

*cit ex amaritudine precedentis; ruina statum amplius commendat. Sic in auditu commotionis magnæ, quæ in Cluniacensi electione facta est, non parum concussa sunt viscera nostra, sed rursum in concordia letata est anima nostra. Ab occasu enim sancti patris nostri, prædecessoris vestri, eatenus tanquam parturicis erat, donec recipere virum alium, qui consolaretur eam ab operibus suis. In dolore suspirabat, sed ecce jam non meminit pressuræ propter gaudium; quia et libertatem recepit, et unum de filiis uteri sui cum principibus populi sui collocavit. Filii alieni mentiti sunt ei, et claudicaverunt a semitis suis, quia non ex ore Domini, sed ex propria usurpatione et consilio Achitophel regnare attabant. Odiosa nimis presumptio. Cluniacensem tam castam matronam prostituere, tam religiosam publicare, tam honestam devestare. Reprimenda temeritas matrimonii, leges tam petulanter infringere, ut non voluntas nobilissimæ puellæ queratur, sed violentia inferatur, torus immaculatus non cum reverentia poscatur, sed impudice exigatur. Prorsus inaudita miseria, si hac necessitate matresfamilias addicatur, ut non tanquam libera, cui vult nubat, tamen in Domino, sed cui respuit nolens succumbat famulari, imo concubinatus obsequio. Ubi est: *Non ros me elegistis, sed ego elegi vos?* (Joan. xv.). Ubi est: *Non sumat quisquam sibi honorem, sed qui vocatur a Deo tanquam Aaron?* (Hebr. v.) Annon ista libera est, liberam habens electionem in libertate spiritus, cuius et ancilla et sponsa est; ancilla utique ex devotione, sponsa ex charitate? Ubi, inquam, reverentia sponsi, sponsæ gloria, quam Joannes Baptista reformidat, Moyses velat, Rebecca operit palio, cherubim gloriæ obumbrant, et quam caro et sanguis si contingit, ut fumus evanescit? *Caro, inquit Apostolus, et sanguis regnum Dei non possidebunt* (I Cor. xv). Idcirco Moyses solvit calceamentum de pedibus suis, ne si forte in terra sancta curis carnis impeditus consisteret, faciem in rubo radiantis Dei offendere.*

Non æstimo leve dispendium, flammœnum gladium atque versatilem nuda manu accipere, vel cæcis obtutibus fornacem iracundiae inconsulte transilire. Culmen bujus honoris, vel potius oneris, tam est pendulum ad casum, quam debile ad flatum. Urit sollicitudine, pungit timore, urget inquietudine. Fortuna si utrinque et undique versata discutiatur, plus mœroris et minus letitiae refert. Jugiter siquidem ratiocinatio supputanda, tam accepti muneris, quam solvendi debiti; hinc æquitas judicis, illinc difficultas injunctæ administrationis pensanda. Venia etiam speranda, si non obstiterit punienda negligentia. Tempus numerandum, usura repli-

postea dejecto ac mortuo, Hugonem hunc ex priore abbate renuntiarunt, ut est in supplemento Sigberti ad annum 1158. Hæc igitur est commotio magna quam vocat: Hugo, filius uteri Cluniacensis; Robertus, is qui per vim regnare conabatur.

canda, fractus computandi, et summa totius dis-
pensationis colligenda. Si minus inventum fuerit,
danda ante articulum supremum pecunia ad men-
sum, removandus ad nummularios virtutum sive
fidei cursus. Gratia pro gravitate discriminis im-
pleranda; arbitrium pro posse impendendum,
legatio excusatoria pro impossibili mittenda. Ex
quo enim si ad pugnam congregatiatur, nulla pro-
portione ad dominum bono miser et invalidus sub-
sistet. Pondus terræ, cœli infinita spatia, diffusio-
nes aetas, et maris profusiones intra pugilli angu-
stias facilius coarctabis, quam Deo cœli paria
respondere possis. O abbas Cluniacensis, attende
quæ facit tibi magna qui potens est, et sanctum
nomen ejus (*Luc. i.*). Feicit tibi Deus ut deus, ut
pius, ut bonus. Exaltavit humilem, depositum poten-
tiam (*ibid.*). Ecce itaque oculus monachorum factus
es, speculum et exemplar hujus ordinis. Si oculus
tuus simplex fuerit, totum corpus monachorum,
quod est congregatio Cluniacensis, lucidum erit.
Si autem nequam fuerit, etiam corpus tenebrosum
erit. Vide ergo ne lumen quod in te est tenebrae sint
(*Luc. xi.*), ut sic loquar. Facit audere, quod vestibulum
familiaritatis tuæ aliquando penetravi, et reli-
giois tuæ sancta devotio. Sed de his hactenus.
Ceterum more nostro obediens amantissimo et pia
recordationis viro, domino Petro abbati, fidejussi
cum abbatे Arremarensi (36) pro eo multam pecu-
niā aduersus Hulduinum de Vendopera (37).
Priors quatuor proinde secundario, ut regressum
ad eos haberemus, accepimus fidejussores. Hi
sunt ...

EPISTOLA XXVII.

AD EUMDEM.

[ii, 3.] Domino suo et patri charissimo HUGONI
abbati Cluniacensi, frater PETRUS Cellensis, salutem.
Justitia nostra superabundare debet justitiae
Scribarum et Pharisæorum, et non subjacere.
Miror justitiam banc quis novus legislator vel unde
auult, ut non restituatur a principali debitore pi-
gnus fidejussori a debitore detentum (38). Miror et
novam benignantatem vestram, quæ nec semel re-
spondere voluit jam secundo vocanti. Durius hoc
silentio quam damno permoveor. Ad damnum enim
levius ferendum cooperatur patientia, cum illud
noveris resarcendum amici bona et nova gratia.
Silentium vero post beneficium mortui beneficij
representat sepulcrum. Malum tanquam abortivum
amici primogenitum facere, cum potius semper ob-
sequii memoria vigere debeat, et vivere apud ami-
cū ...

JACOBI SIRMONDI NOTÆ.

(36) Abbate Arremarensi. Monasterium est or-
dinis S. Benedicti, cuius originem, auctoremque
Adremarum docet epistola Leonis IV ad Prudē-
nium Tricassium episcopum, in cuius situm est
diocesis. Conditoris nomen retinet etiam in vernacula.
Nam *Monastier-Ramey* vocant, thoc est mona-
sterium Adremari.

(37) *Hulduinum de Vendopera*. Gentilitium id
patriline cognomen ab agri Campani castello, quod

A cos. Et damnum, et damni hactenus patientiam
præstabam; sed amicis, sed dominis, sed veracibus
monachis, qui et si me ipsum veulent invadare
possent. Sed quid dicam? Plane minus dicam, ne
forte et cum pecunia amicos perdam. Dicam prorsus,
dicam. Quicunque forte hoc audieritis, quod
Cellensis simplicitas sic elisa, ne dicam elusa, si
ab amicis suis charissimis, pro quibus et se, et
omnia sua ponebat, nolite annuntiare in Geth, ne-
que in compitis Ascalonis. Hoc potius et si non
verius dicatur: abbas vetera non novit debita.
Nam cum audierit et creditoribus satisfaciet, et
fidejussores liberabit, et gratiam amicis æqua lance
rependet. Valete.

B Ecce calami nostri valde fatigati pro labore suo
mercedem reposunt, bibere in calice, post æstum
et hiemem.

EPISTOLA XXVIII.

AD EUMDEM.

[ii, 4.] Domino et Patri suo charissimo HUGONI
venerabili Cluniacensi abbatì, PETRUS humilis abbas
Cellensis cum omni devotione.

C Una eademque hora, denique et ore uno, saporis
dulcedinem a medullis epistolæ vestræ accepi, et
reciproco munere manum ad scribendum deflexi.
Semper namque nescio quid plus dulcedinis habet
res præsumpta primo voluntatis appetitu, quam
post desiderii tempus. Nolui igitur opportunitatem
tanquam recalesciendam in horas differre; unde
fueram quasi monitus ipsa tanta majestatis dignatione.
Et primum quidem moram damnosam, sed
bene compensatain, hac satisfactione remitto.
Deinde negligens inveniri apud vos in hujus officii
munere præcaveo. Chartam et chartæ scripturam
satis eleganter compositam suscipiens, semel non
aspicio, sed diligentiam hominis, etiam in parvis-
simis rebus non prætereundam in memetipsum
cum admiratione replico. Exemplum est certe com-
positionis intimæ, refiguratus quandoque habitus
in exteriori homine: et vini bonitas calicis accre-
scit idoneitate. Suggestit ipsa suæ faciei venustate,
quod et exhibuit in lectione, magnum quid in
absconditis suis repositum apportare. De paradiso,
de Ægypto, et de quibuscumque locis Scripturarum
tam pretiosas merces et margaritas plenis mar-
supiis ex se refudit charta vestræ, quod ad ipsam
coarctata sit intelligentiæ nostræ arca. Sed quid
mirum, si dominus abbas Cluniacensis de thesauris
suis tot et tanta proferat, quod et quanta Cellensis
vix efferre valeat? Nonne sic a quodam dictum le-

possidebant. Hunc vero ipsum Hulduinum de Ven-
dopera puto, quem aliquot Aripatorii cœnobii ta-
bulæ testem ascriptum habent cum Theobaldo
comite, Bernardo Clarevallensi, et Guidone Arre-
marensi abbatibus, qui omnes ætatem hanc pro-
dunt.

(38) *A debitore detentum*. Sensus exigit, ut le-
gatur a creditore, quod etiam declarant quæ de
eadem re scribit sub finem epistole sequentis.

ginus : *Ex te non poteris præbere ascensores equo-rum, quos ego dabo tibi (Isai. xxxvi).* Ambulant vobiscum innumerabiles forte sicut monachi, sic et sententiæ. Certe sic est, negari non potest. Res in evidenti. Quis sic ad manum, sic ad nutum cogere tantum exercitum philosophorum exemplorum tam cito potuit? O vena dives! Beatus qui vigilat ad postes ostii tui, Mane panibus, vespere carnis edere poterit. Pulsavi, et aperuistis. Unum locutus sum, quod dixisse me non poenitet. Una siquidem et modica punctione tetigi vos, quinimo tetigi acervum mercurii, sive novarum frugum, sed non modica æstimatione excepti thesaurum multarum sententiarum. Quid? mensuram bonam et certam, et coagitatam, et supereffluentem remisisti in sinum nostrum. Proinde exsulto ad dignationem vestram, stupeo ad eloquentiam, curro sicut cervus sitiens ad fontes historiarum, ad profunditatem sententiarum, ad suavitatem exhortationum. Interea duo proponitis, sumpta a nomine uno, quod est Petrus, fortitudinem scilicet et agnitionem. De utraque exemplificatis non avare. Honesto deinde modo qualis esse debeam instruitis; et talem esse dicitis, quem fieri vultis. Modus his suadibilis ad docendum. Naturale siquidem est animæ rationali, voluntario motu occurrere de se bene opinanti, et humeros inclinare indubitate affectioni. Pronum quoque sibi redhibet animum ad obediendum, qui prius amicitiae fidem fecerit, et de probitate persuaserit. Crederem vobis, si mihi conscious in contrarium non essem: utinam sicut a charitate vestra profertur, sic a vobis in veritate perficeretur. Sed ut verum fatcar, rara in nobis nominis vestri interpretata veritas. Unus enim est, et secundum non habet, cui dicitur: *Secundum nomen tuum, ita et laus tua in fines terræ (Psal. xlvi).* Quod hoc nomen? Jesus. Quia ista laus? *Salvabit Dominus populum suum a peccatis eorum (Matth. 1).*

Revera hic Jesus, in cuius manu salus nostra est. Hic nomen habet, quod est super omne nomen (Philipp. ii). Hic denique virtutem nomine suo non inferiorem implet: quinimo et tempore et pondere excellentiorem. Parum dixi, tempore; melius enim dicerem, æternitate. Virtus hæc ab æterno, nomen hoc ab ævo. Virtus sine tempore, nomen ex tempore. In pondere nihilominus omnia virtus Divinitatis operatur, ipsum quoque nomen Jesu. O pondus nominis Jesu! Quis appendere, quis dinumerare, quis æstimare valeat hoc nomen in pondere? Nunquam sine pondere nominandus est Jesus, pondere utique sanctuarii, quia nemo potest dicere Dominus Jesus, nisi in Spiritu sancto (I Cor. xii). Et in lege Moysi sic dicitur: *Non assumes nomen Dei tui in vacuum (Exod. xxi).* Paulus apostolus ne in vacuum curreret, ut potuit in vinculis, et in catenis per passiones quotidianas, hoc nomen semper apposuit et apprehendit. Hoc enim est quod ait: *Non sunt cognitæ passiones hujus (Rom. viii), etc., et alibi de eodem pondere: Stigmata, inquit, Jesu porto in cor-*

A pore meo (Gal. vi). Alibi dicit: *Dedit ei Pater nomen, quod est super omne nomen, etc. (Philipp. ii).* Præponderat hoc nomen quodcumque creature nomen est. Hoc compendiose dixerim, ut solum designarem quis scilicet nomen habet et virtutem. Rursus inflecto intuitum ad epistolam, quæ sicut turris ædificata est cum propugnaculis: mille clypei pendent ex ea, omnis armatura fortium. Ad quid tantus apparatus? Opinor, voluistis in me aut terrire sensus hebetes majestate sensum, numerositate exemplorum, perplexione rationum subtilium; aut inertem provocare æmulatione studiorum; aut moestum consolari pulchritudine sermonum; aut indoctum ædificare persuasione adhortationum; aut satisfacere opportunitati meæ abundantiori gurgite auctoratum. Sed quodcumque horum attenditis, optabile et valde charum habeo, quod occupationibus vestris succensetis, et sicut Rebecca hydram de scapulis lassitudini nostræ inclinavetitis. Refluentes quippe procellarum revolutions, quibus interdum ascenditur usque ad cœlum et descenditur usque ad abyssum, quis vel ad modicum credat abesse abbati novo Cluniacensi? Quis de abyssis terræ vel post tertium diem non miretur emergere? Quis non compatiatur gementi sub aquis? Scribere quomodo valet, quem degrandinat sollicitudo continua, et nunquam quieta? Sed ubi obstaculum ægrius, ibi necesse est se expediatur ingenium egregius. Procul dubio animi elegantis est, curæ sæcularis oneribus indignari; et per medias interpellantium acies ad lectionum amoenissima prata, et solitudinem liberam, velut solitarius onager, evolare. Contra hanc viam a prætore nullum proponitur interdictum. Hæc vis probabilior, quam desidiosa patientia. Vis, inquam, hæc non improbabilis, si rumpantur novi funes contexti et concatenati nexibus causarum tanquam a profundo maris emergentium. Est et aliud consilium, ut ubi non sunt vires ad vim faciendam, adsit ingenium ad furtum committendum, de quo tamen non nascatur actio furti. In Evangelio enim commendatur mulier, quæ tangens Jesum, virtutem a simbria vestimenti ejus furto subripuisse commemoratur. Furtum prorsus commendabile, si te ipsum tibi ipsi et Deo tuo ab incursu concursantium subduxeris. Aquæ enim furtivæ dulciores sunt, et panis absconditus suavior. Valde saporabilis lectio, quam interpellata sorbet animæ intentio. Studium, lectio, et oratio turbam non amat. Impediuntur plerumque peregrino superventu, quia vix patitur non se parti advenienti nobili animæ consolatio. Forte onera gravia et importabilia, quæ nec digitis tangere possum, bumeris vestris impono. Quo enim modo dominus meus Cluniacensis poterit hæc unquam vel experiri? Imo vivere quomodo poterit, si hæc non fecerit? Si post omnes habiturus est, quando se habebit? Rursum si eum non habuerint qui sine eo vivere non debent, quanta pestis et iniquitas! Expedit potius ut unus moriatur homo, quam tota gens percat. Sed rursum:

Quid prodest, si totum mundum lucretur, se autem ipsum perdat et detrimentum sui faciat? (Marc. viii.)
 Ecce, ut attenditis, res in arco posita est. Neque ad dexteram pro se, neque ad sinistram pro aliis excedendum est. Quid igitur? Medium eligat, et si non potest omnem diem, salem diem inter diem habeat. Habeant eum: alii; sed ipse habeat se ipsum, sed et alii. Non dividat infantem vivum, ut decrevit Salomon; habeat eum vel mater, vel non mater: imo semper habeat mater. Non sibi vivat tantum, non aliis tantum, sed sibi et aliis, ne ipse pereat; sed aliis et sibi, ne oves sine pastore succumbant. Et de his hactenus.

Præterea non id indignetur dominus meus, si dixerò quod sentio. Dicam, sed cum licentia dicam. Quid? Quia deest semper aliquid culturae Dei. Hoc forte apud vos proverbium est, sed faciam verbum de proverbio. Laqueum debiti quadam perplexione ratiocinando differtis, ita scribendo in epistola: *Si redditum est, non debemus super hoc inquietari; si propter reddendum quæstio aliqua ventilatur, debet judicario ordine diffiniri, et partium allegatione et judicis sententia terminari.* Bone domine, bene docuit vos magister noster proposere: *utinam sic bene solvere!* Solvere, dico, debitum, non syllogismum. Videritis non extensa disputatione, sed compendiosa relatione, et potius ratione, inter quos quæstio haec versari dicitur, cui competit actio, et adversus quem detur. Principalis profecto debitor et suus creditor ad invicem habent actiones, alius directam, alius utilem. Sed quid ad fidejussorem? Semper liberandus fidejussor proposita actione pignoraticia a principali debitore contra creditorem, soluto prius duntaxat debito ad restituendum pignus, et ad liberandum fidejussorem. Hoc fecit dominus Wintoniensis (39), sed non esfecit, nam creditorem convenit, sed nobis pignus non restituit. Idcirco dixi quod curta est res, donec restitutum sit nobis quod tenetur pro vobis. Est et aliud notatum in epistola vestra, quia suspensive et indefinite dixistis quid agendum esset, sed non quando, neque diem, neque horam posuistis: forte quia non est nostrum scire tempora, quæ in potestate sua habet Wintoniensis. Scio, domine mihi, scio, quia in multiloquio non deest peccatum. Ignoscite si quid egressum est de labiis nostris, quod minus rectum appareat in oculis vestris. Ut vero hoc auferem, vos occasionem dedistis. Valete.

EPISTOLA XIX.

AD HUGONEM CLUNIACENSEM ABBATEM.

[ii, 5.] Domino et Patri charissimo Hugo Clu-

JACOBI SIRMONDI NOTÆ.

(39) *D. Wintoniensis.* Henricus frater Theobaldi Magni, et Stephani regis Angliæ. Is Wintoniæ quidem episcopus erat in Anglia, sed in Gallia hoc tempore versabatur: Cluniaci nimirum, quo tandem ex Anglia rediit. Monachus enim erat Cluniacensis.

(40) *Abbat. S. Laurentii Leod.* Nobile hodieque

A niaciensi abbati, frater PETRUS Cellensis abbas, salutem.

Pro amicis nostris, imo pro amicis justitiae, amico nostro, veritat̄ imo amico, nunquam refelleremus scribere. Etenim illa amicitia in diversis amicorum causis debet intervenire, quæ non plus justo vergens se in favorem alterius, æquitatis re- ctitudine pensat negotium, non favoris, aut odii, iniqua inflexione. Quanquam igitur vobis et excellentem prærogativam dilectionis debeam et honoris: huic tamen abbati Sancti Laurentii Leodiensis (40) novo confederatus amicitiae pacto, propter Christum quem in ipsum suscepit, me ipsum nihilominus concedo. Cum igitur utrinque Christus in causa sit, utrumque ad debitum honorem rependendum

B medius ipse commoneo. Vos quidem, ut quanto magnus dignitate, prælatione, et nomine estis, tanto abundantiori humilitate illum suscipiatis. Illum ut secundum excellentiam majestatis vestre cogitet qualiter summam in summo viro humilitatem excipiat, et obviis, ut dicitur, brachiis devexam bonitatem sustentet. Vos, ut honestatem personæ et justitiam quam habet ad vos, æqua libratione appendatis, et persone honorem, causæ judicii reddatis. Vidi personam, et amavi; audivi causam, et approbavi. In persona prudentiam, religionem, litteraturam, simplicitatem notavi; in causa retentionem pacis, malitiae exterminationem, simultatis repressionem, et justitiae tenorem animadverti. Qui de tam longe querit pacem, nonne amat quod querit? Qui tempore tanto et tali a sancta fratrum suorum congregatione peregrinatur, quibus putas stimulis affectionum remordetur, ut vacca illæ, reclusis vitulis, mugientes, vincentes sanctitate propositi usitatum et consuetum affectum carnalitatis. Sed gratias Deo, quia illorum damnum quibus absuit, et suus dolor recalcitrans qui absuit, nobis in lucrum versum est quibus adsuit. Moveant itaque et commoveant pia viscera vestra quæ auditis, et intendite viro bono, viro pacifico, viro honesto, imo vestris monachis et fratribus, quibus valde credimus utile, si pacem tenuerint, in honestum et inutile, si a pace resilierint. Valete.

EPISTOLA XXX.

AD HENRICUM CAMPANÆ COMITEM.

[ii, 6.] Domino suo HENRICO comiti palatino (41) frater PETRUS de Cella humili abbas, bene regnare.

A collateralibus vestris a nobis quæsitum est, quid vobis daremus, et dies capiendi super hoc consilii præfinita. Primo itaque miror quid ego fecerim mali, quod sic semper a me faciem vestram aver-

Benedictinorum est monasterium in suburbano Leodiensi.

(41) *Henrico com. Palatino.* Comiti Campanæ, Theobaldi Magni filio, cui liberalitas Largi seu munifici nomen fecit. Unde autem et quondam Palatini vocari coeporint comites Trecenses, accurate more suo docteque disseveruit P. Pithœus.

titis, quod venire ad eam, vel rogare, aut nonquam, per aut rarissime possim. Secundo utrum ab illa tenacissima vestra memoria exciderit quod nondum expletus sit cursus anni, quod **lx** libras tam vobis quam vestris persolverim. Tertio non parum doleo, quod nostra paupertas et debita propter praesentis anni negotia, tam de tñtere Romano, tum pro ecclesia de Villa Mauri (42), tum pro infirmitaria fratum quam fecimus, tum pro multis aliis, ad aures pietatis vestre non potuit pervenire. Videat itaque benignitas vestra, et condescendens necessitatibus nostris parcat, et his non addat gravamen, sed levamen. Valete.

EPISTOLA XXXI.

AD A. MOLISMENSEM ABBATEN.

[11, 7.] Venerabili domino et Patri A. Molismensem abbati (43), frater PETRUS, humilis abbas Celleensis, salutem.

In omni possessione præcellit amicorum possessio. Potest enim parari, sed comparari non potest amicus. Nam quod incomparabile est comparari quomodo potest? Annon vero incomparabile est, quod nondum habitum emi non potest, perditum reque redimi non valet? Talem amicum frequenter quero, nec invenio, etiam in grege amicorum. Egregium, non de grege gregalem desideram amicum. Numero gaudeant amicorum, qui unum nesciunt habere amicum. Ut enim ait Seneca, plura habeant hospitia, raras amicitias. Non aliter amicis ntuntur quidam, quam hospitiis. Si nocturnum bene se præbuerit hospitium, mane laudant, et abeuntes commutant, et quot dies erunt peregrinationis, tot numerabuntur revelationes itineris. Ad tempus occurrit hospitium, nec sui causa petitur, sed tantum ut fessi relevantur. Non ita perfunctorie amicus forte occurrens recipiendus, sed cum labore querendus, cum deliberatione admittendus, cum studio retinendus, cum omni vigilantia Iesus reconciliandus, cum instantia forte elapsus prosequendus et revocandus. Non possideas amicum, tanquam prædium. Nam infructuosum respuis, aut alienas a te prædium, incosum studiosius colis, et ad possidendum aviorem intendis animum. Ita qui in amico requirit non animum sed aurum, non fidem sed faciem, non mores sed vestes, non naturam sed fortunam; causa propriae utilitatis, non naturalis bonitatis amicum querit. Repentina quoque non omnimodo approbanda est amicitia, sed quæ germinat cognitione, crescit familiaritate, frondescit consuetudine, germascit cordis amplitudine, fructificat perfecta identitate. Hic arbor sibi plantanda et circumfendienda est, ut dulcedinis fructum in agro amicorum afferat. Hic triplici filio contorquendus est dilectionis funiculus, ne facile rumpatur. Funiculum hunc

A torquebo ut petero, cum ad me per obsequium, per recompensationem, per vicissitudinem forte torquendus occurrerit. Verso enim police de amicitia scribendo fidum contorqueo. Si placet pacem coagulandæ societatis, præfigantur termini arcentes præsumptionem odiosæ prævaricationis. Liceat tamen metas transire sine reprehensione proficiem, sed impune non liceat deficiem. Ita namque bona est transgressio, cum ultra estimationem amare acceleraverit inchoata dilectio. Ita quam bona est non transgressio, sed progressio, cum justam mensuram impleverit amicorum ad invicem fiduciæ promissio! Semper in amicitia minus pollicendum, amplius præstandum. Jam ergo amico loquar ut amico. Amice charissime, gratia sue Deus addidit novam gratiam, cum te de priore abbatem, de oves fecit pastorem. Recole statum, reminiscere meritum, attende donatorem, et datum donum Dei Deo resignes, non homini. Tanquam de summo Dei vertice coronam avelli, qui quod a Deo datum est, ab homine recognoscit. Idolatria est, Deo debitam homini reprendere gratiam. Novi quorundam blanda lenocinia, novi vanitates et inaanias falsas. Quidam sic, si molestum fuerit claustrum, dicit: *Ego nocte et die ad Deum manus, ut hanc tibi potestatem concederet, expandi, et singulis continuis, donec iam efficeretur, aures divinas pulsavi.* Alius autem sic: *Ego illi prolocutor, ego persuasor, ego aliorum monitor, universorum animos ad te inclinati, et modo quod volo impudenter negas?* Alius *Te Deum laudamus* recinit; alius nominationem a se vel concessionem factam improbe meminit. Sic plures sunt tui abbates, quam quorum tu sis abbas. Non ita, domine et amice charissime, fiat, ut quod ab uno habes, a multis te habere credas. Non monachus qui oravit abbatem constituit, sed Deus qui concessit; non qui voce nominavit, sed qui cordibus intimavit. Non ista scribens ad ingratitudinem provoco, ut immemor sis beneficij; non in arrogantiam extollo, ut non respicias devotionem congregationis te sibi præfici rogantis. Hoc enim non esset amicum instruere, sed destruere, non veraciter bona suadere, sed nequierit vitio nequissimo subdere. Ad quid ergo ista præstruxi? Ut vana loquentes compescas, ut statum dignitatis et officii tui importunitate aliquorum non minuas, ut solum Deum auctorem hujus tuæ sublimitationis recognoscas, et ad ejus gloriam et honorem omnia facias. Obnoxium te habeat congregatio pro devotione sua, sed cum auctoritate tua; monachus te propitium inveniat pro deprecatione sua, sed cum integritate tua. Sis benevolus, sed et rectus; sis pius, sed et discretus; sis compatiens infirmitati, sed impatiens mali; sis honestus consentiens, sed inordinatis non parcens; sis hu-

JACOBI SIRMONDI NOTÆ.

(42) *Ecclesia de Villa Mauri.* De qua cum canonici litigabant, epistola 7.

(43) A. Molismensem abbati. In diœcesi Lingonesi ordinis Sancti Benedicti. Parænetica est novo

abbati, qui ex priore creatus nuper erat. Falsa est inscriptio; leg. G. aut W., id est Guilenco seu Wilenco. EDIT. PATR.

malis, sed non dejectus; sis largus, sed non prodigus; sis providus, sed non avarus. Sis in templo Domini basis argentea, per patientiam; sis columna marmorea per inflexibilem iustitiam; sis capitellum habens sculptaram libitorum, per contemplationem assiduum. Sis arca testamenti per abundantem gratiam; sis virga Aaron, per disciplinam; sis mensa Domini, per doctrinam; sis candelabrum de auro mundissimo per bonam famam; sis propitiatorium per misericordiam; sis tabulae testamendi, per veteris et novae legis scientiam; sis cortina per charitatem; sis saga cilicina per humilitatem; sis templum Domini, per continentiam et castitatem. Non habitet iuxta te malignus, non audias vocem sanguinis, non sermonem susurrii. Fortissimi in Israel et doctissimi ad bella, id est honestissimi et probatissimi monachi, lectulum tuum ambiant propter timores nocturnos. Male suspicione homines non tibi cohabitent, non coambulant, nisi forte raro et secretius corrigas et benignius corripias. Aliquando enim sic euvidantur mali, dura pietate revocantur pastoris. Quae namque cum aliis, vel saltem post alias oves, non recurrat ad ovile, si ex infirmitate, portanda, si ex malignitate, cogenda est. Ad te confugientes per humilitatem inveniant matrem, à te resilientes, per contumaciam sentiant severum patrem. Non sis præceps in judicio, non mutus in consilio, non verbosus in convivio, non arrogans in publico, non detrahens in secreto, non avarus in proprio, non prodigus in alieno, non contumeliosus in capitulo, non negligens in monasterio, non effusus in refectorio; frequens in oratione, discretus in confessione, assiduus in lectione, profusus in lacrymarum effusione, largus in pauperem miseratione, ardens in contemplatione, affabilis in hospitem susceptione. Paucæ et vera sint eloquia oris tui. Procul a te simulatio, dolus nunquam in corde, fons nunquam in ore tuo. Præ oculis timor divinus, præ manibus beatus Benedictus. Extra Deum nihil agas, extra Benedictum nihil præcipias. Vale.

EPISTOLA XXXII.

AD H. PRULIACENSEM ABBATEM.

[ii, 8.] Amico suo charissimio H. abbati Pruliaci (44), frater PETRUS Cellensis abbas, accipere de spiritu Moysi.

Amicorum monita eo affectuosius suscipiuntur, quo ambitionis animorum compago ad invicem consolidatur. Nescit mutui amoris vestri coagulum, qui familiariter non est admissus ad secreta ipsarum medullarum. Ab ipsis igitur medullis verbum amicæ consolationis mutuans, æque usque ad tui cordis secretiora rogo ut admittatur, et vice mei fungatur officio dilectionis, et suppleat dispendia solitæ confabulationis. Quid est, domine, imo frater et amice? Nondum enim dominum redoles, quid

JACOBI SIRMONDI NOTÆ.

(44) *H. evocati Pruliaci.* Novo item abbati. sed ordinis Cisterciensis, in diocesi Senonensi, abbatis Pruliacensis haud scio an ejusdem meminit Ste-

A est? De statione quietissimi portus ad marina discrimina transtulerunt amici tui, aut, ut verius fatear, ad molam te possit benignissima manus Dei tui. Quid igitur facies? Plane tolle molam, et mole farinam, de qua subcinericum facias in conversione peccatorum, ut convertantur a viis suis pessimis, et vivant; similessem nihilominus in exhortatione bonorum, ne peccent, et nou recordentur justitia eorum quas fecerant. Revera, charissime, ad molam positus es, qua in spiritu vehementi conteras alios in malis, et ipse conteraris in afflictionibus. Sed attende diligenter, quia mola orbiculari motu nunquam et nusquam excedens orbem persequendo superficiem grani suppositi extenuat in minutissimæ farinæ speciem, unde conficiatur panis in escam hominum. Sic nempe omnis labor et vexatio tua, quæ tibi dabit intellectum, æquitatis rotunditate circumvolvatur, ut ne quid nimis facias, vel ferventius agendo quam toleret complexio tua, sive infirmitas tibi commissorum, vel remissius quam expeditat ordini et officio tuo, sive quam permittat regula et regularis consuetudo. Rotundo itaque perge cursu in omni negotio tuo, modestiam servans in his quæ ipse geris, et in his quæ aliis ingeris. Appende mores temporis cum hominum moribus, et versa ex hoc in hoc, quia calix in manu Domini plenus misto. Nondum eliquata est natura, nondum defecata; nondum fex corporeæ gravedinis exinanita. Corpus quod corrumpitur aggravat animam. Parcendum itaque interim corpori, nec danda licentia animæ, ut suis excurrens appetitibus in ipso itinere tardum et lassum rejiciat corpus. *Spiritus enim promptus est, caro autem infirma* (*Math. xxvi*). Jugale suum ferre debet anima, non interficere. Moveat se quidem semper spiritus ad meliora, sed ægrotantem equitaturam suam calcariibus cruentis supra modum non vexet, ne forte cæde lacerata obeat, et sanguinem ejus de manu immoderati spiritus Dominus requirat. *Nemo unquam carnem suam odio habuit, sed sovet eam* (*Ephes. iv*), sicut et Christus Ecclesiam. Proceedat et præcedat anima carnem, sed stationem faciat, quo saltem sero mansionem possit assequi subsequens caro. Morandum tamen, non remanendum est propter carnem. Non erit molestia mora, si sit modesta. Quousque respiret caro subsistendum, non quousque expiret. Sciat se caro uti itinerarii recreationibus, non mansionariis delectationibus. Si de itinere gravatur, festinet ad mansionem. Erit enim illi mansio et grata pro requie, et certa pro æternitate. Huc applicuit nos orbicularis motus.

EPISTOLA XXXIII.

AD ROBERTUM ABBATEM DE BULLENCURTE.

[ii, 9.] ROBERTO abbati de Bullencurte (45), frater PETRUS Cellensis abbas, salutem.

JACOBI SIRMONDI NOTÆ.

phanus Tornacensis epist. 172.

(45) *Roberto abbati de Bullencurte.* Bullencurtis, seu Bullencuria, ordinis item Cisterciensis cœno-

Intra robur animi tui, quæ a me prodire possunt A consolationes residere non ignoro. Commandabilis illa solum fortitudo est, quæ fatigata robustior, oppressa liberior consurgit. Levat namque fortunæ importunas sine molestia sarcinas, portat sine pondere, deponit sine lassitudine. Accrescit forte cumulus ponderis, sed et virtutis. Jacet enim virtus sine palestra. Ubi deest lucta, virtus videtur quasi discincta. Mollis et tenera est cum in lectulo prosperitatis extenuatur. Sumit vero suum habitum, imo se ipsam, cum obviaverit quod evincendum sit. Exerta concurrens, ubi de victoria palmam reperit. Provocata melior, lacessita recentior, subito deprehensa et moderator et cautior efficitur. Non turbatur repentinus incursu, non frangitur hostium coacervato exercitu. Non senescit debilitate, sed consenescit maturitate. Deserit quem in se non converterit. Utitur siquidem haec aliter isto, aliter illo homine. Aut enim se tibi contemperat, aut se tibi informando comparat. Nec est minor, si minus in alio, nec amplior, si amplius in alio. Proficere dicitur, cum ex ea proficitur. Haec a corpore natura diversum sortitur, et quod est ab origine et quod efficit in homine. Origo ejus a Creatore, sed ad utilitatem creaturæ. Quid enim est virtus haec, de qua loquimur, nisi vapor et emanatio virtutis Dei? Vaporatur subdita Deo anima vitali tam calore quam odore, quatenus calore justificetur, odore glorificetur. O gloriæ odor! o calor vita! Tam nemo sine altero bene vivit, quam nemo sine altero beate. Beati ex alio angeli, ex alio homines boni. Sic autem angeli beati, ut et boni, quia nec beati essent, nisi boni fuissent, sicut odor semper cum calore. Nam sine calore nihil olet; calet tamen aliquid, quod non olet; sicut et bonus quandoque invenitur, qui nequum beatus est. Est vero arrha beatitudinis bonitas, quam qui non deserit, ejus consecutivo carere non poterit. Vale.

EPISTOLA XXXIV.

AD MATHILDEM FONTISEBRALDI ABBATISSAM.

[n. 10.] Venerabili abbatissæ Fontisebraldi MATHILDI (46), PETRUS CELLENSIS abbas, suus in Christo amicus, gratiam et gloriam Sponsi aeterni. .

Inspector conscientiarum Deus et testis novit quibus dignationem vestram praecordiis exceperim, quam incomprehensibiliter ad confoederationem mutui amoris exultaverim, quamque incomparabiliter omni auro familiaritatem vestram praetulerim. Unica siquidem et pura me vobis prius conciliavit gratia, tum deinde ampliandi amoris multiplex su-

JACOBI SIRMONDI NOTÆ.

bium est in diœcesi Tricassina, ubi canonici olim fuerant Augustiniani; quoad Henricus episcopus locum sancto Bernardo, Clarevallensisbusque concessit. Vallecurtensis abbas pro Bullencurtensi perpetram legitur apud Saresberiensem, epist. 415.

(46) Abbatissæ Font. Mathildi. Sub finem epistolæ comitis Andegavensis filiam fuisse docet. Haec igitur est Mathildis, Fulconis V comitis, Hierosolymorum postea regis filia, quam Guillelmo Henrici

A pervenit causâ. Ubi enim nulla operum præludia, nulla præcedunt officiorum blandimenta. unde amorem dixerim procedere, nisi ex gratia? Haec enim operatur motibus propriis et spontaneis in corde hominum sine pœnitentia, cum multa reverentia, et abeque invidorum calumnia. Haec aufert suspicionem, confert affectionem, desert honorem, refert pudorem. Hac interveniente, solvantur malignantium susurria, consolidatur bonorum concordia, et prorsus adiunguntur insidianum machinamenta. Haec spirituum coagulum, ac indissolubile bitumen animarum, diversitates morum ad unam consonantiam reducit, et meritorum inæqualitates ad æquabilitatis contemplantiam proportionaliter recolligit. B O gratia gratiæ! Sine te omni amata, tecum omnia bona. Sine te, inquam, inanis universa creatura, et a te repletur angelica cum humana creatura. Tu reformas deformia, lapsa reparas, confirmas debilita, clausa reseras, congregas dispersa, et obscuras illuminas. Tuum est quod sum, quod vivo, quod sapio, quod sanctorum vestigiis devotus procumbo; tuum, inquam, tuum est quod te in templo sancti C tui nominis, quod in sanctuario tuæ glorificationis, videre et adorare te merui. Si enim sanctius adoraris in animabus sanctis, quam in templis lapideis et manufactis, quanto magis in sacris visceribus virgineis? Nihil enim est tibi bia charius, acceptabilius nihil, cum æthere nitidius, firmamento relucant jueundius, cœloque sublimius. Ubinam tale quid inter homines reperies? Credo in illa tua Fontisebraldi abbatissa, quæ nobilitate carnis nemini secunda, spiritus generositate in multis celebrissima, castitate præcipua, humilitate conspicua, liberalitate profusa, fervore religionis est decenter succensa. Reprimo stylum ne assessoris sustineam periculum. Parcius enim laudare amicos, amplius amare debemus. Severius quoque mala eorum corrigerem, quam male sana palpando contrectare. Condannatur vero non minus desidiae, qui vano timore gloriam Dei reticet, quam invidiae, quem alterius fortuna contorquet. Solem etiam de mundo tollere non immanioris æstimo sceleris, quam dotem naturæ et gratiæ a Creatore in creature collatam obumbrare silentio malignitatis. Vir D tutum namque prædicatio, Dei est glorificatio; nec tutum est cuiquam se nescire quod habet habere, cum damnum exinde citius possit evenire. Nos, inquit Apostolus, non spiritum hujus mundi accepimus, sed Spiritum qui ex Deo est, ut sciamus quæ a Deo donata sunt nobis (I Cor. xi). In filiis hujus sæculi

primi Anglorum regis filio despontam utriusque gentis historiæ narrant, et legere est in notis ad Goffridum lib. v, ep. 17. Cæterum Guillelmo sponso marinis fluctibus ante nuptias absunto, Mathildis intactam virginitatem inter Fontisebraldi sanctimoniales Deo devovit, et pro rege Anglorum, ut Cellensis noster loquitur, regem commutavit Anglorum. Nunc abbatissa jam erat, ut in epistola sequenti.

haec comprimitur prudentia, si res familiaris frequenti suppatione creverit multiplicata. Idem coelestium negotiator mercedum quotidiana amorem assidua ratiocinatione debet compensare, et quæ minus ad thesaurum sufficiunt omni instantia perquirere. Unde Psalmista: *Notum fac mihi, Domine, finem meum, et numerum dierum meorum quis est, ut sciam quid desit mihi* (Psal. xxxvii). Quomodo namque potest scire is quod sibi deest, cui non constat quod adeat? Itaque requirat sarcinulas, marsupia exculiat, pecuniam appendat in statera, cogites sumptus, drachmas, computet, domumque everrat, ut sciat quid desit sibi. Si desunt agri primariarum, fertilis videlicet charitas supernarum virtutum; si paradisu[m] malorum punicorum, scilicet plenitudo bonorum operum; si fons hortorum, hoc est vena sanctarum devotionum; si reclinatorium aureum, quod est requies omnium affectionum: festinet, discurrat, transmigret per mundinas, per marina discrimina, et per regiones remotas, quia ubi non sufficiunt propria, succurrunt aliena. Praeterea et puella querat lanam et liuum, ut ex uno calidam, ex altero faciat candidam tunicam. Martha calida utatur, Maria candida. Haec enim actioni, illa contemplationi aptatur; haec orat, illa laborat; sedet ista, sudat illa; haec quiescit, illa currit; exit ista, illa intrat; ista inchoat, illa consummat. Felix anima, cuius promptuarium talia resudat unguenta, cuius dolium talia refundit libamina, cuius virgultum ejusmodi stillat balsama, cujusque horreum simillima continet aromata! Felicem dixerim et locum, ubi tales comparantur species, ubi gemmae veneant incomparabiles, ubi exiguo pretio res acquiruntur valde desiderabiles! Vidi, vidi in foro speculum non alteri quam filiae regis congruum: vidi monile non alterius quam intactæ virginis collo appendendum.

Hoc speculum castitatis est, virtutis et humilitatis, quæ terra nostra in publicis contractibus hactenus habere non consuevit. Res siquidem pretii est inestimabilis, raro inveniens venditorem, rarius emptorem. In ejus certe comparatione coelestes exhauriuntur thesauri, negotiatores requiruntur diuissimi et divinissimi, comparatores quoque liberalissimi. Coeleste siquidem commercium supercoeleste desiderat pretium. Quid nempe virginitate coelestius? Humilitate quid excelsius? In diademate Salomonis præfulget altera, in thesauris regis pretiosior est altera. Ex ultraque tamen omnium artifex sapientia monile composit, et veniale proposuit. *Qui potest, inquit, capere capiat* (Matth. xix). Ad hoc manus adolescentularum satis ambitiosa quasi tentantes emere circumvolitant, sed auditio pretio statim omnes resiliebant. Ad extremum pene jam desperato negotio, virguncula quedam, Andegavensis comitis filia surrexit, manum ad fortia misit, et nova communatione pro rege Anglorum regem com-

A mutavit angelorum. Haec gloria dicta sunt de te, charissima domina. Indigne autem mihi, quod sermonem diffusione te plus justo detinuerim, et credas ex abundantia amoris copiam protulisse sermonis. Ora ergo pro nobis. De componendis autem quibusdam sententiolis sermonis tui non sum oblitus, sed tam cito impiere non potui, pluribus impeditus. Vale.

EPISTOLA XXXV.

AD EAMDEKU.

[ii, 11.] Dominæ sp[iritu]e servus suus, spiritum rectum.

Quod Filius hominis non venerit pacem mittere in terram, sed gladium, et quod Spiritus sanctus super principes nostros in igne descenderit, quodque Isaac ignem poenæ et ligna disciplinæ nostræ portaverit, scienti refero. Haec etiam fortassis ratio, quare Jacob in benedictione filiorum Joseph manus transversaverit, quatenus singulorum non nativitatis ordo aut privilegia, sed meritorum et morum attendantur officia. Virtute namque discretionis servata, et misericordia in sua triumphat patria, et justitia congrue disponit totius regni gubernacula. Cum itaque palatum ingredimur misericordiæ, flores et fructus decerpimus olivæ. Cum ad tribunal iustitiae assistimus, palmam reportamus, et de pomis lunæ et solis satiamur. Haec in reginæ nostræ vestimento delectabilis varietas, et ad tollenda fastigia filiorum non solum hominum, sed et Dei immutabilis immutabilitas et æterna æternitas. Joannes in aqua tantum baptizat, nec vulnus originalis peccati sanat. Christus Jesus in spiritu judicii et spiritu ardoris, et cœlum reserat. *Omnia, inquit Apostolus, mundantur in sanguine, et non fit remissio nisi in sanguine* (Hebr. ix). Neque itaque vestimentum mutantum sanguine sit in combustionem propter peccati transgressionem. Christus septies contra velum sanctuarii proprio digito suum aspersit ad emundationem criminum nostrorum sanguinem. Hoc nos docuit unus magister noster qui in cœlis est, hoc legislator in figura monuit: *Non auferes, inquietus, sal fæderis Dei tui in omni sacrificio* (Lev. ii). Satis dictum est sapienti. Priorem illum sancti Aigulfi excuso, quia quod facere potuit et debuit, fecit. Si aliud vel aliter fecisset, offendam nostram incurret. Vale. Proderit tamen peccanti, præcedente pœnitentia, oratio vestra et sancti conventus vestri. Iterum vale.

EPISTOLA XXXVI.

AD PRIOREM CELLENSEM.

[ii, 12.] Priori suo (47) suus abbas.

Res humanæ qualiter in mente divina pensentur, conspectibus hominum in hac volubilitate mundanorum absconditur. Solummodo angelica puritas his prout datur admiscetur arcanis, ac de profundo mysteriorum edocta quibus dignum videtur revelare sufficit. Interim temeritas nostra sic in se ipsa ob-

JACOBI SIRMONDI NOTÆ.

(47) Priori suo. Monasterii Cellensis.

secura confunditur, ut nec remota sensibus aliquatenus apprehendat, nec saltem vicina cognitione perfecta contingat. Digna haec ulti in presumptorem, ut et de præteritis arguatur, et a futuris coercetur. Timore hujus periculi, mihi dulcissime, admonitus, de præsentibus quidem angor, et tamen futrorum præsentium caliginem vias incognitas reformido. Gratia vero divini auxilii si adfuerit, nec profunda pelagi pertimesco, nec etiam quæque in tentata arripere diffido. Etsi enim parum robورata trepidet affectio, poterit sine dubio consolidari insuperabili superni luminis patrocinio. O Jesu! cui vanum fuit ad te confugere? cui male cessit te et inter vepres haerentem cornibus querere? Te quidem nec pietas deserit, nec omnipotens, atque ob id tuis nec pium ferre recusas suffragium. Sna potius perit quicunque periclitatur diffidentia, quam tua inclemencia. Nostro si dignaris obsequio, mentem nostram compunge tactu interno, et in funiculis amoris tui reduc a seculo, et deduc in eremo. Tumultus non quiescat, donec tanquam spurnam ad littoris quieta nos ejiciat. *Fiat, fiat super nos misericordia tua, Domine (Psalm. xxxii).* Non convertatur amaritudo passionis, nisi omnia expurgaverit superflui humoris. Honoris ambitio, carnis delectatio, amicorum confabulatio, consanguineorum visitatio, subjectorum prælatio majoris potestatis ostentatio, utquid? Nonne his anima compeditur, ne ad superna evadat? Nonne his complicatur, ne virtutum penis coelestia petat? Et horum quidem finis erit, sed sine fine poena durabit. Alterum horum fieri necesse est, aut vincere haec, aut ab his vinci, aut superare, aut subdi, aut fugere, aut includi. Sanius est igitur nudum enatare, quam vestitum submersi; solum effugere, quam cum multis periclitari. Quid cor humanum expavescis? quid refugis? fructus solitudinis non est quidem mollis, est tamen fortis, non est pinguis, est tamen dulcis; est durus, sed in cortice; est acerbus, sed in superficie; est novi saporis, sed inchoantibus; est conterens dentes, sed non consuescentibus. O cor humanum, cur tines renovari? cur abhorres reparari? Velis, nolis, hinc abire compelleris; velis, nolis, sine mora emigrabis. O cor excors! cur non curris ad Dominum cordis? Cur omnia colligis, et te ipsum non colis? Dignitate præcellis, potestate excedis, auctoritate quidquid creatum sub cœlo est evincis. Nobilitatis tuæ progenies quanti sit, ob ignobilem conversationem non attendunt, qui post corpus suum te ponunt: exemplar tuæ formationis non meminerunt, qui inter corpus et spiritum quæ sit differentia non animadvertisunt. Natales tuos relege, et de quam spectabilis genere recole. Generi tuo maculam servitutis noli irrogare, quia servitus tibi non a te debetur. Etenim tu in loco sublimi sedere, cæteri vero tibi debent assistere. Tuum est mandare, cæterorum ad mandatum venire, et pro contemptu

A vindictam excipere. Tuum est injungere, subjectorum sine discriminâ injuncta effectui mancipare. Soli Deo si dignum præsteritis obsequium, tuum ad omnia valebit imperium. Hoc interim confabularium omittam, et tempus et locum constitua, quonarrationes, rationes, et allegationes utrumque liberius audiam. Valete.

EPISTOLA XXXVII.

AD T. PRIOREM MOLISMENSEM.

[n. 15.] Frater PETRUS CELLENSIS abbas T. priori Molismensi (48), salutem.

Sacratissimæ passionis et resurrectionis Domini nicae solemnæ seriae, dies cum suis horis, membra cum suis officiis non immerito hactenus vindicaverunt. Quid enim digitis meis cum calamo

B scribere in die, quo distenditur in cruce dilectus ex dilecto, qui factus est sponsæ suæ fasciculus myrræ? (Cont. 1.) Manus domini tornatiles, aureæ, plenæ hyacinthis, clavis perforantur, et manus mea ad aliud quam ad distillandum myrrham probatissimam occupabitur? In uno oculorum, et in uno crine colli sponsæ vulneratum cor ejus, et cor meum inania et supervacua meditabitur? Potius resiguet dies haec in affectu Christiani affectum morientis Christi, compassionem in membris, mortificationem in concupiscentiis, expiationem a vitiis, conformatiōnem in officiis charitatis. Ecce cur non responderim epistola tuæ die sequenti postquam eam accepi. Accepi namque eam, cum de vituli saginati pelle detrahenda et de agno assando jam ageretur, et manus ac pedes junioris filii Rebecca parabat supervestire vestibus Esau valde bonis, id est sacramentis ecclesiasticis. Jesus vestimenta sordida non propter peccati contaminationem, sed propter mortalitatis contaminatam conditionem deponebat, et sacram manuum ac pedum ablutionem, non carnali depositione sordium, sed conscientiæ bonæ interrogatione in Deum intitulabat. Jam ex odore unguenti a peccatrice, sed poenitente, in caput vel pedes Salvatoris effusi implebatur domus: jam convivium pinguium, convivium medullatorum apponebatur, vinum meracissimum crateris infun-debatur.

C D O bone amice, quis scribebet, ita quis non biberet? Comedite, amici, et bibite, et inebriamini, charissimi, continuabatur, et de morticinis pellibus atramento liniendis engitaretur? Ecce quare statim non respondi, cum libentius illis pulmentis intenderem, quam de responsione vestra cogitarem. Quid de Sabbato dicam? Quid, inquam, dicam, nisi quia Sabbatum est? Sabbatum revera sed delicatum, sed sanctum, sed gloriosum. Non licet igitur digitum extendere, et loqui quod non prodest. Deinde die sequenti, resurgente et cum spollis multis Domino redeunte, aliquid de præda pretiosissima veniens in occursum deposeat. Rursum intueor triumphum, excipio renascentia sidera; post solis ortum et au-

JACOBI SIRMONDI NOTÆ.

(18) T. priori Molismensi. Theobaldo fortasse, qui post haec abbas ejusdem cœnobii, 113 epist.

rum nascentem in thesauris meis consigne, ut
hoc apes reposita in sinu meo doceat, quod *fleble*
principium *melior fortuna* sequeretur. In his diebus
nemo alius scripsit, nisi tantum Pilatus, quinimo
destructum est quod adversum nos erat chirogra-
phum. Post hec vero tandem, cum exivit homo ad
opus suum, et ad operationem suam usque ad
vesperam, recognitavi seviam somniorum atque ser-
moenam epistolæ tue, et extrahens eam de tenebro-
sis ad lucem, deprehendi non esse mean. Ubi enim
mea, quæ de me principio narrat super id quod
vidit, aut audivit ex me? in medio flingit me dixisse
vel fecisse quod non est verum? in fine comparat se
illi qui sine peccato *non* est? Non sibi convenit
imago epistolæ tuæ, bone frater et amice. Primum
vinum ponis, deinde acetum supponis, ad ultimum
misturam myrræ et aloes apponis. Non rejicio
usqueaque laudem mihi propinatam, amplectens
dicens benevolentiam, non dicti conscientiam.
Langor enim ille fortissimus, quo sub sole universa
vanitas hominum laborat, et me cum aliis corri-
pat, quatenus suaves illas aurium modificationes
necdum propulsare didicerim. Naturale est hoc
vitium, et, ut ait Seneca, naturalia corporis aut
animi vitia leniri arte possunt, deleri non possunt.
Hoc animi scabies est, sed differenter occupat. In-
vadit quandoque inferiora, quandoque superiora,
quandoque totum simul, et superiora et inferiora.
Superius est in animo, quod ad rationem pertinet;
inferius, quod ad sensualitatem, totum quod ad
destinationem, sive deliberationem. Fallaci igitur
suppositione, dum alias animus forte ad quedam
majora et meliora occupatur; subintrat inanis glo-
rie amor, et foliis fucus turpitudinem suam obum-
brans, in latibulo anguli sedet, ut cum domina sua
ratio absens fuerit, viro, id est naturali appetitus
misceat, et ex tali concubitu Ammonitæ et
Moabitæ, qui non intrant in Ecclesiam Dei, usque
ad tertiam et quartam generationem, precreantur.
Quod enim ab initio conceptionis et generationis
vitiosum erit, ad innocentia gloriam quo modo in-
trabit? Nunquam igitur opus vanæ glorie numera-
bitur in remuneratione veræ glorie. Ideo Abra-
dicator: *Ejice ancillam et filium ejus. Non enim*
erit heres filius ancilla cum filio liberus (Gen. xxi).
Deinde quod periculosius est, ascendit sursum haec
scabies, et tangit ipsum verticem sanctum animæ,
ubi est imago et similitudo Dei. Quarit suam non
Dei gloriam, abutitur voluntate divina tam genera-
tionis quam regenerationis. Non nominat alium suum,
id est opus, Joannem, sed Zacharium. Hæc jam non
celat, et non velat, sed revelat turpitudinem suam,
et iuxta sapientiasimum, contra animam suam Ado-
rias petit Abisac Sunamitem, que regi David sole-

JACOBI SIRMONDI NOTÆ.

(49) *S. Joannis Quintiacensis.* Multa sunt in Gal-
lia cenobia, que *S. Joannis* nomen gerant. Hic
vero Reomensem *S. Benedicti* abbatiam in dioecesi
Lingonica designari puto. Quintiacensem vero, al-
teram Cisterciensium hæc procul Ternodoro sitam

A bat obsequia præstantissima et incentiva castis-
sima præbere. *Unum est.* inquit Safron. ac si
regnum petas (III Reg. xi).

Adonias cupidissimus regni, est ratio infecta
amore privati boni. Ambit iste Abisac sibi assu-
mere, cum tota ratio absorbetur a voragine cen-
odoxie. Sed occiditur, quia a Deo separatur.
Hoc malum sub sole est. Adhuc amplius malum
est, cum tota hominis intentio et operatio ad hanc
iniquitatem et negationem contra Deum se incurvat.
A laqueo sic contorto tritlici funiculo cave tibi, o
amicæ, quia malum est oblatis honoribus delectari,
pejus negatos appetere, pessimum pro sublati in
iram prosilire. An erat menim abbatiam illam dare
cui vellem, subtrahere cui vellem? Et quis ego? et
B quid ego? Præcipue comparatione tanta: archi-
episcopi scilicet Lugdunensis, episcoporum quoque
Lingonensis et Augustudunensis: abbatum etiam
Molismensis, sancti Joannis Quintiacensis (49),
quid ego nisi pulvis et cinis? Cœlum et terram
eum istis testes invoco, nisi forte evanuit a sensi-
bus meis, quod de persona tua nil in honestum, nil
criminosum in eoram auribus deposuerim. Reversa
non statim acquievi, et abiit sermo in regionem lon-
ginquam. Nominatus est iste, non dissimulavi dicere
quod audieram, vel videram: reticui tamen quod
ignorabam. Nominatus est Petrus de Vivaris, heu
mihi! pro quo contra amicos, et episcopos, et cleri-
cos, et familiares, alia vice fortissime steteram et
constantissime, nunc quoque ut potui steti. Quia
non potui ut esset abbas, vertit ad me cum quibusdam
suorum erga, et non faciem. Hoc anno multa
horum similia, non per visum, sed per sensum et
experimentum paessus sum. Amici quandam mei a
longe steterunt, et jam non ambulant mecum. Quid
itaque faciam? Non ibo? sed inobediens ero. Non
ibo? sed superbus apparebo. Tacebo? sed conscientiam
timeo. Tacebo? sed pecuniam Domini abscondebo.
Tacebo? sed callidus, vel stultus reputer. Utrique
parti placebo? Sed hoc erit simulatio, sed hoc erit
impossibile. Quid igitur? Dirige, Domine Deus mens,
in conspectu tuo riam meam (Psal. v). Quid, inquam?
Ba. sermonem rectum et bene sonantem in os
meum. Hucusque satis. Nam parietem litterarum
sedere, ne dicam impugnare parco. Rimas tantum
et quadam scissuras per circuitum obambulans
designo, sed et resigno. Nam quod fractum est, si
quid tamen fractum est, malo resarcire, quam nova
damna facere. Fiat pax.

EPISTOLA XXXVIII.

AD FRATRES CAZIACENSES.

[II, 14] Frater P. Cellensis abbas, dilectis fra-
tribus, filiis et amicis Caziacensibus (50), sapien-
tiam scribere in tempore otii.

SIMONDI NOTÆ.

in eadem diocesi.

(50) *Caziacensibus.* Pro abbate Caziacensi ad Eu-
genium papam scribit Bernardus epist. 265. Et in
litteris Hattonis episcopi Trecensis nominatur Si-
mon abbas Caziacensis. Apud Nicolaum quoque

Præter solitum, nec non et votum meum, in A virga, non in spiritu mansuetudinis scribere vobis proposui, qui paterna præcordia aculeis litterarum vestrarum absque misericordia perfodere non timuistis. Movet me et commovet plurimum pia' se-nectus in Patre, miseranda compassio in fratribus abjectione, seria et intemperata oratio in pagina-rum serie. Dissimulare, nec tam manifesta redarguere; pars ejusdem criminis videtur esse. Quis enim iste impetus? quæ ista ebrietas? Quod suffu-gium mentis et sensuum, fratrem abdicare, Patri contradicere, jus monastici ordinis sic perturbare? Dura et dira, fratres mei, ænulatio vestra, morte tristior, inferno inferior, saxo durior, amarior ab-sinthio, felle acetosior. Quid enim? pietas negatur, necatur misericordia, honor paternus conviciatur, insimulatur amor fraternalis, societas repellitur, re-gula violatur. O irreligiosa religio! O sieta sanctitas! B O invidiosa charitas! Siccine, fratres mei charis-simi, siccine Christum didicistis? Nonne Deus no-ster Deus pacis est, et non dissensionis? O stulta recordia illorum qui pacem suam dicunt, si fra-trem non receperint; mortem, si viderint; prospe-ritatem, si socium exterminaverint; devotionem, si opus devotionis condemnaverint! Haec in te pestis, Joseph, grassatur: hoc in tuum caput infortunium sine culpa refunditur. Vendere enim te fratres voluunt, quem videre nolunt. Paternæ gratiæ impedimentum sibi credunt, quia Patri gratiosum sentiunt. Sic sic fratrum ingratitudinem mercatur gra-titudo Patris. Si defuerit, inquiunt, amatus filius, ad nos resiliet paternus affectus. Dum Joseph visi-bus sistitur patris, rario ad nos deflectitur dulcedo paternitatis. Toliamus fratrem et habebimus pa-trem.

Quam justius et jucundius faceretis, si vobis filialem devotionem invisceraretis. Hoc nempe af-sectum multiplicaret, non devastaret. Boni fratres et amici charissimi, currebatis bene; quis vos fascinavit sic patri scribere, sic fratrem proscribere? Quid enim Tes. mali fecit? quid tam atrocis injuriæ dignum perpetravit? Quod tam immanissimum suum facinus, ut sic contra legem sine lege vestro judicio non rediret? Ubi sunt misericordiae vestrae antiquæ quibus veniam criminosis indulsi-tis? quibus sceleratis commissa facinora remisistis? O quanto impurioris, quantoque indignioris vite pluribus et locum misericordiae impetrastis, et gratiam immeritam prorogastis! Ubi fornicationes T., ubi inordinatae comediones? Ubi ignominiosæ ope-rationes? ubi innominandæ confusiones? Opera lucis, non tenebrarum opera T., opera diei, non noctis; opera prædicanda, non præjudicanda. O livor! o invidia! Quo ausu ingressa es sanctuarium Dei, cubile Al-

A tiasimi, tronum Regis æterni? Qua tyrannica præ-sumptione sanctorum præcordia rupisti et irrupisti, quinimo et dirupisti? Ece pondere gemitum et clamorem validum de corde amicorum pressasti. Unde namque uscio illa cordis, unde angustie men-tis, nisi te succendente, nisi te constringente? Pro-rus usque ad internectionem animæ combureris, et ex hoc paupertas et angustia cordis. Non, fratres, non adversum me ira, sive commotio vestra exar-descat. Nequaquam enim tacere vobis debui inspi-cientiam vestram. Acquiescite tamen consilio meis, et quod inconsulto factum est, consilio corrige-re ne disperatis. Quam citius ergo poteritis, ad pedes Domini abbatis simul procumbatis, satisfacientes pro erratu non levi, neque surgatis nisi benedictio-nem ab ore paterno reportaveritis. Mihi quoque, si in aliquo excesserim, obsecro, indulgeatis. Diligo enim vos, Deus scit. Valete.

EPISTOLA XXXIX.

AD FRATRES CAZIACENSES.

[II, 45.] Fratribus, filiis et amicis suis charissi-mis Caziacensibus, frater PETRUS humilis abbas Cellensis, salutem.

Non levitas, aut levis necessitas ut loquar suadet, Patris languorem, matris desolationem, fratribus attendens commotionem. Verum est, verum est, fra-tres charissimi, illud Evangelicum: *Percutiam pasto-rem, et dispergentur oves gregis* (*Matth. xxvi*). Quid autem horum gravius, percussio pastoris, an di-spersione gregis? Evidem divisum sine dubio alterum satis grave; simul vero utrumque pene damnum intolerabile. Iumorabor igitur plangendo Pa-tris passionem, an consequar revocando fratrum exterminationem? Sed ut rerum fatear, utrumque si utrumque contigerit lugebo. Sed alterum asse-ctuosius, alterum ambitiosius. Nam Patri uberior lacrymas profundam laboranti in defectu naturæ; fratribus emitam intensius redargutionum sagittas propter excessum culpe. Morbis namque naturæ compassionem, corruptioni animalium decheinans reprehensionem. Condolendum, non imputandum est seni, quod egreditur mundum: imputandum vel potius amputandum in Christiano, si rumpere tentet dilectionis vinculum. Re integra, fratres charissimi, nondum imminentia lucrosius evitantur pericula, si adfuerit oculus Providentiae, et manus vigilantis cautele. Casus fortium terrere debet for-tunam pauperum. Nam tua res agitur paries dum proximus artet. Quantumlibet potentissima, qua-ntumlibet opulentissima regna in brevi contentionum molestia succensente corrunt. Mundi ipsius ma-china stare non poterit, si se elementorum in-contemporantia conturbaverit. In proximo Cluniacensis (51) Ecclesia antiquitate senior, religione

JACOBI SIRMONDI NOTÆ.

Clarevallensem legitur epistola 19 ad abbatem Ca-zeiensem, hoc est, ut codex noster habet. Caziacensem, ex qua cœnobium ordinis Cisterciensis (*imo* Benedictini) esse constat. Situm autem est in Sues-

sionum diœcesi.

(51) *In proz. Cluniacensis.* In electione Roberti, de qua dictum epist. 26, abbas hujus nominis non reperitur ea tempestate inter Cluniacenses.

serventior, rerum abundantia plenior, multitudine numerosior, quid fecit? Scandalum parvulus, piis modestiam, religiosis verecundiam, amicis pudoris jacturam, universæ Ecclesiæ velamen opprobrii. Ubi enim ambitur honor secularis sub tegumento religionis, quando ab eodem arcebitur erodus animus in maturitate dilectionis? Si ita favus mellis acescit, quid absinthii amaritudo, quid aceti faciet acreo? Proverbium est: Suaviter corrigitur, qui exemplo aliorum emendatur. Maneant igitur, in vobis unitas, pax, et concordia, ut id ipsum dicatis omnes, et non sint in vobis schismata. Quandiu Patrem vestrum, imo nostrum, vobiscum retinere poteritis, alium ne cogitetis. At ubi inevitabilis cogente necessitate aliter disponendum fuerit, Spiritus Paracletus invocandus, coetus sanctorum convecandus, et vir bonus, religiosus, discretus, litteratus, pius, et in sancta religione enutritus, qui Patris vestri imitator sit, omnimodo investigandus. Valete.

EPISTOLA XL.

AD CARTHUSIANOS DE MONTE DEI.

[III, 1.] Dominis suis et Patribus priori (52) cum ceteris de Monte Dei (53), frater PETRUS Cellensis indignus abbas, usque ad montem Dei Oreb.

Aliud materia, aliud suadet scribere vestra reverentia. Et materia quidem, que est charissimi filii nostri translatio ad vos, potius semper silere, vel instantius flere, quam scribere admonet. Sanctitatis autem vestrae reverentia sancta et digna exigit. Itaque non qualibet levia et secularia, sed fortia et celestia debet assumere, qui vobis proponit scribere. Quid autem charitate fortius, que fortis est ut mors? quid celestius, que etiam omnem exsuperat sensum? Et de hac quidem, quantum ad nostrum se inclinare dignata est sensum: *Majorem hac dilectionem nemo habet, ut animam suam posat quis pro amicis suis (Joan. xv).* Quantus igitur apud meam humilitatem vestra profecerit dilectio, estimare poterit, qui quod pro ea reposuerim premium diligenter pensaverit. Certe non aurum, sed virum secundum cor meum; certe non argentum, sed quem habebam quasi unigenitum: certe non lapides pretiosos, sed lapidem, quem mihi erexeram in specialis amoris titulum, in hoc proposui commerceio. Scio, nec prorsus dubito, quod si omnem substantiam domus meæ dederim pro sancto amore vestro, nihil tamen in comparatione illius attulerim. De Monte namque Dei non amor mundi, sed amor coeli descendit; non carnalis amor, qui tanquam nubes matutina pertransit, sed æterna

JACOBI SIRMONDI NOTÆ.

(52) Priori. Simoni, viro sanctissimo, epist. 46.

(53) De Monte Dei. Pulcherimum, multisque nominibus clarissimum Carthusiensis ordinis cœnobium, ab Odone S. Remigii abbatte fundatum in diœcesi Remensi, praefectura Mosomensi. Tertius ab Odone S. Remigii abbas fuit Petrus noster, ut vel hinc satis cause fuerit, cur fratres de Monte-Dei tanto studio et amore complexus sit. Sed aliae

A *charitas quæ nunquam excidit (1 Cor. xiii)*. Non enim recipit estimationem, quod omnem exceedit accidentium licitationem. Divini siquidem amoris suavitatem sanctorum animarum plus redolet amor. Et quid humana paupertas dignum recompensanis, non dicam ad supernum amorem, sed salem ad quatuorlibet sanctorum dignationem, in omni thesauro inopize copiose abundantis reperire poterit? Sane nil senioris mihi videtur ad hoc consilii, quam ut gratiam rependat pro gratia, ad illius imitationem, qui potius ex abundanti quam ex indigenti, non aliud quidem solet dare pro gratia. Itaque et ego gratias vestras gratias ago, non tamen vanas, non vacuas, sed ultra facultatum mearum sufficientiam largas et divites. Non enim de arca, sed de conscientia, non de fundo marsupii, sed de intimo cordis, non de supellectili domus, sed de intimis visceribus profero quod accipitis. Si enim aliter fieri posset, si aliud pretium, quantumcumque magnum, vestra sanctitas exposceret, si aliquam commutationem commercium illud admitteret, o quam libenter darem! o cum quanta gratiarum actione numerarem! O Deus cordis mei, quanta animæ meæ usque ad mortem in hoc parta angustia, quam importabilis! nisi tu mecum portaveris in separatione ista affectionis semper duratur æratura.

C Jesu bone! indubitanter pro te aliiquid me fecisse jam deinceps fateri non erubesco. Sed quid aliud facerem? Tuus est ille, tuus sum ego. Et utinam sic tuus ego, sicut ille tuus! Et qua fronte tibi de tuo tuus contradicere presumam? Non resisto voluntati tuæ contumaciter, ut tu assistas desolationi meæ misericorditer. Vide humilitatem meam et laborem meum, et dimittite universa dolicia mea (Psal. xxiv). Domine, Domine, nonne totam mitius a me tolleres animam, quam partem dimidiari? Placeat tibi saltem non deserere partem residuam, quia tibi assumis præcipuam. Vere nunc experior, quod separare veneris botinæ adversus patrem suum. Vere hic gladius Salomonis vivus et edicax, et penetrabilior omni gladio ancipihi, pertinens usque ad divisionem animæ et spiritus. Quare proprie te divisa est maceris animorum praesentia corporum? Tu mediator, tu lapis angularis, tu dispersos Israel congregas, tu Deus unus, ad te et in te utraque faciens unum, quare sic facis, vel si non facis, quare pateris ut caream baculo meæ debilitatis? ut suam columnam deserat basis? ut sine Aaron non Moyses, sed tuus miser cogatur sustinere questiones sive molestias hujus talis et

præterea vetustiores fuerunt, atque in his Stephanus monachi Cellensis ad illos emigratio, de qua hoc loco. Stephanus nomen docuit index seu titulus epistolæ, quem his verbis conceptum meminimus: *Epistola Petri abbatis Cellensis ad Stephanum quemdam monachum suum, sed postea monachum Montis Dei. Sed hanc hactenus nancisci non licuit.*

tastæ multitudinis? Pie Jesu, non sustineat pietas tua sine consolatione meam diutius fragilitatem conquassari, sine visitatione fatigari. Quid est hoc? Vobis cœpi scribere, vobis loqui, et sic in mediis sermonibus, cum tanta mora meas miserias misericordissimi Dei conspectibus explicui. Certe ut videatis, certe ut intelligatis, quis sit dolor filium dexteræ amittere, et nec saltē sublato Joseph, Benjamin retinere. Quinimo ut Deum totius consolationis meis compatiendo moeroribus dulciss et obnixius pro me exoretis. Est enim benignus piorum exauditor, largus pro se aliquid facientibus remunerator. Orate itaque, ut et istum, quem quasi in vinculis Christi retinetis, non amittam, et ut optando scrisistis, pro Samuele nostro prophetam non inferiorem recipiam. Sic enim dote bona datus, consolationem aliquam vestris orationibus accipiens, potero exspectare illam veram et æternam, pro qua desolationem suscipio temporalem et transitoriam. Valete.

EPISTOLA XLI.

AD CARTHUSIANOS DE MONTE DEI.

[III. 2.] Dominis et Patribus suis de Monte Dei, frater PETRUS CELLENSIS, dulcedinem gratiae quam repromisit Deus diligentibus se.

Exultat spiritus meus in Deo salutari meo, tum quia videre et audire vos vel semel merui, tum quia familiaritatis gratiam, gratia superna largiente, inveni. Accedit hinc beatitudini meæ dulce ad invicem commercium litterarum, unde et amaritudinibus meis mitigativum paratur electuarium, et inquietudini sopitivum medicamentum, et hebetudini non mediocre æruginamentum. Denique quoties formam et vultum inspicio sermonum vestrorum, magna virtute veneficos morsus evado rugientium curarum, inundationes contempero influentium occupationum, assaultus represso internarum et veterinarum inimicitarum. Placet sensus profunditas, dictorum veritas, morum informatio, errorum redargutio, amputatio vanitatum, condemnatio ambitionum. Plus medullæ farinæ, minus corticis et lufuris habent. Facile ex his perpendi potest, quid in se de se anima religiosa sentiat, quid supra se de Creatore suo obstupescat, quid infra se de peregrinatione mundi et tentatione carnis pertimescat. Plane ad se ipsam conversa conturbatur, ad factorem suum suspensa dilatatur, ad corpus reversa confunditur. Quid enim corpus, nisi terra inanis? quid anima, nisi abyssus impenetrabilis? quid Deus, nisi lux incomprehensibilis? Igitur ut caro sterilis et infecunda imprægnetur, jejunii et vigiliis affligatur, ut anima tetra et tenebrosa clarificetur, pristinis virtuibus et phantastica ignorantia exuatur. Caro abstinentendo fuit paradisus deliciarum, anima orando et contemplando efficiatur serenissimum cœlum. Cuius et operator paradisi deputetur ratio: protector et inhabitator animæ ipsius creator. Adhibeatur corpori diligens disciplina, ne tanquam puer immā-

A turus in perniciem sui effatur: cultura impendatur, ne velut ager neglectus mala prole urticarum inutiliter occupetur; vomere et sareculo concindatur, et bono semine impletatur. Nam hujus naturæ est hoc corpus, ut que magis opprimitur, eo amplius multiplicetur. Terra hujus carnis, nisi aratro disciplinæ convulsa fuerit, quasi clausa vulva inutilis erit. At ubi fortiter concussa vel conscissa semen Domini exercitum excepit, germinare secundum genus suum incipiet. Denique secundo vulnerata, tanquam gladio ancipiit, amore videlicet et timore, uberes fructus justitiae, largissimas aquas internæ compunctionis, imo sanguinem et aquam in redemptionem prævaricationum suarum, et emundationem originalium delictorum, in vitam æternam saliendo proficit. Alteratur itaque contritione valida, ne insolecat, et pro frumento bonorum operum spinas et tribulos desideriorum malignorum afferat. Fodiatur, imo confodiat lancea Salvatoris, ne animam in sepulcro vitiorum defossam æternis addicat incendiis. Duobus funiculis David admetiat, uno ad mortificandum, uno ad vivificantum, ut quod nature est conservetur, et quod vitii, destratur. Sic, sic quantumcunque lapidosa flet molles et tenera: quantumcunque salsauginis plena, flet dulcis et bona; flet, inquam de benedictionibus cœli frugifera, flet quasi borti juxta fluvios irrigui, quasi areolæ consiste a pigmentariis, quasi mons coagulatus et pinguis, tanquam vallis nemorosa, velut terra sancta et uberrima.

De hac solummodo oritur veritas, in hanc justitia de celo prospicit, hanc inhabitat et inambulat sanctitas: ferrum de hac tollitur, maleus universæ terræ et securis suggestionis diabolice in ea non auditur. Hec terra benedictioni proxima est. Haec, inquam, accipit, tanquam lac divini uberis, primam benedictionem in justificatione, secundam in glorificatione. Omnis igitur, juxta Apostolum, qui lactis est particeps, velut ab uberibus maternæ gratiae, exsugat ab ista lac sanctificationis, ab illa consolationis. Hoc enim est quod ait Apostolus: *Habetis fructum vestrum in sanctificatione; finem vero vitam æternam (Rom. vi).* Sic, sic vivitur, et in talibus vita spiritus. Sic vivunt parvuli tui, Domine Deus, ab ubere presentis visitationis, sic ab ubere futuræ expectationis. Hæc duo, sicut duo binnum capreæ gemelli, quia ex abundantia divina jam prælibatae dulcedinis, et ex indubitate certitudine sequentis remunerationis, jam ad Deum, sicut cervus, inaequabilitatem adversitatum transcurrimus, jam super montes aromatum mundarum orationum præ alacritate transilimus exclamantes cum Apostolo, quia non sunt condigneæ passiones hujus temporis ad futuram gloriam quæ revelabitur in nobis (*Rom. viii*).

Cujusmodi autem lac, fratres, esurialis, hæsitio, quia ad humanos usus non simplex, sed aliud ovatum, aliud capricum, aliud vaecinum a Deo creatum perpendo: habet et humana infantia lac proprium,

et statu sive congruum, mamillarum maternarum. Ex A qualitate vero uberali uniuscujusque lactis, cui magis personæ, vel statu quodlibet horum competit, non est dissenserere. Est namque caprinum parum nutritivum sed satis digestivum; vaccinum multum nutritivum, sed durum ad digerendum; ovinum ex his medie contemperatum. Quamobrem ex alioservi, ex alio filii, itemque ex alio pascuntur domini. Qui domini, nisi qui dominantur in universa Ægypto carnis sue? Qui filii, nisi qui de ventre nati sunt gratiæ? Qui servi, nisi quorum manus servierunt in cophino veteris vitæ? Servi necessitate indigentia, filii suavitate indulgentia, domini deliciarum plenitudine lac edere solent. Utinam mihi peccatori indulgeatur lac venie, vobis jam expiatis lac gratiæ, tandem expiatis lac gloriæ! O clarum lac! o suave! o jucundum! Clarum, quia per veniam transferimur de regione tenebrarum ad lucem gaudiorum. Suave, quia per suavitatem gratiæ, ab amaritudine tentationum ad dulcedinem deducimur immarcescibilium delectationum. Jucundum, quia per gloriam a sæculi tristitia evadimus ad æternum et incommutabile gaudium. O abundans jucunditas! o jucunda abundantia! In die enim illa nutriet homo vacca boum, ut ait Isaías, et præ ubertate lactis comedet butyrum (*Ies. vii.*). Quæ namque est vacca boum, nisi anima consors naturæ et gloriæ celestium spirituum? Quam homo Christus nutriet, non sicut nunc in umbra sacramenti obumbrati veritate, sed in declaratione veritatis, et in detectione reserati per clavem David mysterii de mensa corporis, et de vino pretiosi sanguinis, de vestimentis gloriæ, et de lacte matris gratiæ, quod præ ubertate misericordiarum vertitur in butyrum dulcedinem, quia omni flexibilitate et mortalitate de medio sublata, omnimoda commutatione transformabitur a claritate in claritatem, et sic in Deum. Tunc enim erit omnia in omnibus. Quid hoc butyro pinguius? quid hoc melle dulcius? Hoc mel coeleste est, non campestre, non denique silvestre. Joannes in solitudine mel silvestre edit satisfactionis: Jonathas in procinctu belli campestre justificationis: puer Jesus in Virgina et de Virgine mel coeleste incorruptionis. Sufficit enim lucernæ quæ lucet et ardet, in campis silvæ poenitentiam prædicari, et quando fugiat a ventura ira, populum edocere. Juveni, qui in agone fideliter et viriliter decerat, in virgæ, videlicet justitiæ, summitate futuram dulcedinem prægustare. At vero Christus Jesu, qui lux est illuminans non illuminata, creatrix non creata, propter altitudinem divitiarum sapientiae et scientiae thesauri absconditi (*Colos. ii.*), parum est ut sit præparator, non sit et dator, non solum venie, sed et gratiæ.

Denique ut de maximis ad minora trahamus exemplum, cor cujusque religiosi ad similitudinem baptistæ Domini a strepitu sæculi quietum, in baptismō devotionis emundatum, in mortificatione carnis præparatum, in amore verbi Dei confirmatum, in religione angelorum stabilitum, et si non-

dum coeleste mel pleno ore et ventre eructat, silvestre saltem prægustat. Alter enim gratia sapit in patria, alter in exilio; alter rara, alter larga; alter continua, alter interpolata; alter in corpore mortali, alter in immortalis; alter invisibiliter data, alter visibiliter administrata. Calore igitur charitatis liquefacta, et colatorio discretionis aliquata, nihilominus et infusorio exquisitæ veritatis infusa homini gratia, asperitates faucium in confessione mitigat, stomachum receptivum innumerabilium cogitationum mundificat, discretivam cerebri rationem ad certam mensuram modificat, et vitalem venam ad veram immortalitatem cordi subministrat. Hic autem interim nos cum turba tanquam in campestribus ad gratiam suspiramus: ibi velut in monte contemplationis glorificatam Jesu faciem suspicimur. Hic exspectamus, ibi spectans; hic petimus, ibi accipimus; hic rogamus, ibi erogamus; hic inopes, ibi locupletes; hic pauperes, ibi divites; hic cum Joanne in deserto, ibi cum Jesu in regno; hic in carcere Herodis, ibi in palatio æternæ hæreditatis. Hic ad reparationem gratia commodatur, ibi ad refectionem præstatur; hic in mensura, ibi supra mensuram; hic in utre, ibi in ventre; hic in cortice sacramenti, ibi in manifestatione summi et incircumscripsi luminis. Ecce lac, imo butyrum, ecce mel, vel potius favum mellis offert servus vester mensæ dominorum suorum. Ad quid iterum vobis vas aquæ cum amphora vini? O domini et amici charissimi, puteus altus est, et lapis superpositus, quem mihi angelus nondum revolvit, Jacob nondum amovit, et quomodo dicam: Bibe, domine, et camelis tuis potum tribuan? O ardens desiderium! Fosoria habetis, venas aquarum viventium possidetis, puteos quos sodit Abraham et filii ejus, Isaac et pueri ejus, habetis, et adhuc aquam de cisterna quæ est in Bethlehem suspiratis? Evidem hæc aqua, et si bona ad bibendum, sed difficilis ad inveniendum. Iter prolixum et obsessum, locus remotus et ignotus, vires paucæ et ræræ, unidique hostis et ensis, nox instans et præ foribus tenebræ. Nisi itaque ad incomparabilem thesaurum obtinendum tanti labores non sunt insumendi. Quid dicam? Momento tamen sui hæc purissima gutta superat omnem laborem, quia sitim satiat, sordes lavat, æstum temperat, humectat arida, dura emollit, sterilia secundat. Ex hac lagenas oculorum suffusas in libamentis vestris effunditis, et cum hac altissimo Deo vota placabilia offertis. Hæc ignem extinguibilem extinguit. Hæc rigorem judicis ad pietatem inflectit. Hæc cherubin, et flammeum gladium atque versatilem, ne ledant compescit. Hanc in vinum convertit: et suo more potiora exhibet in benedictione, quam in creatione. Procul dubio sunt nobis plures fortes ad bibendum vinum, et ad miscendam ebrietatem; ad hoc autem poculum quis idoneus? Verus Noe noster, qui requiem nobis dedit ab operibus mortuis, hoc vino debriatus, turpiditudinem humanæ infirmitatis in cruce denudavit,

et a meilio filio, qui neque calidus est neque frigidus. irrisione sustinuit. Ideo pauci procedunt ad emendum, pauciores ad possidendum, paucissimi ad bibendum, fere nemo ad ebriandum. Potens potator hujus vini fuit filius fabri. Post huac emigraverunt ad vineas Engaddi qui bibeant vinum libanum. Quia igitur nunc non est relictus in Sion, et residus in Jerusalem, qui de manu Domini calicem vini meri suscipiat, accedite vos qui estis de domo Dei, et de monte Dei, et bibite et inebriamini, charissimi.

EPISTOLA XLII.

AD EOSDEM.

[iii. 3.] Dominis et amicis suis priori, et cæteris fratribus de Monte Dei, frater PETRUS Cellensis, bracio diurni denarii non fraudari.

Suavissimi saporis buccellas, quasi panis oleati, avido ore in mensa litterarum vestrarum prægustans, jucunditatem spiritus coepi eructare, et iterum atque iterum præ desiderio spiritum bonum attrahere. In crassitudine quippe animæ bene pastæ, in abundantia dulcedinis Dei scripsistis, et sicut adipe et pinguedine spiritualis lœtitiae fauces meas replestis. Sermo namque vester non est talis, qui adulterinis formis superinductis speciem pietatis repræsentet, et virtutem abneget. Hoc enim illorum est, qui in corde et corde loquuntur, vel qui molliunt sermones suos super oleum, cum ipsi sint jacula. Non autem verbum vestrum sic insulsum, sic infatuatum, sed sale salitum, sed gratiæ plenitudine confortatum viscera replet sanctorum, vires reparat animarum, languores sanat ægrotantium, fortitudinem conservat sanorum. Præterea delicotorum sufficit gulosity, et nauseantium medetur rejectioni. Pascit ut panis, ut vinum lœtificat, ut paradisus deliciarum, exuberat in omni suavitate, ut tempulum speciosissimum resulget in omni pulchritudine. Plane suadibilis ad commonendum, rectus ad componendum, efficax ad commovendum, potens ad corroborandum, dulcis ad demulcendum, ardens ad inflammandum. Cum enim pure de puro vase purus effunditur sermo, quid ad emundandum aptius, quid ad informandum apertius, quid ad omne opus bonum utilius? Sane verbum bonum de bono Dei verbo frequenti meditatione decoctum, exercitationi corporali et spiritali tanquam mola inferiori et superiori molitum, continua examinatione cogitationum accusantium aut etiam defensionium cribratum, humilitatis ossibus confert medullam, spiritui contrito medelam, et animæ esurienti adhibet satietatem bonam. Decoquitur vero panis iste aut in cibano profundi mysterii incarnationis Christi, aut in sartagine vivifica crucis, aut in craticula mortis et sepulcri: cum vita vestra, locutio vestra, cogitatio vestra commoritur et corporatur, vel consepeletur Christo novo genere vivendi. Videte panem de cibano: *Memor esto Dominum Iesum resurrexisse a mortuis ex semine David* (II Tim. xi). Comedite panem de craticula:

A Cum adhuc peccatores essemus, Christus pro impiis mortuus (Rom. v). De sartagine frixum apprependite: Cum iniquis deputatus est; et, vere languores nostros ipse tulit, et infirmitates nostras ipse portavit (Luc. xxii; Isa. liii), in corpore suo super lignum crucis.

Panis iste triplex itinerantibus per desertum ad viam trium dierum non deficit, quia etiam tertium cœlum potentibus seu penetrantibus fides incarnationis, passionis et mortis, tanquam scala Jacob, vehiculum existit. In introitu vero tabernaculi non manufacti, id est non hujus creationis, quod scilicet fixit Deus et non homo, porrigitur panis de duabus decimis similiæ, id est consolatio æterna pro legi et Evangelii consummatione, nec non pro carnis perfecta incorruptione, et vera sanctitate animæ. Hastam aut gladium ad quid petitis? quem interficere vultis? quem ferire? Ubi est vel quis est adversarius vester? Nonne vos confugistis ad latissima loca Engaddi? Nonne Christus est vobis petra refugii? nonne turris fortitudinis? nonne omnis armatura fortium? nonne inattingibile propugnaculum? nonne gladii duo, scutum, arcus et sagitta? O fortissimi milites Christi! hastam protensam habetis in orationibus continuis, gladium in mortificatione carnis, panem sanctum in spe æternæ glorificationis. Hasta vestra non est aversa in adversitatibus mundi, quia rectos facitis gressus ad cœlum; gladius non declinat in conflictu desideriorum et impetu suggestionum, quia ante Dominum est omne desiderium vestrum; panis non inveteratur ex dilatione præriorum, quia revirescit charitas certa spe promissorum bonorum. In calore namque suo perdurat panis, quia charitas non tepeſcit in cordibus vestris. Non hebetatur acies gladii, quia non defervescit rigor discipline ac sancti propositi. Hasta non infringitur, quia oratio vestra acumine suo cœlum penetrans nullis obstaculis reverberatur.

O bellum grande, et grave, in stationibus dissimile, in viribus inæquale, in armis incomparabile! O rector et moderator omnium, quam, nisi a te fieret, ridiculosa pugna vermis et gigantis, hominis et daemonis, animalis terreni et aerii, velocissimi et tardissimi, stultissimi et callidissimi, antiqui et moderni, mortalis et immortalis? Stat ille in superioribus, jacet iste in inferioribus. Pennas ille habet, iste nec pedes. Videt ille quem persequitur, iste sentit nec attendit a quo tam crudeliter verberetur. Mole carnis molestatur iste: bonitate Creatoris ex creatione sua libero volatu quolibet devolutus ille. Utitur hostis mundo isto ut decipiat; utitur homine adversus hominem ut occidat; utitur eodem adversus eumdem ut absorbeat. Sensibus suis tanquam propriis armis triumphat, et transguat [strangulat] captivum, cum spiritus in servitatem non redigit mortale corpus suum. O pestis iniqua! o sors hominum misera! non est tibi in te virtus, non in arcu virtutis tuæ, neque in hasta liberi arbitrii tui salvat Dominus. Sic collisa inter

scopulos, sic contracta inter populos, habes tamen A præmium cum filiis Enachin, quibus comparata vi- deris quasi locusta : habes capitale duellum cum principiis tenebrarum, victori vel victo proposita morte et vita. Non resurget, non qui ceciderit, sed qui cesserit; non addet qui destiterit: non rursus accedit, qui lapsus fuerit. Primo viximus primus homo, quia secundus venit de cœlo, habuit in coeno sublevantem se: denuo si succubuerit, non repa- rabitur, quia aliud deinceps non generabitur ex vir- gine Dei Filius. Voluntarie enim peccantibus, non relinquitur hostia pro peccatis. Instantius itaque agendum, ne urgeamus redire, cum inclusi in morte iterum non sinemur tunicam oblitam repetere. Tu- nican enim poenitentiae qui neglexerit in corpore, opportunitatem nullam habebit post transitum vite. Ecce, domini mei et amici charissimi, statim ut vidi angelum vestrum, cucurri ad armentum cum Abraham, vocavi Saram memorie, puerum cordis, et miscui vobis farinam, ut facerem subcinericum. Habetis itaque cilicium vestrum, habetis et subci- nericum nostrum. Cooperantur hæc duo ad extra- bendam peccati rubiginem, ad delendam prurigen- nem, ad extergendam sorditiem. Idcirco sana et sancta potuit veraciter exclamare conscientia, vasa puerorum munda esse. O gemma pretiosissima et præclarissima! pro qua si dederit homo omnem substantiam domus suæ, tamen nihil aestimatur in comparatione illius. Delino sancta corda, mundos oculos, puras manus, plusquam debeam a pabulo vite, ab introitu glorie, a contemplatione faciei Jesu jam glorificatæ et deificatæ. Sed nunc jam re- mittio; et ut me commemoratione pia in humeris vestris perferatis ad thronum glorie deposco. Valete. Fratrem Simonem lumen oculorum meorum, par- tem viscerum meorum, attentius vobis commendo.

EPISTOLA XLIII.

AD EOSDEM.

[III, 4.] Suis de Monte Dei, suus Petrus Cellensis, a claritate transferri in claritatem.

Venerunt filii usque ad partum, et tempus non est pariendi. Manus ad rescribendum parabatur. nimus ad dictandum, locus ad sedendum; et ecce ventus occupationum nuntii vestri vela occupans navigii nostri ad portum silentii retorsit. Quid enim? Nonne jucundius et voluptuosius paulatim vinum bonum, quod servatis usque adhuc, per tempus et tempora degustabitur, quam uno haustu cum damno optande suavitatis deglutitur? Etsi enim in transita desidero vos videre, saltem nolo in transitu scribere: Gustavi et vidi quia bona est negotiatio vestra. Nequaquam manus vestræ in coplinis ser- viunt; nequaquam civitates Ægypti in luto et latere construunt; sed quæque pretiosa et speciosa requiriunt; sed fusum et colum ad nendum sive contex- endum rationale et superhumerale, et cætera summi pontificis insignia ornamenta apprehendunt. Hinc est quod non de stupris synagogæ peccatorum grossiora vestimenta animæ vestræ delicatæ appo-

nitis? neque contra legem ex lana linoque vesti- mento induimini; sed abdicantes occulta dedecoris, faciem lavatis, caput ungitis, et de velleribus ovium vestrarum venientes ab aquilone calefacitis, cum etiam de confessione vestræ integerimæ sim- plicitatis exempla sumuntur sanctæ religionis. Sic est, dilectissimi, sic est: *Accedit homo ad cor altum, et exaltabitur Deus (Psal. LXIII).* Annon in luna cum lumini solis appropinquat sic evenit, ut eo a suo fulgore videatur deficere, quo fuerit effecta vi- cinior? Cæci domus non ideo pulchra, quia deformitatem ejus non videt; non ideo sana, quia ubi ventrem faciat non considerat. *Cani, juxta prophetam, in Ephraim effusi sunt, et ipse ignoravit (Osee. vii).* Doletis fetorem Lazari, truncum jam emor- tum miramini revirescere, muros Jericho non pa- timenti consurgere. Facitis namque quod ait Nabum propheta: *Aquam propter obsidionem hauri tibi, in- tra in lutum, et calca, et subigens tene laterem (Nabum, III).* Intelligitis obsidionem principis hujus mundi, aqua de cisternis sicut nec de cellis deficit. Lutum earnis ut fortius prematis, et validius cal- catis intratis, si subigendo tenere laterem memi- neritis. Non itaque usque ad internectionem dese- viat mucro vester. *Tolle, ait Dominus, grabatum tuum et ambula (Joan. v),* id est corpori indulgeas, non servias. Quam suaviter in impetu spiritus eve- hor, dum vobis scribo, tam ægre fero, dum in me- dio itineris subsistere cogor. Ad quæstionem re- spondere parco, quia non perfunctorie eam tractare dispono. Valete.

Destitutus spe ulterius procedendi subsederam non volens, sed propter eum qui quasi media via me deserbat. Interim flavit spiritus bonus, et dum illius cassavit propositum, nostrum complevit desi- derium. Moram procul dubio timebam, et temporis sive portatoris importunitatem ad meam referri ignaviam satis pertinaciter devitabam. Ut itaque meam insipientiam oculis amicorum et dominorum meorum simpliciter prodam, non quod ex prom- ptuario aridi pectoris, sed quod de horreis Joseph in saccis filiorum Jacob mutuavi proponam. Appo- nam vero prius in mensa ista panes propositionis vestræ, ut cuin his sumuntur legumina decoctionis nostræ. Quosdam vestrorum ita scribitis sentire de verbis Apostoli, ubi ait: *Renovamini spiritu mentis vestræ (Ephes. IV);* et alibi: *Et si homo exterior cor- rumpitur, sed qui intus est renovatur de die in diem (I Cor. IV),* et de paradiso deliciarum in quo Adam positus est, sive etiam hoc, quod homo ad imagi- nem et similitudinem Dei conditus asseritur, ut sub eodem sensu omnia ista accipiantur. Addunt etiam hec bona deliciosa bifarie debere accipi, scilicet secundum substantialie bonum et accidens: referentes ad essentialia dona imaginem, similitudinem vero ad ea quæ adesse et abesse possunt. Priusquam his bonis coloribus et a doctis pictoribus imaginem sensuum istorum compositam in sacrario Dei sta- tuam, quero de origine, de auctore et de virtute,

vel etiam utilitate ejus. Ut enim religiosum sit quod A adoratur in templo, non nova, non ignota, non de- nique facta debent esse numina. *Israel*, ait Propheta, *si me audieris, non erit in te Deus recens, neque ado- rabis Deum alienum* (*Psal. lxxx.*). Non magis abominabile est simulacrum in Ecclesia Dei vivi, quam de sancta Scriptura sensus perversus in anima Chri- stiani. Delectus tamen et hic habendus est. In his siquidem, quæ ad sanctæ Trinitatis, vel incarnationis fidem, seu sacramentorum Ecclesiæ pertinent errare periclitari est. De multiplici vero sensu Scriptura- rum, vel judiciorum Dei, quæ nunc plura sunt, quasi diversa, non tamen contraria, a fide sentire, non est exorbitare. Hie enim sonus est alarum ani- malium in Ezechiel se adinvicem percutientium, quia sanctæ animæ de thesauro sapientiæ et sci- entiæ Dei largiter accipiunt, unde corpus Ecclesiæ in augmentum corporis Christi diversarum gratiarum compagine satis eleganter componunt. Itaque frater ille suo bono quidem sensu donum sibi eburneum fabricaverit, et bicameratam, sive tricameratam arcam in diluvio aquarum multarum præparaverit. Miror illum tamen tantum aedificium parvis sumptu- bus extruxisse: et cum illud fundamentis solidissimis apostolorum et prophetarum firmare, floribus doctorum fulcire, malis martyrum stipare, ut sapiens architectus debuisse, oblitus paxillos æreos auctoritatum Veteris, et funes argenteos Novi Testamenti inserere, quasi clypeis denudavit parietem. Sed ut de proprietate hujus nominis, quæ occurunt in instanti edisseram, sciendum est, quod proprie imago relative dicitur ad aliud, cuius similitudinem gerit, et ad quod repræsentandum facta est, sicut imago Cæsaris, quæ ipsius similitudinem præferebat. Improprie autem imago dicitur id, ad quod aliud sit, sicut exemplum, quod similiter proprie dicitur exemplum, exemplar a quo sumitur. Tamen abusive aliquando alterum pro altero ponitur. Se- cundum istam rationem proprie imago Patris dici- tur Filius. Juxta alium vero modum, quo unum nomen pro alio ponitur, dicitur homo imago Dei, quia videlicet imago Dei in eo est. Sicut imago di- citur tabula et pictura, sed propter picturam quæ in ea est, simul et tabula imago appellatur. Ita propter imaginem Trinitatis, etiam illud, in quo est D hæc imago, imaginis nomine vocatur. Homo itaque imago, et ad imaginem; filius imago, non ad ima- ginem. Volo denique si placet, et in quo similitudo differat ab imagine, brevi exemplo signare. Pono animam lapidem pretiosum, et imaginem aliquam in eo expressam, a qua similitudo secundum ima- ginem impressa ostendatur. Nonne est aliud imago exsculpta, et aliud similitudo ab imagine redempta? Sit igitur bonitas Dei causa hujus similitudinis, quia cum benevolentia sua, quæ Spiritui sancto attribuitur, Deus Deum hominem, vel post Deum facere vellet, et naturaliter id fieri non posset (non enim naturaliter Deus est, nisi is, qui Deus natus est, non factus), concessit ut saltem similitudinem

Dei haberet. Quæ similitudo Dei ut sedem, vel receptaculum haberet, imago sive figura substantiæ Dei, quæ est filius, animæ hominis impressa est, ut a suo sancto Spiritu prædictam similitudinem recipere: quomodo pretioso lapidi foramen aperitur, per quod gracilem auri virgulam recipiat, qua constringatur et teneatur. Ad imaginem itaque secundum naturales animæ virtutes, memoriam scilicet, intelligentiam et dilectionem, ut optime dixit tra- ctator vester, et ad similitudinem, secundum innocentiam et justitiam, quæ in mente rationali potius naturaliter quam accidentaliter insunt, conditus est homo.

Stupeo siquidem me audivisse, quod nolle vel somniasse, similitudinem Dei donum esse acciden- tale: quod non accidentale, sed veraciter substancialis, imo supersubstantiale novit qui Apostolum intelligit. Scimus, inquit, quia cum apparuerit, similes ei erimus, quia videbimus eum sicuti est (*I Joan. xii.*). Quid est, similes erimus, nisi similitudinem ejus habebimus? Quam enim similitudinem in creatione accepimus, eamdem in resurrectione prima, denique et in secunda, sed aliter habituri sumus. Nam in creatione ita collata est, quod amitti potuit, cum etiam peccare potuit, vel potius deformari; sed in vera immortalitate, cum nec mori nec peccare homo poterit, de similitudine Dei æternaliter gau- debit. Quid igitur? Itane summa illa beatitudo et gloria sæculorum accidentalis erit, ut possit adesse et abesse præter subjecti corruptionem? Hoc enim accidentis est. Ubi es, homo? Nonne in mortalitate, vel potius in morte? Quare? Nonne quia amisisti Dei similitudinem? Quid enim Deus? Nonne vita? Et quæ est similitudo vita, nisi vita? aut quæ dis- similitudo, nisi mors? Mortem namque invenit, qui similitudinem Dei amiserit. Quod si ideo dicitur accidentale similitudo Dei quia auferri potuit, non vera est consequentia. Sic enim sequeretur, quod accidentaliter viveremus, quia mori possumus. Naturæ siquidem accidentis est, ut possit adesse et abesse præter subjecti corruptionem. Quod quis sani cerebri, vel cordis affirmare audeat de virtute, ju- stitia, bonitate et amore virtutis in anima? Prorsus, ut ait Augustinus, ut vita corporis anima, sic ani- mæ vita Deus. Vera quoque virtus, vera bonitas, vera justitia, imo ipsa veritas est Deus. Sine his igitur si fuerit anima, moritur, et dicis esse acci- dentalia dona? Vertens iterum oculos, et relegans apices vestros, inveniensque non donum, sed bonum accidens, maiores phantasias admiror. Nonne enim similitudo Dei Deus est? æque bonum Dei nunquid aliud a Deo est? Clamat Augustinus: Quidquid de Deo dicitur, Deus est, et nihil secundum accidens dici de Deo; et dicis, secundum bonum accidens similitudinem Dei dici. At, inquis, quod dico simili- tudinem Dei donum esse accidens, non ad Deum dantem, sed ad hominem accipientem respicio. Mihi vero videtur satis ex superioribus probatum, neutrum esse verum. Hæc sufficient de similitudine.

Nunc revertamur ad imaginem, et audiamus quid A nobis dicat imago vera. Sic enim loquitur : *Qui me videt, videt et Patrem* (*Joan. xiv.*). In quibus verbis desiderantibus faciem Patris videre omnino simillimam et in nullo disparabilem imaginem sicut ipsum representans, desideria cordis eorum de bonis suis satiare voluit. Rursus haec eadem imago renovare volens imaginem suam in imagine sua, alias dicit : *Sancti estote, quia ego sanctus sum* (*Lev. xi.*). Tantum bonus pictor animalium Deus primam animam in primo homine cum omni benedictione spirituali, ad quam meliorem et formosiorum invenit imaginem, non in jam creatis, sed in non creatis pingendo creavit, et creando depinxit. Creavit, inquam, in anima imaginem suam, vel potius animam ad imaginem suam. Depinxit, iterum, in anima similitudinem suam, vel magis animam ad similitudinem suam. Fumo autem iniquitatum et transgressionum suarum decoloratam, et usque ad extremam deformitatem foedatam, auctor et amator suus voluit eam reparare. Et quia æque idoneus pictor, neque in cœlo angelus, neque in terra homo justus, neque subtus terram aliquis spiritus inveniebatur, accessit imago ad imaginem, formosa ad deformem, justa ad injustam, nobilis ad ignobilem, pia ad impiam, eterna ad transitoriam ; venit reparare quod perierat, venit resicere quod defecerat. Hæc imago Dei invisibilis Filius est Altissimi. De Filio namque ait Apostolus : *Qui est imago Dei invisibilis* (*Col. 1.*). Sanus vero mihi credite, nihil dicitur, quam unam esse imaginem totius Trinitatis, Patris videlicet, Filii, et Spiritus sancti. Unde Beda, super *Faciamus hominem ad imaginem et similitudinem nostram* (*Gen. 1.*) ; in eo quod dicit, faciamus, una operatio trium personarum ostenditur; in hoc vero quod dicit, ad imaginem et similitudinem nostram, una et æqualis substantia trium personarum monstratur. Ex persona enim Patris hoc dicitur ad Filium, et Spiritum sanctum, non ut quidam putant, angelii, quia Dei et angelorum non est una ex eadem similitudo vel imago. Proprie itaque Filius dicitur imago Patris ; Trinitatis essentia minus proprie, homo improprie. Sic autem homo dicitur imago Dei, quia similitudinem ejus in se gerit, sicut imago Cæsaris, quæ similitudinem ejus præfert. Hucusque D satis dilataverim phylacteria mea, et magnificaverim fimbrias. Si qua tamen durius dixerim, obscoero, indulgeatis. Valete, et orate pro me.

EPISTOLA XLIV.

AD EOSDEM.

[III, 5.] Dominis suis de Monte Dei, suus Cellensis, portam atrii interioris penetrare.

Etsi apices salutationum a vobis mea humilitas accipere non meretur, mereatur saltem munera orationum. Utrumque quidem si fieri posset, satis gratanter acciperem ; alterum tamen ambitiosius deposito, si ad utrumque non valeo. Lætificant me litteræ, si scriberetis ; sed juvant orationes, si pro me eas funditis. Insipientia mea indiget bono-

rum instructione; infirmitas animæ meæ, devota et assidua oratione. O utinam perspicere plagas animæ meæ miseræ et desolatæ in vastitate hostili ! certe si eam diligenteris, super eam lugeretis. O domini et Patres charissimi, cur non liberatis animam, quamvis miseram, tamen vestram ? cur non eruitis de ore leonis jam semipastam ? cur non redimitis sub vinculo captivitatis usquequa humilitam ? Sufficiat vobis ad commovendos pietatis affectus recordatio antiquarum misericordiarum, a quibus redimit vos qui passus est pro vobis. Ultra extenditur cumulus peccatorum meorum, et nisi Dominus juverit sanctissimis orationibus vestris interpellatus, jam inferno appropinquat. Valete.

EPISTOLA XLV.

AD EOSDEM.

[III, 6.] Charissimis dominis et fratribus de Monte Dei, priori cum ceteris sanctis, frater PETRUS Cellensis indignus abbas, salutem.

Forte sicut pulli de nido non avolantes paternas esuriunt escas, sic vos, filii charissimi, qui in nido vestro plumescitis, ut cum tempus venerit in altum evoletis, dignum faucibus et stomacho sanctitatis a me refundi exspectatis. Sed quid corvus ad pullos gallinarum ? Non enim eisdem aluntur cibis. Corvus pascitur cadaveribus putredinis ; columba vesicatur granis puris tritici electi. Novi, novi quibus apud vos per dimidium temporis alitus sum cibis. Si dixero, novi quibus modo usque ad nauseam onerer, parum profecto dixerim, cum sapientia vincat scientiam, et plus sit tenorem saporis in ore retinere, quam præterita ad animam revocare. Anxior igitur in his et gemo ; et quorum gustu vehementer afflictor, nolo ruminazione reiterata refricare dolores præteritos. Sufficiat enim diei malitia sua (*Math. vi.*) ; sufficiat gustui amaritudine sua amarissima. Vos denique, fratres et filii charissimi, simplicitate ciborum contenti sicut didicistis Christum, sicut gustastis et vidistis, quia bona est negotiatio vestra, sic perseverantes non queratis aliam mensam, non aliam escam. Bonam enim mensam, bonam utique habetis et escam, qua vivit anima vestra. Quid ipse dicere possum de mensa mea ? Certe ex quo descendit de Sancto Monte Dei mei, aut rarissime, aut nunquam data est mihi mensa, ut cum amicis meis epularer. Statim quæ in insidiis exspectabant egressum meum sollicitudines, rapuerunt et absorberunt me continuo refluxu, super caput meum redundantes. Satis immisericorditer vindicatum est in me, si quid otii, si quid boni in requie illa habuerunt caro mea et cor meum. Severius in me exarserunt, et ne spiraculum quidem incedit per ea. Apud vos, charissimi et desideratissimi, conqueror de me ipso contra me ipsum. Hæc certe, imo multo pejora merui, qui de poena non emendor, sed cum poena et culpam multiplico. Orate pro servulo vestro, qui vos omni die desiderat, umbram vestram suspirans, et faciem videre sitiens. Valete.

EPISTOLA XLVI.

AD SIMONEM PRIOREM ET FRATRES CARTHUSIANOS
DE MONTE DEI.

[v. 44.] Dominis suis de Monte Dei, SIMONI priori (54), et toti sancto conventui, frater PETRUS abbas Cellensis, sanctum Pascha.

Quotidianum Pascha celebrare non cessat anima uniuscujusque vestrum, dum quasi columba stat ad fenestras suas, et vocem de cœlo explorat, à Libano vocantem sponsam suam. Extento prorsus et re-torto collo ad caput vestrum, quod in cœlis est, sine cessatione vitam istam umbrosam fastidientes, evolare super pennas ventorum contenditis, jam ibi verum, non annua repetitione, sed continua stabilitate, celebratur pascha cum illo, et in illo, qui pascha nostrum immolatus est Christus. Ita est. Sed adhuc ascenditur et descenditur per scalam Jacob, donec quod ex parte est evacuetur, quod siet, quando votum in habitum convertetur, et in Jerusalem hymnus Deo solvetur. Interim, fratres, in umbraculis habitantes, et sub umbra illius quem desideratis, sedentes, coquite, imo assate carnes agni tota nocte, singuli in cella sua, et mane comedetis eas. Certe tota nocte debet cremari caro agni, quia toto mortalitatis tempore, accensa caldaria conscientiae, facies Salvatoris desideranda, et undis desideriorum fortiter bullientibus, ne in die judicii semicocta offeratur, percoquenda. Habeite vascula munda, juxta namque et in oculis præterfluit aqua. Sed nunquid vane? sed nunquid gratis? Plane supina et crassa negligentia imputanda est singulis, nisi sint omnia munda, quibus et copia aquarum redundat, et temporis opportunitas superest, et amer incumbit totius munditiae, et ordinis consuetudo non refragatur. Sic est, ego vidi, ego interfui, et utinam toties et tam sedulo cor expurgasset, quoties et quam indesinenter manus et faciem die et nocte rigavi, non lacrymis, sed aquis. Hoc autem feci ut hospestes, quia non ultra ostium, sed in ostio tenui. Vos autem intra et ultra ostium promovistis pedem, non advenæ, sed domestice eellæ et cœli effecti. Postquam vero vasa vacua ab ambitione emundaveritis confessione, et Scripturarum meditatione, implete aqua' et ad ignem mittite, et tanquam unguenta pretiosa bullire facite. Subintraverat buccæ meæ, et stylo jam suggerebat improvida cogitatio, scribere ut carnes agni sic decoquerentur; sed memor mandati legalis, quo prohibetur ne aqua coquantur, subjicio non ut agni, sed hœdi carnes taliter coquantur. Simul enim et agnum et hœdum tollere in pascha præcipimus. Quid ergo? Agnus in veru, vel in eraticula crucis, hœdus in aqua coquitur, ut si innocens fueris, solo

A spiritus ardore in pascha adapteris; si vero fetore gravi oppressus, per ignem et aquam expieris. Hœdus etiam est corpus, quod corruptitur et aggrat animam. Agnus qui in latitudine pascitur, benignus ille spiritus, qui infestationibus carnis agitatus non cornu ferit, sed oculo simplici libatorem querit, dicens: *Quis me liberabit de corpore mortis hujus?* (Rom. vii.) In sanguine agni, id est in contritione cordis, et spiritus contribulati liberaris de Ægypto, et de manu Pharaonis, quia contritum et humiliatum Deus non spernit. De sanguine hœdi non lego mysterium, nisi quod tunica Joseph tincta in sanguine hœdi missa est ad patrem. Ad patrem apertum si miseris in confessione flens et ejulans tunicam Joseph, litam in sanguine hœdi, id est simplicitatis et castitatis amictum fucatum et fæcum corruptione libidinis, et fraude diabolæ circumventionis, sanguis hœdi in purpuram commutabit, quia per poenitentiam non solum indulgentia, sed etiam gratia adipiscitur. Sed de his hactenus.

B Unde namque mihi ut tepidus ferventes, mundatos sordidus, jacens currentes, piger commoneam alacres? Deus scit, me non præsumptione, sed amoris impatientia laxasse habenas; et cum non haberem quid dicere, dicere tamen aliquid vellem, dixi quod innotesceret affectum, etsi non idoneum esset facere fructum. Adhuc impetus me trahit, et redire ad festum festorum cogit, ut quasi incipiens spiritui indulgeam currere, quoisque lassetur, et sponte petat stationem, et metas alicantii. Sub exemplo ergo cuiusdam pretiosi invicti, in quo stupendum sit, tam ipsum repositum, quam repositum, aliquid de pascha prosequar, quasi quemdam pannum pretiosum et multicolorum de divinis thesauris assumens. Moyses in illo quadragenario jejunio, ubi a colloquio divino cornutam faciem reportavit, pascha illud in litteris suis prænominavit, et in illo sacro sanctas reliquias religans annuo recursu ad publicum nostrum devolvendum constituens, diem certum præfixit. Siquidem hic pannus, id est pascha, in exteriori facie plurimum nitoris exhibit; sed valde ampliora intrinsecus continet, et cariora pignora. Rubet igitur purpureo colore, propter passionem, rutilat hyacinthina specie, propter resurrectionem; subobscurus est, propter sputorum et alaparum et flagellarum, et cæterarum injuriarum coacervationem; albet unica nube, propter innocentiae integritatem et peccati inmunitatem. Ecce colores, colores cingentes pascha gloriosum, et delicatum animæ pallium, quo melius amiciuntur pauperes semicincti, quam divites purpura et byssō induiti. Revolvere autem

JACOBI SIRMONDI NOTÆ.

(54) *Simoni pr. de Monte Dei.* Quem virum sanctissimum, laudatissimumque semel appellat Saresberiensis. Missam epistolam indita Christi æra indicat anno 1161. Post aliquot dehinc annos delectus ab Alexandro papa Simon, cum Bernardo

Grandimontensi, qui ad regem Angliae pontificias litteras deferret, eumque ad redintegrandam cum B. Thoma gratiam hortaretur, ea legatione strenue perfunctus est, cujus acta Saresberiensis idem exponit lib. iv collectaneorum historiæ S. Thomæ.

illas pretiosas margaritas, quæ sigillantur in sigillo A aureo et argenteo, quis accedit, nisi mundas habuerit manus, nisi oculos columbinos? nisi labia purgata? nisi abluto toto homine interiori et exteriori sacro Jordanici fluminis baptismate? Quia ergo vobis sunt manus tornatiles per obedientiam, oculi clari per pudicitiam, labia stillantia myrram primam per accusationem reatum vestrorum, et ad scurrilia æternam clausuram; applicate pannum paschalem, et expandite thesaurum absconditum, ut exinde captivus mutuet redemptions, mortuus resurrectionem, peccator justificationem, afflictus consolationem, religatus solutionem, anathematizatus absolutionem. Sanctificate ora vestra sanctis horum osculis, oculos tangite bis smaragdis, singulos sensus exhilarate singulis benedictionibus.

Sed quæ sunt pignora tam cara pro pretio, tam efficacia pro remedio, tam rara pro numero, tam sancta pro merito, tam perpetua pro ævo, tam amabilia pro beneficio! Pignora, fratres mei, ista ore pudico et timore debito nominanda et amplectienda, sunt caro et sanguis Agni incontaminati, Iesu Christi ossa, nervi, medulla, cartilagine, cutis, corium, et quæcumque membra in corpore Iesu de sacris suis visceribus edidit Virgo virginum. Addamne clavos, lanceam, coronam spineam, sputa, irrisiones et illusionem, albam vestem, vestimentum purpureum, fel, acetum, myrrham et aloës? Quanto enim hæc in se duriora et viliora, tanto in Salvatore nostro pretiosiora et appetibiliiora facta sunt. Quis modo Christianorum si unum horum reperiret, nisi super aurum et lapidem pretiosum multam venerabilius coleret, ambitiosius servaret et adoraret. Dignum est, justum est. Si enim immundus erit, tangens morticinum et captum a bestia, id est Adam et Eam, quorum alter captus est suæ uxoris, Eva morticinum facta est suggestione serpentis, quomodo non justus emundatur ab operibus mortuis, qui viventem in sæculorum contingit credendo, amando, colendo, adorando? Nam non sicut delictum ita et donum. Pluris enim donum, quam delictum est. Sed quod est hoc donum? Jesus Christus sanctus. Quid est, inquam, hoc donum? Nativitas Jesu, passio Jesu, resurrectio Jesu, ascensio Jesu: *Quomodo non etiam omnia cum illo nobis donavit?* (Rom. viii.) Clamat Apostolus: *Omnia, inquit, nostra sunt, sive mors, sive vita* (I Cor. iii), quia est mortuus propter peccata nostra, et resurrexit propter justificationem nostram. Domini et fratres, detineo vos plus justo, ad quorum januam stat et pulsat Jesus volens suum pesca vobiscum recolere, et de reliquiis mensæ illius magnæ partem bonam reservavit, quam adhuc recentem et calentem denuo de arca coeli refert et profert vobis. Ne vereamini, ne caro antiquata sit et putrefacta vetustate nimia, quia annus jam millesimus centesimus sexagesimus primus est. Nequaquam, fratres, nequaquam ascendat in cor vestrum hæsatio ista, quia caro ejus

B etiam dum esset corruptibilis, non vidit corruptiō nem, multo vero minus facta incorruptibilis, et genere vivendi, et loco manendi. Recens est, calida est, sana est, vitalis est, regnum cœlorum dat, quia possidet. Non est illa caro et sanguis, de quo dicitur, *quia caro et sanguis regnum Dei non possidebunt* (I Cor. xv). Quo studiosius arcentur a dentibus et stomachis vestris carnes animalium, quæ corrumpunt et corrumpuntur: eo dignius accedunt ad animas vestras sanctificandas carnes illæ, quæ sicut non moriuntur, ita nec corruptionem inesse patiuntur, ubicunque refectionem præstaverint. Has imperat religio, et quo religiosior sis, eo frequenter, et ut ita dicam, glutinosius comedere debes. Nondum quievisset manus, vel animus, sed reprimit et modus dictorum, et tempus alia faciendi. Orate pro nobis. Novellum illum angelum vestrum A. salutare, et Robertulum nostrum. Plurimum et multum singulos, et singillatim, et communiter saluto.

EPISTOLA XLVII.

AD KOSDEM.

[v. 43.] Dominis et Patribus suis de Monte Dei, Simon priori cum cæteris fratribus, frater PETRUS qualiscunque Cellensis abbas, vultus in propitiatorium semper tenero.

Varius rerum cursus, sæculorum volubilitati irremediabiliter innexus, nihil stabile, nihil æternum, sibi inesse evidenti ratione approbat. Currit, fluit, fugit, labitur, et evanescit quidquid unquam habere potest mundanus usus. Præcurrit defectus saietatem, præterfluit adeptio appetitum, effugit instantiam desiderii sumus gloriæ, elabitur utenti imago felicitatis, evanescit a viventibus vita, quia dum ordîrè succidit me (Isa. xxxviii). Summa itaque dementia est, currere post defectum, appetere non apprehensibile, instare fumo, uti imagine pro veritate, velle diu ea vita vivere, quæ, juxta Gregorium, vitæ æternæ comparata, mors potius dicenda est quam vita. Alias sine dubio cursum vestrum convertistis, fratres et domini charissimi; alio appetitu vivitis; alia instantia pretiosas margaritas in foro et nundinis Veteris et Novi Testamenti quæritis; alio usu in carne præter carnem vivendo corpora vestra quæ sunt super terram, Christo concrucifigitis; alia conversatione æterna et quæ non videntur concupiscitis. Quæ enim videntur, temporalia sunt; quæ autem non videntur, æterna. Ideo ad montem Domini sicut passer evolastis et nidificastis in foraminibus petræ, in cavernis maceræ, ne procella ariarum suggestionum, vos involveret, ne diluvium carnalium titillationum absorberet, ne laqueus sollicitudinum sæcularium concluderet, ne aura humani favoris omnem ventum a facie terræ dispergeret. Ecce locus iste est, quem constituit Dominus Moysi, in quo vidit posteriora ejus, dum ante eum transiret. Ni fallor, vir ille bonus, qui Sunamiti mortuum puerum reddidit, cui illa cum viro suo cœnaculum præparaverat, et

lectum, et mensam et candelabrum, per vos s^ep^ee transitum facit, contemplatus a vobis in cœnaculo gloriæ, inventus in lecto mundatæ conscientiæ, cibatus et potatus in sacramento Eucharistiae divinæ, accensus per donum sapientiæ et intelligentiæ. Adjuro vos per campos, cervosque camporum, ut cum transierit, post tergum ejus clametis pro pace universalis Ecclesiæ, pro his qui in sublimitate sunt, pro comite nostro, cuius cor tetigit Deus, ædificare vobis locum, in quo secundum genus vestrum fructum facialis, pro me peccatore suo et vestro, pro omnibus nebris commissis. Transite cum illo et post illum, ut manentem in perpetuas æternitates, vel in ictu oculi, vel media hora, vel momento conspi- cialiæ, donec transfiguremini a claritate in claritatem. Certe qui sequitur transeuntem, videbit stan- tem, vel sedentem.

Fratres mei charissimi, si delibatio sancta et massa; si memoria ejus vinum Libani, quid præsentia, nisi inebriatio uberum, nisi oblivio præteritorum, et jubilatio interminabilis de plenitudine gaudiorum? Exspectatio horum lætitia, quid fructio, nisi lætitia sempiterna? Ad instar grani sinapis visio tua, Jesu, modico sibilo aurae tenuis aures cordis percussis, et quis poterit cogitare horam transitus tui? Si dormio, somniare possum, et videre non possum. Si vigilo, detentus aliis occupationibus et curis tam cito exoccupari nequo. Si vigilo et vacavero, tunc forte venam susurri ejus audio, sed nondum video. Quando ergo video transeuntem? Si mundum cor sursum habucru, si puras manus, si lotam faciem, si tota anima, tota virtute omnibus solum Deum quæsiero, et me totum in ipsum conflavero, ut non ego in me vivam, sed Christus vivat in me, qui factus est nobis a Deo sapientia, et justitia, et sanctificatio, et redemptio. De mendacio autem, venia petita, me ipsum condemnabo apud vos. Nec enim solvi quod promisi, vel semel in anno revisere nidum illarum sanctorum virtutum, Montem Dei, in quo plumescunt animæ charismatibus gratiarum. Fefellit me tunc ignota futurorum facies, et involuta plurimorum casuum series. De præsenti affectu, quo mens mea tota illa quadragesima impinguata eructabat mellis et butyri rivulos, pensabam sequentes annos. Sed eruca, locusta, bruchus, et rubigo devoraverunt speciosa deserti, expandentes retia quotidianarum sollicitudinum pedibus meis, ut quod egressum est de labiis meis facerem irritum. Peccavi, quid aliud dicam? Si me excuso, os meum condemnabit me. Magis autem meretur veniam culpæ, humiliis confessio erroris, quam argumentosa extenuatio criminis. Verumtamen cum redditur ratio facti, rei veritas non offuscatur, neque rei culpa si qua est dissimulatur. Distinguitur namque falsa excusatio, et rationabilis satisfactio. Alterum culpam cumulat, alterum quatenus culpandus, vel non culpandus sit qui arguitur, declarat. Uterque etiam peccat, et qui mentitur in sui accusatione, et qui designatur

A falsa objecta vera relatione diluere. Reproba humilitas est, plus quam in corde tuo sentias vane te dejicere: detestanda præsumptio, famam suam negligere, et suspicionis nævum non abolere. Utroque genere devitans tam quod a vero deviat, quam quod præsumptionem redoleat, et me non venisse fateor, et innumerabilibus detentum occupationibus attestor. Factum, imo non factum agnosco; causam facti, sive non facti, vobis dijudicandam relinquo. Quid pluris sit, vel quodlibet alteri prejudicet, id est factum cause, aut causa facti, definite. Cedo enim sententia vestrae, qua credo vos de facto secundum causam, non de causa secundum facti qualitatem item dirimere. Plus enim attendendum est, quare aliquid fiat, quam quid fiat. Informis namque est actus ille, qui nullam habet causam quare fiat; deformis, qui malam, bene formatus qui bonam. Unde et bonus est omnis actus ille, qui justam habet causam, malus qui injustam. Indifferens vero dicitur actus ille, cuius causa parum concurrit vel ad justificationem vel ad corruptionem. Augustinus De bona causa: *Causa, non pæna martyrum facit.* De mala Dominus in Evangelio: *Si oculus tuus nequam est, totum corpus tuum tenebrosum erit* (*Matth. vi.*). Item in legibus de indifferenti: *Voluntas et propositum distinguunt maleficium.* Dicit Ambrosius: *Affectus tuus operi tuo nomen imponit.* Subtiliter tamen ratione quorundam actuum pensata, nulla intentione, nulla affectione boni fieri possunt, ut crucifigere Christum, ut adulterari, et similia.

D Ut ad propositum redeam, et congrua structura cohærere primordiis extrema faciam, venire ad Montem Dei inter illa numero, quæ si bono animo fiant remunerabilia sunt; si malo, damnabilia. Fur enim ille, qui fratris illius leprosi pannos, dum missa celebraretur, abstulit, præmium bonum pro tali facinore non habebit. Recipiet vero mercedem, qui pro sancto desiderio videre castra Dei apud vos properaverit. Satis est, si non plus satis sit. More enim meo tarde incipio, sed et tarde finio. Comes Henricus reaccenso spiritu instat querere locum idoneum, et asserit illum alium locum non se dimissee, nisi quia vos noluiſtis acquiescero. Consulo ergo, ut non grave sit iterum mittere aliquem de fratribus, cum quo ipse videam vel per me, vel nostros locum, ut jam dictum est, aptum ordini vestro. Sine mora facite hoc. Sigillatim et generaliter omnes vos saluto, quandoque venturus ad vos, si Deus voluerit, et forte cum redierit nuntius vester ad vos. Interim orate pro nobis. Robertulum nostrum saluto. Richardum, Stephanum, Rogerium, Nicolaum, et iterum omnes simul.

PISTOLA XLVIII.

AD BASILIUM PRIOREM ET CARTHUSIANOS MONTIS DEI.

[v. 42.] Dominis et Patribus charissimis, BASILIO priori Carthusiensium cum ceteris prioribus, et

sancto conventui, frater PETRUS abbas Cellensis, A auxilium et consilium non ficte huic operi submisstrabimus.

Refusione uberiori irrigatur hortus Dei ille conclusus, fons signatus (*Cont. iv*), quoties in unum convenient fistule et canales benigni spiritus Dei, non ad calices Babylonicos absorbendos, sed ad fæces Jacob expurgandas, et ventres steriles secundandos. Spiritus Dei a quatuor ventis coeli singulos vestrum de loco suo evocavit, ut unum corpus plenum gratia et veritate efficeremini. Vos enim qui priores estis, et curam aliorum suscepistis, quasi venæ in corpore Carthusiensis ordinis estis. Tam itaque unanimiter regimini vestro invigilare omnes, et tam temperanter a subjectis vestris mandata et consuetudines ordinis exigere debetis, quanta in charitate in humano corpore venæ omnes sibi sociantur, et salubrem vegetationem omnibus membris æqua distributione sanguinis largiuntur. Eadem siquidem cautela fugere debet nimiam exilitatem et subtilitatem vena, qua immoderatam grossitudinem et repletionem. Nimia namque repletio, nisi cito evacuetur, acutam facit, et longam ægritudinem gignit. Rursum nimia exinanitio vires detrahit, et bona valetudine destituit. Domini et Patres charissimi, ostium vestri ordinis et visione rara, et interrogatione assidua jam trivi; et si consilium alterius Iethro admittitis, non usquequa dispensationes, que de corde charitatis procedunt, anathematizatis. Quam enim frivolum et inconstans est, sine ratione et auctoritate meliorum mutare decreta, et statuta seniorum, tam pertinax est, et extra regulam temperantie, que est mater virtutum, vello temporibus et moribus hominum negare que decent et expediant. Ignoscite quod vocem funestam quidem, quantum ad sonum, sed veram quantum ad sensum, in vestro sancto conventu de latibulo meo ausus sum proferre, et de his hactenus. Ceteram salutat vos dominus Henricus comes Trecensis, et universitati vestre mandat cum omni supplicatione, ut suæ petitioni acquiescatis; et nobis hoc injunxit, ut ad vos unum de nostris mitteremus, per quem voluntas et desiderium cordis vobis innotesceret. Quod autem non proprio sigillo scripsit vobis, occupationis maximæ fuit de suis et regiis negotiis. Est autem petitio, ut ei concedatis locum D preparare ordini vestro sumptibus suis, juxta monrem vestrum, in terra sua, ubi visum fuerit his, quibus hoc negotium injunxeritis. Petit etiam, ut priori de Monte Dei, et priori de Valle Sancti Petri (55) injungatis hanc curam. A multis enim temporibus hoc ipsum cœpit, et orationibus vestris adjutus cœpit perficere. Ex parte etiam nostra hoc ipsum humiliter et devote, petimus, quia Deo juvante

EPISTOLA XLIX (56).
GIRARDI DE PERONA, MONACHI CLARÆVALLENSIS, AD PETRUM DE UNITA DILECTIONE.

Suo et vere suo abbati Cellensi, frater GIRARDUS de Perona, in cellam vinariam introduci.

Quod vos meum appello, non insolentia est, sed amicitia. Conscientia enim mea, quæ sentit me esse servum vestrum, præsumit vos dicere meum. Dignatio enim vestra fecit me vobis familiarem, familiaritas amicum, amicitia unum animum ex duabus efficit. Et quamvis vos in sublime, ex humili loco fortuna locaverit, charitas tamen, quæ in sacrario sue majestatis omnem hominem aut parem fecit, aut accepit, de personis imparibus pares amicos facit. Quem enim sic diligo, cui seque dilectus ego? Nonne ego et vos unum sumus? Neminem habeo tam unanimem in visceribus Jesu Christi: testis est mihi Christus. Et licet nos ordo divisus dividat, charitas ligat, quia non color vestium, sed amor cordium hanc efficit unitatem, imo unanimitatem, amantissime pater, et, ut aliquid ludam coram Domino meo, quod in me torquetis, in vos retroueo. Quid enim? Suspiciosus vobis factus sum, sicut etiam in litteris vestris appareat. Hoc si- gnum est quia aut non diligitis, aut minus diligitis quod in veram amicitiam nec cadit nec cadere potest. Quid si vidissete vos et non locutus suissem, aut statim exisse: nunquid tamen ideo minus diligenter? Absit a servo vestro. Absit a corde vestro, ut vel tenuis suspiciacula in tantum amorem descendere possit! Quod autem ostia non confregi, parcite verecundiæ meæ, quæ juxta virum sanctum, egressa est ex utero, mecum crevit ab infantia mea. A modo pudorem ante excutiam, quam vobis suspicionem incutiam, et etiam portas æreas conteram et vectes ferreos confringam veniam peto: facite de vestro, quod de vestro. Verumtamen monacho illi sit pro me, melius, cui pejus propter me fuit. Illud autem scitote quia sic collocavi memoriam vestram inter ubera mea ut nulla occasione possit avelli. Salutat vos N. vester, ut vester, vester est enim.

EPISTOLA L (57).
NICOLAI CLARÆVALLENSIS AD PETRUM EXCUSATIVA SCRIBENDI VEL DICTANDI.

Inter amicos amicissimo Domino PETRO Cellensi abbatii, fr. NICOLAUS, sic in nigris vivere pannis ut candidis induatur in cœlis.

Sufficere vobis deberet, si vos diligerem sicut me, quia nunc vos plus quam me, me constat dilexisse. Furtum enim feceram propter vos, nunc

JACOBI SIRMONDI NOTÆ.

Ingelbertus, ut didicimus ex epistolis Sarebriensis.

(56) Nova.

(57) Nova.

(55) *Prior de valle S. Petri.* Ordinis item Earthuensis insigne est monasterium in diœcesi Laudensi, cuius priorem aliis etiam locis commemorat, eique seribit, sed nusquam nominat. Is autem erat

furus sum me mihi pro vobis : ego enim, qui A
stylum abjuraveram, dignus latebris et omni so-
litudine, postquam aviditatem vestram præsensi et
persensi quam habetis de verbis et pro verbis homi-
nis illius, cuius eloquentia et sapientia, vita et fama
non immerito per totam latitudinem decucurrit, ac-
cepi tabulas et quod habui et feci. Cum laborare et
plorare et orare deberem, ut propitiaretur Dominus
peccato meo (nultum est enim) in lingua volubili-
tatem refusus secretum cordis mei succussi pariter
et concussi, et dicitis. Hæc omnia in silentio, et
magis cum silentio operari potuistis. Mirum si hoc
ex sententia dicitis. Quis enim magis in turba est,
quam ille qui faciendis dictaminibus implicatur?
Perstrepunt enim ut digne inveniri sensuum veri-
tas, verborum varietas, quid melius ad consequen-
tiā, denique quid, quando, ubi et quomodo pro-
ferri oporteat. Hoc ergo vos judicabit silentium
et quietem, maxime homini imperito, cui et sensus
nullus adest, vel sermo non est venustus et facilis
ad sententias vestiendas? Denique (57^o) vel mona-
chi, quod esse videor, vel peccatoris, quod sum,
non est officium dictare, sed flere. Dictare ergo nec
indocto est in promptu, nec monacho in ausu, nec
pœnitenti in affectu. Coegi tamen me contra me, et
duo volumina sermonum hominis Dei mitto vobis,
iu uno quorum ego dictavi quod ita incipit (58^o):
Solet apostolus Paulus in verbis esse brevis, in sententiis (58^o) densus. Aliud vero volumen jam pri-
dem dictatum est, et rosū et rasum; sed querite
quis diligenter et sapienter illud scribat, multis
enim sensibus plenum, illud autem scitote, quia
non parvam amicorum multitudinem contempsi
quibus nolui præstare ea, ad vos enim festinabat
cor meum. Festinate et hæc festinanter rescribere,
et exemplaria remittite mihi et sic ad opus meum,
secundum pactum meum rescribi facite; sed et illa
quaæ misi vobis, et rescripta illorum, secundum
quod dictum est, mittite mihi, et videte ut nec
unum iota perdam. Libellulum autem, qui ita inci-
pit: *Tria sunt quibus reconcillari debemus* (59), et
horas nostras, quas habetis de Domina nostra, re-
mittite. Orate pro me et rescribite mihi de his
omnibus voluntatem vestram, et per proprium
nuntium vestrum.

EPISTOLA LI (58^o).

RUALEM PRIORIS CLAREVALLENSIS AD HENRICUM TRE-
CENSEM EPISCOPUM. PRO ABBATE CELLENSI RECOM-
MENDATIVA.

Domino et Patri HENRICO Trecensi episcopo fr.
R. de Clarevalle, ambulare a claritate in claritate,
tanquam a Spiritu Domini.

Quam libenter audiamus illa de vobis, in quibus
honoretur Deus, honoretur Ecclesia, honorificetur
mysterium (60) vestrum, novit ille cui, et a quo est
omnis honor et gloria. Ad hoc enim vos Deus in
sublimitate posuit, ut deponatis superbos, et hu-
miles exaltetis, vos præcipue cui et voluntas bona,
et potestas magna tam ex auctoritate quam ex no-
bilitate descendit. Hoc idcirco diximus, ut sequen-
tibus litteris viam faciamus. Abbas Cellensis (60^o)
vir religiosus ac timens Deum, homo bonus et te-
stimoniū bonum habens a bonis, vita et litteratura
conspicuus, nobis quoque tanta familiaritate de-
vinctus est, ut non sit unus de cæteris, sed præ-
cæteris unus. Omnia nostra, sua sunt: et sua,
nostra sunt; nos in illo et ipse in nobis unus est
de ordine suo (61), in quo domino abbati nostro,
amico vestro multum complacuit. Invenit ipse ab-
batiam, cui præest, et turpatam, et turbatam a ma-
litia habitantium in ea, vult eos reducere ad viam
veritatis, sed facilius est informari ignaros quam
reformari perversos. Sunt inter eos duo famosissimi
et clamorissimi turbatores qui et malefactis suam,
et maledictis alienam vitam juguler attiverunt.
Considentes enim in linea sue nobilitatis scandala
nutriunt, moliuntur dissensiones, quia comprehensi
sunt in operibus manuum suarum. Si quid igitur
nostrī Clarevallenses apud vos possunt, facite unum
ex duobus, ut aut de monasterio penitus evellantur,
aut sic statuantur in monasterio ut jam amplius mu-
tare non audeant, et scient prophetam surrexisse
in Israel ad obstruendum os loquentium iniqua. De
prædicto vero abbe patre et fratre nostro, hoc
adjicimus, quia qui illi benefacit nobis facit, et qui
illum audit nos audit, et qui illum laedit nos laedit.

EPISTOLA LII (62^o).

NICOLAI CLAREVALLENSIS AD PETRUM EXHORTATIVA
UNITATIS CONTRA MALOS ET DE CORRECTIONE.

Speciali et pene singulare amico PETRO Cellensi

JACOBI SIRMONDI NOTÆ.

(57^o) Videtur imitari illud sancti Hieronym. in D
Apolog. 2, contra Vigilant. *Monachus non doctoris,*
sed plangentis habet officium, qui se, vel mundum lu-
geat, et Domini pavidus præstolatur adventum.

(58) Exstat hic sermo secundus ordine inter
sermones ds verbis Apostoli, a S. Bern. dictos.

(58^o) Impress. liber habet, *copiosus.*

(59) In libello sent. S. Bernard. habes tertiam
sectionem his incipientem verbis: *et hinc liquet vel*
libellum suis transpositum. In lib. sent. moral.
S. Bern. exstat horiarum precum in memoriam
B. Virginis liber II, cui supra inscribuntur epist.
20, 22, 24.

(59^o) Nova.

(60) Germanior est, lectio ministerium: respergit
enim auctor S. Paulum scribentem Rom. 11. *Hono-*
rificabo ministerium meum, ubi Graece posuit τὸ δι-
κοντάριον, non πυραπίσιον.

(60^o) Hic est abbas Cellensis, nomine Petrus ad
quem supra epist. 20, 22, 24.

(61) Petrus abbas Cellensis pergratus S. Bern.
Compendium urbs est in diæcesi Suessionensi ad Isa-
ram flumen, notissima ex Gallorum regum conventibus
et conciliis quæ allegantur in capitula.

(62) Nova.

abbati, frater NICOLAUS, se ipsum, et si quid amplius possit.

Quod frequenter scribo vobis, non est insolentia, sed amicitiae argumentum. Scio enim quis et cui scribam: alioquin quid tantæ extremitatis cum tanta summitate, si non mihi condescendisset illa vestra humilis sublimitas, imo sublimis humilitas? Credo, patienter audietis servum vestrum, et si dignum judicatis, filium, amicum autem velitis, nolitis. Si quid mordacius et audacius processerit, dilectioni ascribite, non præsumptioni. Manum vestram misistis ad fortia, et fortitudine opus est, quæ vos salvum faciat a pusillanimitate spiritus et temestate, fortitudo in prælatorum mentibus summum obtinet principatum, qua cedente omnis virtutum fabrica per discrimina, imo per præcipitia labitur, vobis præcipue necessaria est, si attenditis et intenditis, ubi, cum quibus, ad quid, et quis positus estis; ubi, in loco utique honorato, sed onerato; ubi multæ divitiae et malitiae multæ, locus dives possessionum, sed præsumptionum ditissimus. Ab antiquo plantatum est toxicum mortis in horto illo. Ex quo ibidem regularis rigor elanguit, et res sanctuarii rapinis expositæ, dispositæ flagitiis, flagitosos homines incurserunt. Non fuit qui se opponeret murum pro domo Israel: qui gladio spiritus amputaret vites, purgaret palmites in vinea illa electa, quia, qui vigilabant super gregem illum, dormitaverunt omnes et dormierunt: cum quibus autem? Cum hominibus operantibus iniquitatem? qui ab uberibus, sub uberibus Ecclesiaz nutriti in ipsa matris viscera tota evisceratione grassati sunt, exterius infamia, et infamanda operati, interius horrida et horrenda fecerunt, ad quid autem? profecto ut vitia disperdati in superficie, evellati a radice, disperdati in elongatione, dissipati in communitione, vos autem quis? revera juxta Apostolum homo quieti et moderati spiritus totum babens quod lenitatis est, asperitatis aut parum aut nihil, vos multum mellis, illi multum sellis hauserunt sibi. Conversatio vestra dulcior sit quam mel et farum, illorum amaritudo habet myrræ et aloes plus quam libras centum. Non bene conveniunt nec in una sede morantur tanta simplicitas et tanta dolositas, tanta perversitas et tanta sanctitas, tanta benignitas, et malignitas tanta. Ponenda quidem fuit lucerna super candelabrum, ut lumen videret qui ingredieretur; sed forsitan non tantis ventorum turbinibus opponenda, ne extingueretur. Et hæc quidem antequam ascenderetis. Postquam autem audistis a Domino: *Amice, ascende superius* (65),

D

Qui sunt tamen, qui affectant tyrannidem et ponunt in cœlos os suum? Profecto duo filii iniquitatis, quibus nulla mentio, de se nulla cura, pro se nulla, in se nulla reverentia, qui didicerunt fatigare Deum contemptu, naturam flagitio, leges abusu. Nunquid non mille mortibus dignus est, qui suam pueritiam turpavit, turbavit adolescentiam et sætam tam inclinatam inclinat semper in pejus? non solum semper feriendus, sed et fulminandus est homo frontosus ad verecundiam, insensatus ad metum, inflexibilis ad pietatem, ad iram præceps, velox ad facinus, pronus ad injurias, sed et ille alter contemptibilis adolescentia et contemptricis insolentia est adhuc, lupicellus (66) in patrem suum mordaciter strinxit dentes suos, turpis corpore, turpior corde, opere turpissimus super omnes coætaneos suos, hic in primævo pueritiae flore omni impuritate se polluit, et adolescentiae vias ingressus, egressus est cum Dina (67) ut videret mulieres regionis illius, nec hominem veritus nec reveritus

JACOBI SIRMONDI NOTÆ.

(63) Luc. in parabola convocatorum ad conviviam.

(64) Lege c. xv Num.

(65) *Diabolus* lingua Hebræa *Satan* appellatur, id est contrarius give *adversarius*, et ab Apostolo II Cor. vi, Belial, hoc est *absque jugo, quod de collo suo Dei abjecerit servitatem*. Ita B. Hieron. in cap. 4. epist. ad Ephes. Hic igitur Nicolaus scite appellat

exleges monachos, filios Belial, id est sine jugo religionis, vel, si liceat novare voculam cudere, ex-juges.

(66) Male in exemplari, *lupicellus* pro *lupicello* vel *lupullo* ut loquar cum S. Ansel. Cantuar. Epist. 68, l. 3 ms.

(67) De qua, Genes. xxxiv.

ordinem, etsi non quæcumque voluit, tamen quæcumque valuit fecit. Quanta malignatus est inimicus in sancto! Quanta audivimus et cognovimus ea, et fratres nostri narraverunt nobis? Religandus est, et dentes ejus in ore ipsius conterendi ne in lupum transeat juvenis gratis currans ad facinus, ad honestum nec pretio. Ii duo unum impietatis parietem statuerunt et clamavit pilosus alter ad alterum, juvenes sunt, nobiles sunt: et idcirco alacrius et acrius corrigendi, ne vobis in scandalum, sibi in periculum, aliis veniant in exemplum, et sciant vitiis accessisse judicem, moribus fundatorem, vos autem, domine Pater, ne timeatis a duabus caudis (68) titionum fumigantium istorum, quia fortassis ducentis manus ducit eos, ut exeat opera eorum in lucem et arguantur a luce in luce, nonne vestri Clarevallenses vobiscum sunt, ante quorum faciem vel stare nedum loqui audebunt? videte, ut non annuntientur in Geth (69), neque in compitis Ascalonis et dicant filii incircumcisorum: Ubi est quem posuerunt custodem in vineis? Proinde extendite manum vestram, et sagittas vestras complete in eis. Sicut filius excussorum, hæc locutus sum, domine Pater, non quasi dirigens, sed quasi corrigens, et diligens multum, nec enim præsumo docere Minervam, vel in sole radios ponere, cum vos, me tam vita, quam scientia longe antecedatis. Claudite epistolam hanc vestris, et vestrorum oculis: quam idcirco propriis manibus exaravi, ne in oculos aliorum incideret. In fine ejus commendo vobis magistrum Joannem, qui vos suo pectori et altius et arctius impressit: quem propter vos singulariter diligimus, cum et propter se specialiter diligendus sit, valete.

PISTOLA LIII.

AD FRATRES CELLENSES.

[III, 7.] Fratribus et filiis (70) dilectissimis, frater PETRUS humilis eorum dictus abbas, spiritum dilectionis et pacis.

Quam unica et singulari erga omnium et singulorum vestrorum salutem affectione et sollicitudine teneat, unicus ille spiritus novit, qui scrutatur etiam profunda Dei. Non ignorat hoc ipsa quoque anima mea, quam utinam sicut est intueretur oculus mentis vestrae; et sine dubio compateretur doloribus suis. Præsumo etiam, in conscientiis quorundam manifestos nos esse, quibus idem suadet puritas sua et veritas mea. Nullis vos circumvenire adulacionibus, nullis allicere fomentationum fallaciis, fratres charissimi, volo; sed ut pax vestra firma sit ad Deum, et me non æstimetis a cordibus

JACOBI SIRMONDI NOTÆ.

(68) Lepide duob. illis effrenatis monachis tribuit quod Isai., c. vii, Rasin et Phacee obsidentibus Jerusalem.

(69) Id de prompsit ex II Reg. i c. ubi David deflet Saulem interfictum.

(70) Fratribus et filiis. Cellensis monasterii monachis.

(71) De Grandimonte. Id caput et sedes est non

A vestris alienum, hæc scribo. Cæterum si quis aliter sapit, desipit. Itaque resipiscat animam suam lædere, imo damnare, qui pacem vestrarum et meam querit perturbare. Non designo aliquem, vel impropero cuiquam stultitiam suam. Sufficit enim accusatio propriæ conscientiæ, et ad tormentum pro malis, et ad præmium pro meritis bonis. Prorsus nemo ex hoc inter vos conturbetur, quia inanis nunquam erit penitentia, duntaxat si fuerit vera. Filio virginis castas mentes præparate; Filio Altissimi humiles animas exhibete: angelo sanctitatis habitacula cordium vestrorum emundate. Valete.

PISTOLA LIV.

AD GRANDIMONTENSES.

[III, 8.] Charissimis Patribus et dominis suis de Grandi-Monte (71), frater PETRUS Trecensis abbas, fideles orationes.

Scio quia in concilio justorum et congregatione magna opera Domini. Idcirco, fratres charissimi, longe licet a vobis remotus, tamen animæ meæ intentionem et supplicationem in præsenti conventu transfero, quatenus portiunculam cuiuslibet cœlestis benedictionis referat, unde consoletur et longo tempore confortetur. Credo enim, si vel unam oratiunculam angeli illi vestri, qui faciem Patris semper vident in coelis, ad ipsum Patrem luminum, et ad thronum gratiæ Filii ejus, ab ore et corde vestro pro me detulerint, quod faciet fructum sursum, et germen ponet in terra deorsum. Hinc vero fructus vitæ et spes misericordiæ egono et pauperi erit. Manus igitur illas vestras puras ab omni sanguine et crimine, et oculos columbinos ad fenestras cœli, per quas ad propitiatorium et ad Sancta sanctorum intrare soletis, levate: nec aliquo modo deponatis, donec vos exaudierit qui desiderium pauperum exaudit Dominus. Vester sum; sed tunc dignus et affectuosius. Valete.

PISTOLA LV.

AD A. SACERDOTEM S. PETRI PRUVINENSIS.

[III, 9.] Frater PETRUS Cellensis abbas, venerabili A. sacerdoti Sancti Petri Pruvinensis, salutem.

Non immerito illi præsumo scribere, quem non præsumo non diligere. An impune non diligerem, quem apprime honorandum utinam vel simpliciter suscepsem? Sed quid tantopere laudo, quem vel rarissima visione cognosco? Sed plus hunc fateor cognosco auditione quam visione, plus fide quam confabulatione, plus religione quam familiari cohabitacione. Audivi enim viri non elatam sæculi pompam, sed electam doctrinæ formam; non ebrietatem, sed sobrietatem; non vanam pecuniarum

obscuri in Gallia ordinis clericorum, qui Grandimontenses inde appellati, in dioecesi Lemovicensi, haud procul Murelo. Unde et Stephanum religiosæ familie ducem ac principem, Stephanum de Murelo appellat Stephanus Tornacensis epistola 1, quia sedem ibi fixerat, cum alioquin Arvernus patria esset, non Lemovix.

solicitudinem, sed variam Scripturarum meditationem; non curiositatem formarum et pulchritudinem faces gehennales accedentes, sed emundationem deformitatum propriæ conscientiæ juxta divini speculi illuminationem. Hæc, bone juvenis, de te ab aliis cum desiderio audivi, cum fide accepi, cum gudio aliis enarravi. Nihil itaque misrum, si tali scribo, quem tales describere non vereor ex relaturo quibus firmiter credo. Hujus tamen ardenterius cum aviditate faciem vidarem, et vocem audiorem, quam mortuis apicibus mortua verba ederem, ut ejus amor vivit in animo, ejus præsentia scintillaret in oculo. Applicat enim calorem latenter in remotis admista facula scintillantibus venis. Mutuo namque sese ita sovent, ut uterque ignis alium ad se trahendo confortet et confortetur: quatenus interior eo magis seruat, quo exterior ei appropinquat, et exterior eo clarus luceat, quo ei interior vehementius participat. Hujus exempli similitudine, quem amas absentem, incipis superamare præsentem. Crescit enim in oculis amor: revehitur meatus aurium cordi diligentis vox dilecti expressa charactere dilectionis. Jam amor incipit esse cum gudio, qui prius erat sine gudio, aut cum tædio. Tædet enim non habere quem tendit semper amare. Sine gudio quoque est, qui eum non habet, sine quo gaudere non potest. Apponitur igitur amori gaudium, cum amicus cernit suum amicum. Valete.

EPISTOLA LVI.

AD G. SACERDOTEM HASTINGIARUM.

[III, 40.] PETRUS abbas indignus Cellæ monasterii, G. sacerdoti Hastingiarum (72), spiritum salutis.

Non in præsumptione spiritus mei ad te transmarinum sacerdotem scribo, sed reiterata petitione R. quem tu quidem carne, ego vero spiritu per Evangelium in Christo genui. Is siquidem quos habet impari generatione patres, pari desiderat affectione conjugere fratres. Et me certe jam fratrem tibi constituit, nisi in oculis tuis mea fraternitas forte propter vestem peregrinam sorduerit. Vix tamen apud sensatos tanta habetur vestium diversitas, ut eorum exinde divellatur idenditas. Proinde nuda corda melius copulantur, affectius uniuntur, castus immiscentur. Cor namque justi non induitur purpura et byssō, sed sapientia et consilio; non pannis et serico, sed virtutibus et Deo. His enim secundum creationis naturam in principio amictus, stolas non erubescerat angelicas, nec ipsius increati candoris lucem reformidabat, quandiu divinitas insitæ imaginis lineamenta incorrupta mutuo aspectu resignabat. At ubi bujuscemodi splendoribus nocturnis dispoliatus insidiis, præ confusione atrocioris incommodi solis cœpit circumtegi fculneis: venit Christus, ut reiteraret vestem cilicinam, saccum scinderet, et nudus nudis obtutibus

JACOBI SIRMONDI NOTÆ.

(72) *Sacerd. Hastingiarum.* In Anglia. Ideo transmarinum sacerdotem vocat. Locus conserto inter Willelmum et Haroldum prælio memorabilis. Mal-

A paternis in carne nostra, imo sua appareret. Filii itaque nudi Christi, nuda adinvicem corda pandamus, ac stabili compagine in Christo ea compingamus: fluant ad Christum, refluant ad cœlum, confluant ad trinum et unum: *O quam bonum et quam jucundum, frater, fratres habitare in unum!* (Psal. cxxxii.) Unum est necessarium. Quid vero multa? non necessaria. Quæ ergo vanitas est filiorum hominum ut multa quærant, et non eurent unum? Prius est unum, quam multa, et facilius consequimur unum, quam multa. Cum ergo sine uno non subsistimus, et in multis desiccamus, in multa tamen insania unum postponimus, et multa cupimus. Desipit qui ad unum verum esse non tendit; sapit qui ad incommutabilem beatitudinem contendit. Revera solus ille sapit, qui unum solum sapit; solus ille desipit, qui multa præter unum sapere cupit. Unde ait Apostolus: *Non multum sapere, sed sapere ad sobrietatem* (Rom. xii).

B Solent homines terræ tuæ potius sapere ad ebrietatem quam ad sobrietatem. Vitium ignobile, et inter caetera vitia ignobilis, ebrietas. Ubi enim sensus ebrii? ubi reverentia in ebrio? ubi dignitas? Immemor est præteriti, futuri ignarus, præsentis nescius. Discretio confunditur, ratio hebetatur, sensus ligantur, mens ipsa sepelitur. Risus derisoribus exponit magis se ipsum ridens. Ex hac virea radice surgit, vel potius serpit, devastans totius religionis anime vigorem luxuria. Denique tanquam ex magno gurgite perditionis prosilunt non rara germina pestiferæ prævaricationis. Pes errat, labitur lingua, trepidat manus, labia tremunt, caligat visus, anditus surdeicit. Adde his intrinsecus furias debacchantes, et miserum pectus miserabiliter lacerantes. O bone vir, nonne videntur tibi hæc principia mortis, fomenta ignis æterni, esca supplicii, illecebra damnationis? Ut igitur morsum colubri evadas, fugienda est ebrietas. Muscipula venantium capit, qui vel semel inebratur. Lusus dæmonum est homo ebrius. Tanquam prostibulum vitorum reputatur, qui gula et ventris tyrannidi subjugatur. Mari commoto quid tempestuosius? excuso fulgere quid formidabilius? abysso quid profundius? Nullum tamen horum nequius, quam homo ebrius. Desistendum est a veneno, imo a vino, quod hominem vertit in truncum. Divinorum lectio librorum præceptis et exemplis ostendit, quam turpiter natura ex hoc dehonestetur, quam crudeliter condemnetur, quam interminabiliter crucietur, quam immisericorditer a regno Dei excludatur. Neque ebriosi, ait Apostolus, regnum Dei possidebunt (I Cor. vi). Diutius impressi stylum, si forte refellerem, vel saltem reprimerem vitium. Interim collectaneam ejus luxuriam eodem acumine potius pungamus quam pingamus. Pinguius nanque et

mesburiensis Hastingas scribit, et bellum Hantijense, quod dixi.

ista pinguissima de pinguedine terre apud vos exuberat. Ubi namque juvenum et puellarum forma decentior, aspectus gratiosior, cibus abundantior, potus crassior, aer salubrior, terra fertilior, amoenitas jucundior, pravus his enervatur animus. Satius est namque ei frui cupiditatibus vanis quam aeternis bonis. Colore adulterino deceptus, quæ intus latet, falsitatem non attendit. Mendax mendaciter mulier de specie vana se jactat. Certe pulchritudo illa nec vera est, nec sua. Si enim vera esset, semper durasset. Unde quod semel est verum, semper est verum. Si sua, non in foro emeret. Fallax gratia, et vana est pulchritudo. Abjicienda est autem, quæ fallit gratia; ambienda, quæ liberat. Umbratilis postponenda pulchritudo, utilis appetenda. Communis hactenus admonitione præmissa, ut tuæ unicæ et singularis animæ curam maximam habeas, rogamus. Nemo enim de sæculo egrediens animam suam ulterius commutat. Hic locus, hic tempus commutationis faciendæ: mores hic commutandi et corrigendi. Cæterum correptio, non correctio in futuro dabitur; sicut comminatio, non commutatio, nisi forte de pena in poenam, de morte in mortem, de miseria in miseriam. Muta itaque vitam, dum vivis in hac vita, ne si forte modo cum potes distuleris mutare, tunc volens mutare cogaris tenere. R. timet sibi anima mea, timet et tibi. Pater meus es tu, et ego filius tuus. Et quia per te ingressus sum in vita corruptibili, utinam per me pervenires ad disciplinam Dei. Non contingat me sine te gaudere; contingat autem te et me cum Christo regnare. Vale.

EPISTOLA LVII.

AD H. SUBPRIOREM, THOMAM ET ASCELINUM CLARE-VALLENSES.

[III, 11.] Suis charissimis amicis, H. subpriori, THOMÆ et ASCELINO Clarævallensibus, frater PETRUS abbas Cellensis, gratiam pro gratia.

Quibus gratiosiori affectu dulcius copulamus, eisdem non immerito meliora et dulciora scribimus. Ut enim dignior animus quam corpus, sic animi potiora sunt bona, quam corporis, fidelis vero sui ipsius interpres est animus. Itaque et nos potius quæ ad animum pertinent colimus, quam quæ ad corpus. Nam si de affectu non secundum affectum scribis, utique mentiris. Igitur affectus cum de se loquitur, se et non aliud loquatur. Est enim hypocritarum aliena tanquam sua, sua tanquam aliena dicere. Nihilominus et simulatorum est, neque simpliciter diligere, neque veraciter ad amicos loqui vel scribere. Quamobrem in Christo et in conscientia vera pronuntio, quod erga me sinceriorem et puriorem habeatis affectum, ut credo, quam ego ipse. Nam quo purgator est in vobis oculus mentis, eo perspicacior est etiam in amicis diligendis; et quo expeditior ad clare videndum, eo liberior ac justior de omni causa decernendum. Selummodo siquidem corporum nebula obstat, ne se vicissim meus et vester spiritus sublatis impe-

A dimentis clare videat. Attamen ut in corpore mortali immortalia corda, et ad se per amorem accedere, et sese per mutua desideria possunt continger; sic unicæ et speciali dilectione, quotidiano recursu a suis commeant regionibus, quatenus datur, ad se salutandos et osculandos affectus nostri. Quoties enim vos recogito, toties pedibus animi vos adeo. Itaque, fratres charissimi et desideratissimi, vestras consolationes et sitienter suscepi, et ardenter perlegi, et velociter complevi. Et attendite etiam in hoc quam bene cohærent, quam perfecte sibi consentiant conscientiae nostræ. Quando enim scribebat dictante animo digitus vester, cogitabat animus noster: et quod scripserat digitus, hoc elegerat animus. Planè priusquam audirem obediui, antequam consilium daretur acquievi. Tanta dilectionis veinctas, ut audire non exspectet quod facere debet. Lædi namque se æstimat, nisi amicorum voluntates præcurrat. De merito suo plurimum sili præripi gemit, nisi etiam motum voluntatis vigilanter præoccupaverit. Tunc læta, tunc gratulabunda, cum præcesserit veniendo, et quodammodo excesserit majora faciendo. O excessus charitas! o excedens charitas! Sola in omni genere virtutum excedendo non excedis, ascendendo non corruis, descendendo ascendis.

C Ad modum proprium cobibetur humilitas, terminos suos habet castitas, ad malum non laxamus obedientiæ habenas, ad fines suos, nec extra extenditur largitas, ad fines mendacii non accedit veritas. Sic denique et alia virtutes, cursus tantum suos excurrere, sed non transcurrere debent. Constituti sunt eis termini, qui præteriri non poterunt. At charitas usque ad cœlum, imo et supra cœlum, veluti cui lex non est posita, concordit, usque ad infernum, et etiam in inferno ipso aliquando descendit. Amicos amplectitur, nec ab inimicis arceratur. Cum se extendit, non læditur, cum se superextendit, non rumpitur. Semper crescit, nunquam senescit. Anni ejus non deficiunt, sed persiciunt. Quo anim vetustior, imo diuturnior, neque enim veterascit, eo et clarior. Sicut vinum Libani semper novatur, semper confortatur, semper cumulatur. Vires semper accrescant; splendores faciei ejus nunquam deflorescant. O virtutum virtus! semper in me sic excedas, ut nunquam decedas. Non sinis decidere, in quo dignaris justos excessus creare. Sic novit Apostolus mente excedere, et cœlum tertium penetrare; sic propheta in excessu mentis supra hominem de Deo sentire. Præ stupore Petrus in consideratione glorificatae majestatis sic excesserat, cum dicebat: *Faciamus hic tria tabernacula: tibi unum, Moysi unum, et Eliæ unum* (*Math. xvii*). Secundo etiam et tertio sic excedit, vel quando Christum non sustinens mori, dicit: *Abiit a te, Domine* (*Math. xvi*); vel quando abscondit auriculam servi, vel etiam in captura piscium cum dicit: *Exi a me, Domine, quia homo peccator sum* (*Luc. v*). O quoties sponsa ad sponsum excurrit, aut ut verius

dicam, se ipsam et omne quod creatum est pro amore sponsi excedit! Quandocunque enim vel de sponso vel ad sponsum loquitur, per excessum transvolare dicitur. Hos saltus sive excessus non novit, nisi qui experientia didicit. Quapropter de his mihi parcus loquendum, vobis idoneum est latius et largius agendum potius, quam disserendum. Valete. Quam citius potero venism ad vos.

EPISTOLA LVIII.

AD R. CLAREVALLENSEM.

[III, 12.] Suo R. Clarevallensis, suus PETRUS Celsensis.

Solet nimia festinatio, etiam semicruda quasi jam bene cocta, præ nimio appetitu insumere, et tanquam famis necessitatem interdum temperare. Instas, et ostium amici velut necessitate hospitis supervenientis inquietare non cessas. Credo potius ex crassitudine animæ, vel ex non necessaria pauperitate id te actitare, ut neque importunitatibus tuis occupationes meæ satisfaciant, neque voluntati tuæ solemnes istæ feriæ silentium imponant. Quid igitur? Exerior nunc quod in Isaia jam ante legeram: *Venerunt filii usque ad partum, et tempus sine virtus pariendi non est (Isa. xxxvii).* Aestuo siquidem novi amici novam et primam promissionem adimplere, sed contradicentium irruptiones vix valeo mitigare. Quis itaque, a quo, vel quid petas mibi consideranti, offert ratio copiosam fortunam petitoris, pauperem inopiam postulati, difficultatem petitionis. Quis, nisi qui ambulat in medio lapidum ignitorum, nisi qui cedrorum medullam consuevit lambere, et præclara sententiarum stipendia de castris philosophorum reportare? A quo, nisi ab eo qui inter sentes, ne dicam sententias, delicias reputat dormire? nisi ab eo qui neque ungulam findit meliorum dictorum distinctione, neque ruminat si qua contigerit audire vel legere? Quis a quo, nisi doctus ab indocto, nisi plenus a vacuo, nisi videns a cæco? Non leve et simplex fateor impedimentum sustineo, ne intrem in sanctuarium Dei, ut de manu cherubim carbones consolatorios tibi accipiam. Obstat hinc flammeus gladius atque versatilis sollicitudinum, usque ad medullam animæ penetrantium, illinc caterva Philistinorum puto mens terra mortuorum replentium. Præter hæc, tanta certe confusio concurrentia ad me fit, cum incipio scribere, ut pene syllabæ singulæ nova cogantur habere principia. Ecce monachus constiteret, ecce aliis difficeretur: ecce miles saltat, ecce clericus salutat, ecce famulus inquietat, ecce nuntius corrum frequentius quam columbam resonat.

Mi dilecte, quam interim cor humanan congregare poterit sanctorum Scripturarum meditationem? quod componere commonitorium? Sed forte hæc ipsa non monendo moment, inquietando suadent quietem, in diversum decerpndo verum, id ipsum querere admonent. Sic enim esuriens panem quero, aquam sitiens, algens igneum, caligans

A lucem, deficiens refractionem. Verum tu aliud habens melius et verius commonitorum, rurus aliud mendicaris potius ex voluntate quam ex necessitate. Exemplo credo apostolorum id facis, cui cum Jesum haberent, patrem nihilominus videre cupiebant. Domine, inquiunt, ostende nobis Patrem, et sufficit nobis (Luc. xiv). Nondum noverant quia cui Filius non sufficit, nec Patrem habere poterit. Plena etenim Filii cognitio, universæ rationalis creaturæ est plenissima recreatio. O quam præclara Clarevallensis commonitoria! Quid enim lacrymæ hujus, nisi compunctionis sunt incentivam? Quid alterius continuæ orationes, nisi supernæ contemplationis adjumentum? Hujus humilitas superbiam confundit apostatae angeli et hominis: obedientia illius, pendentis in cruce Christi simulatur obedientiam. Iste Jacob assimilatur in laboribus; simplicitas Joseph hunc exornat; zelus ordinis in isto Moysen reddit. O David mansuetudo! o servor Eliæ! o Danielis abstinentia! o castitas Samuelis, et quod majus est, o Christi charitas! o Mariæ virginitas! Castra Dei sunt hæc. Quid videbis in Sunanite tua, in coccinea tua, nisi choros castrorum? Chorum alium video procedentem adversus phalangas vitiorum innumerabilium, dum iste non querens quæ sua sunt, spiritum avaritiae strangulat, iste mundi gloriam calcans principem superbie suffocat, iste carnem macerans luxuriae caput detruncat, et cuicunque obviaverit quisque de adversariis, sine misericordia fortiter in ore gladii encusat. Pluunt denique instanter post terga hostium sagittæ, vibrant bastas, frameam effundunt, et sive leones, sive unicornes cum omni bestia saltus exterminant. Non est in eis deficiens, neque laborans. In dextro cornu iterum considero alium in equis albis chorum certantem non jam pro victoria, sed ad coacervanda pretiosiora spolia, et jam prægustat alius mercedem laborum suorum, alius gratiam labiorum consequitur, alius de ligno, quod est in medio paradisi, superextensus in ultiora velaminis per oblivionem terrenorum et contemplationem coelestium edit. Isti sunt qui stolas suas dealbaverunt in sanguine Agni, resistendo usque ad sanguinem vitiis, et pertingendo usque ad patientiam Agni immaculati. Hi docent te arcum et sagittam; hi sanguinem uvæ, et mori propinaant. Arcum pravum isti non intendunt, sed spirituali subtilitate, etiam capillum minimæ cogitationis in arcu propriæ reprehensionis citissime serunt. Prorsus conversi sunt in die belli, quia neque in incerto currunt, neque segniter vivunt. Ad hoc te mittit commonitorium. Omnia enim eorum commonent, sive consessus, sive incessus, sive sermo, sive silentium, sive jejunium, sive prandium. Ecce milie clypei pendent non solum ad te commonendum, sed etiam ad muniendum: et tibi post hæc, fili mi, ultra quid faciam? Habes quoque et alium Paracletum, tanquam aliud commonitorium, quod prope est in ore et in corde tuo; unctionem spiritus, que

te docet de omanibus. Habet sapientiam, quæ non invenitur in terra suaviter viventium, quam filii Agar non inveniunt, de qua philosophorum abyssus loquitur : Non est mecum. Liga eam in corde tuo jugiter per amorem, describe illam in tempore otii tripliciter, cogitando, loquendo, operando. Discurre Scripturarum amoenissimos campos : lege tanquam apis et reconde in alveolo memoriae suavissimi odoris flores, castitatis lily, olivæ charitatis, patientie rosam, uvas spiritualium charismatum. Considera diligenter quæ apponuntur, quia quædam ad consolationem, quædam ad correptionem sunt. Alia ad sanitatem, alia ad satietatem, alia ad suavitatem. Spes præmii promissi mōrentem consolatur; corrigit comminatio æterni supplicii ; medicinae poenitentiae sanantur omnes languores ; præsentis justificationis exultatio famelicum justitiae satiat ; adveniens gratia virgam timoris amovet, et sua infusione animam lætitat.

O Jesu ! comminutoribus tuis quis sapor in fauibus ? quis odor in naribus ? quis splendor præ oculis ? quæ auditus modulatio ? quæ cordis jubilatio ? Nihil infra votum, supra omnia abundant, imo superabundant, gaudia. Explicat et extendit se voluntas ad volendum, vel etiam ad volandum, sed non sufficit. Supercurrit oleum, quia vasa deficiunt. Hic, hic manus dantis largior, et accipientis rarior. Sola hæc ministrorum indignatio, quia pauci sunt, quibus flat cœlestium fæculorum distributio. Longos sae funiculos tuos : extende pelles tuas, ne parcas, C quia dilataberis ad orientem divinæ contemplationis, ad occidentem humanae per Christum reparationis, ad septentrionem dæmoniacæ dejectionis, et ad austrum gloriose ascensionis. Vale, nec sine recompensatione nostram paupertatem velis accipere. Charissimum nostrum subpriorem ex toto corde, et ex tota anima, et ex tota virtute saluto, et cæteros amicos nostros.

PISTOLA LIX.

AD EUMDEM.

[ui, 13.] P. Cellensis R. suo Clarevallensi.

Excusationis meæ procemium, sive velamentum rusticitatæ meæ superinducerem, si clericò scholari, non monacho Clarevallensi, si spumanti in sæcula-ribus, non sudanti in regularibus, si denique Sirenarum oblectamenta captanti, non aspera quæque per desertum sectanti scriberem. Nunc autem quia id solum quod honestum est, bonum esse non dubito : omne vero verum honestum, si verum dixero ab honesto non recedens, confusionem non timeo. Scio itaque manum te ad fortia misisse, et satis perplexum antiquo sophismate sophisma fecisse. Crede mihi, fremdens et rugiens querit solvere quod nequit ex ratione refellere. Callidus est et in arte perversæ calliditatis potenter callens, utpote cui ab incomprehensibilitate retro labentium temporum annus, mensis, dies, hora, vel brevissimum

A momentum non est elapsum absque hujusmodi conflictationibus. Quoties vicit et victus est ? dejecit et dejectus est ? obruit et obrutus est ? Non est ei pudor, timor procul abest, spes evertendi semper adest. Fulminat timens, attrahat tremens, recedit sperans, accedit dubitans. O astutia simplicitatis inimica, malignitatis filia, unica totius religionis tinea ! Patrem nostrum a paradiso exclusisti, in exilio detrusisti, in morte conclusisti : nos beatitudine spoliias, miseriis cumulas, a Deo separas. Quid tibi et nobis ? Cepisti et decepisti, sed non recepisti. Qui enim fecit, ipse reficiendo recepit. Seductor. igitur, charissime, cavendus est, et laqueo suo capiendus, et gladio suo detruncandus. Sic fecit nobis, sic faciamus illi. Si malum est esse homicidam, sed non diabolicidam. Caput ergo ejus contere, caudam apprehende, corpus medium scinde : et sic vespere et mane et meridie narrabis in confessione, annuntiabis in satisfactione, exaudiens in oratione. Sophista iste male proponit, pejus assumit, pessime concludit. Suggestendo prava proponit, ad delectationem trahendo assumit, in consensem dejiciendo concludit. Si itaque suggestionem prudenter prævidens scuto sacrae institutionis propuleris, delectationem fortiter memoria passionis Christi excusseris, consensem constanter timore et amore Dei negaveris, tendiculas ejus tanquam fila aranearum abrumpens, coronaberis de capite Amana, de vertice Sanir et Hermon.

PISTOLA LX (73).

NICOLAI CLAREVALLENSIS IN PERSONA FRATRIS AD PETRUM.

Singulare Patri et domino P. Cellensi abbati, frater A., quidquid est, et quidquid potest in Domino.

Nihil est amicitia dulcius in rebus humanis, sed hoc fit cum hominis persona diligitur, non fortuna, hac dilectione dilexisti filium tuum, Pater sancte, ut aliquando dum recordor miserationum tuarum, cor meum et caro mea exsultent in Deum vivum. Eram enim juvenis ætate, pauper censu, pauperior meritis, et tu, dimissis illis qui me tam religione quam scientia transcendebant, junxisti lateri tuo, tuo conventui prætulisti. Quid retribuam Domino, pro his omnibus non quæ retribuit, sed tribuit mihi ? (*Psal. cxv.*) scio quid faciam. Memoriam abundantiarum suavitatis tuarum eructabo quoad vixerim. Sed quoque longum facio prologum et non nude frontoseque dico, quæ dicenda sunt ? Loquar ad dominum meum, utinam jucundum sit ei eloquium meum. Juxta enim vocem viri sancti (*Job. iv.*), conceptum sermonem tenere quis potest ? Tacere non possum, dicere non audeo, dicetur tamen. Diu est, amantissime Pater, quod proposueram ascensiones in corde meo, ut ascenderem ad locum sanctum, locum illum, quem elegit Dominus ex omnibus locis terrarum, ut esset nomen suum ibi, nec juvenili ut assolet levitate jactatus, sed morosa de-

JACOBI SIRMONDI NOTÆ.

(73) Nova.

liberatione firmatus texi propositum ne expositum ne penitus deperiret. Arreptus igitur in spiritu judicii et spiritu ardoris, nec ultius valens vel volens dissimulare spiritum libertatis, veni ad vestros Clarendenses plorans et orans ut reciperent me in concilio justorum et congregatione. Pulsavi fortiter sed fortius repulsus sum. Perseveravi, impetravi, intravi, et ecce sum inter illos quasi unus ex illis. Obsecro vos per viscera misericordiae Dei nostri, ut non contristemini, sicut et cæteri qui spem non habent, quia de vestris ad vestros transivi, vestros non verbo, neque lingua, sed opere et veritate. Videte quantum confidant de vobis, qui sine vobis retinuerunt me, scientes quia ipsi in vobis et vos in illis, serenissime domine et amantissime Pater. Vale.

EPISTOLA LXI.

AD NICOLAUM CLAREVALLENSEM MONACHUM.

[iv, 3.] NICOLAO SUO PETRUS SUUS.

Mirabili conditas sapore litteras aviditati meæ componitis, quoties scribitis. Ut enim veraci amico veraciter loquar, illud pene proprie proprium apud me habent : *Qui edunt me adhuc esurient, et qui bibunt me, adhuc sient* (*Ecclesiastes xxiv*). Ipse autem etsi imperitus sum stylo rescribendi, non tamen scientia redamandi. Scio quem amare debeam, quare, et quantum, et quandiu. Quem, nisi servum Dei, nisi qui diligit justitiam, et odio habet iniquitatem, nisi denique qui in Deo manet et Deus in eo? Quare, nisi quia conservus, et frater est, nisi pro quo Christus passus est? Quantum, nisi quantum me Filius Dei, quantum me ipsum, quantum manus oculum? Quandiu, nisi usque ad mortem, nisi usque in seculum saeculi, nisi usque in æternum et ultra? Generaliter sic afficiuntur qui non quæ sua sunt querunt, sed quæ Jesu Christi, qui pleni charitate et dilectione in cubilibus et in hortis aromatum in meridi cubant et pascunt. Isti sunt tui, imo mei Clarendenses. Hi sunt qui non sicut ille negaturus JESUM a longe sequuntur, non sicut alii appropinquentes stant, vel ab eo recedentes post Satanam redeunt; sed sindone rejecta nudi post nudum ambulant, Agni vestigiis inhærentes ad cœlum transvolant: et donec ad sedentem in throno accendant, et regi opera sua dicant, super montes aromatum transilire properant. Hi sunt cervi montium, capreæ camporum, binnuli silvarum. Denique ipsi sunt lily convallium, cedri Libani, olivæ uberes in domo Dei. Pulchrae sunt genæ eorum absque eo quod intrinsecus latet. Amplior virtus quam fama, fama non tanta quantus ardor, laus eorum confortata est, nec possum ad eam. Vere et tu ex illis es. Nam et loquela tua et opera manifestum te faciant. Si ergo, ut prædicti, mutua dilectione adinvicem specialiter afficiuntur, et quis et quare, et quantum et quandiu, firmiter conservabimus. Pene tanquam oculis captus non attendens, quis et cui

A scribam. Qua enim fronte insipientiam meam, turpitudinem meam, tarditatem meam non abscondo, non operio, non celo? Et si oculis insipientium illudo, capreæ et lyncei oculos sic quoque decipere posse presumo. Sed ne decipiari, plus in me aliiquid quam audis sensus et ingenii suspicans, prorsus aperio paupertatis meæ inopiam. Nenippe quia fodere non valeo, mendicare non erubesco. Aperi igitur manum, resera os, ut parturiat sapientiam. Quæro autem, quid sit quod ait Hieronymus in epistola ad Rusinum, exponens judicium Salomonis super quæstione duarum mereetricum: « Tertia die postquam ego peperi, peperit et haec: Si consideres, inquit, Pilatum lavantem manus atque dicentem: « Mundus ego sum a sanguine justi hujus; si centurionem ante patibulum confidentem: « Vere hic erat Filius Dei; » si eos qui ante passionem per Philippum Dominum videre desiderant, haud ambige primam peperisse Ecclesiam, et postea natum populum Judæorum, pro quo Dominus precabatur: Pater, ignosce illis, etc. » De centurione, et de his qui Dominum videre quærunt, quod Ecclesiæ filii sint, non tam durum mibi videtur; sed de Pilato prorsus incredibile aestimo. Sequitur in eadem epistola: Nulla, inquit, dubitatio est, quin cuncta quæ dicuntur, non Salomonis mortuo, sed Christi convenient majestati. Simulat ignorantiam, et humanos pro dispensatione carnis mentitur affectus, etc. Si Dominus noster Jesus Christus quidquid humanæ naturæ est præter peccatum assumptus, et humanos affectus non fallaciter, sed veraciter habuit; quomodo ergo mentitur humanos affectus?

EPISTOLA LXII (74).

NICOLAI CLAREVALLENSIS AD ABBATEM CELLENSEM.
SUSPICIOSA SUPER TRADITIONE LITTERARUM.

Dilecto sibi multum et amabili valde domino PETRO Cellensi abbati, Fr. Nicolaus, a summo Domino euge boni servi.

Antequam vos viderem, dilexi vos, et fuit principium dilectionis testimonium religionis, quod a religiosis de vobis audieram. Postquam vero auditui visus accessit, successit mutuæ familiaritatis arcanum, et de personis imparibus pares animos amicitia fecit. Et licet vos dignitas sublimem, dignatio D tamen humilem reddidit, cum vos exinanistis vilem benigne colligendo personam. Hinc est quod in sacramento vestræ charitatis admissus commisi vobis, quod alteri committere non attedebam; et hoc tanto securius, quanto sincerius vos diligebam. Et quia verus amor omnem suspicionem vel simulationem a veritate suæ puritatis eliminat; parvam suspiciumculam meam vobis aperio. Litteras vobis donaveram donandas Lecelino; sed nescio quo pacto Arramensis abbatis manibus inhæserunt. Utrumque difficile imo impossibile est, ut vel vos ei dederitis vel ab illo illas acceperitis, cum ego de vestra veritate et de illius taciturnitate non dubitem. Procli-

JACOBI SIRMONDI NOTÆ.

(74) Nova.

PATROL. CCII.

vius tamen crediderim juvenem juvenili levitate seductum, quam vos ad id deductum, amantissime Pater; sit tamen in beneplacito vestrae dignationis ut mihi rescribatis, qualiter Epistolam reddideritis ei. Librum nostrum per praesentium latorem mihi remittite. Illud autem scitote, quia servus vester sum : et, si dignum judicatis, amicus. Vale, et orate pro me.

EPISTOLA LXIII (75).

AD EUMDEM CONQUERENTEM CUR ALIQUID LONGIUS NON SCRIBERET. PULCHRA DE MISERIA HOMINIS. HOMO NATUS, etc.

Suo suus.

Nuper cum aquilonaris rabies rapidiori flatu nuditatem nostram perussisset et percussisset, jussi sumus minuere sanguinem universi. Ilæc autem minutio solemnis est, et ab his qui fundaverunt ordinem, ordinatus ordinata, ut de superfluitate conqueri non queamus. Tacere namque et jacere præcipinur, omnia in rectorio sicca sicut heri et nudiustertius intuentes. Nec laborare possumus nec orare, nec legere, nec saltem legentibus adhædere. Justissima prorsus ratio, et æquo pondere confunditur, et contunditur antiqua superbìa, ut qui parietum rimulas ipsi soli inaccessiblebiles claudebamus et gaudebamus ad tenebras; nunc soli et aeri caput offeramus, vir cum sit imago gloriae Dei, ait Apostolus (*I Cor. 11*), non debet velare caput suum; et nunc experimento didicimus, quia subinducta teneritudo sicut vitium, non natura. In hoc spatio spirituales viri secretissimos conscientiarum suarum recessus investigant; non ut non inveniant, quod reprehendant; sed, ut quod invenerint reprehendant. Tunc divident inter aquas et aquas videlicet inter puritatem spiritualis intelligentiae et sensualitatem infirmæ et infirmæ carnalitatis, ponunt autem firmamentum rationem: ne superiores inferioribus inclinentur, et inquinentur; vel inferiores copulentur in superioribus; infelix, qui sic non dividit, quia quidquid obtulerit, non placet ut placeat, sed placitum irritat. Ego inter alios, et cum aliis ad hoc jubilæum sum vocatus et collocatus in deliciis istis. Hic autem a flamma litteralium negotiorum, quæ assidue Clarevallis aguntur, paululum refrigeratus retorsi oculos ad memoriam vestram: et hoc utique tam gaudenter quam ardenter diligo vos et diligor a vobis. Reliquis reliqui subtilest et utiles illas meditationes, qui me durioris et vitæ purioris exercitiis attriti et astricti in plateis supernæ Sion saepius, evolantes, imaginum cœlestium hauriunt theorias. Igitur a tumultu et vario rerum turbine liberatus consabulabar tecum et dicebam: Ecce jam venit plenitudo temporis, ut scribam illi quem diligit anima mea, si forte recursu familiarium paginarum possim illius blandimentis eloquentiae revocare dulcedinem. In veritate comperi quia stylum potentissimum habet quem sensus acuit, et

A sermo pol'it; et qui sit utrarumque partium felici temperatûra permistus. Dum hæc cogitare: ecce alia cogitatio subintravit dicens: Nunquid hoc est sapientis needum poenitentis, ut amicum vocet et provocet, non ad medullas sensuum, sed ad spinas verborum? Hoc certe puerorum est, vel pueriliter sapientium; qui non sententiam lectionis, sed eloquentiam orationis attendunt, inhibentes spinarum floribus et ab asperitate segetum abhorrentes. Sermo veræ puritatis, vel puræ veritatis illibatus esse debet, et facilis nec artificios colorum velamine desiderat opacari.

Teste quippe philosopho, aperta decent et simplicia bonitatem. Quid ergo dicam, vel dictabo roganti, amico, dignum dilecto, ad videndum, labiisque et dentibus illius ad ruminandum? Docebo te? sed hoc esset dementia: laudabo te? sed hoc esset stultitia: monebo te? sed hoc esset audacia: tamen circa hoc tutius versabitur stylus, cum audacia sit quasi comes individuus dilectionis. Volo ergo tibi duo verba proponere, ad quæ tremere soleo quæ vir sanctus in se ipso et de se ipso sentiens tam mirabiliter quam miserabiliter humana mortali-tatis deplorans ærumnas, ait: *Homo natus de muliere, brevi rivens tempore, repletur multis miseriis. Qui quasi flos egreditur et conteritur, et fugit velut umbra et nunquam in eodem statu permanet* (*Job xv*). O conditio abjecta nascendi: vivendi dura, misera moriendo. *Homo natus de muliere. Quid enim abjectius? brevi rivens tempore repletur multis miseriis; quid durius? qui quasi flos egreditur et conteritur; quid miserius?* Vides, homo, triplicem, sed infelicem funiculum quo stringitur et cingitur omnis humana propago; quo non modo dislicilis, sed et impossibilis sit ad rumpendum. Vis oculata fide videre, quia nihil est homine nascente abjectius? Omnia certe animalium et avium corpora multiplici munivit natura præsidio, et eis quasi quodam patentissimo sinu pietatis occurrit. Denique bovi setam, volucri plumam, et dentes, et ungues, et cornua concessit, ut habeat unde vim vel inserat, vel repellat. Sola hominis membra video abjecta esse, non edita; quibus illa benignissima rerum nutrix quasi quodam indigatio-nis oculo novercatur. Adde quod profundissimus D ignorantiæ tenebris homo pol'itus et obvolutus veniam in locum hunc tormentorum ubi infelicitate nascitur, infelicius vivit, infelissime moritur. Reliquorum namque animalium pulli, et cum nati fuerint currunt et inter tot millia gregum ad ubera materna mira facilitate revolare noverunt. Pueri autem pedes nec idonei sunt ad movendum nec manus ad tangendum; et nisi nutricis ubera puerilibus labris pressius imprimentur, ante potest mori, quam ori apposita invenire; hanc nobis hæreditatem reliquit ille vetustus Adam, qui fugit a facie Dei (*Gen. ii*), quam inconvertibili mortis privilegio communivit.

JACOBI SIRMONDI NOTÆ.

(75) Nova.

Vide, Domine, et considera quia furtim sublatus A sum, et hic innocens in lacum missus sum, innocens plane quantum ad illum, qui me perdidit et occidit; ad nihil redactus sum et nescivi, quia non ibi fui cum devorasset me morsu amarissimo: et attende quantum singula verba suo pondere librata sunt. *Homo*, inquit, *natus*, non homo conditus, quia ille leges oppressionis istius non sensisset, si non consensisset apostate spiritui, qui eum fallaciter seduxit, et deduxit in locum afflictionis et lacum mortis. Idecirco autem additum arbitror, *de muliere*, quod Gaius virginis his passionibus subditus non fuit: quas etsi habuit, ex voluntate fuit, non ex necessitate: *Brevi*, inquit, *vivens tempore*, vero *universa vanitas*, *omnis homo vivens* (*Psal. xxxviii*). *Omnis*, inquit, *homo vivens*, non *omnis homo vita*. Corpus denique est vivens, anima est viva, Deus vita; vivens ex vanitate, viva ex simplicitate, vita ex unitate. Propterea corpus, quia compositum est, orditur et moritur; anima, quia simplex est, nescit occasum. *Omnia*, inquit Scriptura, *orta occidunt*, et *exuta senescunt*. Orta, inquit, non facta, quia quæcumque ab illa omnipotentis manu in ipsis rerum principiis facta sunt, in æternum permanent, ab ipsis composita et prodeuntia, et ortum recipiunt et occasum. Vita vero et unum est, et una est, quod nec simplex quodammodo nec compositum participare possunt, quia unius et unicæ unitatis est hæc prærogativa, quantum ergo vivum vivens præcedit, tantum vivum vita præcedit, nisi quod illud tanto eminentius supervehitur, quanto incomparabilius creator supereminet creaturæ: *vivens*, inquit, *tempore*, qui factus est ut præcesset tempori, non ut temporalitati subesset, et hoc brevi tempore, ut velocitati jungat velocitatem, quia nihil est annis velocius; hinc est quod puer in adolescentem, adolescens in juvenem, juvenis in senem, senex in decrepitudem commutatur, ut unde proficiat, inde deficiat, donec redeat in terram unde assumptus est, ut illud impleatur: *Vespere decidat, induret et areseat* (*Psal. lxxxix*). Recordare quia, etsi brevi tempore, non tamen brevi labore, et ideo sequitur: *Repletur multis miseriis*, et quis pondus bumanarum miseriarum cogitationibus comprehendere, nedum vocibus enarrare sufficiat? Nullus excipitur, nullus evadit, etiam si illum in rerum verticem vocaverit, et locaverit ille magnus providentiae oculus, qui de sublimi Divinitatis specula, cuncta prospectat. Hujusmodi enim quanto sublimiores sunt, tanto miseriis multiplicioribus implicantur. Subditus namque licet vel plangere miseriam suam: prælatis vero, inter ærumnas cor ipsum exerentes necesse est vulnus induvere gaudiorum. Semper ergo homo convertitur in miseria sua quia semper configitur spina; nunc ad miseriam corporis, nunc ad miseriam cordis; ad miseriam dum dormit, ad miseriam dum vigilat, ad miseriam quaquaversum se vertat. Animadverte quid de mala conscientia debeas judicare: ergo ipsam bonam arbitror, miseram licet

longe diverso vel adverso respectu, nunquid non misera est, quæ cecidit ab æterno, quæ tenetur in exilio, quæ differtur a regno? *Egreditur*, inquit, *et conteritur*, inter egressionem et contritionem nulla provenit intercapedo; sed statim ut egreditur, conteritur, quia unde incipit vivere, inde incipit mori. *Quotidie enim morimur*. [SENeca ep. 24.] Quotidie demitur aliqua pars vitæ; et hoc est quod subvertit, quia *sugit velut umbra*, quam eleganti similitudine, circuitus humani signavit involucrum, sicut enim umbra nunc a dextris est, nunc a sinistris; nunc ante, nunc retro; sic et homo nunc a dextris est, per prosperitatem, nunc a sinistris per adversitatem, nunc ante per elationem, nunc retro per detractiōnem, et *nunquam in eodem statu permanet*. Quam bene depicta est inertia vel vecordia animarum nostrarum. Nunquam enim stat anima, sed nunc intus, nunc foris, nunc in angulis platearum vaga et garrula, et quietis impatiens, nec valens domi consistere pedibus suis. Heu! quam verum est: *Peccatum peccavit Hierusalem*, et ideo instabilis facta est (*Thren. i*). Hæc tibi, amicorum dulcissime; saltem saltuatum dictavi, qui continuatim non potui, trahentibus et retrahentibus negotiis multis, sed et manibus meis scripsi.

Omnes enim, qui habent negotia, veniunt ad nos; sed et ego solus cum sancto Jacob dicere possum: *In me hoc omnia mala reciderunt* (*Gen. xlii*). Quavis et hoc ultra occupationes tuas multas et malas sit, quem in terrible curarum pelagus honoris altitudo resorbuit. Validissimum tibi tamen argumentum sit quam profundius in viscerum meorum abdita descendisti, qui tantillum illud spatii, quod conscientiæ meæ debui, præbui amicitiæ tuæ; ubi si stylus rutilantiori verborum lumine non lucet, scito quia facultas desfuit, non voluntas. Factus sum insipiens; tu me coegisti. Tu, inquam, qui cum sis verbo dives, scientia copiosus, magnus ingenio, loco primus, rusticitatis meæ eloquium concupisti, instar Eliæ, qui victum viduæ esurivit extreum; sed, nisi fallor, simili animo et tu facis qui petis, ut tribuas; esuris, ut saties, et mihi tui sensus horreum tota liberalitate recumules. Non attendas ergo styli claritatem, sed animi puritatem: et pensa opuscula nostra post mortem non esse pensanda. Sed opera illo scrutante, qui reddet unicuique juxta opera sua. Propterea sic vive cum inferiori quemadmodum superiore tecum vivere velis; et cum aliquid feceris, nihil te fecisse putas; et tunc plenissime cuncta fecisti fortunatus, si semper amari ames, et timeas timeri: hæc cogitatio tollit extollentiam, insolentiam reprimit, deprimit primum et ultimum vitiorum. Semper ergo cœlestibus invigilet tua lingua præconiis, anima sententiis, dextra donariis, quia quidquid hominibus tuis indulges, tibi retines: et quidquid pauperibus spargas, colligis tibi. Verum est enim quod ait ille rhetorum splendor, quia quidquid agis, tuum est; quod habes, alienum. Et hæc quidem dictaveram et bene scripseram, antequam tuus nuntius adveniret. Cum quanta autem

celebritate et suavitate recordationis tuæ, ista jacta-
verum, testis est mihi, qui hæc exceptit meus, imo
et tuus qui memoriam spiritus tui in suo spiritu
abundantius collocavit; in illo enim mihi multum
complacuit, tam propter puritatem conscientiæ suæ,
quam propter indolis suæ alacritatem. Tu vero qui
jam cum Domino ascendisti Hierosolymam, ora pro
utroque, quia uterque tuus est ut protegat nos sub
umbra alarum suarum donec transeat iniquitas, ut
cum ipse apparuerit, vita nostra, et nos cum ipso
appareamus in gloria. Quam fortiter autem univer-
sitas nostra, pusilli et magni, juvenes et senes, clau-
strales et officiales, uno verbo, uno animo, uno in
loco, rogaverunt dominum Trecensem et pro persona
tua, et pro Ecclesia tua melius est, ut per alium
quam per me cognoscas.

EPISTOLA LXIV

AD NICOLAUM CLARÆVALLENSEM MONACHUM.

[iv, 2.] Suo suus.

Bestia quæ tetigerit montem lapidabitur. Cacu-
mina, dilectissime, litterarum tuarum in tantam
nubium densitatem sublevata sese recipiunt, quod
vix conatibus difficillimis acumen luminum meorum
quoquo modo admittant. Nunc enim volas et per-
volas in sublimitate cedrorum, nunc nidificas in
altissimis cavernis maceriarum, nunc ambulas su-
per pellas ventorum, nunc denique curris et dis-
curris incomprehensibiliter super montes aromatûm,
sive invenias semitam per quam ambulaverit homo,
sive non invenias, non multum curas. Nec mirum.
Nam tuus ille cæteris familiarior Seneca, hominum
ingenia per tria divisit genera. Primum ponit ut
tuum, vias sibi aperire, et quæque remota vi pro-
pria penetrare. Secundæ sortis ingenium non adeo
ingenium, quod praere nescit, sequi tamen non
intumescit. Infelioris tertium fortunæ dicit, quod
nisi coactum, manu tractum, curri impositum, ab
inertia sua minime concalcescit et exsilit. Huic me
larga manu natura, primum et etiam secundum
mihi invidens ingenium, quam astrictissime, ni
fallor, obligavit. et funiculo suæ dimensionis in hæ-
reditatem præclaram confirmavit, sigilloque com-
munivit et dolor! Tibi quidem oculo nequam ne-
quaque in video; attamen mihi condoleo, quia
quanto sors tua meæ vicina relucet splendidior,
tanto ipsa sublacet obscurior. Dum ergo repagula
ori induxisti, dum oculis dormitationem indulxisti,
dum manum ad pharetram non adduxisti, magna
majorum celeritate verborum effabar, perspicaci-
tate ingenii non adæquabar, locupletem scientia
Scripturarum me arbitrabar. At ubi fulgurare coe-
pisti tonitrua sententiarum, vibrare jacula argu-
mentorum, pluere monita dulcium exhortationum,
tardior lingua, sensu pauperior, stylo rusticior in-
venitus sum. Video igitur paupertatem meam, mi-
rantem, non migrantem in abundantiam tuam, su-
spicentem non suscipientem scientiam tuam. Con-
fortata est, et non possum ad eam. Quanta enim
putas profunditate, caligine, obscuritate reconda-

A tur: « Corpus est vivens, anima viva, Deus vita? » Demum abyssus abyssum invocat. Vivens, inquis, ex vanitate, vivum ex simplicitate, vita ex unitate. Hic, hic tenebrae, hic umbra ex nube, nubilosus aer in meridie. Sed quæ culpa solis, si non illuminor pri-
vatus oculis? O dignum, fortasse inquis, risu ho-
minem, qui diem noctem, umbram lucem, tenebras autumat solem? Neque, inquam, solem, neque diem, neque lucem, sed plane palpabilem offendit obser-
vitatem. Cum enim corpus ab anima, animam a Deo, Deum vitam habere a semetipso irrefragabiliter cre-
datur, nonne etsi rusticus, tamen verius diceretur, corpus viviscatum ab anima, animam viviscatam a Deo, et vivificantem corpus, Deum omnia viventia vi-
vificantem, in se et ex se vivum et viventem? Sed rursum quid est corpus vivens ex vanitate? *Corpus*, inquit Apostolus, *mortuum est propter peccatum* (*Rom. viii*). Quod ergo Apostolus mortuum vocat propter peccatum, tu vivens dicis ex vanitate? Annon vanitas peccatum? An idem simplici sensu intellectum operatur mortem et vitam? Odit Deus observantes vanitatem. Dilectio autem Dei viviscat, odium mortiscat. Non ergo est aliquid vivens ex vanitate, sed ex veritate. Quod factum est in illo, id est, Verbo veritatis, vita erat. In se et ex se profecto creatura nulla terrestris vel supercœlestis vita est, cum tamen in illo universa sive vivens, sive vita carens, vitam suam habeat.

Addis vivum, id est animam ex simplicitate, vi-
tam, id est Deum ex unitate. Iste non sic in spi-
ritu vehementi offendit, sed nec penitus assentio. Nam anima ex unitate immortali et indissolubili,
sicut et Deus suo singulari et alio modo immortalis
est et indissolubilis, ex nihilo creata esse creditur.
Idcirco namque ad imaginem et similitudinem suam
creavit eam Deus. Per hoc etiam quod per omnes
particulas corporis tota simul adest, nec minor in
minoribus, nec in majoribus major, sed tamen, ut
Augustinus testatur, in aliis intensius, in aliis re-
missius effectus suos exercet, cum in singulis par-
ticulis corporis essentialiter sit, unitati magis quam
simplicitati obnoxia perpenditur. Omnis enim res
simpliciter simplex, una et unum est. Non autem
si una, statim et simplex. Unde dicitur Deus sim-
plex, non ob aliud, teste Isidoro, nisi quia non est
aliud ipse, et aliud quod in ipso est. Rem vero unam
convenientia duo simul vel plura aliquando faciunt,
ut unum corpus constans ex quatuor elementis.
Anima itaque quamvis diversarum compactionem
partium in sui confectionem non recipiat, quia ta-
men aliud ipsa et aliud in ipsa est, secundum au-
ctoritatem prælatam, potius unitate, quam ex sim-
plicitate convenit ei esse. Hac etiam eadem rationis
demonstratione Deus ex simplicitate dicitur magis
proprie, cum pene nihil aut prorsus nihil de eo
dicatur, nisi improprie. Quid enim est quod dicitur
Deus ex unitate vel ex simplicitate, nisi Deus ex
Deo, Pater scilicet a semetipso, Filius a Patre,
Spiritus sanctus a Patre et Filio? An desipit ita

quispiam, ut participatione simplicitatis simplicem, participatione unitatis unum, participatione bonitatis bonum existimet Deum, sicut sapiens participatione sapientiae efficitur homo, et cætera hujusmodi? Quidquid in Deo est, Deus est; sapientia in Deo est, et Deus sapientia est; potentia in Deo est, et Deus potentia est; bonitas in Deo est, et Deus bonitas est. Non magis ergo Deus ex unitate, quam ex simplicitate. Jam extorsissem digitis stylum, et ori meo imperassem tempestivum silentium, si non decrevissem expirare hic quidquid de amico remordet animum. Durius siquidem pungitur cor meum, dum uspici pingitur Filius medius inter Patrem et Spiritum. Prorsus idolum abominationis conflaret, qui sculptile quodlibet sic sculperet vel depingeret. Consubstantialitas enim, coæternitas, coæqualitas unius Trinitatis et trinæ unitatis, Patris, ac Filii, ac Spiritus sancti, non recipit prius ac posterius, majus et minus, inferius et superiorius; sed totus Pater in toto Filio, totus Filius in toto Patre, totus Spiritus sanctus sigillatim et communiter in unoquoque et in utroque simul. Hæc sancta et semper cum tremore nominanda Trinitas, ubique tota per essentiam et potentiam, non per gratiam diffusa, non spatiose magnitudine, quemadmodum lux visibilis, vel aliud visibile, sed sicut sapientia in homine. Vides enim duos homines, unum parvum et alium magnum corpore, in sapientiae tamen participatione æquales esse. Sic divina essentia uniformis et uniusmodi est et in maximis et in minimis. Sicut denique incomprehensibilis pro sui immensitate, sic etiam indivisibilis pro sui simplicitate. *Intelligamus*, inquit Augustinus contra Arium, *Deum quantum possumus, sine qualitate bonum, sine quantitate magnum, sine indigenia creatorem, sine situ præsentem, sine loco ubique totum, sine tempore sempiternum, sine commutatione mutabilia facientem, nihil patientem*. Juras, credo, sic te nec aliter credere vel credidisse. Protestor et ipse in fide mea, si lingua quia in udo est erravit, corde sic tenuisse. Simplex enim res refutat et respuit omnem adjunctionem, omne consortium. Ne diu tamen a cogitationibus conturberis, revolverens ubi hoc dixeris, in sermone de sancto Victore scribis: Ubique autem est in medio. Nam et in illa deitatis essentia est medius Filius inter Patrem et Spiritum. Meminisse debes nunc, quia mediator unius non est: Deus autem unus est, Pater et Filius, et Spiritus sanctus. Quod si creatum, non increatum spiritum, ideo quia sanctum non subjunxi, intelligendum aliquis aestimat: re-

A gulam Hieronymi de significatione hujus nominis penitus ignorat: *Ubi, inquit, Spiritus sine adjunctione aliqua in Scripturis ponitur, Spiritus sanctus recte intelligitur*. Si autem intellector jam dictus de creato spiritu dictum prorsus contendenterit, nec minor abusio, quam de increato superius ostensum est, remanebit. Qui enim pugillo concludens omnia, extra et intra, infra et supra est, qua ratione medius dicatur, qui comprehendat nemo est. Clamitas, totum me effusisse spiritum meum. Quidni? Cum tibi effundo, non effundo, sed infundo (76).

EPISTOLA LXV (77).

NICOLAI AD PETRUM, DE MATERIA PRÆDICTA Nihil AFFIRMANS.

Suo Cellensi, suus Clarevallensis, quod suus.

B Anxietatem mihi generat, et scribere et non scribere vobis: in altero læditur amicitia, in altero propria conscientia. Illud quippe contra propositionem, istud contra affectum est, monachi namque est non scribere, sed lugere, amici vero et loqui, et frequentibus epistolis interludere, ne muta charitas repræsentet speciem non amantis. In has igitur rerum angustias incidit amicus vester; et sic verbis indicare gestiens, et loqui æstuat, et veretur. Æstuat ut se aperiat, veretur ne præsumat. Timet, si loquitur, improbus; si taceat, alienus. Quis ergo vincet monachus, vel amicus? Amor: qui nescit vinci, vincere consuevit et facile triumphabit de homine, qui de cœlorum Domino triumphavit; et de illo quidem tanto facilis, quanto non solum amans sed et ipse amor est, cuius altitudo adæquata est, cuius singularitas associata est, cuius plenitudo effusa est, ipsos angelos vincens in ministrando. Denique, qui erat super illos, factus est inter illos quasi unus ex illis, imo magis sub illis minoratus ab angelis, hominibus subditus, novissimus virorum, vir dolorum, sciens infirmitates, et qui disceret obedientiam ex his quæ passus est. Judicabunt alii, prout volverint: ego malo in verbis excedere, quam vobis non satisfacere, et esse verbosus amicus, quam languidus: Unde ergo incipiám? A litteris vestris quæ non modicum hospitaverunt apud me; quæ floridioris eloquentiae, et profundioris scientiae dotibus rutilantes percusserunt me, et vulneraverunt me nihil minus sperantem. In simplicitate siquidem cordis mei scripseram vobis, utpote homo simplex et domi habitans; vos autem tam verborum venator, quam sensuum, et conclusum retibus, et percussum venabulo credidistis, utinam possemus dicere, frustra jacitur rete ante oculos pennatorum; nam repercutere etiamsi

JACOBI SIRMONDI NOTÆ

(76) Alias hæc epistola, quæ est inter Nicolai Clarevallensis litteras ordine 51 (Biblioth. Patr. Lug., XXIII, 547), sic desinit: *Qui enim pugillo concludens omnia extra et intra, infra et supra, qua ratione medius dicatur, qui comprehendat nemo est, in carnis quoque assumptione Filius inter Patrem et Spiritum nullo modo medius, sed inter hominem et Deum dicatur et credatur, unde et mediator dicitur; sea de his hacte-*

nus. Audio nempe te intra fauces clamitantes et mussitantem: Utquid hæc effusio verborum? Prorsus effudi tibi animam meam, dimidium animæ meæ. Vale. Priore dominum meum Henricum, Ascelinum, Guillelmum, Robertum, Hugonem scriptorem tuum, et Thomam et cæteros amicos nominatim saluta Ignosce mihi.

EDIT. PATR.

(77) Nova.

valerem, non vellem, sed fortassis aut exla^{ua}is aut cogitatis! O longa premeditatio! o sensus exquisiti! o verba vigilata! quæ et ingenii viribus et eloquii floribus debeat insigniri. Non ego id mihi adrogaverim, cum utrumque veraciter desit mihi, nec mihi super hoc hactenus cogitavi, testimonium mihi perhibente conscientia mea. Negotiosus enim sum non otiosus; homo sub potestate, cui dicitur: *Veni, et venit; et iterum: Vade, et vadit* (*Matth. viii*), ingrediens ad arbitrium imperantis. Vix enim et hac vice negotiis occursantibus me surari prævalu, quæsus, sed non inventus.

Absconderam enim me a facie quærentium me in loco secretissimo et remoto, hic autem brevibus et interruptis spatiolis, ut hoc magis dicerem quam dictarem.

Prætermitto igitur respondere procœmio vestro; quod nunc ungens laudibus, nunc ictibus pungens nervoso dictamine vires orationis alternat, nisi quod in sinem, quidquid obduxerat, eduxit in lumen. Ait enim, verba prioris epistole revolvendo collidens: *Quanta putas profunditate, caligine, obscuritate, reconditum involvatur: corpus est vivens, anima viva, Deus vita?* Deinde abyssum invocat. Vivens, inquis, ex vanitate, vivum ex simplicitate, vita ex unitate, hic, hic, tenebrae, hic umbra ex nube, nubilosus aer in meridie. Hic neque solem, neque lucem, neque diem intueror, sed plane palpabilem obscuritatem. Hæc verba vestra sunt de monstris quidem surpta non ad propugnandum, sed ad impugnandum. Vestrum autem fuit, dilecte mi, singula verba suo pondere librare, antequam de verbis sententiam proferretis, et diligenter inquirere, utrum meum commentum an documentum esset altius, quod repelli vel refelli non posset. Habeo in eum plenam subtilitatis et sanctitatis animam, et quæ fronte non nomine solo præmineat, quam in auctoritatis arcem, tam scholasticorum quam ecclesiasticorum chorus evexit. Claudianus hic est (*77*), qui totam Christianam, Romanam, Atticam Bibliotbecam in viridi ævo secretissimis institutionibus ebibens, et ingenii acumine et operis mole pene nobis alterum reddidit Augustinum. Hic est enim de quo Romana Gymnasia, et auditoria Gallicana in hæc verba testimonium perhibent: *Cum venissemus ante eum, quidquid dixerat, reluctantium syllogismorum contrarietate excipiebamus: sed ipse omnes conatus nostros sicut aranearum filia rumpebat prævolanti ingenio, ipsa verborum principia eludens: homo enim erat, hominum, ævi, loci, populi sui ingeniosissimus, et nemo nostro sæculo, quæ voluit, affirmare sic valuit.* Ait ergo iste lib. iii (cap. 7) de animæ statu, de rerum principiis ita loquens: *Sicut informis materia, quia formabilis est, præstat nihilo; ita quod jam formatum est, melius est illo, quod etsi formari potest, formatum non est. Itemque sicut id quod formatum est, anteit illud*

A quod formatum non est, ita inanimatum quodcumque formatum, cedit illi quod et formatum pariter est et animatum, quia sicut formatum proximat forme, sic animatum proximat vita. Sicut autem tria sunt, informis materia, formatum exanime, rerum forma: sic item tria sunt vivificatum, vivificans, vita: corpus est vivens, anima viva, Deus vita. Hic, hic inspicite, quid dixeritis, qui contradixeritis quia puto quod pro me faciat et satisfaciat Claudianus; quod autem sequitur, vivens ex vanitate, vivum ex simplicitate, via ex unitate, verba mea sunt et tanto fortius munienda, quanto persona, quæ loquitur, et auctoritate caret, et nomine, vivens ex vanitate, vivens corpus est, quod et vivificatum vocat auctoritas Claudiani.

B Audite igitur, vanitas vanitatum (dixit Ecclesiastes (cap. 1) et omnia vanitas. Si omnia vanitas et corpus vel ex omnibus, vel ex aliquo omnium est, ergo corpus vanitas est, universa vanitas omnis homo vivens, ait sanctus David (*Psalm. xxxviii*). Quod moritur, ipsum est quod vivit; quod ut vivat nascitur: vivit, ut moriatur. Quid enim moritur, nisi quod vita privatur? Ipsum est, quod moritur in homine, quod a vita extinguitur: et quid hoc est, nisi corpus et corporeus sensus: ipsum enim prius animale ex quo ipsum animal est, ut cum sensibile esse desinit, desinit esse sensus. Ergo quod moritur in homine, ipsum est quod vivit in homine; quod ideo vanitas, quia mortalitas est, igitur universa vanitas, omnis homo vivens, non omnis homo vita, sed omnis homo vivens. Nam et vita quadammodo homo est, et vivens homo est vita in eo quod vivificat, vivens in eo quod vivificatur, vivit autem caro ex anima et anima in carne: et utrumque vivit, differentia tamen multa est, quia caro ex anima totum habet quod vivit, anima in carne non totum habet quod vivit. Nam vivit etiam in Deo, et utnam vivat! Quod vivit in carne, vanum est, quia ex vanitate. Quod autem Apostolus corpus mortuæ dicit, propter peccatum (*Rom. viii*), nisi facit quia et hoc expressissima vanitas est. Mortuum vero dicit, id est moriturum ea locutionis regula, qua dictum est: *Quacunque die comederitis, moriemini* (*Gen. i*), non quod ea die mortui fuerint, sed quod inconvertibilem acceperint moriendi necessitatem. Quomodo enim verum esset, et corpus mortuum, et homo vivens: illud Apostoli, istud Psalmistæ: nisi utrumque sub sensu tam subtili, quam utili Augustini sententia copularet? Ad quid ergo tota illa verborum instans constantia, vel constans instantia, qua subvertere nitimini amicum vestrum. Dicitis enim: Quid est corpus vivens ex vanitate? *Corpus*, inquit Apostolus, *mortuum est propter peccatum* (*Rom. viii*). Quod ergo Apostolus mortuum vocat propter peccatum, tu vivens dicis ex vanitate? Annon vanitas peccatum? An idem sensu simplici intellectum operatur, et mortem et vitam? Odit Deus observantes

JACOBI SIRMONDI NOTÆ.

(77) Cognomento Mamertus Viennæ Galliarum episcopus, claruit anno 440.

vanitatem; dilectio autem Dei vivificat, odium mortificat; non est ergo aliquid vivens ex vanitate? Vos videite, quid concluseritis. Utrum autem haec aliquantulum impugnata, ne dicam expugnata, vestro ipsius iudicio derelinquo. Subjungitis autem: *Dicitur iterum, vitam, id est animam ex simplicitate; vitam, id est Deum ex unitate.* Istis non sic in spiritu vehementi offendor; nec tamen penitus assentior. Nam anima unitati magis quam simplicitati obnoxia esse perpenditur. Omnis enim res simpliciter simplex et unum et una est, non autem si una, statim et simplex. Si qua enim res simplex est, respuit et refugit prorsus omnem admisionem et consortium. Res vero una, duo simul vel plura convenientia aliquando in sese recipiendo convertit, ut unde sit, et post pauca: *Quid est ergo quod Deus dicitur ex unitate, vel ex simplicitate nisi Deus ex Deo, Pater a Filio, Filius a Patre, Spiritus sanctus a Patre et Filio?* An desipit ita quispiam ut participatione simplicitatis, simplicem; bonitatis bonum; unitatis, unum existimet Deum? Bonitas in Deo est, et Deus bonitas est, non magis ergo Deus ex unitate quam ex simplicitate. Hucusque verba vestra: intersecuti autem medium epistolæ, illa colligens, et eligens quibus fuerat respondendum.

Quod enim longius progredior, non solum vestrorum argumentatio, sed et nostrorum qualisque probatio cogit. Neque enim verbum verbo reddere possum, quia non idem negotii est calumniam struere, quod destruere. Neque enim idem est spinas vellere, quod frugem jacere: et multo major opera in utroque horum insumenda est quam in altero. Neget quispiam mundum sphæram esse, quod uno verbo negari a qualicunque potest, neque uno id verbo Aristoteles astruxerit. Quid igitur dicitis, quia quod dico vivum ex simplicitate, vitam ex unitate, non sic offendimini nec tamen penitus assentimini? Mirum est. Gratias enim gratiæ vestre, quia verba vestra vel ex parte recipitis; receditis autem in omnibus a Claudio, cum dico vitam ex unitate nec pauperrimus sensus intelligit, ut subsit vel præsit Deus unitati suæ vel bonitati, atque illi unitas, non essentia sit, neque ipse sit unitas sua, sed in illo sit tanquam in subjecto. Non est enim aliud essentia Dei, et aliud ipse, quia hoc est illi esse, quod personam esse. Illi namque uni unitati non formabile aliquid vel formatum vel reformatum est, sed forma neque informis neque formatæ ipsa sibi est æterna immutabilis substantia; illud autem quod proponitis quia omnis res quæ

A simpliciter simplex est, et unum et una est, aut non intelligo, quod magis puto, aut vos minus attenditis, quod ego non credo. Non enim aliqua res simpliciter simplex est, nisi illa una sola et summa res, si tamen res, et non eorum [rerum] omnium causa; si tamen et causa, quia non facile invenitur nomen, quod illi singulari excellentie possit aptari, corpus enim multiplex est, quod notissimum est etiam minus intelligenti. Anima vero comparatione corporis, simplex est, sed per se nullo modo (78). Habet enim varietatem cogitationum, et mutabilitatem affectuum. Nihil autem mutabile simplex est; sed et supercœlestes spiritus fortassis his carent; non tamen simplices sunt; quia aliud est, quo sunt, aliud quod sunt, aliud quoque quo beati sunt ad imitationem simplicitatis participando eos gratia redagit, non natura. Si igitur neque corporeum neque incorporeum aliquid simplex est, ut non collidam ad invicem rationes, vide quod dixeratis: *omnis res, quæ simpliciter simplex est, et unum et una est,* cum haec nulla res sit. Quod vero prosequimini rem simplicem refugere et respueret omnem prorsus admisionem et consortium; rem autem unam, duo simul, vel plura convenientia aliquando in se recipere et convertere ut unum sint; hoc autem in contrarium relabi puto. Ista enim, quæ quodammodo simplicia dicuntur, consortium, vel admisionem recipiunt: quod autem unum est, horum omnium expers est et immune. Nam et animæ (utinam non cum tanta mistura) corporibus conglutinantur; et angeli, vel naturalia corpora habent, vel ex aere, vel in aere ea induunt cummittuntur. Quod ideo dico, quia videntur hoc Patres sub ambiguo reliquise. Neque nunc opponatis mihi incarnationem Filii Dei, quia alia est illa ratio (si tamen ratio, et non potius dignatio) nec hujus temporis, vel operis est hanc in disputationem assumere: quæ enim juxta rationem probabilia, ex ratione necessaria, contra rationem incredibilia, supra rationem mirabilia, quæ scrutari non liceat, sed mirari. Non est autem vere unum, nisi quod essentialiter et immutabiliter unum est increabile, invariabile, interminabile, quod nec ad *sicut*, præceditur; nec ab *erit* expungitur, cui solum et inex-pugnable remanet, EST: *Apud quem non est transmutatio nec vicissitudinis obumbratio* (*Jac. 1*), cui veraciter dicitur: *Neque enim est alius extra te* (*I Reg. 11, 2*). Quare autem specialiter unitatem assignaverim Deo, factum est propter specialissimam numerorum similitudinem, quæ omnibus similitu-

JACOBI SIRMONDI NOTÆ.

(78) Origenes homil. 11, in Canticis canticorum scribit animam debere disquirere, num sint alii qui spiritus ejusdem substantiæ cum ipsa, alii vero non diversi; at 1. 11, περὶ ἀρχῶν vult esse corporibus tenuissimis. Itidem S. August. pluribus in locis. Lactant. Hil. Basil. nechon. S. Bern. serm. 5 in Cant. cant. et alii relati a Sixto Sent. tom. II Bibli. sanctæ annot. 8, sed generale concilium Lateranense, ut sileam plerosque et antiquos theologos,

habitu anno 1215, relatum cap. firmiter de summa Trinitate definitivit esse incorporeos; sed ex Luc. VIII constat in uno eodemque homine fuisse legionem dæmonum, hoc est sex millia, ut Veget. 1. 11 de re milit. c. 11, supputat, quæ si habuissent corpora, non potuissent esse in eodem homine sine penetratione, ne præterea Christum dicentes discipulis: *Spiritus carnem et ossa non habet.*

dinibus antecellit, cum enim omniae numerabile per A numeros numeretur, ipsi numeri numerari non possunt. Nam quis, non dicam eloqui, sed cogitare digne sufficiat quod cum numerus ex uno et per unum et in uno sit: ipse tamen principium vel finem habere, non possit? Sed enim unum dixerimus unius esse principium; ipsius unius, quod ostendis esse principium: ecce habetis principium numeri sine principio, ut ex ipso sit numerus. Jam vero si numerare velitis, adjicatis unum uni, ut fiant duo; et unum duobus ut fiant tria; et unum tribus, ut quatuor; et deinceps quoties unum multiplicaveritis, toties quasi multi singuli in summa dicuntur ut decies ducti decem: vices, viginti; et centies, centum; et millies, mille nominentur, ut agnoscatis omnem numerum sicut per unum esse, ita ex uno procedere. Illud vero clarissime patet ad finem numeri, qui nullus est, omnino veniri non posse, quia trans omnem numerum, qui ex uno, per unum, et in uno est, semper unus est; tria tamen ista sunt cum divinis ex uno, et per unum, et in uno pariter æterna, pariter æquitera, pariter illocalia, ubique tota, eodem infinito semper æqualia, quia nullum vere unum majus, unumve minus est. Hæc sunt numerorum inchoantia, ducentia, præfinitionia, ipsa nec inchoata, nec numerata, nec finita, credo, quia sapientia Dei non est numerus (*Psal. cxlvii*). Nam cun ex uno et per unum, et in uno sit numerus, nec numerari nisi trifariam possit, ut per eundem numerum ordiamur, numeros finiamus: ipse est ternarius totus, per quem omnis numerus, ubi et una trinitas et trina unitas indissolubiliter regnat; respicite igitur si possit similis similitudo reperiri: etsi non inveneritis, non inferatis Deum magis ex simplicitate proprie esse quam ex unitate, non tamen me fugit illa profundissima Platonis ratio, quæ de intimis philosophiae disciplinis elicita monstra, id est unitatem, animæ; corpori vero dñs, id est dualitatem lucidissimis numerorum exemplis assignat. Dicit enim: *Duc ter unum, et fiant tria; duc ter tria, et fiant novem. Duc ter novem, fiant viginti septem. Duc ter viginti septem, fiant octoginta unum.*

Ecce tibi in quarto gradu unitas prima occurrit. Idemque eveniet si usque ad infinitum duxeris multiplicationem, ut semper in quarto gradu unitas emineat; rectissime autem essentia animæ, unitate exprimitur, quæ ipsa quoque incorporea est. Ternarius quoque propter indissoluble medie unitatis vinculum, congrue refertur ad animam, sicut quartarius, quia duo media habet, ideoque indissolubilis est, proprie ad corpus pertinet. Prima igitur progressio animæ, qua de simplici essentia sua, quæ monade figuratur, in virtualem ternarium se

B extendit: ubi jam per concupiscentiam aliud appetat, aliud per iram contemnat: per rationem, inter utrumque discernat. Et recte a monade in triadem profluit, quia omnis essentia naturaliter prior est potentia sua. Rursum quod eadem in multiplicante ternario ter invenitur, hoc significat quod anima non per partes, sed tota in singulis suis potentiis consistat. Neque enim vel rationem solam, vel iram solam vel concupiscentiam solam tertiam partem animæ dicere possumus: cum nec aliud nec minus sit in substantia ratio quam anima; nec aliud, nec minus ira quam anima, sed una eademque substantia secundum diversas potentias suas, diversa vocabula sortiuntur. Deinde a virtuali ternario, secunda progressionem ad regendam humani corporis musicam descendit, quæ novenario componitur, quia novem sunt foramina in humano corpore, quibus secundum naturalem contemperantiam influit et effluit omne, quo idem corpus vegetatur et regitur. Hic quoque ordo est: quia prius naturaliter anima potentias suas habet, quam corpori commisearit, postea vero in tertia progressionem persensus jam extra se perfusa ad visibilia hæc quæ per viginti septem, qui solidus numerus est, et trina dimensione ad similitudinem corporis extendit, figurantur dispensanda, per infinitas actiones dissipatur. In quarta autem progressionem soluta a corpore ad unitatem suam, quæ de vera illa unitate descendit, revertitur: ideoque in quarta multiplicatione, ubi tertviginti septem in octoginta unum excrevit, monas in summo appareat, ut evidenter claret, quod anima post hujus vitæ terminum, qui per octoginta designatur, ad simplicem suæ substantiam unitatis redeat, a qua prius discesserat, cum ad humanum corpus regendum descendebat. Non latuit hoc et philosophum nostrum (78^o), David, qui metam humanæ vitæ constituit in octoginta annis. Si in valitudine octoginta anni, et amplius eorum labor et dolor, jam corpori quoque suum assignat quaternum sicut monas, ait, animæ, ita dñs quoque corpori congruit. Dic enim bis duo, fiant quatuor; dic bis quatuor, fiant octo; dic bis octo, fiant sexdecim; dic bis sexdecim, fiant triginta duo. Hic in quarto loco similiter idem numerus 1, binarius, D a quo multiplicatio initium sumpsit, tibi occurret: idemque si in infinitum processeris, indubitanter contingit, ut semper quarto gradu binarius emineat; et hic est quaternarius corporis, in quo intelligi datur, omne quod a solubilibus compositionem accepit, ipsum quoque esse dissolubile. Hæc idcirco de tanti philosophi assertionibus posui, ut agnoscatis, primitivam illam, quæ in primæva rerum ratione est, veram unitatem non aliquam deducti-

JACOBI SIRMONDI NOTÆ.

(78^o) Imo S. Mosen qui, teste S. Hieron. epist. 140, ad Cyprianum presb., præter Pentateuchum scripsit psalmos xi, ab octogesimo nono, usque ad nonagesimum nonum. Quod autem in plerisque codicibus nonagesimus octavus habet titulum: *Psal-*

mus David, non tamen ejus esse clamitat Hebr. Psalt. carens hac epigraphe; quia mos hic in scripturis servatur, ut omnes Psalmi, qui sui trunci sunt auctoris nomine, deputentur iis, quorum in prioribus Psalmis apparuere nomina.

vam; nec etiam illam, quæ signaculum similitudinis appellatur, in qua prima unitatis inclinatur deductio. Quod autem pungimini, et compungimini me dixisse (79) Filium medium inter Patrem et Spiritum, nequaquam vos tam acerrime conturbasset, si verba sequentia legissetis, quia sensus manifeste se legentibus offert, medium enim dixi inter Patrem et Spiritum, quantum ad vocabulorum differentiam, non quantum ad substantiam indivisam, ubi nulli gradus, nulla tempora, nullæ distinctiones possunt excoxitari. Sic enim nos consuevimus dicere: Pater, et Filius, et Spiritus sanctus: unde et versiculum Psalmi ad hanc expositionem inflexi: *Benedicat nos Deus, Deus noster: benedicat nos Deus* (*Psalm. LXVI*); illuc ubi *noster* adjungitur, interpretans Filii personam, quæ quippe nostra est, quia in sua proprietate nostræ carnis paupertatem accepit, sed jam nimis evagatur amicus, amicorum dulcissime; et dum nihil monacho sui juris relinquit, delinquit. Verumtamen quis ego sum, qui tanto nomini vel homini ausus sum respondere? Nimurum ille suus, et specialiter suus et ipse amicus meus non tam dimidium, sed melior pars animæ meæ, nihil enim ab altero divisum, nihil alteri singulare, et meam bene reget imperitiam, qui me diligit ut animam suam; apud quem malui de verecundia, quam de amicitia periclitari. Tu autem, dilekte mi, clade epistolam nisi tibi et Thomæ tuo, nec me perducas in publicum, qui secretum professus sum, dignus latibris et omni soliditudine in æternum et in sacerulum sæculi. Propterea enim hæc propriis manibus scripsi, cum nimia vertigine capitis fatigarer, nec etiam familiarissimos familiarium meorum admisi, ne forte vel ad curiositatem vel ad suspicionem juveniles et serventes animos mutarem. Absit enim ut alteri cuiquam sic effunderem etiam meam nisi tibi; tibi, inquam, soli, cui debeo quidquid sum, quidquid facere possum in Christo Jesu Domino nostro!

EPISTOLA LXVI.

AD NICOLAUM CLAREVALLENSE MONACHUM.

[iv, 1.] Suo suus.

Ut perniciosum optimis telum invidiam nostra proscribat epistola, communis exorat charitas. Satis namque superque quod mibi scripsisti dulce, utile et honestum fuit. Quid enim dulcius amore? Quid utilius divinarum et humanarum rerum subtili et compendiosa descriptione? Ista procul dubio continent epistolæ tuæ principia, media et ultima. Quid honestius morum salubri informatione? His nostrum torpens ingenium excitasti, causam non causandi de sacerdotalibus parumper præbuisti ac otiose sollicitudinis vela relaxasti. Sic irrigant, inebriant et tranquillant scripta tua, dulcissime, animam meam. Sterilitati denique ubertate, tumultuositatibz libera pausatione, occupationum insolentia renuntians ad remotiora secessione, Nicolai

JACOBI SIRMONDI NOTÆ.

(79) Post medium antecedentis epist.

A mei hoc agi contestor scriptitatione. Deficiente ergo spiritu, manu trepidante, repugnante ingenio, grandiora præsumo, prætentio fortiora, vix explicabilia arripio. Utrinque enim spiritu vehementi ex quatuor ventis congregato, cuius spei robore floris teneritudo non evanescat, pulchritudo non deficiat, viror non emarcescat? Insidium est irato obviare leoni; stultum nihilominus emissam non declinare sagittam. Omnis armatura fortium tuis militat castris. Itaque congregedi timeo. Nam cum propria satis armatura triumphare posses, quorumcunque etiam potentissimorum arma mutuasti, ut supervinceres. Solo clypearum aureorum fulgore dejicior. Exclamo tamen: Pone non tua. Nam plurimum intererit, utrum majestate irrefragabili auctoritatis philosophorum, an propriarum rationum et sententiarum conspicuitate castra nostra poteris debellare. Tibi an illis deputetur victoria, cum sine discriminis examinatione illorum vestigiis procumbam volens, contra te autem arma, sed pacis, feram, statim elucesceret. Quid enim? falsa sint philosophorum inattingibilia acumina, cum ingeniorum nostrorum vis sola queritur, quid nostra interest? Prorsus eorum cedo auctoritati. Non sic vero, non sic subfugiet pupillam oculi mei quod egressum fuerit de labiis tuis. Jure suo privari se amicitia aliter conquereretur, nisi res amicorum æquo libramine discuteretur, Decursis itaque et discussis vernantis eloquentiae tuæ sermonibus et sensibus, iterum iterumque tua revolvens et mea evolvere gestiens, timeo sub luce videri. Quid ergo? Periculum experiar? sed non in filia [f. fidelia] [inutilia] Loquar? sed utinam non inania! Reprehendam, sed amici superflua. Laudabo? sed philosophorum ingenia. Hinc tamen non progrediar, nisi prius data manu initum fuerit pactum, prorsus nequaquam irasci pro aliqua contumelia. Ingrediens itaque aggrediar, non veritatis domicilia subvertere, sed amici, si qua est, propriam de prægentibus verborum diversitatibus calumniam arguere, et quibus potero auctoritatum rationibus refellere. Video autem in vestibulo et in fronte epistole tuæ quod nimia formositate sui curiositatem oculorum meorum sic allicit, ut vix eos ejicere et elicere valeam. Est enim quiddam, cuius nomen super omne nomen, cuius forma formosior omni forma, cuius statura et altitudo a fine superioris coeli usque ad finem inferioris inferni. Imago est inimitabiliter nata, non facta. Unus est qui hanc de corde suo excogitavit et eructavit, non artifex hujus, sed omnium, hujus autem pater. Huic conformari est reformari. Hanc loquentem et se exprimentem, aptis coloribus remitentem, sceptro imperiali cuncta regentem, coelicolas cum terrenis in brachiis conjungentem inveni, adoravi et tenui. Decor ejus inestimabilis, dulcedo insatiable, claritas inaccessibilis. Tam suave loqui

de illa, quam admirabile amplecti illam. Ad banc qui accedit, aut vix, aut nunquam recedit. Oculus non satiatur visu, nec auris auditu. Qui edunt, adhuc esurient, etc. (*Eccli. xxiv*). Hæc osculata est me osculo oris sui (*Cant. 1*). Hæc digito manus suæ tenens animam meam voce propria, ne declinarem ab ea. Hujusmodi attractus et delinitus blanditiis, an ulterius progrediendum sit hæsito. Bonum enim est hic esse. Tandem vero innuente et annuente ut irem non discedens, redirem permanens, aliam vidi visionem. Rubus ardens in interiora deserti apparuit. Suspensus intenta cogitatione: Num, inquam, sicut Moysi rubus ardebat et non consumebatur, sic meus iste reddit splendorem lucentem, non calorem urentem? Amici enim increpatio, grata potius correptio est, quam molesta exustio. Est autem. Vos venator tam verborum quam sensuum, et conclusum retibus et percussum venabulo credidistis. Hic enim rubus ruborem ingerens, sed perfectæ et solidæ charitatis robur nescienti. Oculus pupilli pungeretur, vel etiam compungeretur, si spina hujusmodi configeretur. Non vero contingat hoc oculo charitatis, cuius solius est colligere, imo producere rosam de spinis. Sic Jesus de spina passionis rosam protulit redemptionis. Annon ejus imitatione et tu reddis bona pro malis, qui mollia duris, dulcia amaris, vera retribuis vanis? Revera tu simplex et domi habitans, ut dicis, in simplicitate cordis tui scripsisti.

Animadverto igitur ad thronum gratiae miro pennarum juvamine te convolasse, et ibi, quia citra non reperisti, simpliciter simplicem Deum dicuisse. Quero itaque, anne simplicitatem tuam ab illo fonte reportaveris, et utrum tantum transendo, quantum cœlicolæ manendo et stando exhauseris. Quod si fieri non potuit, constat non injuriose inæstimabiliter illorum tuam præcellere simplicitatem, sicut et beatitudinem. Animam siquidem humanam naturaliter simplicem, angelorum vero naturam, etiam simpliciter simplicem indubitabili fide credo et confiteor. Quod ut evidentius appareat, nostra de simplicitate et tua sub oculis compendiosa adnotatione volo colligere. Dixi, quia omnis res simpliciter simplex una et unum est. Non autem si una, statim et simplex. Simplex enim respuit et refugit omnem prorsus admisionem. Rem vero unam convenientia duo simul, vel plura aliquando faciunt, ut unum corpus constans ex quatuor elementis. Ista, inquis, aut non intelligo, aut vos minus attenditis. Malo me minus intendere, quam te non intelligere. Tamen parumper attende, et de simplicitate si male sensi, quia cœpisti, iterum corrigere. Interim ipse ut decet consignatam tuis exhibens reverentiam sensibus et sermonibus, meos, et si non verba sensus vallo veritatis communiam fortius. Omne igitur quod est, aut simplex, aut compositum est. Compositum autem aut substantiale, aut partiale. Substan-

A tiale, veluti cum una substantia alii substantiae jungitur; partiale, cum unius substantiae partes conjunguntur. Hoc autem compositum superiori simplicius est. Illud vero ex toto et naturaliter dicitur simplum, quod caret et substantiali et partiali compositione. Anima itaque, quia neque diversarum substantiarum, neque ejusdem substantiae diversarum partium in se suscipit conjunctionem, naturaliter est simplex. Non enim ex prius existente aliqua materia creata est, ut respectu materie suæ composita dici possit, sicut in omni corpore id quod factum est dicitur respectu illius quod de eo factum est, simplum; sed de nihilo facta catholice creditur. Angelica vero natura quia hoc habet amplius, quod nullis subjacet corruptionibus, quemadmodum anima ex conjunctione corporis, liberius evolat ad secretissimos simplicitatis recessus. In hoc etiam fere omnes philosophi, consentiunt, quod principium rerum est perfecta sapientia, lumen præclarum, substantia substantiarum, argumentum rerum universarum. Id autem unum et simplex, cuius simplicitas confert, non auferit simplicitatem. Neque enim creaturæ suæ suam invidit simplicitatem, cui suam non negavit imaginem. Eo igitur in arce veræ et summa simplicitatis illocaliter locato, rationalis participat creatura. Fiunt autem magis et minus simplicia magis et minus eo participantia. Ideo namque simplex, imo simplicitas simplicium, sicut Deus deorum, in simplicitate jubet se querere, cum simplicibus se dicit ambulare. Dat autem invenire et habere, si queratur quomodo jubet querere. Alter querentibus, quæretis, inquit, me et non invenietis (*Joan. vii*), quia itaque nisi in simplicitate non invenitur, simplicitate autem simplicem fieri non dubitatur, quicunque eum per simplicitatem invenerit, participatione ejusdem simplicitatis simplicior efficitur. Inæquali autem proportione participantes inæqualiter inveniuntur simplices. Ipsa autem simplicitas in se vera et summa est unitas. Sciendum vero quia sicut aliud est participantis, aliud participantum; sic etiam aliud simplex, aliud simplicitas. Nec habet lingua et ratio hominis, nescio si angeli, idem esse simplex et simplicitatem, sicut nec album et albedinem. Noli, noli simplicitati nostræ, imo tuæ risum insimulare. De Deo enim nihil habes opponere, cum quidquid ipse est legatur omnem sensum transcendere. Tamen quod bonus, quod pius, quod justus, quod simplex dicitur, figurativa locutione accipitur. Ut enim Plato ait: *Deum invenire difficile est, inventum digne profari impossibile*. Nulla certe oratione, vel orationis parte, Deum potest aliquis describere, vel definire. Itaque de Deo nulla fiat oppositio, qui ipse est omnium conclusio, nihil minus et exclusio. Ex ejus stabili simplicitate sortitur ordinem, causas et formas, ut Boetius testatur, omnium generatio rerum, cunctusque mutabilium naturarum progressus, et quidquid aliquo

modo movetur. *Eius natura in sua simplicitatis arce composita, regendi multiplicem modum statuit.* Potius ergo bonitas ipse, et participatione ejus creatura bona, potius pietas ipse, et consortio pietatis creatura pia, potius denique simplicitas, et possessione simplicitatis dicatur creatura simplex. *Eiusdem autem locutionis genere quo Deus justus, et nos justitia Dei appellamur. Vide etiam vitrum bona similitudine utatur Boetius ad exprimentem non tantum simplicem aliquem fieri, sed etiam simplicitatem ex strictissima connexione et societate simplicitatis.* De providentia profecto et fato sic dicit : *Providentia est ipsa illa divina ratio in summo omnium principe constituta, quæ cuncta disponit.* *Fatum vero inhærens rebus mobilibus dispositio, per quam providentia suis quæque necit ordinibus.* Et post pauca : *Manifestum est immobilem simplicemque gerendarum formam rerum esse providentiam.* *Fatum vero eorum, quæ divina simplicitas gerenda disposuit, mobilem nexus atque ordinem temporalem.* Inducta itaque similitudine paulo post subdit : *Nam ut orbium circa eundem cardinem sese vertentium qui est intimus ad medietatis simplicitatem accedit, cæterorumque extra locatorum veluti cardo quidam circa quem versentur existit : extimus vero majore ambitu rotatus, quanto a puncti media individualitate discedit, tanto amplioribus spatiis explicatur ; si quid vero illi se medio connectat et societ, in simplicitatem cogitur, diffundique ac diffundere cessat.* *Simili ratione quod longius a prima mente discedit majoribus sati nexibus implicatur.*

Medium quod ait, sive media individualitas puncti, intelligitur veritas et simplicitas Dei. Quod enim huic amori consociatur, in simplicitatem cogitur. Divinæ igitur supernæque substantiæ, quibus et judicium perspicax, et incorrupta voluntas, et efficax optatorum præsto est potestas, quid est quare non inhærent illi summæ et unicæ simplicitati? Cohærent procul dubio, et dotantur largiori simplicitatis privilegio. An ista recusas credere, et paras contradicere? Nequaque, inquis, sed quod Creatoris est, creaturæ nolo attribuere. Quare? quia æmularis Deum, sed non bona æmulatio-ne. Quantum enim desipit, qui non a Deo collata munera propria usurpatione rapere presumit, tandem a pietate resilit, qui data negat, vel abscondit : *Nos, inquit Apostolus, non spiritum hujus mundi accepimus, sed spiritum qui ex Deo est, ut sciamus quæ a Deo donata sunt nobis (I Cor. xi).* Datum est enim omni corpori, ut sicut jam dictum est, compositione sit multiplex : animæ, ut carens partibus naturaliter sit simplex, sed propter limi societatem, subjiciatur vanitati, quæ est multiplex. Supercoeli quoque indulsum est creature, ut ultra sensum humanum, sed citra divinum, et naturaliter et simpliciter sit simplex. Tu vero corpus multiplex asserens, animam quoque comparatione corporis non per se simplicem astrueus, transvolas ad supercoelestes,

A et ex gratia, non ex natura imitationem tantummodo simplicitatis indulges. O nimium simplex! Forsitan enim angelus tuus hoc audiens irascitur, et quod dona gratiæ et naturæ suæ commutaveris, indignatur. Nam ipse quidem nihil minores gratias agit Creatori naturæ, quam datori gratiæ. Gratia namque creatum, gratia beatificatum, gratia novit se confirmatum. Ab eadem tamen gratia aliud in creatione, aliud meminit se accepisse in beatificatione, sive in confirmatione. Quod accepit in creatione, dona sunt naturæ; quod meruit in confirmatione, dona vocantur gratiæ. Igitur aut multiplex est angeli natura, quod soli convenit corpori, aut simplex, quod tantum spiritui. Quia autem nullum tertium est simplex, ut aestimo, concedas ne-
cessesse est. Simplex itaque cum sit natura et vicinitate, ut ostensum est, ipsius summæ simplicitatis arctius exprimatur et imprimatur in eo radius simplicitatis, non jam tantum simplex est, sed simpliciter, ut opinor, simplex. Ministrando namque assistit et adhæret divinæ simplicitati. Ipsa autem divina simplicitas non naturaliter tantum, non simpliciter tantum, sed singulariter et ineffabiliter simplex est. Jam credo satisfactum, quare dixerim, omnis res simpliciter simplex, vel quare dicere potuerim. Quod autem sequitur, una et unum, est inculcatio verborum. Tamen ut vel tenuiter sic distingnam, una profecto est, quia ut Seneca testatur, divinorum una est natura, et nihil est divino divinius, celesti cœlestius, et Boetius, quia eorum eadem est substantia, quorum diversus effectus non est. Unum idcirco, quia natura simplicium indissolubilis, diversarum pluralitatem partium ad sui effientiam non admittit. Quod enim ex diversis partibus compositum est, naturaliter soluble est. Omne autem simplex et incompositum unum est, et caret partibus resolutionis. Quæcunque igitur substantia tam simplex est una, prorsus non admiscetur, neque cum alijs simplici et incorporeis, neque cum multiplice et corporeis. Nam ubicunque et quotiescumque substantiæ immiscentur, necesse est ut in se invicem commutentur et transformentur. Rerum enim quarumlibet conjunctio nisi in sese transfundantur, et a propria forma transformentur, copulatio vel adjunctio, vel aliquid hujusmodi, non autem admistio vel commixtio dicitur proprie. Unde et Verbum assumptione carnis, et indissuncta unione caro factum, ne substantiarum trans fusio, scilicet carnis in divinitatem annihilationis, vel divinitatis in carnem substantialis exinanitione ab hereticis persuaderentur, non commixtionem passum dicitur, et ne rursum alias Dei, alias hominis Filius credereatur, et una in duas personas divideretur, illico sequitur, neque divisionem. Si nova, et ideo cassa, me confingere arbitraris, et vera et vetera statim si placet subjunctis rationibus comprobabis. Non, inquit Boetius, omnis in omnem rem verti ac transmutari potest.

Nam, cum substantiarum aliæ sint corporeæ, aliæ

Incorporeæ, neque corporea in incorpoream, neque in incorporea in eam quæ corpus est mutari potest. Nec vero incorporeæ in se invicem proprias formas mutant. Sola enim mutari transformarique in se possunt quæ habent unius materiæ commune subiectum. Neque hæc omnia, sed ea quæ in se et facere et pati possunt. Idque probatur hoc modo. Neque enim potest æs in lapidem mutari, nec idem æs in herbam; nec quodlibet aliud corpus in quodlibet aliud transfigurari potest, nisi et eadem sit materia rerum in sese transeuntium, et a se et facere et pati possint, ut cum vinum et aqua miscentur. Utraque enim sunt talia, quæ actum et passionem sibi communicent. Potest enim aquæ qualitas a vini qualitate aliquid pati. Atque idcirco, si multum quidem fuerit aquæ, vini vero paululum, non dicuntur immista, sed alterum alterius qualitate corruptitur. Si quis enim vinum fundat in mare, non mistum est vinum mari, sed in mare corruptum, idcirco quod qualitas aquæ multitudine sui corporis nihil passa est a qualitate vini, sed potius in se ipsam vini qualitatem propria multitudine commutavit. Si vero sint mediocres, sibique æquales, vel paulo inæquales naturæ, quæ a se facere et pati possunt, illæ miscentur, et mediocribus inter se qualitatibus temperantur. Atque hæc quidem in corporibus, neque omnibus, sed tantum quæ a se, ut dictum est, facere et pati possunt communia atque eadem materia subiecta. Omne autem corpus, quod in generatione atque corruptione subsistit, communem videtur habere materiam, sed non omne ab omni, vel in omni, vel facere aliquid, vel pati potest. Corporea vero, vel incorporea nulla ratione poterunt permutari, quoniam nulla communi materia subiecta participant, quæ susceptis qualitatibus in alterutrum permittentur. Omnis enim natura incorporeæ substantiæ nullo materiae nititur fundamento. Nullum vero corpus est, cui non sit materia subiecta. Quod cum ita sit, cumque ne ea quidem, quæ communem materiam naturaliter habent, in se transeant, nisi illis adsit potestas in se et a se faciendi ac patiendi, multo magis in se non permittantur, quibus non modo communis materia non est, sed cum alia res materiæ fundamento nititur ut corpus, alia omnino materia subiecta non egeat ut incorporeum. Non igitur fieri potest, ut corpus in incorpoream speciem permittetur; nec vero fieri potest ut incorporalia in sese commissione aliqua permittentur. Quorum enim communis nulla materia est, nec in se verti ac permittari queunt. Nulla autem in incorporalibus materia rebus. Non poterunt igitur in se invicem admisceri vel permittari. Jure igitur simplex res

A refugit omnem commisionem, quia nullam in quamlibet creaturam recipit commutationem. Item quod a nobis ponitur, sumptum a nobis: rem autem unam duo simul vel plura convenientia aliquando in sese recipere, et convertere ut unum sint, in exemplari quod manibus meis scripsi, sic habetur: *Rem vero unam, convenientia duo vel plura aliquando faciunt, ut corpus unum constans ex quatuor elementis.*

Hic nullius cavillationis locum aliquatenus animadverio, et ideo respondere parco. Itemque intulisse me scribis, Deum magis proprie ex simplicitate quam unitate. Miror calumniam. Nonne enim statim subfunxi, nihil de Deo proprie dici. Jam quia, mi dilectissime, dulcedo viscerum meorum, lumen amicorum meorum, pro me satisfecit. Epistolæ tuæ sententias quasdam digna invectione corrigendas, et lima correptionis explanandas, partim contemplandas reperi. Quid dicis, amor? Placetne quod loquor? Gratianne tuam persequor? Quodvis jube, et faciam. Clavem oris mei custodi, ne læsio prorumpat amici. Constringe fauces maxillarum, ne prefluant jocos Sirenarum. Aperi tamen aliquando labia, ut excludam gravamina mea. Nicolaus eni tuus, imo noster, gratias supervacuas agit gratiæ, ut asserit, meæ, quia verba, inquit, nostra vel ex parte recipitis, receditis autem in omnibus a Claudio (79°). Judica, judica judicium meum, amor, juste. Quid enim? Pene nervorum et venarum sanguinis inflationis intensa rumpuntur. C Protestando jurant et contestantur intellectus, ratio et memoria, falsum contra se latum testimonium. Vix patientiam persuadeo. Amicus est, inquietus, facetus: lerido jocorum sermone urbanus. Sine itaque, et disceptatione inextricabilem labyrinthum rationibus suis intexentem, et nunc quidem qua egreditur introeuntem, nunc vero qua ingreditur exeuntem sustine, complicata ejus explica, male explicata replica. O dulcissime! dormiebas quando epistolam nostram legebas? Forte eras occupatus, et ideo non es culpandus. In hoc tamen inexcusabiliter culparis, quod gratiarum tuarum nimium prodigus, dum male locas, perdis. Illas meas enim gratias ubi deprehendisti, quibus ingratiōe gratias agis? Sed quid miror te mirabiliter et inaudita novitate gratiam quæ non est gratia asserere; cum mutandi et permundandi rerum et verborum proprietates auctoritate jam pristina cœperis pollere? Quid non faciat Nicolaus (80), qui de nigro factus est albus? Credo ista ductus et edocitus auctoritate, verba quoque et sensus verborum presumis quandoque inverttere. Nigredinem tamen pristinam somniasti, ubi me a Claudio dissentire

JACOBI SIRMONDI NOTÆ

(79°) *A Claudio.* Mamerto Claudio presbytero Viennensi, cuius verba ex libro iii, *De statu animæ, ad resellendum Cellensem produxerat Nicolaus.*

(80) *Nicolaus de Nigro s. e. albus.* Ex Cluniacensi monacho Cisterciensis. Nicolaus ipse epistola

18ad Theobaldum ejusdem olim consilii participem: *Uno denique consensu reliquimus omnia, et de Veteri Testamento et umbra Cluniacensi, ad Cutleriensium evolavimus puritatem.*

notasti. Nempe sermonibus acquieci et acquiesco A tuis, in parte contradixisti et contradico. Ubi enim corpus vivere, animam vivam, Deum vitam esse negavi? Nusquam, crede mihi, nusquam. Tantummodo enim assignationes proprietatum quas subjunxisti, vivens videlicet ex vanitate, vivum ex simplicitate, vitam ex unitate aggressus sum reprehendere. Sed monachum illum, qui cum amico in epistolæ tuæ principio contendebat et reticens, has jam præ teadio emittere audio voces. Utilius, inquit amor, claustra oris continuissimus, quam rescribendo tot redundantium impetus torrentum incurrissemus. Redundant enim torrentes vanitatis, et distillant ab ore amici nostri sermones superflue garrulitatis, totus profluit et perefluit. Silentia nostra confundit; consuetudinis nostræ morem et ordinem conturbat et concutit; ad pomposa et superflua quæque improbitate sua, si acquieverimus, provocat et attrahit. Deinceps itaque noli scribere.

EPISTOLA LXVII.

AD JOANNEM SARESBERIENSEM.

[iv, 4] Suo suus semper suus.

Stella quandoque de cœlo ad ima videtur, sed oculis insipientium, defluere; coagulis tamen nature, et divini clavis mandati, sic defixa in æternum cœlo adhaeret, ut sicut prius liber idem cœlum convolvatur, quam stella ab ipso divellatur. Sic sic, mi charissime, ex quo Deus in firmamento cordis nostri stellam amoris mutui impressit, etiæ sefellit oculum ignorantis leges amicitiae repentina scientiæ instabilis fortunæ, non tamen cessit aut decessit igniculus stellæ. Unde et tunc, cum quasi ledebam, non^q quasi, sed revera diligebam; et cum avertebam oculum, non avertebam animum. Deo autem gratias, quia in plenilunio suo reformata denuo, quasi viribus resumptis radios primos solito splendidiores, tanquam in invidia prioris defectus, amplificato affectu remisit. Procul jam deinceps sit, tam noctis tenebrosa interpolatio, quam diei nubilosa caligo. Sed de his hactenus. Quia vero minus jacula feriunt que prævidentur, mando et moneo, ut caveas tibi a labiis inquis, et a lingua dolosa. Apud nos enim quædam de te disseminata sunt, quibus forte nisi clypeum cautæ provisionis opposueris, laedi in curia poteris. Summi nempe quidam viri cuidam, de curia qui apud nos est, ut ipse audi, insusurraverunt te de curia dixisse quædam in honesta, et te falsum legatum domini pape in his partibus gessisse. Quæ nescio utrum sint magis falsa quam maligna, vel e converso. Sapiens es, esto tibi in his sapiens. Valete.

EPISTOLA LXVIII.

AD EUDÆM.

[iv, 5.] Suo suus (80^o) semper et unice suus.

JACOBI SIRMONDI NOTÆ.

(80^o) Suo suus. Joanni Saresberiensi, ad quem et septem proximæ, atque aliæ passim complures. Illic enim arcta et vetus cum Petro Cellensi necessitudo, a quo exsul olim monasterio receptus, benigneque habitus, et multis postea beneficiis auctus est: qui-

B Ecce in cineribus beati Aigulfi cum beato Job lugens et dolens, debeone studere verborum eliamatis splendoribus, exquisitis facibus? Quinimo, juxta viscerum commotionem, lugubri, ut sic dicam, et fumoso sermone afflictum represento animum. Mi charissime, curro et discurro quasi vagus et profugus, si forte dispersos cineres a quatuor ventis cœli recolligere possim. Hinc est quod non cineres, sed fruges pretiosas, etiam ubi non seminavi, vide-licet de Anglia, metere volo. Manipulos etenim eleemosynarum gentis illius ut metal heatus Aigul-
fus, injungo. Quid mea interest falcam extendere, ubi nunquam vel arare potui, vel seminare? Sed non usquequaque absurdum est quod facere propono, quia etiæ terram illam non colui, te tamen quasi areolam aromatis pro tempore consevi bonis speciebus, cum mecum fuisti, cum tecum habitavi, cum te amavi, cum te retinere promerui. O bone Deus! quam feliciter prosperata est bona ista area, imo pinguisima oliva! quomodo sursum germinavit! et radicem deorsum misit! quomodo ramos suos extendit! quomodo jam jam replentur famelici de fructu propaginum ejus! Gustavi et vidi, quia bona est pinguedo ejus, et fructus ejus dulcis gutturi meo. Non est conversa in amaritudinem vitis alienæ. Jam in umbra ejus quam desideraveram sedeo; jam umbracula ejus ab æstu, a turbine et a pluvia me defendere sufficiunt. Dies illa sit benedicta, hora nunquam pertranseat cum defectu temporis, qua Joannem meum feci, qua talem et tantum amicum in filiis hominum apprebendi. Tibi, Deus, custos animæ meæ, tibi commendo illum, tu ei vitam, tu bonam vitam tu prosperitatem dones, tu inter brachia tua, tu sub umbra alarum tuarum semper illum conserves. Quid enim melius optari potest amico? ut nihil aliud queram vel mihi, vel amicis meis, isti quos nunc aspicio cineres monent. Retro paululum laquearia (81), trabes, postes, et ligna robusta erant, qui modo pulvis tenuissimus et cinis vilissimus est. O mundo, aut res mundanæ, quid estis? Imo quam vane nos decipitis? Certo non estis quod esse videmini. Certe videtur in vobis pulchritudo aliqua, dulcedo et utilitas; sed veritate requisita neque pulchritudo, neque dulcedo, neque utilitas vera est in vobis. Vera est, vera est de vobis scrutantia, quia cum sit in vobis vanitas, cor vanum facitis, quod possidere poteritis. Sed de his hactenus. Ut ad rem accedamus, scito, amice, quia pretiosum martyrem Aigulfi in vase non viii ecce ad peregrinandum in egestate sua destinamus. De manu mea in manum meam illum depono. Quodcunque volueritis, quodcunque disponueritis de nuntiis, ratum habeo. Generalem administrationem et curam in his amicitiae tuæ assigno.

bis obnoxium se Joannes variis ad eum litteris profletur, sed præcipue epistola 85.

(81) Retro P. laquearia. Ecclesiæ S. Aigulfi Pruvensis, quæ conflagrarat, ut dictum est ad epist. 16.

EPISTOLA LXIX.

AD EUNDEN.

[iv, 6] Frater PETRUS magistro JOANNI.

Favus distillans labia tua, mel et lac sub lingua. Ut vidi litteras tuas, cor meum jubilo, os meum impletum est risu. Misquisti siquidem jocos serius, sed temperatos et sine detimento dignationis et revercundiae. Sales tui sine dente sunt, joci sine vilitate. Sic occurrit oratio tua, tanquam illa quæ aliquando nubes capite tangit, aliquando autem vulnus in terra demittit. Invenit hæc gratiam in oculis meis, mecum manebit, et apud me tota nocte erit. Est namque vox tua dulcis in auribus meis; et monitus tui satis amabiles in fauibus meis. Insurgit autem sœpe ventus contrarius, imbrrium turmæ quantiunt domum, et bruchus, locusta, eruca et rubigo hortuli mei areolas devastare tentant. Sed Angelus magni consilii surgit de navi, et facit tranquillitatem ventorum, serenitatem nimborum, exterminationem inutilium vermium. Cum enim Deus pro nobis, quis contra nos? Sunt certe mortis pericula, sunt in deserto serpentium venena mortifera, sunt prorsus amaritudines aquarum; sed serpens æneus, sed virga Moysi, sed columna nubis per diem, et ignis per noctem, amarum vertit in dulce, eripit a morte, liberatque a morsu. Sumus quasi nihil habentes, et omnia possidentes, quasi morientes et ecce vivimus. Hæc consolatio mea in loco peregrinationis meæ, quia nihil intulimus, in hunc mundum, sed nec quid auferre possumus, quia volucres cœli non serunt, neque metunt, et tamen Pater cœlestis pascit illas. In baculo meo transivi Jordanem istum, et nunc cum duabus turmis regredior. Cum denique via sit brevis, locus prope quo tendimus; quare tot onera humeris debilibus imponimus? Quare incassum multa portamus? Certe si Dominus Deus fuerit, mecum in vita ista, qua ego ambulo, non derit mihi panis ad edendum, et vestimentum ad induendum. His paucis natura contenta erit. Tu autem, pars magna deliciarum mearum, in te opes meæ; tu capit is mei reclinatorium aureum; utinam corporum eadem semper mediante Christo propinquitas esset, quæ animorum! Nolo ut piger sis, non valens manum ad os mittere, id est bonum quod doces facere. Deliciosus enim et improbus monitor est, qui in eo quod alium docet, scipsum non docet.

EPISTOLA LXX

AD EUNDEN.

[iv, 7] Magistro suo J. de Saresberia, suus abbas Cellensis, quidquid melius est in vita præsentive futura.

More sicutis sub æstu, et præstolatione diu desiderati potus jamjam supra modum fatigati, vasculum litterarum tuarum amanter suscipiens, ardentiter relegens, frequenter resupinans, et quasi novi gustus iteratione in dulcedinis abundantia ad fundum usque ebibo. Duplicatur, imo triplicatur legentis affectus, ubi materia gratitudine dilecti animi et stili jucunda lepiditate optatam narrationis seriem

profert. Sensibus philosophicis quæ scribis conduntur, rhetorics coloribus vestiuntur, decentissimis legum ornamentis decorantur, columnis evangelicis fulciuntur, et quod ad amicos attinet, mellito sapore decentissime dulcorantur. Si lucrum quero sententiæ, si doctrinam, si voluptatem, si verborum juncturam, si amoris veritatem et dulcedinem, in litteris tuis hæc omnia abunde reperio. Navis ibi ad natandum, hortus deliciarum ad deambulandum, mensa plena et parata ad convivandum, lectulus floridus ad quiescendum, gymnasium ad philosophandum. Non est idolum mendacii, non salaciæ lenocinia, non denique adulatio profunda vorago, non lasciviose diffunditur ab exigua cordis vena verbum promissivum juxta illos qui dicunt et non faciunt. Sed quid? latior in corde, rarer in ore amor, ardet in fumo, currit sine spuma; movet alas, sed silenter; petit ima, sed tam sublimiter pre animi generositate, quam fortiter pro integritate. Accedit, sed non incendit. Nam calorem facit, sed non cinerem. Finem quidem novit, sed cum termino consummationis, non consumptionis. Qualem loquor scribendo amorem, talen in amicum cogite, ito recognoscere. Felix anima mea, quæ tales peperit, vel saltem reperit amicum. Domine Deus cordis mei, tuus erat Joannes, et mihi eum dedisti. Proinde tuus sum ego, dicam amicus? utinam vel servus: certe servus, sed emptitius! Siquidem redemisti me, dando pro me Filium tuum: profecto et emisti, dando mihi famulum tuum. Præcipua hæc inter cætera beneficia, quæ etsi modo reticeo, non tamen prætereo, non denego, non obliviscor. Nam et ipsa consignata sunt in thesauris memoriae, conseptio ad convivendum et ad commoriendum. Sine his enim nec vivere valeo, nec mori volo. Ad Joannem meum accedo, quem a manu gratiae accepi, tanquam gratiam a gratia, sed tamen non pro gratia. Vacuam namque gratia invenit me gratia, denique ad plenum, sed culpa et poena. Jam poenam extenuare, culpam vero evacuare cœpit, cum Joannem in amicum subrogavit, qui nescientem instrueret, laborantem juvaret, errantem corrigeret, pigrum excitaret, exsulantem soveret, dolentem relevaret. Quem respiciunt hæc munera? Te Domine Deus, summe et principaliter: te charissime amice, secundario et multipliciter. Sub modio humilitatis nostræ aliquando latuisti, jam lucerna ardens quidem conscientia, sed non adeo lucens fama. Posuit autem te Dominus in lucem gentium, ut sis oculus cæco, pes claudio, lingua stulto, manus manco, auris surdo, ut secundum nomen tuum gratia in prædictis suppleat quod natura minus poterat. Profecto licet doleat absentiam tuam, tamen in his consolabitur anima mea, jura publica non ignorans præferenda privatorum utilitatibus. Sic cœpisti. Caudam appone in sacrificiis Dei tui. Hoe juxta capellam scripsi Sancti Aigulfi, tibi opportunitate nuntii tui nunquam fraudari volens, quod aliquid rusticitatis nostræ ad rusticandum mittam. Cras in decentissi-

mo tumulo, videlicet capsa nova, reposituri sumus A sacratissimum corpus domini tui beati Aigulfi, cuius caput et corpus habemus. Vale.

EPISTOLA LXXI.

AD EUMDEM.

[iv, 8] P. Dei gratia Cellensis monasterii dictus abbas, JOANNI amico suo, a Deo totius consolationis consolari.

Quæreris, frater, a me scripta exhortationis, parum pensans torrentes nostræ occupationis. Quæreris, inquam, consolationem, quia sentis desolationem: postulas auxilium, quia portas exsilium; imploras remedium, quia ploras discidium. Quis ergo ego sum, qui tibi scribere possum unde sovearis, unde conforteris, unde consoleris? Orare quidem pro te vix possum, perorare nullo modo possum. Filius vero olei, qui conceptus est de Spiritu sancto, quem unxit Deus pre participibus suis (*Hebr. i.*), cuius nomen effusum Christus Jesus, venit, ut ipse dicit, consolari lugentes Sion. Utinam secundum multitudinem dolorum tuorum consolationes ejus latiflent animam tuam! In tribulatione, inquit, sua mane consurgent ad me (*Osee. vi.*). Et tu Jesu quid? quoque avertis faciem tuam? quoque non profers manum de sinu? quoque nubem opponis, ne transeat ad te oratio nostra? Tempus est miserendi. Convertere, respice, et deprecabilis esto. Da auxilium de tribulatione, erue ab oppressione, protege a tentatione. Filii hominum cui supplicare habent, nisi Filio hominis? quem interpellare, nisi mediatorem Dei et dominis? ubi confugere, nisi ad patibulum crucis? Hic, hic turtrar pullos suos reponit, vultur audaciam ponit, columba gemitus promitt. Hic botrus Cypri, flos campi, odor lili, flumina paradisi, porta cœli, salus mundi. Ecce portus, ubi potus vini misti, ubi cibus panis in ligno crucis decocti, a patre signati. Ubinam tanta oculorum delectatio, tantumque aurium melos? Juxta figenda sunt casta, nec infra remanendum, nec ultra progrediendum. Hic compone mores, depone moeres, appone tuos amores. Nusquam alibi propitiatio, non propitiator, neque cherubim gloriæ obumbrantia propitiatorium. Oblitus es Abram ad ilicem Mambre angelos vidisse, sub arbore malo sponsum sponsam suscitasse, omnem aquarum amaritudinem tactu ligni in dulcedinem Moysem convertisse? Omnibus itaque modestiæ carnis, infestationibus antiqui hostis, machinationibus omnimodæ malignitatis oppone clypeum crucis. Manus Domini quæ tetigit te, recordare quia ipsa est quæ creavit te. Nunquid lutum dicit figulo tuo: Quare fecisti sic? (*Isa. xl.v.*) Loquere potius in amaritudine animæ tue, et dic Deo: « Misericordissime Domine, et Pater misericordiarum, posito in labore hominum da requiem angelorum, ejecto a facie terræ da ingressum supernæ patriæ, consolatione destituto humana, adsit divina. Usque ad scđentem in throno vox hæc evolabit, si non doloris

JACOBI SIRMONDI NOTÆ.

(82) *Suo clero.* Eidem Saresberiensi quem clericum item suum nominat epist. 105.

A impatientia, vel cordis insipientia illam retardaverit. Evidem, frater, dolores apprehenderunt te inter angustias. Quid mirum? Non est, inquit Jesus, dolor sicut dolor meus (*Thren. i.*). Quare? Quia non peccavi, et pœnam peccati tolero; quia non rapui, et solvere exigor. Imo non est dolor sicut dolor meus, quia servus emptus contemnit pati, quæ sustinet dominus ejus. Filii hominum, usquequo gravi corde? Nonne cum essem Dominus factus sum servus? cum essem impossibilis, factus sum passibilis, mortalis cum essem immortalis? Ut quid senum recusat, quod cœlum, imo Dominus cœlorum portat? Ex hoc mundo Jesus transivit, et senum manebit? Cœlum quoque et terra transibunt, et cinis et pulvis habitabunt? Propterea, frater, consoletur te flagellum inundans, imo mundans.

B Hæc, inquam, tibi sit consolatio, ut affligens te manus Dei non parcat. Sic ad purum scoria tua excoquatur, ut anima tua nunquam: ex auro obrizo coeleste vas cœlesti forma formetur. Filius fabri sedet constans et emundans argentum; et aliud quidem vas facit in honorem, aliud in contumeliam. Vis videre vas in honorem? Ad tertium cœlum raptur Paulus vas electionis (*II Cor. xii.*). Ubi ab ubertate domus Dei inebriatus exclamat: O. Domine, calix tuus inebrians quam præclarus est? Sic inebriatus nec verberibus cedit, nec flagellis, nec plagiis, nec doloribus, nec mortibus. Hic Joseph scyphus est, in quo augurari solitus, præterita, præsentia, et futura genti suæ enuntiat. Joannes evangelista nonne regressus a cella vinaria, exfæcatum nobis vinum propinat. In principio, inquiens, erat Verbum, etc. (*Joan. i.*) Ecce vas in honorem. Vasa quoque stulti pastoris vasa sunt contumeliae, in quibus vini sapor in saporem vertetur aceti. Hæc exsuffiantur a mensa regis, quia inflantur scientia carnis; hæc, inquam, per superbiam inflantur, per invidiam siccantur, per iram crepant, per acediam franguntur, per avaritiam disperguntur, per gulam insciuntur, per luxuriam conculcantur, et in lutum rediguntur.

EPISTOLA LXXII

AD EUMDEM.

[iv, 9] *Suo clero suo abbas* (82).

Tibi an occupationibus tuis visitationum tuarum raritatem imputare debeam, non plane discerno. Hoc unum perpendo, quod litterarum tuarum ad nos rarissima pervenit salutatio. Et fortassis fluctus marini hoc faciunt? Sed quas absorbuerunt? Ostende mihi chartam charitatis deperisse, et non causabor oblitum suis. Rursus quem mittas non habes? Et unde haec inopia, nisi forte ex copia? Certe ante te currunt plures, post te innumerabiles. Dicis huic: Vade, et vadit; et alii: Veni, et venit (*Matt. viii.*). Ignoras quo me requirere debeas? Plane in medio populi mei ego habito, non in secessu silvarum, non in voragine terrarum. Potesne te excusare et dicere:

Domine, Babylonem non vidi, et lacum nescio? Sed hic, bic tu mecum frequenter sedisti, dormisti, fuisti: taceo quod aliquando præ multis aliis locis et terris dilexisti. His verborum nexibus alius quilibet irretitus et illaqueatus cessante excusationum suarum ratione humiliiter misericordiam peteret, et patientiam imploraret. At tu cornu legum sive dialecticarum argumentationum armatus, velut filia araneæ ista contemnis, et alia exire via contendis. Est, inquis, mihi dominus, sunt et alii amici, quibus trahor, vel necessitate obedire, vel charitate providere. Bene. Nonne prius et plus omnibus amavi? Nonne dextras societatis et ipse deci? Evidem tibi secundiora lucra apud alios reperisti, sed non fidem, sed non amorem. Plus quidem donare, non tam plus possunt amare. Communicavi namque tibi non solum substantiam, sed et animam. Non est occultatum os meum a te, non consilium, non denique quantumlibet remotissimum arcanum. Et tibi post hec, fili mi, ultra quid faciam? Addam, si addi potest ad animam. Quid, inquis, queris? Animam pro anima, oculum pro oculo, dentem pro dente (*Exod. xxi*), non eruendum, sed impendendum, non extrahendum, sed conservandum. Ad dominum papam appellatus cœmeterio Sancti Sereni de Cantumerula, quod imminuere, vel auferre nobis nititur canonicorum et abbatis nimis præsumptuosa superbia, contra privilegium Anastasii papæ (83), quod tu ipse vidisti, et partim fabricasti, contra jus antiquissimum nostrum, Lucæ evangeliste coarctavi terminum, quem ipsi perduxerant in primam Dominicam adventus Domini. Causa ista tua est, cogita tanquam tuam, vel de tua. Non vadam, sed mittam juxta consilium tuum. Vale.

PISTOLA LXXXIII.

AD EUMDEM.

[iv, 10] Suo clero suo abbas.

* Satis auncenū delegisti, mi charissime, exsilium, ubi superabundant gaudia licet vana, ubi exuberat plus quam in patria panis et vini copia, ubi amicorum frequens affluentia, ubi sociorum non rara contubernia. Quis præter te alias sub cœlo Parisius non æstimavit locum deliciarum, hortum plantacionum, agrum primitiarum? Ridendo tamen verum dixisti, quia ubi major et amplior voluptas corporum, ibi verum exsilium animarum: et ubi regnat luxuria, ibi miserabiliter ancillatur et affligitur animæ. O Parisius, quam idonea es ad capiendas et decipiendas animas! In te retiacula vitiorum, in te malorum decipula, in te sagitta inferni transfigit insipientium corda. Ita Joannes meus sensit, et ideo exsilium nominavit. Utinam istam exsilium vere sicut est deputares, et ad patriam non verbo et lingua, sed opere et veritate festinares! Ibi in libro vite non figuras et elementa, sed ipseam sicut est

JACOBI SIRMONDI NOTÆ.

(83) *Anastasii papæ*. Quarti, qui post Eugenium III sedem obtinuit anno 1153. De hac porro cœmeterii controversia iam ante scripsit epist. 4.

A divinitatem et veritatem oculo ad oculum cerneret, sine labore legendi, sine fastidio videndi, sine fallacia, vel errore intelligendi, sine sollicitudine retinendi, sine timore obliviscendi. O beata schola, ubi Christus docet corda nostra verbo virtutis suæ, ubi sine studio et lectione apprehendimus quomodo debeamus æternaliter beatæ vivere! Non emitur ibi liber, non redimitur magister scriptorum, nulla circumventio disputationum, nulla sophismatum intricatio, plena omnium quæstionum determinatio, plena universarum rationum et argumentationum apprehensio. Ibi plus vita confert quam lectio, plus prodest simplicitas quam cavillatio. Ibi nemo concluditur, nisi qui excluditur. Uno verbo, omnis ibi solvitur objectio, cum male malam vitam objicienti responderetur: *Ite, maledicti, in ignem aeternum qui paratus est diabolo et angelis ejus, cum bene opponenti dicitur: Venite, benedicti, etc. (Matth. xxv).* Utinam his melioribus studiis sic intenderent filii hominum, quomodo vaniloquii, quomodo scurrilatibus vanis et pessimis! Certe fructus exinde ubiores, certe favores excellentiores, certe honores maiores meterent, et finem consummationis Christum, quem in his inventuri non sunt, sine dubio perciperent. Valete.

PISTOLA LXXIV.

AD EUMDEM.

[iv, 11] Suo JOANNI, suus PETRUS abbas Cellensis, bonum quod est super omne bonum.

C Aliter sit frequenter in rerum eventu, quam perpendat hominis providentia. Ea præcipua est in causis, quare amatores veritatis quandoque loquuntur, etsi non contra veritatem, tamen extra orbem veritatis. Unde si hujus rei in luce exprimatur continentia, nec mendaces dicendi sunt, quia contra veritatem non loquuntur, nec proprie veraces qui aliud quam contingat opinantur. Itaque sicut præcipitum falsitatis, usquequa devitare volo, sic veritatis ripam etsi non contingo, saltem affecto. Reducor proinde a falsitate volens, a vero nolens; teneo autem medium, imo retineor a confusio hujus et illius dolens, quia semper quod est, vel futurum est, tam vellem, amice, dicere quam scire. Scio equidem non imputandum alicui malum, quod patitur, sed quod facit, vel meretur. Similiter æstimo asserendum in eo, qui tantum ex insidiis fortunæ fallitur, et nunquam ex proposito fallit, ut dignus sit compassionem, non condemnationem. Hæc, amice charissime, præmiserim, quatenus novis me retentum invitum ab executione sponsionis, qua vel nuntios vestros, vel cineres beati Aigulfi (84) mittere debui. Intervenerunt plurimi, quæ huic prævalide obstiterunt. Unum horum fuit, quod W. vester, imo vere noster, a Roma per nos redire debuit, et juxta suum consilium disponere

(84) *Cineres. B. Aigulfi Mitt. d. Sacras reliquias, quas ei promiserat. Saresberiensis epist. 97: B. Aigulfi mihi pignora promisisti.*

negotium illud distuli. Non autem per nos venit. Itaque multo fratrem W. monachum nostrum, ut juxta exemplar quod ab ore tuo detulerit, omnia faciamus. Ad nutum enim tuum semper facturus sum, præcipue in Anglia, quidquid dixeris. Neque enim volo tibi esse oneri hoc genus negotii, quod omni honesto viro molestum esse non dubito. Cujuscunque namque emolumenti lucra reportaturi sint, pro vilissimo stercore habiturus sum, si vel ad modicum fides, vel pudor faciei tuæ contra senserint. Mando igitur, imo adjuro amicitiam tuam sanctissimam, ne de statu rectitudinis tuæ propter me pedem moveas, sed quod justum et bonum in oculis tuis fuerit, indubitanter remandes. Pace et patientia indissimili, juxta verba oris tui, alterum quodlibet accepturus sum, scilicet mittere, vel non mittere prædicatores. De his hactenus. Cæterum exultat spiritus meus in Deo salutari meo, tam de suavissimo bono odore opinionis tuæ, quam de prosperitatis tuæ. Unus es omnium mortaliuum, cui pene omnes invidenter, non immerito amici nostri, si quanta prærogativa pre omnibus illis sedem tuam in principali nostro collocaveris attenderent. Inter tres priores tu princeps, et ad te nescio si aliquis pervenire possit. Magister W. et magister R. amicitiam, quam ad te habent, in negotio Hawidis neptis nostræ (85) comprehaverunt. Steterunt enim pro marito sive matrimonio ejus, ne scindetur, tam constanter in curia, quam fideler. Non eis modicas grates referas. Dominum archiepiscopum et parte nostra saluta, et omnes amicos nostros sancti B.

EPISTOLA LXXV.

AD EUMDEM.

[iv, 12.] Charissimo amico suo et magistro JOANNI de Saresberia, P. suus amicus et discipulus, cum Jesu et in Jesu semper in terra et in celo.

Novit prudentia tua, quod granum frumenti cadiens in terram nisi mortuum fuerit, ipsum solum manet; si autem mortuum fuerit, multum fructum affert. Granuli nostri fructum centesimum spero me receptarum, partim roris superne secunda infusione, partim agri quem benedixit Dominus lata secunditate. Provenit namque numerosa proles benedictionum ex accessu dati optimi, sive doni perfecti, cum libero arbitrio boni hominis. Ubi enim gratia saliendo cum impetu æternæ emanationis influit, quid anima nisi vitam refluit? Nunquam sterile, nunquam inane est conjugium gratiæ et animæ. Jesus, qui salvat populum suum a peccatis eorum, fructus benedictus est hujus copulæ. Uberta non habet arenæ, non vulvam sine liberis, anima cui adjungitur gratia. Parturit anima quidem, sed non gemens; generat gratia, sed non corrumpens. Scriptum semper anima cum delectatione, sed non de-

B A licto; parit setum de spiritu gratiæ, sed cum salute; venter non superbia turgescit, sed crescit humilitate; lumbi non opprimuntur gravedine, sed imprimitur castitate; mammæ non intumescunt lactis recursu, sed extumescent humanæ fragilitatis decursu. Manus angelice obstetricantur in tam salubri partu, pannis virtutum involvitur fetus, donec rapiatur ad Deum et ad thronum ejus. Mater autem quid? fugit in solitudinem, ubi habet locum param a Deo, ut ibi pascant illam diebus mille ducantis sexaginta. Draco namque stat ante mulierem quæ est paritura, ut devoret, cum pepererit filium ejus. Non est occultatum a te, magister et amice charissime, qui astutias serpentis antiqui non ignoras, quid escribat draco, quid sitiat. Quid, nisi filius virginis? quid, nisi desiderium cordis? Quid, nisi prolem virtutis? Quamobrem rapiatur non tantum a faucibus, sed ab aspectibus ejus mentis propositum, et tota festinatione non delibatum, sed illibatum mittatur ad Deum. Certe nisi subvenierit voluntati festinatio in ore draconis, fiet anima nostra delibatio ejus. Quam cito autem mater petit deserti solitudinem, tam cito filius concendet cœli celsitudinem. Quo remotius secesserit mater, eo altius et remotius rapit filium pater. Nisi fugerit mater, proprii nati visceribus viscera draconis impletbit. Non est timendum venire, ubi desinis timere. Nil timet, nil odit, nil refugit sic diabolus, quomodo solitudinem claustræ. Potius deligit porcorum gregem, quam sanctorum solitudinem. Sponsus ducit sponsam suam in solitudinem, et ibi loquitur ad eum. Isaac egressus erat ad meditandum in agro, cum ecce sponsa ejus Rebecca ascensis carnis calcando vitia superbiae et immunditiæ suæ veniebat. In solitudine Jesus tentatus super aspidem et basiliscum ambulat, et conculcat leonem et draconem. Meritorium animarum est solitudo; castra Domini exercituum est solitudo: sagena ad capieudos pisces est solitudo; paradisus deliciarum est solitudo; gymnasium est cœlestis philosophiæ solitudo. Quid amplius? deambulatorium Dei est solitudo. Solitudo novit vigilias Jesu, solitudo suscipit lacrymas Jesu, solitudo orationes Jesu audit, solitudo tempus et horam nostræ redēptionis cognovit; solitudo nascentem, solitudo prædicantem, solitudo turbas pascentem, solitudo in transfiguratione coruscantem faciem Jesu sole clarius attendit, solitudo morientem, solitudo resurgentem, solitudo ascendente Dominum conspergit. Ecce quare exsultant solitudines Jordanis. Si qua asperitas, si qua amaritudo, si qua prius fuerat in solitudine formido, mitigata est sanguinis Jesu effusione, dulcorata est ligni crucis immissione, sublata est Jesu cohabitatione. Socio Jesu quid times? pascente Jesu quid esuris? lavante et unguente Jesu quid doloris persentis? Vale.

JACOBI SIRMONDI NOTÆ.

(85) *In negotio Hawidis neptis.* Ejus nempe matrimonio cum Petro de Tornella, de quo supra, epist. 9.
PATROL. CCII.

EPISTOLA LXXVI.

AD P. MONACHUM NORVICENSEM.

[iv, 13.] Frater PETRUS abbas indignus Cellensis monasterii, P. monacho Norwicensi (86), spiritum salutis.

Ut ignotus ignoto scriberem, T. vester, imo noster impetravit et rogavit. Injustum namque es-
set, si in re tam honesta pater filium confunderet. Quia igitur vita, scientiae et professionis probatae, profundae, nec ignotae estis, pallio verecundiæ vul-
tum abscondo, et vocem vix tremulam emitto. Au-
dite itaque, si placet, veritatem, non vanitatem, pie-
tatem non falsitatem, admonitionem non adulatio-
nem. Scio quia unius viri filii sumus, unius regula
informamur, in domo una unum ab uno requiri-
mus. Quapropter si trahimur trahamus, si vocamus
invitemus, si currimus currere moneamus. Qui au-
dit dicat, veni. Cæterum si sequi noluerint, liberi
a conjuratione qua conjurati sumus, inter innocen-
tes manus nostras lavabimus, et sic ab introitu glo-
rike Dei epulabimur. Hæc ideo dixerim, quia in
nostra, credo, quod et in vestra patria non mona-
chi, ut pace illorum dicam, sed ex monachis super
numerum multiplicati, nomini sancto, quod invoca-
tum est super eos, contumeliam faciunt, dum tur-
piter vivunt, dum ventris, gulae et luxuriæ deside-
riis se exponunt; dum corpus suum, quod dici
nesfas est, et negatio contra Deum, contumeliis affl-
ciunt. Nomen itaque Dei per eos blasphematur inter
gentes. Utinam Phinees resureret! utinam Elias
zelo zelatus pro domo Israel recumbentes in idolio
igne coelesti consumeret! utinam saltem Jeremias
captivitatem filiæ Sion triplici luctu, scilicet oratio-
nis, prædicationis et exempli doceret, moneret, de-
ceret! Verus nempe Pharaon, qui omnia dissipat, et
cum Deo non congregat, lapides sanctuarii per pla-
tearum compita disseminat, vasa templi Domini in
delubris suis juxta Dagon asportat, filium virginis
cum filio Veneris collocat, et in phialis et scyphis
cum concubinis suis usque ad mane potare non
cessat. Usquequo, Domine, non est qui pennam
moveat et gannire audeat? Medium silentium te-
nent omnia. Moyses non extendit manus ad cœlos;
graves enim sunt, et plena sanguine. Ideo vincitur
Israel et vincit Amalech. Quatuor fabri cornibus
suis ventilant universum Judæa et Israel, dum resi-
duum erucæ comedit locusta, et residuum locustæ
bruchus, et residuum bruchi rubigo. Hæc sunt tertia
et quarta generatio, in quibus Dominus reddit pec-
cata patrum in filiis. Prima scilicet generatio est

JACOBI SIRMONDI NOTÆ.

(86) *Monacho Norwicensi. Ecclesiæ Norwicensis in Anglia, in qua Joannes prior Norwicensis, ad quem Saresberiensis epistola 251.*

A suggestio carnis, secunda primus pulsus cogitatio-
nis, tertia deliberatio vel perpetratio operis, quartæ
gloriatio sceleris. Felix qui his cornibus non venti-
latur. Si qua itaque in vobis est misericordie scin-
tilla, si qua viscera pietatis, si quis ros benignitatis,
compungimini. Lacrymæ procul dubio istæ nequa-
quam inutiles erunt. Aut enim illis proderunt et
convictentur, aut ad vos redient, et in sinum ve-
strum revertentur. Ut redeant itaque a via sua
mala, monendo transite de porta ad portum gladio
potenter accinctus. Neinini parcat, sed disperdat de
terra memoriam eorum, qui ad cor redire distule-
rint; qui iniuriam, quæ in manu eorum est, non
abstulerint. Hæc ad vos tanquam ad amicum justi-
tiae, zelatorem domus Dei, odio habentem eos qui
contradicunt sermonibus sancti; ad eos vero, qui-
bus nihil dulce præter vinum et pretium, nihil amarum
præter claustrum et silentium, nihil amandum
præter carnem et mundum, nihil exosum præter Dei
verbum et spiritum, nubes Dei coruscant, tonitrua
cœli fulgurant, ventus velemens et ignis involutus
accelerant. O insensati, quis poterit habitare eu-
vobis cum igne devorante, aut cum ardoribus semi-
piternis? Nonne ibi recipietis venenum pro vino,
supplicium pro pretio? Seris et vectibus ferreis
porta inferni conseretur vobis, qui claustro no-
luistis includi; et clamor quoque et continuus
luctus, qui non siluistis a facie Domini. Caro, quam
curiose nutristis, sollicite fovistis, studiose lactastis,
regnum Dei non possidebit. Mundus, cui mundi
Creatorem postposuistis, in quo immunde sordui-
stis, cuius fallaci pulchritudine oblectati patriæ
coelestis obliiti estis, non eruet vos de manu inimici.
Verbum Dei tunc vos verberabit, non liberabit, ac-
cusabit, non excusabit, damnabit, non salvabit.
Quid vobis cum Spiritu Dei, cuius contumeliis non
parcitis, cuius templum violatis, quem contristare
non reformidatis? Ni fallor, quod in eum peccasti
non remittetur vobis, neque in hoc sæculo, neque
in futuro. Sed de his hactenus. Vos autem, qui
apertos habetis oculos, in viam istorum ne abierte-
ris, actibus eorum ne assentiatis, neque corsiliis
eorum acquiescatis. Ut prelixus nimium essem, ne-
pos vester coegit, qui iterum rogando stylum resu-
mere monuit. Utinam virtus vestra amplior sit
quam fama. Utinam vos videre, cognoscere et
dextræ societatis vobiscum habere merear. Utinam
saltem, si non datur ultra, vel unam preceum pro
peccatis meis pio judici per manum sancti angeli
offeratis. Valete.

LIBER SECUNDUS.

Continens epistolas quas scripsit Petrus post susceptam S. Remigii Remensis abbatialem curam.

PISTOLA LXXVII.

AD ALEXANDRUM III PAPAM.

[v, 19] ALEXANDRO papæ PETRUS abbas S. Remigii.

Quæ in evidenti et manifesto sunt vera, se ipsa loquuntur, se ipsa nullo adjuncto adininculo testantur. **Quæ** autem remotione loci, evolutione temporis, vel cuiuslibet implicatione caliginis profundu[m] tenent ignorantiae, cum rei publicæ poposcerit utilitas, sub luce volunt videri. Hinc est, Pater sanctissime, quod lator præsentium (87), in gremio nostræ humilitatis coalescens, habitum religionis a nobis in monasterio Cellensi suscepit, diuque ibi ubera vino meliora sugens, in virum episcopalem gratia Dei cooperante prosercit. Revera opus et onus injuncti officii amplectens, non aurum robur suu[m] ponens, nec obrizo dicens: Fiducia mea! Quærerit enim a sede apostolica mortem per mortem, quia et in itinere quo pergit, mortem minatur æstas, et imperialis potestas, et quam exposcit, si obtinuerit, mortem importat barbarorum infida societas. Habet itaque animam suam in manibus suis, offerens illam Deo per manum cœlestis claviculari, et vestram. Excipe, si placet, hostiam sanctam, Deo placenti, rationabile obsequium, et beatissimi apostolatus vestri auctoritate exponite ovem lupis, si forte beata conversatione non lupus comedat agnum, sed agnus convertat lupum. Quodlibet autem horum fiat, Deus glorificabitur, ministerium vestrum honorificabitur, et anima fratris nullum detrimentum patietur. Præsumo enim a præteritis, quæ in eo enutrivi, et multis didici argumentis, quod in commisso fidelis erit, et a tramite fidei nullo incursu exorbitabit, potiusque dabit sanguinem, quam immunit fidem. Ait Apostolus: Spiritum nolite extingue (*I Thess.* v), et lucernam jam in modio accensam amplioribus suffusoriis accendite, quia haec est gloria et corona vestra, si granum frumenti per manum vestram in terram cadens multum fructum attulerit.

PISTOLA LXXVIII.

AD ALEXANDRUM III PAPAM.

[vi, 6] Domino et Patri ALEXANDRO summo pontifici, PETRUS abbas Sancti Remigii, quidquid alius Patri.

Nullis bona voluntas a sancto Spiritu incitata
JACOBI SIRMONDI NOTÆ.

(87) *Lator præsentium.* Fulco episcopus in Suecia designatus pro quo iterum eidem Alexandre scribit epist. 78. Fuerat hic Cellensis primum monachus, dein etiam S. Remigii, Petru[m] opinor abbatem secutus. Sane in diptychis S. Remigii, inter alios ejus coenobii, qui Petro abbate vita excess-

A coercenda est habenis, nullis a proposito retardanda dissimulationibus. Sic enim jam totius nostræ Christianitatis religio intepuit, ut vix in toto grege Christiani populi aliqui inveniantur, qui non malint sub fieu et oliva terreni honoris et delectationis delitescere, quain procul odorare bellum, et audacter occurrere in occursum cum filiis Benjamin, et dimidia tribu Manasse, expediti armatis inimicis Christi. Ad vos itaque, Pater sanctissime, qui estis in corpore Ecclesie caput, de quo oleum non desicit, et qui Australi sufflatorium habetis, respicit desides excitare, excitatos vero ad meliora et viciniora saluti juvare et impellere. Nunquam ergo vobis molestum debet esse, quod a vobis postulatur in auxilio propagandæ Catholicæ fidei, quia et Dei B et Domini nostri Jesu Christi laus inde augmentatur, meritum vestrum cumulatur, salus infideli populo acquiritur. Proinde petitiones pauperis illius episcopi Fulconis, qui hoc anno curiam visitavit, et modo nobiscum hospitatur, apud vestram sanctitatem commendamus, scientes et pensantes, quia ubi nulla aut rara fidei suppellectilia sunt, suffragio copioso indigetur. Indulgendum est ergo illi in multis, qui omnibus indiget. Sic magister et Dominus vester, cum discipulos suos mitteret ut nova prædicarent, addidit eis ut mira quoque facerent. Non a vobis hoc exigitur, ut virtus miraculorum tribuatur, sed auctoritas vestra cum ipso et in ipso operans, ut facilius ei ab incredulis credatur. Nam et Moyses cum a Domino ad filios Israel mitteretur, signum rogavit dari, in quo sibi crederetur. Privilegia ergo, quæ a vobis petit, et pro virga Moysi, et pro miraculis discipulorum Christi suffragabuntur ei. Nemo enim Deo faciente contemnet auctoritatem vestram, vel personam illius vestra auctoritate muniam. Valeat sanctitas vestra, cui debeo quidquid sum et possum. A multis enim audio, et in multis exerior magnificientissimam gratiam vestram.

PISTOLA LXXIX.

AD RESEM, ARCHIEPISCOPUM ET MAGNATES
SUEONUM.

[vi, 8.] Regi Sueonum (88), et ducibus, et principibus et eorumdem archiepiscopo, et cunctis suffraganeis ejus.

Cum animi Deo devoti principale et sumnum

serunt, nominatur Fulco episcopus.

(88) *Regi Sueonum.* Carolo fortasse Suerconis regis filio. Is enim Sueonibus seu Suecis, Gothisque per haec tempora imperabat. Fulco autem Estonum episcopus, qui Suecie tum regno adhærebant.

debeat esse studium, ad gloriam et honorem Dei A omnia componere, si forte aliquatenus se omnipotenti Deo placere, vel leviter senserit, cumulatis intrinsecus gaudiis totum se effundit, tanquam liquefactus post sponsum, acclamans et dicens : *Exsultabimus et latabimus in te memores uberum tuorum* (*Cant. i.*). His nostra parvitas provocata exemplis, etsi in multis, imo pene in omnibus, quotidie me sciam peccare, et non ut justum est divinis mancipari studiis, in hoc uno non usquequam despero de misericordia Dei, quia de manu nostra manipulum benigne suscepit, dominum Fulconem episcopum, quondam monachum nostrum, et in claustrali religione a nobis enutritum, ad summum prouexit sacerdotium. Recognoscimus in eo vultum nostrum, et speramus quod non recedat cor ejus a Deo nostro et a mandatis ejus. Cum ergo opportunitas grata obtulerit, quod tempus habere possumus adhuc eum instruendi et informandi in ampliorem Dei dilectionem, gratanter et devote excipimus, quia ulterius non eum videndum, usque ad thronum gratiae, et ad distributionem aeterni stipendi arbitramur. Ad haec ipsa temporis incommoditas cooperatur desiderio nostro. Si enim uterque nostrum vellet, discrimina et pericula que habet transire non posset. Inundantia enim aquarum, ut audivimus, tanta est, ut vix serenissimis temporibus meabile sit iter quo ad vos pervenitur. Tertia denique causa subest, quia dominus archiepiscopus noster Romam pergens officium suum nos supplere commisit. Nequaquam autem in dedicatione ecclesiarum, vel ordinatione clericorum, vel confirmatione Christianorum abbatis assurgit dignitas. Per ipsum ergo, qui in omnibus noster est, implemus quod per nos non possumus. Veniet autem ad vos plenus Dei benedictione, cum tempora fuerint meliorata. Valete.

PISTOLA LXXX.

AD ALEXANDRUM III PAPAM.

[viii, 8.] ALEXANDRO SUMINO pontifici, PETRUS abbas Sancti Remigii.

Apostolicæ sedis oraculum nec sine reverentia penetrandum est, nec sine fiducia adeundum. Tibi itaque, Pater venerande, cui datae sunt claves regni cœlorum, non est data potestas sine indulgentia, nec justitia absque misericordia. Interpellet igitur, et inclinet ad petitionem nostram auctoritatem tuæ potestatis sobria indulgentia, temperet æque rigorem justitiae pia misericordia. Intutum proinde est, thronum magni regis, qui est in sæculum sæculi, aliquatenus concutere; nec minus periculosum,

JACOBI SIRMONDI NOTÆ.

(89) Clarevallensem abbatem. Henricum. Hic paulo ante, hoc est anno 1178, cum Petro S. Chrysogoni cardinale, et episcopis aliquot, Tolosam legatus fuerat adversus hereticos Albigenses. Qua de re præclaræ exstat Henrici ipsius epistola apud Hovedenum. Nunc mortuo Gocelino episcopo Tolo-

lectulum Salomonis, propter ambientes gladios versatiles, et tra decubantis placitum, qui dormit ut catulus leonis, excitare. Sedentem et quieacente Deum in sanctis quis audeat dubitare? De numero et sorte istorum, teste sancta conversatione, confratrem nostrum dilectissimum Clarevallensem abbatem (89) fide occulta cernimus et credimus. Forte electus est in episcopum Tolosanæ civitatis. Ut autem vere religious, metiens se sibi et insufficiantiam suam metuens, repudiato connubio mault discalceari, et sputa cujuslibet improperi in faciem cum Jesu excipere, quam vitis, olivæ, et fucus assumptæ professionis dulcedinem deserere. Nec in hoc usus est reprehensibili levitate, cum hoc faciat ex legislatoris auctoritate: Moysi utique, qui grandis factus negavit se esse filium filiae Pharaonis, magis eligens affligi cum populo Dei, quam temporalis peccati habere jucunditatem, majores divitias aestimans thesauro Ægyptiorum impro prium Christi. Aspiciebat enim in remunerationem. Reputat etiam, quod in Lamentationibus legitur, quia mutatus est color optimus, postquam dispersi sunt lapides sanctuarii in capite pectorum (*Thren. iv.*). Timet in se fieri eclipsim solis, si de statione Hebraeorum transierit in castris eorum, quorum os locutum est vanitatem (90), et quorum pedes currunt ad malum. Citius enim inficit venenum, quam curet antidotum: et fragilis natura difficilius reparatur, cum facile frangatur. Concedat igitur apostolice licentia hominem istum in paradiso Clarevalensi operari cibum, qui non perit, et in sudore vultus sui panem suum manducare, quia nec vulnus tangere, nec tunicam pelliceam assumere. Fixit namque tentorium suum de pellibus Salomonis juxta puteum viventis et videntis, juxta acervum novarum frugum, juxta denique propitiatorium, intra sanctuarii velum, subter alas cherubinæ sancti Benedicti et beati Bernardi. Supposuit quoque humerum arcae foederis Dei, in qua est virga crucis, quæ floruit in apostolis, fronduit in regeneratis fidelium turbis, et nuces protulit in martyribus, confessoribus atque virginibus? in qua duæ tabulae testamenti, una asperitatem legis continens, altera Evangelii mansuetudinem et gratiam conferens. Ad ultimum manna est ibi absconditum promissæ dulcedinis Dei, quam abseondit timentibus se, et dabit diligentibus se. Habitat in medio lapidum ignitorum, quorum contemplatione visus acuitur, torpor excutitur, vitalia nutriuntur, morticina rejiciuntur, religio perpetuatur. O quam dura, quam amara separatio religiosi affectus, cui credit carnis necessitudo, cui supponitur delectatio,

sano ad eam cathedram poscebatur.

(90) Quorum os locutum est van. Tolosatum, quos ea labes præaliis infecerat. Henricus ipse in epistola: Tolosam, quæ sicut erat civitas maxima multitudinis, ita etiam dicebatur esse mater heresis, et caput erroris.

cui ambitio substernitur! Quam infelix commutatio, ubi pro suavi odore recipitur fetor, pro crispanti crine calvitudinum, pro fascia pectorali cilicium! Nequaquam est hæc commutatio dexteræ Excelsi. Non igitur audiat auris apostolica adversus Mariam ad pedes Jesu sedentem, Martham conquerentem, quæ sollicita est circa frequens ministerium, nec gustavit poculum ex vino condito sanctæ contemplationis, et in lege Dei assidue meditationis.

EPISTOLA LXXXI.

AD ALEXANDRUM PAPAM.

[viii, 10.] ALEXANDRO papæ, PETRUS abbas S. Remigii.

Sicut a paternitate Domini nostri Remensis Wilhelmi in mandatis acceperamus, de causa terminanda, quæ vertitur inter episcopum Suessionensem et comitem Robertum (91), Suessionis accessimus, et nobiscum abbates Sancti Crispini, Sancti Joannis, et vallis Serenæ. Ibi allegationibus utriusque partis auditis, ab episcopo productorum testium attestaciones scriptas recepimus. Deinde aliam diem Remis utrique parti statuentes, iterum convenimus; et post multa, quia dominus rex super hoc negotio litteras suas episcopo direxerat, ex voluntate et consensu eorum diffinire causam distulimus, donec cognosceremus an dominus rex controversiam illam inter eos pacificaret. Postea vero nulla interpellatione interveniente, nec diem sibi dari episcopo a nobis postulante, interdicto excommunicationis nobis inconsultis terram præfati comitis episcopus subicit. Proinde comitissa ex parte sua et comitis conquerens de hac injuria, ut terram suam absolvemus a nobis exigit. Consilio itaque sapientum habito, accepta cautione a parte comitis, quod si novum damnum, vel injuriam episcopo fecisset, plene resarciret, terram absolvimus. Hanc igitur hujus rei veritatem vobis mandamus et testamur.

EPISTOLA LXXXII.

AD EUDEM.

[viii, 11.] ALEXANDRO summo pontifici (92), PETRUS abbas Sancti Remigii.

Totius Christianitatis onus humeris apostolicis impositum non ignorat, qui Christum Principi apostolorum dixisse non dubitat: *Tu es Petrus, et super hanc petram edificabo Ecclesiam meam* (*Matth. xvi*). Necesse itaque est, ut Aaron, qui penetravit cœlos in sanguine suo, pontifex a Deo Patre constitutus in æternum, et Ur, qui in igneis linguis super apostolos descendit, tam manus quam humeros vestros auxilio suo sublevent, et ne deficiant, sustentent. Iniquitas namque, quæ sedet super talentum

JACOBI SIRMONDI NOTÆ.

(91) *Comitem Robertum.* Comitem Suessionensem. Episcopi vero nomen Nevelo, iqui Lateranensi concilio subscripsit. De S. Crispini monasterio apud Saessonem dictum est superius. Apud eosdem est monasterium S. Joannis, quod de vineis vocant ordinis S. Augustini. In pago autem Suessionico Vallis Serena, Præmonstratensium cornubium.

A plumbi, geminatis quin potius junctis alis, Ecclesiam Dei et vestram, Dei, desponsatione, vestram, procuratione, usqueque opprimit, tam in subditis quam in prælatis, adeo ut jam possit dici: *Sicut populus, sic sacerdos* (*Ose. iv*), sicut oves, sic et canes. Quid dicam, et quare dieam quod patet lippis et tonsoribus? Nonne clamor tanti mali, ne dicam furor, usque ad nubes ascendit? Et quis vos dubitat ista scire, cuius est nou solum morbos discernere, sed etiam quæque morbosa secare aut sanare? Tamen, summe pastor, duo mala facit populus tuus. Descende et invenies vitulum conflatilem, lascivitem in vaccis populorum, et lingentem herbam usque ad radicem. In altero notatur luxuria, in altero avaritia. Olim hæc tenebrarum familia tenebant valles, jamjam occupant montes. Olim fœdabant templum Veneris, sed jam polluunt atria Virginis, quam Pater desponsavit Filio suo, et Paulus tanquam uni viro virginem castam vult exhibere Christo. Olim denique regnabat in Babylonia, nunc in Hierosolyma. Jeremias lamentatur avaritiam sedere in capite omnium compitorum, ubi concurrunt in dandis honoribus ecclesiasticis, aut carnalis affinitas, aut pecunaria cupiditas. Dei quidem solius est ista amputare et tollere. Vestrum autem securim ad radicem posere, et pro posse in sententia vigilum statum istam confringere, et arborem succidere sollicitudine non pigra. Quomodo autem fiat istud, docebit vos qui incerta et occulta sapientiae sua manifestavit David puero suo, et omnia quæ audivit a Patre suo nota fecit suis apostolis. Lator quoque præsentium fidelissimus vester, et totius honestatis et bonæ famæ vir insinuabit. Pungenda tamen est gladio anticipi luxuria, quæ non solum thalamos pudicitæ, sed etiam terminos totius verecundiae transgreditur, quatenus etsi stimulus ejus non constringitur, salem redundatur; etsi non sepe litur, salem recondatur. Avaritiae duo cornua in ecclesiasticis trajectionibus prorsus anathematizentur, in sæcularibus rapinis ungulæ ipsius aut eradicentur aut exsecantur, Spiritus Domini, quia omnia continens replet orbem terrarum, ori et cordi vestro semper adsit, et præcipue in hac secunda generali congregatio.

EPISTOLA LXXXIII.

AB EUDEM.

[viii, 12.] Domino papæ PETRUS abbas sancti Remigii.

Ad generale concilium, Pater venerande, cum cæteris Catholicæ Ecclesiae filiis citatus excusationem præfero, non frivolam de perfunctoriis evangelicis

NOTÆ.

(92) *Alexandro sum. pont.* Anno 1179 cum instaret synodus Lateranensis, quam propterea secundum generalem Alexandri congregationem appellat, quia priorem ante annos 16 Turonis celebrarat: quod generale etiam concilium dicitur Neubrigensi lib. ii, cap. 14, et aliis.

aliquam, quibus ad eum invitat se excusando A accusant; sed manifestis documentis probabilem et veram. Prompta siquidem est in me ad omnem obedientiam devotio; sed succumbit propter invaeletudinem languida exsecutio. Inest voluntas, sed impedit infirmitas; *Spiritus quidem promptus est, caro autem infirma* (*Matth. xxvi*). Apud igitur paternam clementiam et aquissimam apostolicæ discretionis censuram, ætas annosa, longa via, brevis vita, fessa membra, sint nostræ excusationis probabilia et necessaria argumenta. Mavult habero filium absensem vivum quam secum semimortuum, vel certe extinctum. Percussus sum, ut senum, quod jam exaruit, quod hodie est, et cras non in clibanum, sed in sererum mittetur, et quomodo tanquam plaustrum onustum seno prosequi potero ambulantes in equis, et volantes in pennis sanitatis et robustæ æstatia? Quid enim? si præsens essem, nec interesse possem. Quid faceret facula fumibunda, inter astra lucentia? Parcite ergo in hoc nunc, sicut semper fecistis, nostras preces benigne suscipiendo et efflacciter implendo.

EPISTOLA LXXXIV.

AD EUDDEM.

[viii, 16.] ALEXANDRO pape PETRUS abbas Sancti Remigii.

Cum universitas Christianitatis, Pater sanctissime, vestro regatur moderamine, et eura vestræ sollicitudinibus ad plura distendatur, quam sit stellarum quinerus, vel arenae maris, satis mirum est, si nunquam circumveniatur. Plures enim venantur in curia vestra subreptione, quam famulentur fideli devotione. Excipio sinceritatem sanctorum cardinalium, quorum fides satis nota est Deo et vobis. Advenientium redarguo fallacem simulationem, præcipue Teutonicorum, quorum insidias et nos experti sumus, et vos vivo carbone tactus non ignoratis. Huius namque toto tempore schismatis, cum expositos nos, et quasi sine defensore calumniis et damnis pluribus afficerent, nunquam tamen in guerra cibinuerunt, quod modo in pace vestra et sancte Romanæ Ecclesiæ, nituntur ab ecclesia nostra auferre. Dominum namque imperatorem frequenter sollicitaverunt, ut de præbendis Marsna aliqua subripere possent, quas olim a multis retro temporibus, concessione Leodiensium episcoporum, et tam privilegio piæ memorie prædecessoris vestri Innocentii, quam vestro, confirmatas habemus. Mandastis præposito nostro de Marsna, quatenus cuidam clericu imperatoris præbendam quæ non est daret. Petit igitur conventus noster prostratus pedibus vestris, revocare mandatum, et ulterius nullam recipere alicujus super hac re petitionem. Devoti enim sunt filii vestri; et exinde devotiores efficietur.

JACOBI SIRMONDI NOTÆ.

(93) Nova.

(94) Alberto cardin. legato. S. Laurentii in La-

EPISTOLA LXXXV (93).

AD EUDDEM. IN CAUSA S. THOMÆ CANTUARIENSIS.

(Epistole S. Thomæ, edit. GILES, OXON. 184, in-8°, t. II, p. 172.)

ALEXANDRO pape PETRUS abbas Sancti Remigii.

Stylum cohibere poterat apostolicæ contemplatio majestatis, si non erigeret animum humanitatis respectus, et provocaret ausum parvulis Christi descendere solita clementia vestra gloria dignatio. Inter quos audeo et ego, cum vix ante Dominum meum, patrem fidelium, consolatorem depresorum, et deprimentium judicem, sim pulvis æstimandus et cinis, verbum facere pro Ecclesia Dei ad apostolatus vestri gloriam et honorem, quem in exhibitione justitiae, qua totus indiget mundus, et operibus misericordiae, qua sublimantur oppressi, et inopes resiliuntur, letus audio dilatari. Ibis, Pater, titulis sanctitas vestra promeruit, ut eam in brachio potenti et patenti virtute in tot periculis Dominus antecedat, et ante vos et pro vobis gloriosos terræ humiliet et prosternat. Revolvantur ab initio et introitus vester et variorum processus eventuum, et plane luce clarius erit, quia non manus hominum, sed Dominus fecit haec omnia. Ille vero qui coepit in vobis miserationis suæ magnalia, et apostolatus vestri consolidabit thronum, quia mundo palam est vos ambulare in semitis ejus, qui pauperem liberat a potente, qui acceptionem reprobatur personarum, qui in judicio respondebit unicuique secundum opera sua. Exultat in his, que de vobis audit, devotus filius vester Christianissimus rex Francorum, lætatur Ecclesia Gallicana, cuius tristitia de vanitate quorundam insultantium veritatem nuper est in gaudium commutata. Nam in adventu dominorum vestrorum cardinalium didicit, quod venerabilis viri, pro libertate Ecclesiæ laudabiliiter decertantis, Cantuariensis archiepiscopi sovetis causam, et mendaces esse convincitis, qui se ruinam innocentum et confusionem Ecclesiæ glorabantur a vobis impetrasse. Et plane saperent cardinales, si starent in finibus vestris. Sed quod iterum gemit Gallicana Ecclesia, jam in hac parte dicuntur excessisse. Unde paternitatem vestram toto corde prostratus imploro, quatenus Christianissimi regis et reginæ, et episcoporum et procurorum Galliæ preces pro domino Cantuariensi porrectas audiatis, et deducatis in irritum, quidquid contra justitiam ejus noveritis esse præsumptum.

EPISTOLA LXXXVI.

AD ALBERTUM CARDINALEM.

[vi, 1.] Domino ALBERTO cardinali (94) et Romane sedis legato.

Nisi tanta distantia locorum et multiplex occupa-

cina. Sic enim apud Rogerum appellatur in litteris absolucionis, quas Henrico regi, cum se de B. Tho-

tionum impedimentum nos retineret, dilectissimam nobis paternitatem vestram visitare nullatenus tandem postposuisse. Est enim in pectore nostro multa de negotio vobis injuncta et de fine ejus sollicitudo, quia honor Dei et Ecclesiae utilitas, et fames vestrae integritas, atque totius curiae Romanae circumspectio ex eo accipiet apud conscientiam omnium laudem et magnificentiam, si secundum regulam sequitatis et veritatis sortitum fuerit effectum. Quatenus ergo res jam processerit, non sit vobis credidisse aunicum vestrum certificare. Habetis autem idoneum, si placuerit, per quem fideliter remandare et secure potestis, priorem utique de Valle Sancti Petri, charissimum filium vestrum, quem in Christo genuistis, et ejus spiritum in omnibus vobis obnoxium reddidistis. Ad locum namque, qui Vallis B Dei (95) appellatur profectus, ut ibi priorem substituat, non multum a vobis remotus, si ei mandaveritis venire ad vos, tunc auribus instillare poteritis, quae de statu vestro grata vel ingrata vobis occurront. Et mihi quidem videtur, prefatum locum vestro auxilio et consilio multum indigere, quia episcopus, ad cuius diocesum pertinet, manum benedictionis et auxilii differt apponere. Neque enim cœmeterium, neque monasterii sui consecrationem, fratres qui ibi manent habere possunt. Vestra itaque interest, quod de facili potestis, pauperes Christi in hoc juvare, ut in loco benedicto Creatorem suum benedicant. In calce litterarum supponimus vobis commendare priorem, qui ibi substitutus est, quem de fornace religionis, et regularis subjectionis noviter extractum, ad curam animarum regendam filius uester manum mittere coagit. Doctrina itaque et auxilio vestro instruite illum, quia scitis quam difficultatem arripit, qui animas suscipit regendas.

EPISTOLA LXXXVII.

AD EUMDEM.

[vi. 3.] Una sua Christus amplissima et generalissima regula omnes tam præcedentium quam subsequentium catholicorum Patrum sanctissimas sanctiones compendiose includit, dicens de dilectione Dei et proximi : *In his duobus tota lex pendet et prophetae* (*Math. xxi*). Revocanda igitur sunt omnia, quæ sunt in Ecclesia Dei, ad hanc ornatissimam regulam, quia quidquid ab ea discordat, a spiritu pacis et charitatis non manat. Inde est, Pastor venerande, quod dispensationes quarundam institutionum non indigne admittuntur pro majori et meliori recompensatione. Volumus igitur vobis notificare, quanta mala et quanta hominum strages in

A terra nostra ex guerris quorundam nobilium hominum, videlicet comitis Vuischardi de Ruzeio, et comitis Recensis atque Hugonis de Petriponte, diebus nostris et antecessorum nostrorum acciderunt. Homines innumerabiles tam occisi quam capti et redempti sunt, et novissima damna sustinuerunt. Religiosæ domus deprædatæ sunt, et multa alia mala provenerunt. Interventu tandem bonorum et sapientum et religiosorum, matrimonia inter se contrahere disponuerunt, ut saltem isto nexu confederati, inter se pacem tenerent et haberent. Penset itaque vestra discretio, ut si quid de gradu consanguinitatis obstat, pro bono pacis, et pro tantorum malorum recompensatione, quæcunque fieri potest a domino papa non recusetur dispensatio. Valete

EPISTOLA LXXXVIII.

AD EUMDEM.

[viii. 9.] Domino ALBERTO cancellario (96), PETRUS abbas Sancti Remigii.

Pro aliis rogare cogimur, qui pro nobis vix exorare sufficiimus. Nec tamen in postulatione hesitamus, quam commendat justitia postulationis, conscientia postulantis, et pietas postulati. Justitia est suum jus unicuique servare; conscientia bona est, dilecto domino pro conservo fidei humiliter supplicare; pietas paterna est, propositum etiam inflexible anxiato filio benigne remittere. Scimus, domine amantissime, potestati apostolicæ subesse quod mandare voluerit, et dicere huic : C Vade, et vadit, et alio : Veni, et venit ; et servo : Fac hoc, et facit (*Math. viii*). Sed jungatur currus potestatis et pietatis, sublimitatis et mansuetudinis, ut media sternatur charitas propter filias Jerusalem. Certe, ut credo, aut nullas filias in terris habet Ecclesia, quæ est mater nostra, aut in Clarevallensi cœnobio quotidie parturit, et maternis uberibus alit matrissantes filias. Siquidem Jesu Christi de Virgine nati, in mundo religiose conversati, in cruce sub Pontio Pilato affixi, vera vestigia vestri Clarevallenses sequuntur, caste vivendo, Patri spirituali in omnibus obediendo, carnem suara cum vitiis et concupiscentiis quotidie crucifigendo. Si Deus pro his, quis contra illos ? Ecce pulli isti sub alis gallinæ, quæ se contra milvos spiritualis nequitie opponit, lambunt sanguinem Dominicæ passionis, et dormiunt sub umbra juniperi, labores suos consolantes dilectione protectoris sui. Quantu itaque periculi sit excitare quiescentes sub hac fico et vinea, non carnali, sed spirituali dulcedine, discernat discretissima moderatio apostolica, et non

JACOBI SIRMONDI NOTÆ.

me nec purgasset, cum Theodino collega dedit. Atque hic nimirum fuit exitus legationis, de qua audiens aet hoc loco, et de qua scribit Alexander epist. 54.

(95) *Vallis Dei.* Carthusiensium cœnobium ad diocesum pertinens episcopi Carnotensis. Ille enim episcopum significat. Aliud est Vallis Dei monaste-

rium, ordinis Premonstratensis in Remensis diocesi, quod ad rem nihil facit.

(96) D. Alberto cancellario. Cardinali, ad quem lib. vi, epistol. 4. Eadem Romanæ Ecclesiae cancellario et noster posthac sepius, et Stephanus item Tornacensis, ac Petrus Blesensis epist. 38.

auserat ab eis desiderabile oculorum suorum. Annon sunt alii præter istum? imo super numerum multiplicati sunt qui dicunt: *Ecce ego, mitte me* (*Isa. vi.*), cum iste dicat: *A, a, a, Domine Deus, nescio loqui, quia puer sum* (*Jer. 1.*). Forte dicitis: Quid ad te de Clarevallensibus, cum Samaritani non contantur Iudeis, et nigra Æthiopisæ facies et vestis differat ab illa ueste et facie, quæ apparuit apostolis in transfiguratione Domini? Ad quod ego: Ex multarum facierum personis, regina quæ assistit a dextris filii, in uestitu deaurato circumdata varietate, cantat in psalterio decachorlo ante sedentem in throno gratiæ, unde procedunt diversa charismata gratiarum, cum sit tamen unus, atque idem spiritus idem Dominus.

EPISTOLA LXXXVIII bis.

AD EUMDEM.

[viii, 13.] ALBERTO cancellario, PETRUS abbas Sancti Remigii.

Arca Dei Israel, area sanctificationis, arca fœderis, quondam ex præcepto legislatoris circumdata ex omni parte auro, antiquorum patrum sanctitate et doctrina, quam etiam cherubim gloria obumbrantia propitiatorum desuper tegebant, nunc in præsentiarum, abusione et negligentia filiorum Heli, uestimentis gloriae suæ spoliata, atque infecundis salicibus opera et reicta, juxta Isaiam (*cap. 1.*) sicut tugurium in cueumerario, et umbraculum in vinea, recordatur dierum adolescentiæ suæ, et plorans atque in maxillis suis lacrymas reponens dicit: Revertar ad virum meum priorem, quia mibi melius erat tunc magis, quam nunc. Boves calcitrantes, videlicet doctores, a semitis justitiae per sua desideria aberrantes declinant eam, cum deberent glorificare Deum, et portare in corpore suo. Verus itaque dolor illos tangit, qui diligunt illam non sermone et lingua, sed opere et veritate. Non ignoramus vos unum esse et speciale amicum sive filium universalis sanctæ Ecclesiæ, cuius typum et figuram illa arca tenuit. Ad luctum itaque et compassionem maternæ angustiæ, sive desolationis, vos advocamus, ut quidquid affectualis devotio exigit, maternis impendatis doloribus. Secundum enim locum post dominum papam a Deo in his corrigendis tenetis; sed cavete, ne in vacuum gratiam Dei acceperitis. Qui tñin spiritum vestrum (*97.*) et sanctam conversationem ante multis retro temporibus viderunt et cognoverunt, de meliorando statu Ecclesiæ spem optimam conceperunt, cum factum cancellarium

A audierunt. Nisi vero ubique essent notoria et vobis notissima, de his latius scriberemus. Tamen ne clausis labiis potius singultiamus quam loquamur. declarat charta quod non silet vita. Dilatat infernus animam suam absque ullo termino, dum immaniter grassatur, tam in oves quam in pastores. Qui enim prævi constituti sunt ad cælum, malo exemplo quos sequaces trahunt in infernum. Non de omnibus dico, novit enim Dominus qui sunt ejus. Quo autem mercede meliori digni sunt boni, eo amplius increpatione et correptione indigent mali. Isaías, Jeremias, Ezechiel sua prophætia nostra deprehenderunt tempora. Contra pastores namque, et perversos rectores, nuda, sed et vera retrorserunt jacula, avaritiam eorum, luxuriam, gulam, rapinam, et omnem injustiniam non in angulis, sed in plateis declamantes. Ingrediatur itaque in ossibus et medallis vestris, et impleat spiritum et os vestrum spiritus illorum zelotypus, conterens montes et petras, et efficax usque ad divisionem animæ, et spiritus. Gladius vester devoret carnes inebriatorum in cælo, quatenus emendatos remittatis nobis pastores nostros, et omnibus serpentinis exuviis spoliatos.

EPISTOLA LXXXIX.

AD EUMDEM.

[viii, 14.] ALBERTO R. E. cancellario, PETRUS abbas Sancti Remigii.

C En auctoritatis apostolice gallina grandosa et festosa congregat pullos suos obedientia et subjectione sub alas benignæ protectionis et discretæ consultationis, quid sutura? quid paritura? quod scribatur in generatione altera, ut populus qui creabitur laxet Dominum. Ecce Jacob senex et plenus dierum, qui diu luctatus est cum angelo schismatico (*98.*), exspectans salutare Dei, convocat filios ad benedictionem: nunquid tacitus quid Ruben fecerit, quod cubile patris ascenderit, et stratum ejus maculaverit? quid Simeon et Levi, vasa iniuritatis bellantia non prædicturus, aut constituturus, quid facere habeat posteritas futura? Grandis equidem apparatus Romani concilii, grandes portendit securitas nuptias filii regis Jesu Christi. Ministeriales et officiales hujus sancti concilii cum ceteris, imo præ ceteris cardinalibus, non ignoro vos a Deo prædestinatos, quorum fidem, religionem, constantiam et æquitatem in multis iam expertus est sponsus Ecclesiæ unicus Dominus noster. Adhuc habet opus, ut obsequium vestrum sit rationabile et acce-

JACOBI SIRMONDI NOTÆ.

(97) *Qui enim spiritum restrinxit.* Vir enim fuit Albertus cardinalis, qui et postea pontifex Gregorius VIII. insigni pietate ac religione, de quo in veteri Chronico hujusmodi est elogium: *Albertus de Benevento cancellarius vir magnæ sanctitatis ac laudabilis parcimonie in omnibus actibus suis religiosus fuit. Ecclesiam B. Martini in qua habitum religionis suavitatem, semper cordi habuit, quæ etiam ei annuatim*

vestes secundum regulam procuravit.

(98) *Cum angelo schismatico.* Triplici antipapa. Nam post Octavianum et Guidonem de quibus dictum epistola 22, contra Alexandrum stetit etiam Joannes abbas Strumensis, qui Callisti nomen usurpavit anno 1168. Addunt alii quartum Landonem, qui dictus sit Innocentius.

piabite in hoc concilio, ut accincti gladio utrinque acuto super femur potentissime putridas amputetis carnes, et insanas superstitiones, quæ flunt quotidie in orbe Christiano. Ramosa siquidem et silvosa quotidie pullulat apud nos malitia; securis autem evangelicæ disciplinæ, fabro dormiente et negligente, pene ubique jacet retunsa. Rarus est, qui eam, vel hebetatam apponat ad radicem arboris. Ut exprimam quod sentio, quam irrisoria subsannatio, quam laboriosa et lacrymosa, ne dicam tediosa, peregrinatio, quamque damnosa expensarum jactura, et bona bonorum consumptio, si cassa et sine fructu benedictionis redierit tam solemnis magnorum virorum et religiosarum personarum congregatio? Cavete ne dicatur:

Parturient montes, nascetur ridiculus mus.

HORAT.

Inveniuit igitur vos Jesus amicos veritatis, ut a porta usque ad portam transeuntes, vituli conflatis cultoribus non parcatis. Commendo vobis præsentium laores, charissimos et amicos et filios nostros, abbatess Sancti Petri de Montibus (99), et Omnim Sanctorum de Insula, et Sanctæ Mariæ Virtuensis, ut de gratia, quam habemus in vobis, gratiam inveniant in oculis vestris. Quam citius poteritis, cum gratia Domini papæ et vestra nobis eos remittite.

EPISTOLA XC.

AD ECCLÆM.

[viii, 15.] ALBERTO cancellario, PETRUS abbas Sancti Remigii.

Quoties naufragia patimur, toties ad portum se-
stinaamus. Portum autem tutissimi refugii in littore
vestræ amicitiae jamdudum fiximus. Molestiarum
quidem ventos frequenter contrarios sentimus, sed
portum vestrum usque ad graviorem non infesta-
mus tempestatem. Leviora enim discrimina aut pa-
tientia tolerat, aut virtus fortiter superat. Cum au-
ten nubes magna et ignis involvens naviculam no-
stram invadili, statim aut est periclitandum aut cito
enavigandum. Hoc anno dominus papa, vestro in-
terventu, privilegium suum Ecclesiæ nostræ indul-

JACOBI SIRMONDI NOTÆ.

(99) *Abbatess S. Petri de Montibus.* Monasteria sunt diœcesis Catalaunensis, duo quidem priora in urbe ipsa, tertium in oppido non ignobili. Sed monasterium Omnipotenti Sanctorum, scujus etiam mentio in epistola 6 Alexandri, ordinis est regularium S. Augustini, duo reliqua S. Benedicti.

(100) *Cœrouicas seu prie. de Marsna.* Quæ monasterio S. Remigii ita fuerant tributæ, ut decedentibus canoniciis in usus cederent monachorum. Diploma Conradi imp. Odoni abbati concessum anno 1145: *D. Odo venerabilis abbas S. Remigii confessoris et Francorum apostoli, nostram præsentiam apud Trajectum ulterius visitavit, et possessiones Ecclesiæ sue, quæ in regno nostro adjacent, nostro petit privilegio confirmari.* Marsnam videlicet cum omnibus appendicis suis, Herta, Cluma, Litta, Angledura, Becca, præbendas quoque Marsnenses in usus monachorum

A sit: in quo specialiter expressit canonicas (100). seu præbendas de Marsna, et quas in usus proprios jam a multis retro temporibus retinemus, tenendas in perpetuum confirmavit. Quæ etenim quondam fuerunt canonicorum præbendæ, a longissimis retro temporibus, donatione episcoporum Leodiensium, et confirmatione papæ Innocentii, in proprietatem transierunt et possessionem monasterii nostri. Nuper vero dominus papa rem, ut credimus, ignorans jam secundo scripsit præposito nostro de Marsna, ut daret præbendam cuidam clericu imperatoris, cum nec præpositus dare possit, nec sit præbenda quæ dari possit. Insinuate ergo domino nostro, ne velit panem filiorum tollere, et dare canibus, qui non cessant adversum nos latrare, et bona nostra auferre. Alias enim dicere compellimur: *Ecce in pace amaritudo nostra amarissima (Isa. xxxviii).* Nam per imperatorem tempore schismatis (?) instantissime id efficerem conati sunt, sed minime prævaluuerunt.

EPISTOLA XCI.

AD PETRUM CARDINALEM S. CHRYSOGONI.

[vii, 16.] PETRO cardinali (2). Sancti Chrysogoni PETRUS abbas Sancti Remigii.

Amplexus vestræ familiaritatis mihi gratissimos oro non senescere; sed cum ligno vitæ dies æternos tenere. Res siquidem est familiaris amicitia, quotidianis refricanda salutationibus, imo irriganda mutuis collocutionibus, et forte renovanda munerum compensationibus. Placuit dignationi vestræ me annumerare in amicorum vestrorum collegio sine merito quidem meo, sed non sine vestro. Meritum namque æquitatis est, si sumpus se inclinat ad insimum, magnus ad parvum, valens ad infirmum. Me vermem, me putredinem, me jamjam ad non esse tendentem reputo; vos cum senatoribus coeli thronum justitiae honorantem suspicio et angelos cum apostolo judicantem non dubito. An irrisorium est et non verum quod dico? Plane Scripturæ auctoritate id assero. Nam *labia sacerdotis custodiunt scientiam, quia angelus Domini exercitum est (Malac. ii).* Amicabilia sunt, exhortatoria sunt, ne Dominus et amicus obliviscatur, ca-

D decedentibus monachis [l. clericis] transmutatas. Nos itaque tam religiosi vii petitionibus diligenter obtemperavimus, et tam possessiones supradictas, quam præbendas in usus monasticos conversas regiae majestatis sigillo corroboravimus. Diploma item Friderici imp. quod Hugo abbas Aquisgrani obtinuit anno 1152: *Hoc etiam eidem B. Remigii Ecclesiæ regali munificentia adjacentes confirmamus, ut præbenda clericorum Marsnensis Ecclesiæ in usus monachorum decedentibus clericis sine ulla contradictione de cetero cedant.*

(1) *Tempore schismatis.* Ante annum 1177 quo imperator in gratiam rediit cum pontifice.

(2) *Petro cardinali.* Legato sedis apostolicæ, electo ante Meldensi, ut dicitur ad epistolam 117, legationem innuit epistolam 117, in qua et de Crispino eodem.

sum graviorem de excelso quam de imo. Certe sollicitudo amicalis frequenter tangit me inquirere de omni statu vestro, tam de interiori quam de exteriori: et gratias ago Deo meo, quia non nisi bona nuntiantur, non nisi honesta, non nisi ordini et officio vestro congrua. Oro ut qui coepit ipse perficiat. Magister Crispinus de vobis me latiscavit, referens unde gauderem et Deo gratias agerem. Clericus et amicus noster est; aequo desiderat esse et vester. Ecce Parisius ad scholas vadit, sed et ubique nomen vestrum super se invocari postulat. Utile equidem est tanto homini, qui tanta omnium sollicitudine pene continue vexatur, quod sui corporis necessaria et salubria postponens, ad intemperiem corporalem saepe delabitur. Rogo pro ipso, et cum ipso, quatenus gratiam non qualem qualem inveniat in oculis vestris, sed bonam, sed confortam, sed superagitatam et supereffluentem. Dico autem gratiam, non pecuniam. Hæc enim juxta Apostolum operanti redatur secundum meritum. Prae ceteris hoc unum ad presens postulat, ut de manu vestra primitias clericatus, id est coronam accipiat. Hoc etenim signo accepio, magis se obligatum erga obsequium vestrum non immerito deinceps arbitrabitur, et vos tanquam plantæ vestræ bonum jure providebitis. Credo per Dei gratiam quod alter de altero gaudebit, et Deo cooperante fructum salutis faciet. Diu siquidem laboravi, et monitis induxi, ut jugum in area Domini traheret, et glebas post ipsum confringeret. Valete, et de reditu vestro cum potueritis nos certificate.

EPISTOLA XCH.

AD ECKDEM.

[vii, 18.] PETRO cardinali Sancti Chrysogoni,
PETRUS abbas Sancti Remigii.

Raro meus sum, cuius ergo? forte Apollo? forte Pauli? forte Cephæ? Utinam! Nam bonam habent mensam, mansuetam et fructuosam disciplinam, donativum denique præcipuum et perpetuum. Diversorum autem subsellia et iniquam tyrannidem frequenter experior. Utique Roboam, qui credit scorpionibus: Pharaonis, qui affligit in luto et latere: Nabuchodonosor, qui potat urinam pecudum suorum, quos sub jugo carnis, ventris, et gulæ inescaverat. Denique in captivitate mea, et universa vanitate sub sole, concaptivam habeo puellam, nobilissimis ortam natalibus, videlicet pudicitiam. Hujus me injuriosa damnatio illorum, quorum carnes sunt ut carnes asinorum, non minus aggravat, quam propria miseria. Volui siquidem cum illa sedes amicitiae inire ab ineunte ætate, propter decorum suum, et genus illustriissimum, nec non et pacatissimum atque honestissimum contubernium. Cum itaque chaos give cohors spurcissimorum hominum, tanquam porci pretiosissimam margaritam de cœlo lapsam pedibus suis conculcent, quæ pax ossibus

A meis? quæ requies animæ meæ? Clamo, nolite, nolite; sed non est vox, neque sensus. Quinimo apponunt iniuriam super iniuriam, ut cum pudicitia obruant religionem. Huic nulla parcentes miseratione oculos erunt, convertendo ad vanitates, et insanias falsas; nasum præcidunt, discretionis, temperantiam evertentes; aures obstruunt, obedientiam non tenentes; labia concidunt, turpiloquio et scurrilitibus assuescentes; linguam decapulant, malum redarguentes et mendacium semper loquentes; manus ligant, eleemosynam non dantes, sanguini et avaritiae insistentes, pedes in nervo ponentes, Christum in carcere non visitantes. Quid amplius? nervos detrahunt religioni effeminati, qui sanctorum Patrum abstinentiam, vigilias, psalmiodiam, silentium, regularem disciplinam, claustralem remotionem a sæcularibus negotiis dissipant et vilipendunt. Forte dicitis, quid ad me? Certe vestra interest, et certe officii vestri est, certe debito nemini, pro posse vestro districta censura his occurrere injuriis, his aurem benignam accommodare, clamoribus, has dirimere quæstiones, et amputatis. Dagon brachiis et capite, arcum Dei restituere Bethsamitis. An habetis judicare causas pecuniarias, et non divinas? Quis vos misit? Ad quid vos destinavit Dominus Deus per vicarium suum dominum apostolicum? Ad quid? Ut solveretis asinam, id est religionem alligatam et pullum cum ea, id est, pudicitiam. *Dicite, inquit, quia Dominus his opus habet* (Matth. xxi). Sedet enim super utrumque, qui sedet super cherubin. Non negligatis Dominicum præceptum, imo non extinguitis in vobis spiritum Moysi, de quo dictum est: *Aueroram de spiritu tuo, et dabo septuaginta senioribus* (Num. xi), de quibus unus vos constituit gratia sua Deus. Quis autem est spiritus Moysi? Spiritus iniuriam non sustinens, spiritus occidens injuriam facientem, et vindicans patientem; spiritus defendens septem puellas filias Jethro sacerdotis Madiam; spiritus principem Ægypti decem plagiæ fieriens, et tandem in mare demergens. Diu detineo vos, quia non possum ore proprio, saltem scripto. Dulce namque mihi super mel et favum, vos alloqui, et vobiscum favellare. Hujus tamen causa et materia est magister Crispinus, clericus noster, imo et vester; nam populus meus, populus tuus, amice et domine charissime. Commendo itaque vobis eum, tanquam viseera mea, quia vidi honestam conversationem ejus, et proclivem ad meliora et viciniora saluti. Novi vos, quia talium familiaritatem non respisti. Habeat itaque vos dominum, et signo clericatus a vobis suscepto, patronum et auctorem hujus ordinis habeat.

EPISTOLA XCHI.

AD PRÆNESTINUM EPISCOPUM

[viii, 21.] Prænestino episcopo (3), PETRUS abbas Sancti Remigii.

JACOBI SIRMONDI NOTÆ.

(3) *Prænestino episcopo*. Berneredo, qui ex abbatte SS. Crispini et Crispiniani cardinalis Romæ ab Alexandro creatus est, epist. 94.

Plus molesta quam grata et jucunda occurrit materia, quoties ad scribendum unico et quondam collaterali amico abbati sunitur charta. Renovatur namque dolor meus repentina, sed et urgenti et urenti corresione animi, dum transmontana remotio intercurrit et amicos dividit aspectus, non tamen affectus. Accedit huic severissima desperatio corporalis incorporationis, cum forte instet citissima alterutrius solutio animæ et corporis. Bone nunc domine, olim amice dulcissime, quem constitues vicarium, qui vices tuas suppleat in nostris exsequiis, in oculis claudendis, extrema salutatione, et aeterna conclusione? De cujus manibus Salvator suscipiet spiritum meum, cum tuas mundas manus ad hoc delegisset dudum officiosum obsequium? Alius, ut video, amicus officii in his est substituendus. Sed quare conqueror? quare gemo? quare vultum obnubilo? Dei enim ordinationi quis resistit? An forte tulit Deus Eliam, ut Eliseus duplicum ejus reciperet spiritum? Nonne Joseph asportatio in Egypto fratrum ejus et totius successionis fuit salvatio? Nonne Jesus ante apostolos coelum ascendit, ut spiritum mitteret, et mansiones præpararet? Ecce juxta latus apostolorum locus a Deo tibi datus est. Quid ergo? Pulsa, excita: insta opportune importune (*II Tim. iv*), donec et ros et stillicidia gratiae de sanctis ossibus, imo interpellationibus eorum, aridam nostram infundat, qui gratiam apostolatus et benedictionem singularem ad nostram eis salutem inducit. Hoc munus si per te collatum fuerit, amissis præponderat, et una clausula innata beneficia coagulat. Domino papæ de sua gratia ad vos gratias agite. Cancellarium Tusculanensem (⁴), Albanensem, dominum Hyacinthum et Ostiensem sanctum virum, et si quos habemus alios amicos in curia, salutate.

EPISTOLA XCIV.

AD EUMDEM.

[ix. 1.] PRÆNESTINO episcopo (⁵), PETRUS albas
Sancti Remigii

Ex multa et pene inconsolabili cordis angustia, ex multorum relatione, perpendo vos usque in questionem tædii vitæ vestræ prorumpere. Hoc sine dubio sciatis viri minus constantis et prudentis esse. Apostolus certe magister non gentium tantum, sed cunctum Christianorum, scit abundare, et penuriam

JACOBI SIRMONDI NOTÆ

(4) *Cancellarium Tuscul.* Romanæ curiæ cardinales quinque. Ex his Albertus cancellarius jam notus est. Petro Tusculano scribit epist. 96. Et Stephanus epp. 50 et 89. Albanensis est Henricus, abbas antea Clarezavallis, hujus libri epist. 80, quem in synodo Lateranensi cardinalem nuper crearat Alexander. Hyacinthus postea pontifex, Cœlestinus III appellatus est. Ostiensis item episcopus Hubaldus, qui mortuo Alexandro succedens Lucii III nomen tulit.

(5) *Prænestino episc.* Berneredo cardinali. Jam monuimus ad epist. 95, quod hoc loco fusius narrat. Abbatem S. Crispini, cum Romam ad concilium

A pati, et in omnibus sufficiens esse. Ad hanc formam utinam componeremus titubantem vitam nostram? Causas tamen pusillanimitatis, imo assidue questionis, audire desidero, et tunc vel improbare vel approbare dolorem potero. Triplex siquidem occurrit mihi conquerendi ratio, sive occasio. Aut enim propria temeritas impellit ad aliquid faciendum, quod non sit faciendum; aut aliena calliditas, aut, ut vulgo loquar, perplexa divinæ prædestinationis necessitas. Sed propria temeritas semper culpanda; aliena calliditas cavenda; a Deo veniens justa sententia timenda; freno indiget propria temeritas, ut inconsulta; consilio aliena calliditas, ut suspecta; superna sententia timore, ut fortissima. Non mihi ignosco in propria temeritate, accuso me in alienæ calliditatis circumventione, gemo sub manus Dei percussione. Ne iterum præcipitet propria temeritas, rationem consulo; ne suffocet laqueus alienæ calliditatis, sapientem consulo; ne muero supernæ severitatis usque ad internecionem deserviat, humiliter imploro. In propria temeritate fragilitatem meam cognosco; in aliena seductione spiritum discretionis advoco; in flagellis divinis Deo me totum committo. Quero igitur, quam istarum imagis suspectam habeas, utrum unam, vel duas, vel simul tres. Si unam et tuam, propitiis tibi esto. Si alienam et meam, indulge mihi: fortius enim simplicitate quam calliditatem usus sum, quando ut tuo episcopo acquiescerem, ire cum eo ad concilium persuasi. Si te cœlestis dispensatio illaqueavit, quid tibi irasperis? quid mihi? Quis enim tu? quis ego? qui prohibere possem ne suo cursu curreret, quem nulla creatura declinare aut impedire potest? Quid enim Deus cogitat de nobis intra velum secreti consilii sui, eo usque nos latet, donec ad publicum nostrum ipso actu prodeat. Tandiu est nostrum nescire, quandiu suum duraverit celare. Longanimitter quoque exspectandum est, quod cum venerit, patienter est sustinendum. Non est properandum si differat; non est murmurandum si proferat. Jesus Christus heri et hodie: heri, antequam aperiat sacramentum voluntatis suæ; hodie, cum manifestaverit secretum præscientiæ suæ. Idcirco sic exclusa sopiaatur omnis vestra conquestio, ubi nec temeritas appetit reprehensibilis, nec calliditas apprehenditur damnabilis, nec Dei sententia intolerabilis. Etsi enim privavit solo paterno, hono-

profectus esset cum episcopo Suessionensi, cardinalatus insignibus ornatum fuisse, donatumque episcopatu Prænestino. Sed hunc Bernardum appellat Panvinius: nos Berneredum apud Cellensem, in cuius codice prima tantum littera notabatur, edidimus, Alexandri III diploma pro monasterio novo apud Pictavos secuti, cuius antigraphum quod vidimus Berneredum inter cardinales qui subscribunt exhibet episcopum Prænestinum. Ceterum Bernardus et Bernardus, idem nomen est, ut Medaredus et Medardus, Gildaredus et Gildardus, Felixius porro hujus obitum miraculis illustrem describit epistola 96 ad cardinalem Tusculanum.

ravit vos sublimi solio. Misere namque sapientia in craterem vinum suum, ne nimis sit potenti calidum, ne rursus insipidum. Insert exsilium presumptori, confert solatium exsultanti. Pluris est consolatio, quam desolatio vestra. Gregem pusillum dimisit, egregios cardinales amicos et socios recepit. Claustralem angulum reliquistis : urbem dominam mundi acquisistis. Abbatis gradum inferiorem episcopali quis nesciat ? Si corpora martyrum Crispini et Crispiniani Suesionis sepulta sunt; Petri principis apostolorum et Pauli doctoris gentium sacra-tiores reliquias in Romana urbe haberis qui ignorat ? Si paria in vestra computatione querantur, tam in relictis quam in adeptis longe imparia omnia inventiantur, praeter affectum qui inde torquetur, unde aliis extolleatur. Omnia secundum se affectus moderatur. Nihil apud ipsum magnum, nisi in se de se faciat magnum. Si ergo affectus mitigabitur, pacata erunt omnia. Naturae quidem mirabilis est animus, ex quo gignitur affectus. sed tamen quocunque suus pulsus illum tulera, omnia ad se trahit, et suo nihilominus sive sapore, sive colore intingit. Cui turbato nihil quiescit, cui amaro nihil dulcescit, cui avaro nihil sufficit, cui vago nihil consistit. Ecce, fixo nulla mobilia flectuntur, pacato tranquilla sunt etiam procellosa, benigno mansucent etiam ferocia. Sic Deus adduxit ad Adam cuncta animantia terrae, et volatilia coeli, ut videret quid vocaret ea. Omne enim quod vocavit Adam, ipsum est nomen ejus. Procul dubio animi est omnes motus cordis et corporis judicare, et nomina imponere. Unde auctoritas dicit : Affectus tuus operi tuo non nomen imponit. Praest enim volatilibus coeli cogitando de supernis; praest bestiis terrae, reprimendo motus carnis; praest etiam piscibus maris, moderando volubiles cogitationes mentis. Omni igitur studio est excolendus, sine quo nullus motus bonus. Laborandum ne sit malus, quia si malus est, non est in civitate malum quod ipse non fecerit. Enitendum quoque ut sit bonus, quatenus gratia cooperante creet bona, faciat pacem, et formet lucem. Diu detinuit epistola amicum occupatum in suis et domini apostolici negotiis. Proinde veniam peto. Remotissimum namque alloquor, quem solebam non chartis ad horam detinere, sed horis familiarissimo binc inde colloquio, diebus plurimis quandoque adjunctis et noctibus, occupare. Valete.

EPISTOLA XCV.

AD EUDEN.

[ix, 2.] PAENESTINO episcopo, PETRUS abbas Sancti Remigii.

Vix occurro suspicere turbam cogitationum sive materiarum, quae se iugerunt, insistentes opportune importune venire ad vos, dicendo : Ecce ego, mitte me. Inter ceteras vero adolescentulas medullatarum meditationum, faucessima illa et notissima atque nobifissima matrona, quae ab humero et sursum om-

A nes virtutes antecedit et præcellit, fraterna charitas, de qua ait Apostolus : Adhuc excellentiorem viam vobis demonstro (I Cor. xii), jure sedem regiam occupat, et suo splendore omnes obumbrat, imo illustrat, et suum tenere ordinem post se imperat. Huic obedient omnia, non solum terrestria, sed et ipsa cœlestia; nam de ejus plenitudine omnes accipiunt nomen, et virtutem, gloriam et honorem. Hanc ego licet statuta pusillus non attingam, tamen ad unam et minimam vestimenti ejus lumbriam totum me superextendo, et de salute nullatenus despero. Hanc cum amicis et inter amicos teneo et cognosco : et prius volo putrefieri cum vermis in pulvere terræ, quan fidem semel datam et amicitiam promissam negligentia aut subreptione interrumpere. Matrona haec duas habet claves, unam qua cor claudit et aperit, alteram qua atrii exterioris carbonam, id est arcam, in necessitatibus familiæ suæ similiter claudit et aperit. Cor est arca fœderis, ubi tabulae testamenti, virga Aaron, et manna reponuntur. Tabulae testamenti, ne ignores aut prævarices legem Dei. Virga Aaron, quæ fronduit et floruit, ut timeas offensam, quia virga; serves gratiam, quia frondosa et florida. Manna, ut per spiritum adoptionis degustes et prælibes gloriam absconsæ dulcedinis Deum timentibus, cuius stillicidium, ad quod lætatur germinans, sufficit in præsenti vita, et abundantia servatur in alia. Exclusa itaque omni malitia et iniquitate a corde, sola deambulet in suo pomerio charitas, sola ibi passat, et cubet in meridie. Non videat illam ingredientem et deambularem oculus nequam, qui fascinaverat Corinthios, et iniquos presbyteros. Cum tamen placuerit, advocet puellas suas de terra Israel, ut afferant ei smegmata suavissimi odoris, et oleum lætitiae, de quibus aspergat cubiculum ad adventum sponsi, qui de sua propagine non nisi cœlestes et mansuros fructus generat. Deinde egreditur ad hortum nucum, ad hortum pomorum suorum, ut videat poma convallium, et inspiciat si floruerint vineæ et germinaverint mala punica, ad hortum utique nucum, eremitarum et reclusorum, hortum pomorum, in sæculari habitu religiose viventium : poma convallium, qui elegerunt abjecti esse in domo Dei; D vineas, ferventes spiritu; mala punica, qui crucifigunt carnem suam cum vitiis et concupiscentiis. Ponit namque signa sua, pietatis opera, charitas in exitu actionum super summum, id est palam. Ponit namque et proponit, quatenus per signa extrinsecus apparentia deprehendatur intus latens veritas. Unde : A fructibus eorum cognoscetis eos (Matth. vii). Charitas enim aquas suas in plateis dividit, ut bibant homines et jumenta, quia sapientibus et insipientibus debitrix est. A corde tamen egreditur, et ad cor regreditur, quia cornua altaris ex ipso sunt procedentia, et nullum bonum opus remunerabile, quod non surgit de bone voluntatis radice. Ponit igitur charitas affec-

etum cordis et obsequium operis. Affectus latet, et opus patet. Sic habet charitas et secretum suum, et publicum. In secreto quiescit, in publico operatur. Imitatur operantem sex diebus, et Sabbato paucem. Duplex vero est officii ratio. Alia enim consideratur inter amicos, alia inter extraeos. Aliud est munus amicale, aliud generale. Amicale de corde exigitur, et in corde servatur. Generale de arca extrahitur, nec ibi retinetur. Ritus amoris non siccatur largiendo quod habet; sed arca extenuatur, dum evacuatur. Charius itaque est munus, quod nec arescit profusione, nec deficit largitione. Appetibilis tamen sepe requiritur, quod in manu vel sinu refunditur, quam illud quod in medullis amicalibus per fidem reconditur. Exteriora siquidem et visibilia, quia usibus humanis necessaria sunt; ab his amplius diliguntur, quorum appetitus tenacius in temporalibus quam in spiritualibus irreitur. Qui vero calcatis grossioribus carnis faculentis cubilia spiritus ingressi, subtiliari in spiritualibus consueverunt, in amicis querunt gratiam, non pecuniam, fidem, non extrinsecam possessionem, veritatem inviolabilem, non utilitatem temporalem. Qui enim cor hominis habet, quid est hominis, aut in homine, quod non possidet? Hinc est quod in Christo, quem Pater de corde suo eructavit, quando vel eternaliter aequaliter sibi genuit, vel temporaliter de virgine incarnationi constituit, omnia nostra sunt, juxta Apostolum qui ait: *Sicut Cephas, sicut Apollo, sicut mors, sicut vita, omnia vestra, vos autem Christi, Christus autem Dei* (*I Cor. iii*). Forte dicitis: Ut quid; et ad quid haec? Quia legi in litteris vestris, vos amisisse veteres amicos, nec comparasse novos. Concedo amisisse, si opinione aut veritate constat inveteratos esse. Vera certe amicitia puritate virginina, et caloris perpetuitate, neque adulteratur, neque refrigeratur; sed quotidiana renovatione cum sole semper oritur, nec moritur. Si unquam ergo habuistis amicos, adhuc habetis non inveteratos, quod esset vitium, sed remotos, quod est opus divinum. Sic enim Deus homines tanquam grana spargit et seminat. Nonne apostolos seminans ait: *Euntes in mundum universum prædicare Evangelium omni creaturae* (*Marc. xvi*). Veniendo evangelica prædicatione sparsit, spargendo in universum mundum unitate fidei univit. Sic nostræ amicitia vinculum neque ruptum, neque laxatum erga vos, sed protractum usque ad sedem vestram episcopalem incorruptum et semper novum existit. Nescio si fortius, scio tamen quia tenerius absentia me vobis, imo vos mihi inviserat, quam fecerit praesentia. Hoc probabile et necessarium argumentum est perfecta dilectionis, quando eo amplius in-

A cendit affectus, quo remotius separat locus. Praesentia siquidem suo visu solatiatur, et satiatur usu; famelica vero absentia, præ inopia etiam amaris juniperi corticibus sustentatur, et ad solitam visionis dulcedinem vivacius inflammatur, et nutritur tenacius. Duris agitatur stimulis desiderium, quod semper querit et nunquam invenit. Unde Psalmista: *Quærite Dominum, quærite faciem ejus semper* (*Psal. civ*). Et in Cantico, anima liquefacta surgit, et querit per plateas et vicos civitatis quem diligit. Neque igitur stylo inveterato, neque animo scribo vobis. De his hactenus.

B De statu autem nostro significo vobis, quod guttæ nostræ quasdam recenter sentio guttas. Cetera nostra, Deo cooperante, in omni prosperitate sunt. Theobaldum concorditer in abbatem vobis substituimus (*6*), et fratrem Joannem in omnibus ipse obediens effecimus; si tamen cum gratia vestra remanere poterit, quod omnino consulimus. Quid enim valeat, ubi est nobiscum, certi sumus. Quid vero apud vos facturus sit, nescimus. Certa vero pro incertis sunt relinquenda. Missale nostrum mittimus vobis, et breviarium fratri Lucae misimus. Quod vos supra modum in cibo et potu affligitis, non approbamus. Si nobiscum vivere et mori desideratis, non festinetis ad mortem, quia nescitis quid partitura sit crastina dies. Omnia possibilia sunt apud Deum, qui desiderium pauperum frequenter exaudit.

EPISTOLA XCVI.

AD TUSCULANUM EPISCOPUM.

C [ix, 6.] Tusculano episcopo (*7*), Petrus abbas Sancti Remigii.

D Ignis divinus non minus est perpetuus, quam in hostiis Deo dicatis sanctificandis sanctus. Hinc est quod in altari, ubi tam holocausta quam sacrificia, quotidie ad expiationem peccatorum Deo immolantur, jugis et perpetuus ardet. Quid autem hoc est, nisi quod Apostolus ait: *Charitas nunquam excidit?* (*I Cor. xiii*). Nam pura a simulatione, munda a sæculari ambitione corda, Christi acceptabilia sunt altaria, sive templa. Forcipe igitur litterarum vestiarum suscepit in aureo thuribulo bonorum verborum sacras evaporationes jamdudum succensæ fornacis ex mutua inter nos visione et allocutione. Deo gratias, quia non inveni aquam crassam imminutæ dilectionis, sed ipsum ignem, non sumantem, sed flammantem in penetralibus tanti domini et amici. Putabam illum suffocatum cineribus tantarum sollicitudinum, et varietate succendentium occupationum. Præterea causam et questionem gravissimam adversum vos habebam, si justum habuissent judicem. A quo enim primordia cognitionis et dilectionis cum abate Sanctorum Crispini et Crispiniani pia memorie habuistis, nisi a nobis? Quare

JACOBI SIRMONDI NOTÆ.

(6) *Theobaldum vobis substituimus*. Abbatem scilicet monasterii SS. Crispini et Crispiniani, cui ante prefuerat

(7) *Tusculano episcopo*. Petro. Petrum de Pavia,

hoc est Ticinensem, vocat Rogerus Hovedenus, de absolutione agens Willelmi regis Scotie per Lucium III, anno 1182.

ergo de nostro bono opere nos lapidastis? Annon lapidastis, quem tot amaritudinibus et afflictionibus de ejus absentia concussistis? Annon Jacob furtum Laban de filiabus suis fecistis? Forte furtum non negatis, sed pium appellatis. Sed si furtum, quomodo pium? si pium, quomodo furtum? Probo autem furtum. Nam furtum est contrectatio rei alienæ invito domino. Romam certe ad concilium non ivisset, nisi illum missem. Præter spem, et præter voluntatem meam illum retinuistis, et fratrem et parem vobis fecistis. Hoc tamen nec illi, nec nobis placuit. Mallet cellam Montis Dei incolere, ut frequenter mihi scripsit, quant episcopalem cathedram tenere. Quid igitur? Deus qui omnia conclusit, et meas querimonias prævenit, faciendo quod facere pie et misericorditer consuevit. Prævenit illum benedictionibus suis, et quem olim amicum et fratrem in terris habebamus, nunc dominum et sanctum in cœlis veneramus. Miracula enim, quæ facit Deus, testimonia credibilia sunt sanctæ conversationis ejus. Itaque digitum superpono ori meo.

PISTOLA XCVII.

AD BERNEREDUM ABBATEM S. CRISPINI.

[v. 1.] Charissimo amico suo BERNEREDO abbatii Sancti Crispini (8); frater PETRUS humilis abbas S. Remigii, semper bene valere.

Chariora mihi sorte et utiliora sunt spatia nocturnalia quam diurna. Siquidem diurna accersitis hinc inde et contra ductis copiosarum occupationum catervis, animam meam de manibus meis tollunt, et me mihi tam violenter quam frauduleenter assidue subtrahunt: hiemales autem noctes sua prolixitate non fastidium, aut tedium, sed interdum duplex beneficium conferunt. Tribunt enim corpori requiem, et animæ renovant vetustatem. Addunt insuper licentiam revisendi cœlestia, sua penetralia inquirendi, nec non et amicorum reminiscendi. Dicunt animæ cogitationibus sive meditationibus: *Vacate et videte quoniam suavis est Dominus* (Psal. xlvi). Ducunt etiam sua quiete et silentio animas usque ad tertium cœlum, dum extra mundum, extra carnem, supra animam, ad regales sedes omnipotentis Verbi sancta desideria provebunt. Statim filium hominis ad abyssos hunanarum infirmatum humiliiter inclinando pacata consideratione deponunt. Quis autem dum sua revolvit, amici negotia negligit? Plura de hac materia vobis libenter scriberem, sed scriptor noster frater Hugo, abrepia brevi chartula, propter finem chartæ finem fecit scripture nostræ. Vokui tamen breviter tangere verbum illud, quod mandastis per fratrem Joannem, et sic respondere, ut dicatis illi dominae et cognate nostre: Terra in conspectu vestro est, potestis bene facere et male.

JACOBI SIRMONDI NOTÆ

(8) *Berneredo abb. S. Crispini. Apud Suessiones, ut sequens epistola docebit. Duo sunt in ea civitate Sancti Crispini cœnobia, Benedictinæ familiæ*

A Sed melius est benefacere, quam male, quia benefacere sequitur gratia et gloria, malefacere vero poena et paenitentia. Dicite ei: *Melius est modicum justo super diritas peccatorum multas* (Psal. xxxviii). Dicite, inquam, ei, quia nobilis est minora a devotis grataanter accipere quam ab invitatis insolenter majora exigere. Valete, et pro nobis orate. Boamundus dicit vias pessimas esse. Servate nobis litteras istas.

PISTOLA XCVIII

AD BERNEREDUM ABBATEM ET FRATRES CONVENTUS SS. CRISPINI ET CRISPINIANI.

[v. 2.] Unicis amicis et fratribus BERNEREDO venerabili abbatii et sancto conventui Sanctorum Crispini et Crispiniani, frater PETRUS humilis abbas S. Remigii, dies solemnes et festivitates præclaras.

B Non est mihi datum desuper in præsenti vobis cum sabbatizare Kalendas præcipuas in natalitiis pretiosorum martyrum vestrorum. Unde quia non quod volo hoc ago, sed quod odi illud facio, pene irascor detentionum mearum funiculis, qui difficile solvuntur contorti, nec triplici tantum, sed multiplici connexione occupationum concatenatarum. Unum tantum quod vix residuum est mihi facio. Scribo itaque amaritudines meas, quas quotidie in distractione et distensione spiritus mei experior, dicens Ico: *Quare posuisti me contrarium tibi, et factus sum nihilmetipsi gravis?* (Job. vii) Ecce nunc vitulus saginatus immolatur Suessionis apud sanctos martyres Crispinum et Crispinianum, ecce symphonia et chorus, ecce amicorum ibi sanctus conventus, et ubi ego, et quid ego? Nec saltem hædus compunctionis pro peccatis meis conceditur. Servate tamen et mihi, amici charissimi, partes nobis de oleo exultationis vestrae, de adipe et pinguedine visitationis supernæ. Sufficiet enim copiosa gratia de mensa dominorum vestrorum nobis et vobis, quia sicut animabus suis non pepercerunt propter Christum usque ad mortem, sic Deus gratiam præmiorum exæquans gratiae meritorum, non est quod neget orantibus pro salute animarum. Jam siquidem de se securi, pro suis veneratoribus adbuc sunt solliciti. Adsunt procul dubio passionum suarum recitatoribus, et præcipue imitatoribus. Orate ergo sicut pro vobis, sic et pro nobis, quia nullum est detrimentum orationis, si pluribus impertiatur, cuius natura est eo magis abundare in effectu, quo amplius se dilataverit in affectu. Valete

PISTOLA XCIX.

AD EUNDEM.

[v. 3.] Domino et amico charissimo BERNEREDO abbatii Sancti Crispini, frater PETRUS humilis abbas S. Remigii, suis in omnibus, se ipsum per omnia.

Quoties in manu sumitur chartula vobis dicanda,

utrumque. Unum S. Crispini majoris appellabant de quo hic sermo; alterum S. Crispini in cavea. Re Berneredo autem abbate plura epist. 94.

toties mens repletur, etsi ante fuerat bonis omnibus vacua. Cum tumultu namque et impetu magno rex innumerabilis divergarum materiarum egredi accelerantium in ostio exeundi sese impingit, alia dicente: Prior ego amicum salutabo, alia illam transiliente, atque ramum olivæ præferente in ore, amici amplexus priores pertinaciter præripiente. Rebecca in utero suo miratur duorum fratrum, imo gentium dñarum haec intestina et plus quam civilia bella. Sed quid mirum, si ubi corpus perfecti et consummatio amoris, illuc congregantur aquilæ alternarum affectionum sive motuum animi, ut contendant non intrare, sed exire per angustam portam? Forte quod ait Laban, in terra sua consuetudinis esse, ut priores, licet lippæ, filiae tradantur ad nuptias, contingat ut Rachel, miræ pulchritudinis et amantissimi decoris, non agat choros saltationis, imo salutationis, ante Liam primogenitam suam, sed in ultimo sequatur cum Joseph et Benjamin. Semper enim meliora, digniora, et saluti viciniora non tanquam saecles in fundo calicis residunt, sed tanquam cibi delicatores, ut fastidium removeant, et appetitum renovent, in extremis apponuntur, quia melior est finis orationis, quam principium. Hoc in me ipso, hoc in amico desidero, ut nova semper sint, et nunquam veterascent desideria vestra, et semper sequamur ad palmam supernæ vocationis, oblii quæ retro sunt. Non enim tam quatenus perveneris pensare debes, quam quo pergendum, et peregrinationis meta figenda, atque trahendus funiculus. Sic audite facere, et valde congratulor. Ne tamen nimis extendas et protendas funiculum, cave rupturam. Melius est enim tendere, quam rumpere. Est modus in rebus. Ne quid nimis. An invideo, quia cito et bene curris? Nequaquam. Amo cursum, sed timeo defecum. Virtutes non bene colligit, qui matrem virtutum spernit. A stirpe virtutum degenerat virtus, quæ lineam temperantia non servat. De his hactenus.

Ceterum ineptias nostras quia, ut audivi, intemperanter desideras, volo tibi exponere quæ sint modo negotia nostra, et cui ad præsens labori humeros supposuerim. Successor ille noster (9) Cellensis abbas, quia non bene multiplicavit, imo non sovit ova, quæ illic reliqueram, sed conculeavit imperfecta, destruxit autem perfecta, ultra dissimulare non possum; sed aggredior tentare et probare, utrum Deus respicere dignetur priores meos labores, illum vel prorsus anovendo ab abbatia, vel saltu corrigendo a stultitia sua, et in melius commutando. Peue omnes priores mecum sunt, et ut credo, triginta vel amplius de fratribus. Ora ut Deus propitietur

A mihi, et domui illi. Frater Hugo ista debuit scribere, et in sero promisit, sed tardi dormivit, quandoi ista frater Henricus scripsit. Habet enim oculos nullos. Effert tamen bonitatem et pietatem vestram sibi exhibitam, usque ad celos, et usque ad nubes. Valete, quia deficit pergamenum.

EPISTOLA C.

AD FRATRES CELLENSES.

[v, 7.] Charissimis fratribus (10), filiis et amicis Cellensis monasterii, frater PETRUS Sancti Remigii dictus abbas, salutem in domino.

Præsenti epistole delegavi supplere in sancto conventu vestro, fratres et filii charissimi, si quid negotii est, quod ageret præsentia nostra, si adasset. B Poterit enim tutius proponere sufficenter et insolenter, quod nec inutile sit acquiescentibus, nec scribenti criminosum. Undecunque siquidem et de quoconque agere velim, oculi fascinantes non desunt, perverse interpretantes, maligne arbitrantes ea, quorum nec rationem attingunt, nec finem apprehendunt. Ipse autem ego Deum constituo arbitrum et judicem omnium quæ sunt ab ipso, veraciter diffiniendum quod est ambiguum, effeaciter executioni mandandum quod fuerit sententia diffinitum, et tenaciter servandum quod ex labiis ejus semel fuerit prolatum. Per ipsum igitur contesor hunc solennem vestræ fraternitatis conventum, ne a memoria vestra elabatur difficilis ille congressus sapientia et insipientia, justitiae et injustitiae, in quo graviter, sed fortiter desudastis, quidam fideliter proficentes et constanter perseverantes, quidam desicientes et retro abeuntes, quorum gloria in confusione ipsorum, qui Deo, et mihi, et vobis mentiti sunt. Jam Drogo ejectus est, ne dicam, draco, qui se terram et cœlum non solum concussurum, sed etiam evulsurum armis Judæ proditoris, id est pecunia publice minabatur; nescio si adhuc tertiam partem stellarum post se trahat; unum scio, quod de prædestinatis nullum Deo juvante absorbebit. In causa tamen ista, quia Dei est, nihil usurpet sibi stupra nostræ fragilitatis, insultando his qui occupati bello non interfuerunt, vel ex adverso steterunt. Exsultandum quidem cum tremore, non insultandum contumeliose in operibus Dei, quia semper Dei judicia suspecta sunt, et nunquam caput erigendum, dum in nubibus consignata, sollicitos non securos homines, tam in prosperitate, quam in adversitate faciunt. Sit itaque timor Dei in vobis, et apponite cor in his quæ de Drogone facta sunt, ne similia faciatis, quia non similia, sed pejora pateremini. Est proverbium: Excalda-

JACOBI SIRMONDI NOTÆ.

(9) Successor ille noster. Drogo, qui Cellæ abbas Petro ad S. Remigii prefecturam migranti suffectus, gradu postea ob rem male administratam dejectus est, ut scribit epistola 100.

(10) Fratrib. Cellensis. Prioribus et monachis.

qui ejecto Drogone convenerant ad novi abbatis electionem. Quare archiepiscopum, cuius consilio agendum monet, Senonensem intelligit. Electus porro est post Drogouem abbas Girardus

tus aquam timet. Spiritu igitur paraclético totum dégouium, et domini archiepiscopi consilio, atque viris religiosis et sapientibus, salva libertate electionis vestræ, committite. De nœa vero voluntate nulla sit quæstio, quia nunquam discordabit a gloria vestra, ab honore vestro, et ab utilitate Ecclesiæ vestræ. Interim resloreat in vobis ordinis sancta observatio, silentii virtus, lectio claustral is, capituli rigor, psalmodie tenor, unitatis compago, hospitum devota suscepio: et quidquid de justitiae et honestatis prosapia in exterminium evannerat, ad propriam conscientiæ vestræ sedem feliciter redeat. Scriptura enim mandatum domini sui eloquitur succincte, constanter et fideliter, nihil detrahens de injuncto mandato, nihil addens, non cedens fascinatibus, non credens adulatoribus. Pro eodem habet, si laudetur, aut si vituperetur. Quia igitur plures scio solere instanter insidiari, ut me capiant in sermone, potius elegi verba nostra scripto mandare, quam inconsiderata elocutione profundere. Valete.

EPISTOLA CI.

AD BERNEREDUM ABBATEM S. CRISPINI.

[v, 8.] Amico suo charissimo BERNEREDO abbati Sancti Crispini, frater PETRUS abbas Sancti Remigii, salutem.

Quærenti mihi materiam unde tibi scribere exordiar, vix una de grege innumerablem se sequens occurrit, arridens quidem prima fronte, sed vultum deuittens in secessu vel recessu præsentie nostræ. Quæris quænam sit ista materia tam blanda in exordio, tam religiosa seu timida in supremo? Certe fama glorie tuæ hæc est, quæ amicis tuis jucunda et exhilarata facie civitates, castella, vicos et plateas discurrit et circuit usque ad palatium regis, usque ad reginæ thalamum, usque ad comitissæ nostræ (11) cubiculum. Tempa quoque habitu religioso, vultu modesto perambulat: archiepiscopos, episcopos, abbates, clericos et milites sibi concilians, et ad venerationem sui non medicriter inclinans. Sed timendum, ne sol tanti splendoris, tantorum radiorum, vergat ad occasum, et dicatur: *Ad vesperum demorabitur fletus, et ad matutinum lætitia* (*Psal. xxix*). Quantum enim gaudii de sanctitate et justitia amici in amicorum amicos profluit, tantum in oris et doloris in evaporatione sive exinanitione earumdem virtutum circa eosdem residet. Video, video cogitationes tuas ad se ipsas tumultuantes, et quare amicus tuus talia tibi scribat, sollicitissime revolvere. Ti-

A midæ enim sunt cogitationes tue. Ne sis sollicitus, bone amice, res salva est, signacula clausa sunt. Aquilo durus ventus non congelavit continentiam, charitatem aut opinionem nostram. Qualem te habuimus, talem te habemus et semper habituri sumus. Huic quoque præsentium latori, si quid ex his imputandum, imputa: qui non solum scribere compulit, sed talem materiam præscripsit. Revocavit enim ad memoriam illa magnifica præconia, quæ auribus nostris instillaveras, quando ab illa solemnitate Trecensi, quantum vacuatus propria et bona conscientia, tantum inflatus vana lætitia rediisti. Dixisti enim te præ aliis exceptum et receptum a Trecensium comitissa, invitatum ad epulas, glorificatum in mensa, in omni postulatiōne exauditum, et cum longa cauda gloriæ reversum. Cave caudam, cum tam oannis laus, quam omne vituperium in cauda, id est in fine terminetur. Dico autem, quem te ipsum facis? Si hac facis, manifesta te ipsum mundo et nobis. Si enim propheta es in Israel, veni ad nos, ut ipsis rebus experiamur potentiam, prophetiam, et virtutem tuam. Signis enim quæ in patria tua facis, non credemus, nisi te vim, cuius spiritus in naribus, ex fructibus cognoverimus. Decurta tamen est gloria tua, quia non fecisti pacem inter archiepiscopum et adversarios (12) suos. Valete.

EPISTOLA CI bis.

AD PRIOREM ET CONVENTUM SS. CRISPINI ET CRISPINIANI.

[viii, 18.] Priori et conventui Sanctorum Crispini et Crispiniani, PETRUS abbas Sancti Remigii

Si quod consilium, si quod solatium, si denique consolatio ulla in me est, sine invidia vobis communicare debo; et tam in vobis novellas plantationes, quam frugiferas arbores qualicunque stillicidio nostrarum exhortationum rigare desidero. Vicarios siquidem affectus erga vos absentis dilecti et charissimi nobis abbatis vestri viscerali sollicitudine in ejus recessu me excepsisse reminiscor. Visitare itaque vos affectuosa charitate in vobis habeo; sed concurrentium causarum retardat concatenatio, et ægra aeris et itineris contemplatio. Supplet littera, quod non valet præsentia. Universitatem igitur vestram, filii charissimi, alloquor, et in Domino commoneo, ne quis de vobis vapor sinistri rumoris erumpat, ne odor suavissimæ opinionis excidat, ne districtio ordinis aliquatenus tepercusione aquilonari pereffluens evanescat. Facilius enim potestis servare quod tenetis, quam recuperare

JACOBI SIRMONDI NOTÆ.

(11) Comitissæ nostræ. Quæ paulo post Trecensis comitissa. Maria nimurum Ludovici regis filia, uxor Henrici comitis.

(12) Inter archiepiscopum et advers. Henricum Remensem et canonicos. Graves namque inter eos discordiae fuerunt; ad quas sedandas suam quoque

. operam contulit Alexander pontifex, cuius de ea re binas epistolas ad Henricum archiepiscopum, et ad Ludovicum regem illius fratrem vidimus in Bibliotheca Ecclesiae Remensis. De iisdem etiam turbis Remensibus agit et Saresber, epist. 214.

quod amiseritis, vel acquirere quod nunquam pos- A sedistis. Præveniente autem et præoperante Dei gratia, et adjuvante boni Patris vestri sancto exemplo atque doctrina, cooperantibusque vestris studiis, triplici, imo multiplici splendore supernus radius intrinsecus et extrinsecus, congregationem vestram illustravit religione, opinione et temporalium possessione. Hanc Isaac benedictionem dedit Jacob heredi suo. *Det, inquit, tibi Deus de rore caeli, et de pinguedine terræ abundantiam* (Gen. xxvii). De rore caeli pullulat claustral religio, et sanctitatis frangans optime suavis opinio. De pinguedine terræ frumenti, vini et olei exuberans secunda possessio. Hæc gratia gratos, non ingratos, Deo faciat. Humilia, non inflata pectora, certe gratia inhabitat; aut fugit inflationem. *Æquat inæqualia, frangit excelsa, elata tollit, aspera emollit, fracta consolidat, sicta respuit, dispersa congregat, congregata conservat*, hominem ad Deum elevat, Deum ad hominem inclinat. Hæc decurrit a throno gratiae ad thronum sanctæ conscientiae, et facit germinare fructus tricenos, sexagenos et centenos. Hanc quamvis erogare vobis non possum, tamen rogare possum. Hæc ergo vobiscum et in vobis sit semper. Amen. Orate pro abate vestro, et pro nobis. Fratrem Joannem, cui cura est de omnibus, specialiter commendo.

EPISTOLA CII.

AD ABBATEM S. CRISPINI.

[VIII, 17.] Abbatì Sancti Crispini PETRUS abbas Sancti Remigii.

Mira veri amoris natura: ignea siquidem est, et tamen contra ignis naturam acrius servet in amicis remotis, quam sub oculis constitutis. Quæris quare? Quia sollicitudo ministra dilectionis quasi jacet, dum quod amat videt; currit vero cum assiduo impetu mordens animum propter absentem amicum. Ubi est, inquiens, quem diligit anima mea? Vivitne? sospesne est? estne tristis, an laetus? estne timens, an securus? estne de me sollicitus, an ad se intentus? estne indigens, an copiosus? Hac fuscinula corbones suos amor movens, et communovens, auget flamnam, calorem multiplicat; medullam ossium liquefacit, et post dilectum longa reste sollicitum trahit animum. Trahit, inquam, fortius, dum longius subtrahit. Sic Tobias pater et senex, morantem filium suspirans gemit, accusans se non potius exceptisse pecuniae dampnum, quam pro ipsa misisse vel amisisse filium. Silenter et suaviter dormit dilectio, cum nullis evagatur excursibus querens de statu amici amicalis sollicitudo. Experto credendum est. Duros, imo acutos aculeos visceribus nostris infigit

Absentia vestri, quorum punctiones non eram expertus, dum presentem haberem, dum frequenter audirem. Præ ceteris unum habeo non vobiscum, sed adversus vos, quod intemperanter vivitis, non excedendo mensuram justam vivendi supra, sed infra. Sententia enim quæ dicit: Ne quid nimis, plus et minus redarguit. Amplius edere voracitatis est, minus hypocrisis vel avaritiae. Apostolus scit aludare et penuriam pati. In omnibus instructus est ad regulam vivere, qui neque ad ima curvatur, neque ad superiora distenditur, sed recto cursu bene tendit.

EPISTOLA CII.

AD ESKILUM LUNDENSEM ARCHIEPISCOPUM.

[V, 5.] Domino suo et amico charissimo ESKILU B Lundensi archiepiscopo, frater PETRUS humilis abbas Sancti Remigii, salutem et devotionis obsequium.

Suavissimus odor miserationum vestrarum non solum presentes recreat afflatu delectabili, sed etiam absentes et remotos attrahit ad se, spe nimirum tam dulci quam inconfusibili. quis enim vestra expetivit suffragia, et inconsolatus recessit? quis ad ostium vestrum pulsavit, et non aperuistis ei? quis de manu vestra benedictionem petens, tanquam of thesauris opulentissimis copiosam non retulit? Inter ceteros itaque, et de ceteris unus est T. presentium lator, quem tot pericula itineris, tot difficultates ad vos pervenienti non exterruerunt, nec retinuerunt, compellente et instigante illum tantum labore insumere fama, quæ de vobis ubique terrarum diffunditur. Non equidem rerum inopia, non abjectio et vilitas inter suos, evomuit illum in terram vestram, cum et canonicus Sancti Timothei (13) sit, et frater Hildoini, vice-domini et canonicus Sanctæ Mariæ Remensis. Rogamus igitur, ne frustretur spe sua, ne quando apud se pœnitens, et dolore cordis intrinsecus tactus dicat: Periit opera et impensa. Ego cum toto conventu Beati Remigii vester sum, et pro vobis orationem fundimus ad Deum, ut sanctissima anima vestra thesauros, quos in cœlo posuit per manus pauperum in exitu suo reperiat, et bonis domus Dei repleta cum sanctis angelis æterna lœtitia congaudeat. Valete.

EPISTOLA CIV.

AD EUNDEN (14).

Æternas et antiquas venas misericordiarum et benedictionum suarum profusa in omni largitate divina gratia his temporibus, licet charitas multorum refrigerescat, nondum exclusit. Quainvis enim re-

JACOBI SIRMONDI NOTÆ.

(13) Canon. S. Timothei. Basilicæ SS. Timothei et Apollinaris, in urbe Remensi, cuius sœpe mentio apud Flodoardum. Hujus ecclesiae præbendas concedebat abbas S. Remigii, ut docet Alexandri epist. 7.

(14) Vide epistolam 20. Eskilus, etsi archiepi- PATROL. CCII.

scopus erat in Dania, Suecia tamen etiam ecclesiæ procurabat, quia archiepiscopus Lundensis ex Adriani IV papæ decreto, quod Eskilo ipsi concessum est, primas erat regni Sueciae. Propterea ergo et Fulconem Estonibus eoviscopum crearat.

conditos et labentes sinus gratiae in mentibus mul-
torum fidelium Deus in Ecclesia sua adhuc retineat ;
vos præcipue tanquam lucernam super candelabrum
positam, oleo multiplici perfudit, unde multæ areolæ
ecclesiarum, episcoporum, pauperum, viduarum,
tam suaviter quam abundantanter irrigantur. A mul-
tis siquidem retro temporibus, non in vacuum sive
gratiam, sive pecuniam Dei exceperitis, ligando illam
in sudario, vel infra domesticos parietes recludendo.
Quis enim ad vos accedens vestram non sensit be-
nictionem ? quis quantumlibet tepens, audiens vel
videns conversationem vestram, manum egenis ex-
positam, ostium viatoribus patens, judicium et ju-
stitiam æqua lance, causam non personam discer-
nens, omnemque reliquam actionum et sermonum
vestrorum regionem perlustrans, non calefactus,
non melioratus, non bene instructus abiit ? Deo gra-
tias, qui juxta consuetudinem suam gratiam pro
gratia superabundare facit in vobis, ut melior sit
finis orationis quam principium, et ut exitus matu-
tini et vesperi delectabiles flant. Adhuc enim stil-
lant manus vestræ aromata Dei, quæ de thuribulis
sanctorum, per manus angelorum, in incensum suau-
titatis naribus sedentis super thronum gratiae refe-
rantur, quatenus in æterna tabernacula vos recipient,
qui de bonitate et beneficiis vestris in terris susten-
tati, per gratiarum actionem in cœlo jam sunt re-
cepti vel adhuc recipiendi. Pauper iste episcopus
dominus Fulco, quem per Evangelium in Christo
ego genui monachum, et vos episcopum, de magni-
ficentissima liberalitate vestra Deo gratias nobiscum
refert, exponens quod sustentamentum vitæ et pe-
regrinationis sue vos habet, et semper habiturum
confidit. Scitis, domine Pater, quam duram pro-
vinciam sortitus sit, et quod animam suam in ma-
nibus suis posuerit, potius mortem semper exspe-
ctans, quam longam vitam. Scitis etiam, quia qui
prophetam in nomine prophetæ recipit, mercedem
prophetæ recipit. Unde remittimus eum ad vos, et
commendamus eum Deo et vobis. Retinuimus eum
siquidem malo tempore, remittimus autem bono et
congruo, ut visitet messem, utrum matura sit ad
metendum, an immatura ad laborandum. Manum
siquidem misit ad aratum ope vestra et opere, ad
Christianitatem dilatandam, et horrea Dei fertiliori
segete implenda. Vestrum enim, vestrum est, quid-

A quid incrementi provenerit ex labore ipsius, quia
et de vestro vivit, tanquam operarius Dei et vester :
et ad gloriam vestram respicit atque coronam, quod-
cunque Christo acquirere potuerit. Non igitur obtu-
randum est os bovi tritauranti, neque palea subtra-
benda.

EPISTOLA CV.

AD EUMDEM (15).

[vii, 6.] Vacillans fluctuatione inter spem et de-
liberationem, ultra se intra metas patientiae non
potuit continere verus amicitiae affectus. Suadebat
spes quotidie, diligentissimum et dilectissimum do-
minum et amicum statum suum renuntiaturum. Ur-
gebat deliberatio, nil immorandum ad querendam
certitudinem de incertitudine adversi casus, qui di-
cebatur oppressisse tantum dominum. In his itaque
procellis usque ad lassitudinem animo laborante,
et diutius pensante quid inde potius esset eligen-
dum, communicato consilio cum dilecto filio **vestro**
abbate Sanctorum Crispini et Crispiniani, festina-
vi mittere ad vos nuntium nostrum, ut sciremus
quomodo tentaverit vos, et probaverit dominus,
tam in mari quam in terra. Nam parumper laxa-
vit frena leonis rugientis, quæ tenet in manu sua ;
sed nec rupit, nec solvit. Siquidem si Deus solvis-
set, aut diabolus rupisset, aqua nimia vos ab-
sorbuisset. Ad torporem itaque, si quis in vobis,
aut in vestris erat, excitandum juste passus est
dare fremitum ; ad ostendendum erga vos filialem
affectum, pie reclusit ora leonum, et maris ferocem
tumultum. Non dormivit Dei justitia, nec se elongavit
divina clementia. Impugnari voluit diabolus,
sed sola peccata purgavit Dominus : fidem puram,
devotionem sanctissimam offuscare voluit princeps
tenebrarum ; sed Deus qui lux est, et tenebrae in
eo non sunt nullæ, de camino clariorem extraxit, et
aurum suum pretiosius reddidit. Si superest dilectus
noster Crispinus, attentissime illum vobis commen-
damus, et filium Joannis Burgensis nostri, et omnes
quos vobiscum duxisti. Dilectissimus vester
abbas Sanctorum Crispini et Crispiniani salutat
vos. De his quæ apud nos sunt, suggero Domino
meo, quia satis prospera sunt. Senonensis archiepi-
scopus factus est Remensis (16) : magister Joannes
Saresberiensis, quondam clericus noster, factus
est episcopus Carnotensis (17). Conventus noster

JACOBI SIRMONII NOTÆ.

(15) *De Eskili naufragio, quod in Danica navi-
gatione passus est, scribit denuo epistola se-
quenti.*

(16) *Senonensis archiep. f. e. Remensis. Willelmus Theobaldi Magni filius. Vetus Chronicum anno 1177 : Willelmus Senonensis archiepiscopus a clericis Remensibus postulatus, mortuo Henrico Ludovici regis germano, qui per annos xiii Remensem ecclesiam palatiis, turribus et aliis munitionibus insignissime illustravit, regendam papa Ale-
xandro assentiente suscepit.*

(17) *M. Joannes Saresb. f. e. episcop. Carno-
tensis. Anno 1177, ut est in supplemento Sigeber-
ti. Castigandus ergo episcoporum Carnotensium*

catalogus, qui Willelmum Joanni et Petro nostris
postponit, cum praेire debeat. Nam Roberto, qui
obii anno 1164, successit Willelmus. Hic quarto
post anno archiepiscopatum Senonensem adeptus,
Carnotensem quoque retinuit, consecratusque est
anno 1168 ; de cuius ordinatione tacito nomine Sa-
resberiensis sub finem epist. 233, et Robertus S.
Mariani monachus in Chronicis. Idem denique ad
Remensem cathedralm, ut paulo ante dictum est,
translatus, Carnotensem Joanni hoc anno reliquit.
Joannis successor fuit Petrus noster anno 1182,
Petri Reginaldus anno 1187. Ad Reginaldum ele-
ctum extat epistola Stephani Tornacensis, cxxxvi
quæ hæc omnia confirmat : *Ut sicut prædecessores*

semper orat pro vobis. Joannes Burgensis multum A dit et evertit domum quærens drachmam perditam, quando scissuras in muris Jerusalem et ruinas respicit, si forte cum Zorobabel et Esdra reparare licitum sit. Occurrunt vestigia erucæ, locustæ, bruchi, rubiginis, quæ devoraverunt universa speciosa deserti, pilosi, onocentauri, ululæ, simiæ, et omnis generis phantasmatum grandis silva. Si quando autem idem oculus sursum palpebras exeret, et cœlum aspicerit, videt Dominum innixum scalæ, vocantem et exspectantem male soporatum, et dicentem : *Surge qui dormis, et exsurge a mortuis* (*Ephes. vi*), et : *Lazare, veni foras* (*Joan. xi*), et : *Adolescens, tibi dico, surge* (*Luc. viii*), et : *Puella, surge* (*Marc. v*). Porrigit quoque manum Petro naufraganti, occurrit in via Saulo spiranti minas et cædes in discipulos Domini : prodigo filio revertenti, stolam, annulum et calceamenta restituit, convivium et vitulum immolat, et misericordiarum suarum silvam condensam fugientibus et eruptis de laqueis ferreis ad sese resovendum offert. Hujusmodi collyrio relevatur turbatus de se ipso ad se ipsum oculus. Jam illum convenio oculum, qui de vobis amicabiliter sollicitus, lustrat vias nostras et studia ab adolescentia. Dic mihi, bone ocale, de amico nostro quod occurrit, quod sentis, quod intelligis. Non sine multa fatigacione, inquit, gesta ejus recoleo, quia aliquando vidi illum supra nubes ambularem, et usque in densissimam altitudinem evolantem. Quis gloriam illam, quis potestatem, quis dominationem, quis rerum omnium opulentiam, quis erogationes et donationes tam largas, tam irnumeratas enarrare sufficiat? Quis enavigationes, quis marina pericula, quis insidias magnorum latronum dicat? Tandem Lucifer ille, qui mane orbatur, qui inter astra Dei solium gloriæ et archiepiscopatus tenuerat, non sicut fulgor de cœlo cecidit, sed sicut filius hominis semetipsum exinanivit, formam pauperis assumpsit, principis mundi exuvias rejectit; ut si Laban Jacob insecurus fuerit, idola sua apud illum non inveniat, et cum Domino, saltem cum beato Martino dicat : Nihil in me repieres, inimice. Ecce sic humiliatus in Claravalle spicas recolligit post terga metentium, non glorians de labore, sed se humilians de impossibilitate. Voluntate quidem currit, et charitate cum prioribus et juvenibus, sed ætate et infirmitate sortem habet cum novissimis, ut sit novissimus vocatione, primus remuneratione, quia apud patremfamilias, cuius universæ viæ misericordia et veritas, non est potior remuneratione qui prior tempore, sed prior denarii acceptance, qui posterior labore et tempore.

AD EUMDEM.

[vii, 13.] Londensi archiepiscopo, PETRUS abbas Sancti Remigii.

Imago vestræ dilectionis impressa et expressa stylo ferreo in ungue adamantino cordis nostri viget, et in eo vigere non cessabit. Radicem namque misit deorsum, quam irrigare non cessat jugis et quotidiana recordatio benignitatis vestræ ad amicum, ne dicam ad servum vestrum. Totum enim occupat gratia et amicitia, excluso et expulso timore, tanquam mercenario. Inde est, Pater reverentissime, quod in oblatione primitiarum mearum Domino vivo et vero, vestri quoque memoriam ejus prepetitioni pro posse quotidie repræsento. Rediit ad nos magister Crispinus, marina potione non parum amaricatus, vestro tamen beneficio aliquantulum recreatus. Inter cætera retulit nobis duram historiam naufragii vestri, in qua elatione sævissima mare adversum vos intunuit, ventus immoderatus navem ferociissime repercuttis, tempestas paulo minus absorbuit. Recordor, Petrum in fluctibus ambularem, et ventum validum contra illum ve-
mentem, Paulum tertio naufragantem, Jonam absor-
ptum a bellua, quæ tamen illum retinere non potuit. Domine Jesu, ubi eras? manum auxillii quare tunc subtrahebas? nisi forte ut de reliquis calicis tui, quem cum in passione gustasses bibere noluisti, ministri tui et sequaces de eodem misto portionem, sive potionem, quæ sibi contingebat, ad recuperan-
dam sanitatem, imo hæreditatem [sup. biberent].

EPISTOLA CIVIL

AD EUMDEM.

[vii, 17.] E. Lundensi archiepiscopo (18), PETRUS abbas Sancti Remigii.

De duabus oculis meis, alterum ad me retineo, alterum frequenter ad vos, Pater et domine charis-
sime, restorquo. Qui meus mihi remanet, quid in
me video? Certe plura, quibus condolet, quibus illa-
crymatur, quibus usque ad nimiam suffusionem
turbatur. Certe reptilia, quorum non est numerus;
certe gentem illam nefariam, quam Ezechiel vidit
depictam in pariete domus, quam jubente Domino
effoderat. Ad ultimum, quædam ineffabilia non pro-
funditate mysterii, sed enormitate corrupti animi.
Sed quando ista cernit oculus? Quando incurvatur
ad suas feces revolvendas, quando lucernam accen-

JACOBI SIRMONDI NOTÆ.

testri Carnotenses episcopi, præcipue Dominus no-
ster, id est Willelmus Reginaldi avunculus, tum
Remensis archiepiscopus superstes, et post eum
bonæ memorie Joannes et Petrus episcopi nobis be-
nevolè deferuerunt, et vos æquis passibus, si non
majoribus deferatis. Item supplementum Sigeberti
anno 1177.

(18) E. Lundensi archiep. Qui tum monasticam

vitam inierat in Claravalle, abdicato post annos
xli archiepiscopatu. In Gestis Danorum: Anno 1178
Eskillus secundus archiepiscopus Dacia recessit fa-
ctus monachus Claravallæ. Absalon fit archiepisco-
pus. Anno 1182 obiit Eskillus archiepiscopus in Claro-
valle. Quadriennium ergo inibi vixit. De hoc ex-
cessu scribit etiam Saxo grammaticus Historia Danicæ libro xiv.

Annon ita est? Plane hoc probat Veritas, qui prius latronem de cruce transtulit in paradisum, quam principem apostolorum Petrum, cui tamen dederat claves regni cœlorum. Pietatis est, parum de meritis præsumentem suspicere; securum vero, si necesse sit differre, et citius trepidantem a timore excutere, quam jam subaratum admittere. Ecce, Pater amantissime, ut credo, non me fecellit oculus meus. Hæc enim eadem præter illum multi alii de te mihi dixerunt. Sit itaque pax cum spiritu tuo, sit anima tua cum Deo meo. Sit melior finis orationis, quam principium, quia omnis laus in fine canitur. Totus sum vester.

EPISTOLA CVIII.

AD EUMDEM.

[viii, 1.] Eskilo Londensi quondam archiepiscopo (19), PETRUS abbas S. Remigii.

Frequens corporis molestia hortatur cogitare de patria, ubi nulla est tristitia. Quanto enim ista infelicitas quam patimur, tanto illa felicior quam speramus. Utinam jam littus ejus attingeremus! utinam fluctus istius evaderemus! Circumferimur, periclitainur, naufragia experimur, et exire dissimulamus? Quis non optat portum, ne incurrat naufragium? Quis non praecedit hærentis in salo naviculae funem, ne sentiat tempestatem? Quis neglit patriam, et amat exsilium? Quis fugit patrem, et sequitur hostem? Gaudeo quia jam tenetis portum, et sedetis ad portam sanctæ civitatis, cuius participatio in id ipsum. Vacillat quidem adhuc navicula nostra, sed spero et exspecto solatium vestrum, cuius per integrum amicitiam possideo totum animum. Adjuro vos, si inveneritis dilectum, imo si veneritis ad ejus cubiculum, nuntietis ei quia amore langueo. Credite mihi, si venirem ad porticum Salomonis, ne dicam ad sanctuarium Salvatoris, loquerer pro amico, postularem pro domino meo, pronuntiarem in auribus Domini Sabaoth, et quæ mihi, et quæ per me pauperibus fecistis. Appellarem pium, compellarem justum dicens: *Memor esto verbi tui seruo tuo (Psal. cxviii).* Est enim verbum tuum, quod uni ex minimis meis fecistis, mihi fecistis (*Matth. xxv*). Ecce substantia domini mei Londensis quondam archiepiscopi, nunc pauperis Clarevallensis, per manus pauperum tuorum apud te est. Repende ergo ei vicem, et da ei substantiam tuam, qui tibi dedit suam, tamen quam tu dederas, quam a te acceperat. Amantissime Pater, non dormit neque dormitat in recordatione

A vestra cor meum. Clamat, pulsat, statque ad fores nostras: Quando, inquiens, videbo quem desiderat anima mea? quando veniam et videbo illum? Via longa est, pedes vix moventur, renes congelantur, et quomodo longe positus amicus videbitur? Querendum est ergo remedium, ubi primum deest solatium. Pergere nequeo, scribere saltem valeo. Cernere non potest oculus, alloquatur stylus. Currat in membranis littera, quia in membris suis retardatur corporalis præsentia. Referat charta quod non potest lingua. Supplet imago mortua, quod non valet viva et vera. Syllabæ fortunam nostram nuntient, quia eloquia oris nequeunt; desidero vos videre. Pax Christi et gratia Dei vobiscum semper. Saluto cappellanos, et priorem, dominum Gaucherium, et dominum Antisiodorensem episcopum, et Philippum, et omnes amicos nostros. Valete.

EPISTOLA CIX.

AD ARCHIEPISCOPUM LUNDENSEM.

[viii, 19.] Archiepiscopo Londensi (20), PETRUS abbas Sancti Remigii.

Spiracula virtutum et odoramenta suavia sunt et perpetua. Nam nec longævitate veterascunt, nec longinquitate odorem suum minuunt. Ecce vestra Dacia remota est a nostra Francia. Distant enim et moribus hominum, et consuetudinibus, sive situ terrarum. Sed virtus, sive hic, sive illic, nec rultum mutat, nec habitum; nec fructum, nec usum. Species illi una et in Dacia et in Francia. Quorsum hæc? quid ad materiam præsentem attinet de insolubili et immobili vigore et decore virtutis scribere, cum sufficit grates referre vobis pro beneficiis fratris et amico nostro Fulconi episcopo collatis, et quod obsequium suum tartum Dominus tam indigno monacho litteris suis porrexit? Sed peccatum reputo falsa dicere, nihilominus et vera tacere. Sicut enim improbus incenditur, aut inflatur, si falso laudetur; sic prædictus naturali et gratuita bonitate humiliatur, et fortius ad meliora accenditur, cum ad se et ante se relatione, non adulatoria, sed vera revocatur. Timet enim, ne non sit vel minus sit, quam dicitur. A multis retro annis, Pater charissime, de vestra nobilitate et industria plura audivimus, et quod ferventissimo zelo quæ Dei sunt in vobis et in aliis augmentare studeatis. Tenui fama hoc didiceram, sed cumulum veritatis et certitudinis adjecit charissimus noster et vester, Fulco episcopus. Phinees utinam tam apud vos, quam apud nos

JACOBI SIRMONDI NOTÆ.

(19) *Eskilo quondam archiepisc.* Nunc monacho Clarevallensi. Antisiodorensis episcopus, quem extrema epistola salutat, est Alanus, qui relicto item, ut ante monuimus, episcopatu ad Clarevallenses jam pridem redierat, anno ut Chronicum S. Mariani notat, 1177. *Gaucherii* etiam ac *Philippi monachorum Clarevallensium* fit mentio in epistolis Nicolai.

(20) *Archiep. Londensi.* Absaloni, ad quem et

proxima, et Stephani Tornacensis multæ. s episcopus antea Roskildensis in Dania. Eskilo archiepiscopo abdicavit successerat, ut adnotatum est ad epist. 107. Inde maximus Danorum pontifex dicitur Saxonii Grammatico qui se Absalonis hujus hortatu Danicam historiam aggressum testatur in proemio. Daciam vero pro Dania scribit. recepta plerisque etiam illius ævi scriptoribus consuetudine.

resurgeret; et filii Mathatiae antiqua pro lege Dei A bella renovarent, et sibi usque ad animas non parcerent. Ferventis illius spiritus stillicidium in vobis infundat Spiritus sanctus. Satis dictum sit sapienti. Pro his quæ aguntur in partibus vestris erga nepotes et amicos prædecessoris vestri, utinam ea nibi esset apud vos gratia et amicitia, quæ apud illum est; et sicut illi honore, sic dilectione succedatis. Valete.

EPISTOLA CX.

AD EUMDEM.

[viii, 20.] Archiepiscopo Londensi, PETRUS addas Sancti Remigii.

Gratias divinae agimus gratiæ de bono odore grattissimæ famæ vestræ; cujus tam copiosa redundant affluentia, ut cœlos ascendat, et terras etiam finitimas suaviter respergat. Larga Dei manus de oleo colestis promptuarii mensuram bonam, et confertam, et coagitatam, et supereffluentem dedit in simum, imo in caput vestrum. De hoc itaque oleo et lampas propriæ conscientiæ decenter ornatur, et lucernæ totius provinciæ vestræ sufficienter suffunduntur. Scio et pro certo habeo, quod nisi fundatum subesset bonæ conscientiæ, non sic dilataretur, et continuaretur vapor tam lucidæ et præclaræ famæ. Germen antiquum prædecessoris vestri non sub una nocte aruit, sicut cucurbita Jonæ, requevit spiritus Eliæ super Eliseum, utique Esquilii super Absalonem. Rigavit quod ipse plantavit, nec sufficit rigare, nisi adjeceritis et nova plantare. Deus itaque incrementum dabit, nec erit utriusque vestrum labor inanis, ubi superaddit gratiam manus superni remuneratoris. Nunquam enim Deus fraudat operarium suum digna mercede. Utique et pie juvat laborantem, et juste remunerat operatorem. Unde et suum est nihilominus et suum munus. Nequaquam igitur mentitur opus olivæ, ubi cooperatur donum gratiæ. Non casset itaque operatio, ubi restat certissima remuneratio. Denique, Pater amantissime, carbones vivos et consolatorios instantissime animo vestro suggerat, non solum spes futurorum, sed etiam ipsa prælibatio, qua jam nunc memoria vestri traditur et commendatur orationibus fidelium et sanctorum virorum. Interim ne miramin?, quod ego ignotus et terra remotus jam secundo scribo vobis. Habetis amicos juxta vos et notos, Fulconem quondam monachum nostrum, nunc episcopum, qui multis persuasionibus pulsat me, et compellit vobis scribere. Præsentium quoque hinc, qui vos usque ad angelos Dei extollit.

JACOBI SIRMONDI NOTÆ

(21) *Henrico Rem. archiep.* Qui regis frater et episcopus Bellovacensis, epist. 21. Frater enim fuit Ludovici Junioris, et ad Remensem cathedralm translatus est a Bellovacensi.

(22) *Joanni canc. et R. cant. Compend.* Videntur in comitatu fuisse archiepiscopi Remensis, qui

EPISTOLA CXI.

AD HENRICUM REMENSEM ARCHIEPISCOPUM.

[i, 14.] Veneribili domino et Patri charissimo HENRICO Remensium archiepiscopo (21) frater PETRUS humilis abbas Sancti Remigii, se ipsum devotissime.

Cum semper præsentia vestra nobis et toti provinciæ Remensi necessaria sit, quia nunc solito increverunt et intumescunt tribulationes, quæ circumdederunt nos, omnino postulantes rogamus ne moram faciatis redire ad nos. In absentia enim vestra cornua sibi assumunt inimici vestri et nostri, adeo ut non sit pax ingredienti vel egredienti. Indifferenter ingrediuntur rapere, vastare et devorare omnia, in quibus manus injicere possunt. Monacho, clericu, laico, pauperi, viduæ, nullique conditionis miseræ parcunt. Placeat igitur, Pater amantissime, sollicitudini vestræ inclinare animam necessitatibus et angustiis terræ vestræ, quæ clamat ad vos et post vos.

EPISTOLA CXII.

AD JOANNEM CANCELLARIUM ET R. CANTOREM COMPENDIENS.

[vi, 7.] Magistro JOANNI cancellario, et R. cantori Compendiensi (22).

Tam sedula dilectissimi domini mei archiepiscopi in pectore meo viget memoria, ut non solum vigilans, sed etiam dormiens frequentissima visione et allocutione fruar de absente, quod modo non possum de præsente. Nulla falsitas in sua et nostra dilectione, quia benignissimum et dilectum semper habeo illum patronum. Tam de ipso itaque, quam de vobis, et omnibus sociis vestris, habetur apud nos continua et indefessa oratio. De statu autem nostro et terræ vobis remando, quia in pace sunt quæcumque ad dominum nostrum pertinent. Unde cuncte enim bene agitur circa negotia ejus, et nepotes sani sunt. Dominus quoque Galeranus strenue agit, et dominus Thomas sacerdos, et magister Radulfus, nec non et archidiaconus, et omnes amici vestri. Unum solum est quod nobis deest, præsentia vestra, et domini nostri, quani rogamus, ut salvo ejus honore maturetis citius nobis et patriæ restitui. Omnes socios vestros et amicos salutate, præcipue abbates Belliloci et Sancti Petri de Montibus (23).

EPISTOLA CXIII.

AD PHILIPPUM COLONIENSEM ARCHIEPISCOPUM.

[i, 13.] Domino suo et Patri charissimo PHILIPPO

Romam profectus erat.

(23) *Abbates Belliloci et S. Petri de Montibus.* Utrinque monasterium ordinis S. Benedicti: illud quidem in Argona pago diœcesis Virdunensis; hoc vero Catalauni, de quo iterum epist. 89.

Coloniensi archiepiscopo (24) frater PETRUS humiliis abbas Sancti Remigii, salutem cum omni devotione.

Frequenter cum beato Remigio patrono vestræ sublimitati humiles porremus preces, si quo modo animum sine culpa nostra, ut credimus, hactenus implacatum nobis ad misericordiam faciendam flectere possemus. Denique iterum atque iterum quanta humilitatis supplicatione potest tota congregatio nostra appellat, si qua sunt in vobis viscera misericordiæ, ne adhuc extenta in flagello nostro perseveret manus vestra. De clementia namque Dei indultum est, ut potestatem habeatis et bene facere et male nobis si vultis. Nolite oblivisci, quia limites, quos Dominus dominationi vestræ posuit, certi et finiti sunt in prædestinatione Dei. Utimini ergo potestate vobis concessa semper ad bonum, nunquam ad malum; nam indubitanter uliusque sequitur retributio æterna. Pro Jesu itaque amore, et per Christum Jesum contestamur vos, quatenus miseremamini pauperum compeditorum, quibus nec ingredi, nec egredi licet, nisi sub manu et cum licentia pastoris. Boves sunt tritantes, nocte et die pro peccatis suis et totius mundi Dominum deprecantes. Ne obturetis ora eorum, subrahendo alimoniam a prædecessoribus fideliter pro remissione peccatorum suorum eis concessam. Certe non erit famæ, et gloriæ vestræ augmentum, nec cumulus divitiarum, nisi tantummodo peccatorum. Respondemus itaque pro præbendis de Marna (25), de quibus mandatis, ut de manu nostra eximendo quibuslibet personis eas daremus, quod nullatenus in sæculum sæculi id facturi sumus. Provolui etiam genibus vestris, ne id ultius a nobis exigatis, exoramus. Valete.

EPISTOLA CXIV.

AD THOMAM CANTUARIENSEM ARCHIEPISCOPUM.

[1, 10.] Domino et Patri charissimo THOMÆ venerabili Cantuariensi (26) archiepiscopo, frater PETRUS abbas Sancti Remigii ex toto corde devotissimam salutem.

JACOBI SIRMONDI NOTÆ.

(24) *Philippo Colon. archiep.* Hæc etiam epistola multo inferius collocanda erat. Nam abbas S. Remigii erat Petrus, cum hæc scriberet, et Philippum constat Coloniensem cathedralm non iniisse ante annum 1166.

(25) *Præb. de Marna.* Rectius Marsna, ut epist. 90. Sic enim in capitulis regum, quæ anno 851 edita seruntur, quando tres fratres, Lotharius scilicet, Ludovicus et Carolus secus municipium Trajectum penes locum qui dicitur Marsna iterum convenerunt, et in Fragmento Gallici scriptoris apud Pithœum, de Gisleberto: *Recepit itaque Trajectum, Juppilam, Haristallum, Marsnam, Littam, Capras montem, quæ a defunctis derelicta vacabant.* Ex his patet Marsnam locum fuisse Trajecto vicinum, quod verum est. Nam tribus fere passuum millibus distat, et Maersena vocatur. De præbendis autem Marsnensis S. Remigii monasterio attributis, et in usus monasticos conversis, iterum agit epistola supra scripta

D (26) *Thomæ Cantuar.* Cum adhuc exsul esset in Gallia et de ipsis cum Henrico rege Angliæ reconciliatione tractaretur.

(27) *Sua repete a r. Angl.* Rex enim ablata restituere abnuebat. Mauricius Parisiensis episcopus Alexandro III: *Præterea requirebat D. Cantuariensis partem ablatorum sibi restitui; alteram vero partem in sustentationem dimitti, donec vestrum super hoc et religiosorum virorum haberet consitum.* Inconveniens enim et sibi valde damnosum, et perniciosum sanctæ Ecclesiæ exemplum videretur, si ipse omnia ablata, sicut rex Angliæ postulabat, penitus remitteret, cum per ejus absentiam ædificia Cantuariensis ecclesiæ diruta essent, et ad possessiones dissipatas tenueret resugium, et ipse gravissimo alieni aris debito astrictus teneretur. Cæterum pervicit tandem, ut restituerentur, quod ipsem testatur in epistola quam de redditu suo scripsit ad Alexandrum.

tra Ecclesiam, qui persequebatur, alius et alibi, id est intra Ecclesiam qui patiebatur. Modo vero jam adulta Ecclesia, non licet filii Ecclesiae quod aliquando lieuit inimicis. Decet enim matrem corrigere filium, sicut decuit pupillam tolerare adversarium. Distinctus namque sapphiris legitur venter sponsi, et quemadmodum ante passionem suam Jesus dixerat : *Qui non renuntiaverit omnibus auxi possidet, non potest meus esse discipulus* (*Luc. xiv.*) ; et similia in passione dicit apostolis : *Qui non habet gladium, renderat tunicam et emat* (*Luc. xxii.*). Verba quidecum bona, verba consolatoria non immerito exigeret causa justa in oculis Dei, in oculis autem insipientium dubia et infirma, nisi virtus patientiae omnem transcederet consolationem, et plus gauderetis de consolatione, quam malleus seriens proficeret de percussione. Ferrum ferro acuitur, et de malitia regis Angliae virtus vestra invincibilis clarius illustratur. Quo fortius premit torcular Olivam, eo profusius oleum producit. Candelabrum ductile de auro purissimo non facit Beseleel in tabernaculo Domini, nisi productis laminis contritione limae et mallei. Nondum contritus est malleus universæ terre : adhuc necessarius ut supplet quæ desunt passioni Christi in corpore vestro. Sed quem inoneo? quem exhibitor? cui calcaria adhibeo? Sine dubio qui freno indiget, qui paratus est plus ambulare quam via extendatur, qui etiam metas velociter transcurtere nullis retardatur periculis. Procul enim oderatur bellum, exsilium reputat patriam, quia omne solum forti patria est. Sine labore laborat, sine fame esurit, sine dolore patitur, sine amaritudine felle et absinthio cibatur. Vir est in millibus unus, cum gigantes gemunt sub aquis, ipse ridet et irridet fortunam cum inversione rotæ suæ. Vale.

EPISTOLA CXV.

AD R. CANTUARIENSEM ARCHIEPISCOPUM.

VII. 21.] R. Cantuariensi archiepiscopo (28) Petrus abbas S. Remigii.

Maximum argumentum est honestatis et religiosis, ad se vocare et juxta se statuere alumnos et cultores bonæ conversationis. Probata namque virtus consimili gaudet reclinatorio, vires quotidianis resumens incrementis, non solum de nativo germine, sed et de uterina propagine. Inde est, Pater sancte, quod ad commendationem non modicam vestri nominis magistrum G. advocatis, et mundanis destitutum copiis in spe bona sub aliis vestris, ut audivimus, nidificare compellitis. Novimus eum non transitoria aut adventitia familiaritate, sed longa et diurna vicinitate, ac beneficiorum nostrorum communicatione. Ut nam sufficisset ei nostra paupertas, nec amovisset illum a nobis tam patriæ am-

A citia, quam vestræ largitatis fiducia! Raros ei similes penes nos habemus, quos sic ornat doctrina quam vita. Dignus est latere sacerdotali, qui sua non inquinat vestimenta, qui sæcularia lenocinia postponit pro vera philosophia. Cum granis siquidem philosophiae etiam quisquilius retinet, amans sententias, nec verba respuens, legens codices et corrigens mores. Excipite pauperem, et facite divitem. Imitetur manus vestra mundi fabricatorem; qui in creatione terram, prius inanem et informem, secundavit tam multipliciter, et formavit tam mirabiliter, ut fetus sint innumerabiles, formæ incomparabiles. Sanctissimæ memoriaræ prædecessor vester, archiepiscopus Theobaldus, de gremio et sinu nostro magistrum Joannem Carnotensem episcopum inopem et pauperem suscepit, sed Deo juvante usque ad nomen magnorum qui sunt in terra fomentis suis proverit. Mortuus quidem est ille archiepiscopus corpore, sed adhuc vivit in propagine, et durat in illo adhuc suavissimum memoriale. Sicut successistis ei et sancto Thomæ in episcopatum, sic in isto magistro G. succedat amplissimum vestrum beneficium. Valeant ei preces nostræ, quia, etsi ignoti sumus vobis facie, non tamen, si opportunitas se præberet, obsequio, et interim bona voluntate.

EPISTOLA CXVI.

AD ARCHIEPISCOPUM SENONENSEM.

[vi, 2.] Archiepiscopo Senonensi, PETRUS' abbas Sancti Remigii.

Opus manuum vestrarum, locum utique qui dicitur Vallis Dei, non tradatis oblivioni, quia novella plantatio cito deficit sive arescit, nisi frequenti irrigatione ei succurratur, et somento multiplici soveatur. Ad suam patriam, ut credimus, evolavit spiritus filii vestri fratris R. quem sicut paternis gremiis, dum in carne esset, continuistis, sic justum est ut orationibus et benedictionibus vestris usque ad thronum gratiae conducatis. Quia ergo sublati pane de mensa Domini, in Sabbatho novum substituendum non ignoratis, eamdem dilectionem et protectionem oramus impendi bono et religioso inveni, quem amicus et filius vester charissimus ibi ex voluntate fratrum præposuit, prior de Valle Sancti Petri. Ut scitis, domus ista domus orationis vocatur. Necesse est ergo, ut sine dilatione auxilio vestro consecretur, quatenus veraciter et non fallaciter locus ille sanctus vocetur. Quidquid enim ibi religionis, orationis, sanctificationis, mortificationis, et aliarum sanctarum observationum servi Dei conservando, cœlestis præmium promeruerint, in sinu vestro revertetur, et ad caput vestrum desuet; quia qui recipit prophetam in nomine prophetæ, mercedem prophetæ accipiet. Non ergo pigeat vos

JACOBI SIRMONDI NOTÆ.

(28) R. Cantuar. archiepiscopo. Richardo S. Thomæ successori : S. Thomæ autem decessor

Theobaldus, qui Joannem Saresberiensem postea episcopum, in familiam suam primus ascererat.

cœpisse expendere in usus pauperum aliquid de substantia vestra, quia vos recepturi sunt in æterna tabernacula.

EPISTOLA CXVII.

AD WILLELMUM REMENSEM ARCHIEPISCOPUM.

[vii, 8.] Unico et unice reverendo Patri et domino WILLELMO Dei gratia Senonensi, imo Remensi archiepiscopo, frater PETRUS humilis abbas S. Remigii, salutem et promptum cum omni devotione obsequium.

In insigni electione Carnotensi de magistro Joanne stellam matutinam produxit Deus de thesauris suis. Adfuit, adfuit huic prædestinationis Dei partui vigilantissima sagacitas domini mei, et manum obstetricantem supposuit, ne aborsum pateretur incommutabilis Dei præelectio. Deus, tibi laus, tibi gratiarum actio : archiepiscope, tibi merces, tibi æterna remuneratio. Hoc opus de raritate admirable, de singularitate incomparabile, de puritate commendabile, de bonitate speciali omnibus imitabile. Quando et ubi simile factum est in regno Fraiciæ, ut remotis omnibus Simoniæ speciebus, nullis mumerum suffragiis incumbentibus, nullis clientrum vellicationibus pruritum aurium excitantibus, solus Dei honor et populi salus in episcopali electione quereretur? Certe hoc in rationali et superhumerali tuo, Pater amantissime, stylo ferreo, iugue adamantino scribetur, quod in vicariis Petri eligendis nulla te movet humana gratia, nullius favor, nullus carnalis affectus, nulla pecuniæ avaritia. Trecensem episcopum (29), virum qui ministerium suum honorificat, elegisti et consecrasti. Meldensi Ecclesiæ tres viros honorificentissimos, dominum scilicet cardinalem (30), magistrum Petrum, et Simonem archidiaconum vicissim assignasti; sed nunc superlative hominem de alia gente, amore Dei tantummodo datus, in Ecclesia Carnotensi substituisti. Ubicunque hoc Evangelium prædicabitur, dicetur quod sis amicus sponsi, cum tam verax sis et fidelis, non jam in gaudienda uxore Isaac, sed inveniendo Joseph virum Mariæ. Vere Maria veneratur in Carnotensi Ecclesia. Vere vir iste Joannes, pretioso sanguine beati Thomæ pontificis et martyris intinctus, lege divina ad plenum instructus, bonis moribus et piis actibus ornatus, apostolico ad Timotheum catalogo virtutum bene depictus, ad Dei honorem, et ad vestram perpetuam laudem, columna factus est in Ecclesia Dei. Reviruit in vobis antiquus apostolicæ ordinationis

A ramusculus, cum pro patribus filii ungebantur, imo pro panibus omni Sabbato calidi cum thure substituebant panes.

EPISTOLA CXVIII.

AD JOANNEM CARNOTENSEM EPISCOPUM.

[vii, 22.] JOANNI episcopo Carnotensi, PETRES abbas S. Remigii.

In bivio dubietatis positus, utrum conquerar de me ipso ad amicum, an de amico ad amicum, vix discernere possum. Sed si utrumque facio, alterum non omitto. Nam quia utrumque culpabilem inventio, neutrum excuso. Me abbatem, te episcopum quis ignorat? Hactenus unice amicos fuisse quis dubitat? Hujus rei testis est acervus epistolarum, marina pericula non timentium, cum familiarissimo recursu et brachiali complexu nostra quondam sese revisitabat amicitia. Unde autem obstupuit, imo elanguit communis stylus, non jam quatriduuanus stertens, imo annuali elapsu deficiens? Certe si episcopaliū sollicitudinum allegationes negligentiam istam excipiunt, meam æque consimili ratione defendunt. Esto. Nullum fuit tempus vacuum, vel veniendi, vel scribendi, nunquid amandi? nunquid recordandi? Procul dubio quanlibet excusationem potest habere omnis actio, nullum dilectio. Si dormis, dilectio non dormit. Unde: *Ego dormio et cor meum vigilat* (Cant. v). Quibusunque tenearis occupationibus et necessitatibus, non impeditur, non compeditur vera dilectio. Ubi est vera dilectio? Certe pallio hyacinthino multi se operiunt, sicut falsi prophetæ, qui in vestimentis ovium veniunt, intrinsecus autem sunt lupi rapaces, vel amici rapaces. Nolo, nolo me vel te esse de illis, qui magnificant simbrias fictæ amicitiae, profientes et promittentes inopinabilia et incredibilia, digito autem suo nec quæque modica tangentes. De hoc amicorum genere vel grege nunquam te expertus sum, nec tu me. Tardius enim os in promittendo moveo, quam cor in diligendo. Urget autem me suis stimulis hæc, de qua loquor, dilectio, redarguere non superbe, neque flete, quæ de amico audio. Siquidem propter antiquam nostram amicitiam, qui habent adversus episcopum Carnotensem querelam, abbatem S. Remigii convenient, et quasi magistrum et judicem proponunt. Hæc et hæc, inquiunt, facit episcopus, sic loquitur, sic movetur, sic mutabilis est in promissis, sic instabilis in verbis et consiliis suis, sic ingratus beneficiis, sic ad iram facilis, sic improvidus in disponendis judiciis, sic totus pendet de voluntate et consilio unius hominis, mi-

JACOBI SIRMONDI NOTÆ.

(29) *Trecensem episc.* Matthæum, cuius exstat in collectaneis Saresberiensis epistola ad Alexandrum papam pro S. Thoma, quinto ejus exsilio anno scripta, initio episcopatus, hoc est anno 1169.

(30) *D. cardinalem.* Petrum tit. S. Chrysogoni. Rogerus Hovedenus anno 1177: *Eodem anno Petrus tituli S. Chrysogoni presbyter cardinalis, apostolicæ sedis legatus, quondam Meldensis Ecclesiæ*

electus venit in Franciam. In tabulis episcoporum Meldensium, post Stephanum, cuius etiam legitur apud Saresberensem epistola aliquot pro S. Thoma, subjicitur Simon, archidiaconus antea Senonensis, de quo nondum episcopo Saresberiensis epistola 280. At ex verbis Cellensis hoc loco liquet duos alios ante Simonem electos episcopos fuisse.

nus prudentis et multum cupidi. Ecce capitulo quæ A objicunt episcopo. Quid autem, o amice, respondes ad ea quæ tibi objiciuntur ab his? Si talis es, in alium virum mutatus es. Non te talem neveram, non didiceram, non prædicaveram. Archiepiscopus doster, vir discretissimus, et qui morum scrutator et cognitor est perspicacissimus, discipulum S. Thomæ aliter informatum, aliter institutum sùd oculata ex diurna cohabitatione acceperat. Abiit, absit a me ista credere, sed rationes vellem habere, quibus vanitates istas et insanias falsas possem refellere! Ecce per amantissimum nostrum abbatem Sanctorum Crispini et Crispiniani rescribite, et remandate tam de his, quæ ex parte nostra dicturus est vobis, quam de his quæ scribo.

EPISTOLA CXIX.

AD EPISCOPUM CARNOTENSEM.

[viii, 4.] Carnotensi episcopo (31), PETRUS abbas S. Remigii.

Si quando in mente constantis hominis priora mutantur vota seu proposita, considerandum est, utrum hoc fiat levitate, aut necessitate, aut superveniente affectione. Si levitate, inconstantia; si necessitate, fortuna; si affectione, ratio pensanda est. Si enim vitiosa est affectio, improbitas est; si justa, virtus, et est admittenda. Causa vero, unde oritur affectio, sorte inter bonam et malam dividit, et nomen imponit. Bona excusat voti mutabilitatem; mala accusat inconstantiam. Non enim ab inchoatis recedendum est sine ratione, quæ inchoata sunt cum ratione. Alioquin non est in illo est, sed est et non in illo est; et de illo dicitur, quia status ut luna mutatur (*Ecli. xvii.*). Ne autem sim oneri occupatissimis auribus Carnotensis episcopi, negotium breviter et aperte exponam. Postulatio nostra apud vos pro Hugone cognato et amico nostro Remensi canonico, ante fores vestras obseratas æstatem et hiemem fecit, et valde lassata et jejuna ad sinum nostrum reversa est; et ecce occurrit charissimus amicus et cognatus ampliori affectione suscipiens in eadem postulatione G. archidiaconus vester, qui vobis de latere et Ecclesiæ vestræ magis paratus est servire. Cedit itaque ille, si iste successerit; imo ut iste succedit, cedo et ego in priori petitione, si exauditus fuero in secunda, quin potius ut fiat, et citius fiat secunda, ne forte steriles anni renuntient mibi defectum imbris matutini et serotini; et desperans de missione cessem deinceps arare, seu aliquid a vobis petere. Valete.

EPISTOLA CXX.

AD EUDDEM.

[viii, 5.] Episcopo Carnotensi, PETRUS abbas Sancti Remigii.

JACOBI SIRMONDI NOTÆ.

(31) Carnotensi episc. Joanni Saresberiensi. Item et epistola sequens.

(32) Joanni et Richardo fratri suo. Joannis quoque Saresberiensis ad Richardum fratrem epistolæ

B Facile est amicorum erratibus ignoscere, qui contingunt casu, non deliberatione. Causales quoque excessus facile corrigit, qui occupatione, non contemptu, delinquit. Amicum nostrum et vestrum, abbatem Sanctorum Crispini et Crispiniani, aliter quam decuit exceperis. In hoc circumspectio vestra oberravit. Sed hoc debitum cum satisfactione dimittetur, cum ad nos veneritis et culpam recognoveritis. Jam quoque nubeculam istam amovit a facie nostra relatio Alexandri amici vestri, qua de statu vestro laetificavit nos. Solet enim verum dicere. Prosperum itaque et felicem statum in his quæ erga vos fluit asseruit, et ambages circumvolantes a corde nostro abegit. Non difficile credo quod multum desidero. Verbis igitur illius credo, et valde congaudeo. Nam a me nihil alienum aestimo, quidquid de vobis sensero. Radix enim longæva pruina subita non arescit, neque marcescit. De his hactenus.

EPISTOLA CXXI.

AD JOANNEM SARESBERIENSEM ET RICHARDUM FRATREM EJUS.

[v, 14.] Amicis suis charissimis M. JOANNI, et RICHARDO fratri suo (32), frater PETRUS S. Remigii dictus abbas, perpetua pace gaudere.

Stylum scribendi in sepulcro beati martyris Thomæ Cantuariensis, audita ejus morte, jam jam recluseram, arbitrans charissimos meos Joannem et Richardum ei conseptulos, nec interim aura libertatis fruituros. Fallax namque rumor, et nimium varius, nil nobis de vobis certi afferebat, vel asseverabat. Unde quod in dubiis semper faciendum censeo, lucem veritatis patienter sed non grataanter exspectabam, ne in incertum currerem, falsum pro vero retinens; gaudens forsitan cum esset nigerendum, et moerens, cum esset gaudendum. Resumebam tamen, post longam ad me ipsum disputationem, de incommutabili Divinitatis consilio spiritum, et quidquid vobis contigisset, post glorificationem sancti martyris, in partem vertebam meliorem, quia sive contribularemini, sive consolaremni, in argumentum et augmentum fidei vestræ accipiendo non dubitabam. Neque enim tam modicæ fidei scio vos esse, ut timeatis calicem Domini bibere in passione, quem frequenter bibitis in Christi recordatione. Tandem ex veraci relatione status vestri, omni absoluta compage, omnipotenti et benignissimo Deo medullatas refero grates, qui non auferunt a vobis solitas suas miserationes, sed, ut credo, quia præmisistis dilectissimum patronum in celis, recipietis sine dubio alium paracletum vice ejus in terris. Ecce, mi dulcissime Richarde, prorsus in osculis faciei tuæ, non sine affectu viscerali, attendens mutatum habitum, nescio si melioratum ani-

tres leguntur. Richardus autem hoc tempore, id est sub annum Christi 4170 quo exeunte interfactus S. Thomas, habitum mutarat, regulari suscepto. Quare idem posthac, ut canonico regulari scribit.

rum. Quid enim honestatis, quid maturitatis, quid pietatis, quid charitatis, quid totius religionis deerat, cum esses in oculis meis, et nostræ congregationis, speculum bonitatis, et forma integra æmulationæ imitationis? Nusquam fuisse illa præpropera sollicitudo regressionis, potuisset tibi sufficere domicilium amicæ paupertatis, et satis charæ si recolis societatis. Sed o cæca et futurorum nescia mens humana! extra vel ultra divinæ moderationis gressum ne porrigas pedem, quia labi est, a Deo non regi; et per se ire, perire est. Si nobiscum manasses, solatio contra pene omnem molestiam suis-
ses, nec a Deo desertum crederem, dum hujusmodi pignus suæ miserationis mecum tenerem. Sed factum est, quod factum est. Sit stimulus majoris desiderii molesta corporis absentia, et ubi nulla subest corporalis visio, continuetur oratio. Ne diutius scribam, familiares succedunt interruptiones, quæ animi quietem interrumpere non cessant, et laborem perpetuare. De statu autem nostro utrumque amicum certifico, ac de corporali sospitate dico, quod qualiter dimisisti, talem adhuc invenire potestis. Pax in congregazione nostra est, et cursu consuetudinario adhuc currimus. Cum omnibus hominibus pacem habemus, maxime cum domino archiepiscopo. Debitis non valde gravamur. De Marna redditus nostros habemus. Bene est amicis nostris et vestris; Cellensi abbatii, Sanctorum Crispini et Crispiniani, abbatii Sancti Nicasii (33), prioribus de Monte Dei, et de Valle Sancti Petri. De quæstione autem illa, quam in fine passionis beati martyris Thomæ, bone amice, posuisti, credo nullatenus solutionem te latere. Forsitan tamen et meum animum in tuam sententiam translatum non dubitas; sed ut recognitarem, quia quod Deus per se facere disponit, hominis auxilium vel auctoritatem non querit, ubi autem ministeria hominum non despicit, causa nostræ utilitatis vel humilitatis hoc facit. Absque enim onni sacramento, id est visibilium elementorum vel operum adminiculo, hominem salvare posset, nisi exercitia humilitatis vel fidei ad utilitatem salvandorum utilia procurasset. Diffinitive ergo teneo, nulla ratione lucernam accensam in manu Dei posse supprimi vel extingui: nec ibi exspectandum hominis judicium, ubi manifesta luce Dei se explanat judicium:

EPISTOLA CXXII.

AD EOSDEM.

[v, 20.] Magistro JOANNI, et fratri suo RICHARDO,
PETRUS abbas Sancti Remigii.

Statum nostrum prætermisso procemio vobis notificare studeo, cuius nec satis bonus, nec pessimus ad præsens occurrit aspectus. Valde autem sollicitus sum de statu terræ vestræ, cuius quasi claves

JACOBI SIRMONDI NOTÆ.

(33) *Abbatii S. Nicasii.* Remensium id coenobium, Remigiano situ proximum, atque ordinis ejusdem. Abbas autem tunc erat Guido II monachus olim Sancti Remigii, ad quem Alexandri epistola 28.

A et columnas citra mare, legatos scilicet Romanæ curiæ (34) tenemus. Quid autem statuere, quid dejicere, quid aperire, quidve claudere debeant, tam ipsis quam nobis incertum est. Tota siquidem clausula negotii pendet ex adventu et responsis regis Angliæ. Tamen modestos præsensi nimis animos eorum in executione mandati, nisi forte ex contemptu exasperati in duriorem prosilierint sententiam. De proprio ergo statu id enuntio; quod quantum ad personam nostram, cursu consueto valetudo procedit; quantum autem ad Ecclesiæ communem pacem et prosperitatem, sic se habet quomodo solet. Unus autem, scilicet frater Herveus, jam nobiscum non ambulat. Ivit viam suam; utinam non post Satanam! Si ad vos venerit, equos accipite, et si quid aliud honeste ab eo auferri poterit. Super quæstione autem tua, frater Richarde, amice dilectissime, nolo multiplicare supervacuos circuitus, et multorum verborum anfractus. Quæris autem, utrum ad singulos de collegio culpa, quæ videtur respicere œconomum vel præpositum, ipsius derivatione singulari et certa percurrat, et illiciat singulorum conscientias. Ait propheta: *Anima quæ peccaverit ipsa morietur, filius non portabit iniquitatem patris, neque pater filii* (Ezech. xviii). Item auctoritas: *Mala non sunt, quæ nec mentem implicant, nec conscientiam ligant.* Item Apostolus: *Quæ in macello venient, edite cum gratiarum actione, nihil interrogantes propter conscientiam* (I Cor. x). His omnibus auctoritatibus, non mihi videtur singulorum capita percutere, si quid a præposito male administratum fuerit: et sufficere claustralibus, nescire unde veniat quod edant, vel quid vestiant. Tanta enim simplicitas debet esse columbae, quæ in foraminibus petrae et in cavernis maceræ nidiscat, ut remota omni sollicitudine, quidquid manus ejus invenerit in lecto, sive in refectorio, simpliciter accipiat, et Deo gratias agat. Si quis autem dixerit, hoc idolothytum est, id est de rapina, vel usura, vel alio quolibet modo male acquisitum, abstineat. Valete.

EPISTOLA CXXIII.

AD JOANNEM SARESBERIENSEM ET RICHARDUM
FRATREM EJUS.

[vi, 11.] Magistro JOANNI Saresberiensi et fratri D suo RICHARDO.

Grande dispendium patitur ardens desiderium, si data occasione crassa et supina negligentia negaverit de amico refluere, vel ab amico recipere saltem litterale refrigerium. Sit ergo inter nos pactum, quod impune prævaricari non liceat, quatenus vacua manu, vel brevissima salutatione nuntius nullus accedit, vel abscedat. Non tamen credo aliquando sic evacuari tempora circumvolventia, ut non alterutrum habeamus, unde vel de

(34) *Legatos Rom. curiæ.* Albertum et Theodinum cardinales ad Henricum Angliæ regem missos, ut de cæde S. Thomæ cognoscerent; utriusque mentio in epistola 54 Alexandri.

prosperitate, vel de adversitate aliquatenus conque-
ramur. Ineptissima plane excusatio quorumdam,
qui cum moneantur ad confessionem, dicunt se ni-
hil habere quod in confessione referant. Revera
tales copia inopes facit, vel solis claritas eos excæ-
cavit. Non ergo similes eis efficiamur, dicendo, ni-
hil novi nos habere quod referamus, cum nec Fran-
cia citra mare perpetuitatem pacis et tranquillitatis
adhuc juraverit, nec Anglia vestra ultra et juxta
mare medium silentium post completorium teneat.
Solent enim tunc secundi calices tam apud vos,
quam apud nos, nova et vetera dicere et facere.
Sed de his taceamus, ne vestrates irascantur, qui
potius viliori non minus inebriantur, quam nostrates
vino meracissimo. Imperator indulxit (35) nobis
bona nostra de Marna. Valete.

EPISTOLA CXXIV.

AD JOANNEM SARESBERIENSEM.

[vi, 12.] Si bene recolo jocos prioris sæculi, dum
temporibus essemus, et ad invicem plura jocando serere-
mus, occurrit inter cetera, quod quasi de magnitu-
dine cassula tunc archiepiscopi Thoma, nunc pre-
tiosissimi martyris, conquerebar ubi posset repe-
rir. Verbum illud fecit Deus, imo risum fecit nobis
et toti provinciæ vestræ et nostræ. Inde est quod
undecunque non solum Angli, sed et Galli, quasi
ad solemnes epulas, et ad fertilissimas jubilationes,
concurrent ad tumbam prædicti sancti; quo et mihi
miserrimo et indignissimo contingat venire, videre
mirabilia Dei, et adorare Deum in sancto suo ante-
quama moriar. Etsi enim intercipi voragine maris
quod intercurrit possem, non timerem mortem cum
vitam quererem. Interim autem corde meo, ore ve-
stro, adite præsentiam ejus; et totis visceribus at-
que medullis, pro peccatis et miseriis nostris rogate
alumnū gratiæ, ne præ ebrietate immensurabilium
gaudiorum suorum, qua ab uestibus Christi et glo-
riosæ virginis Mariæ repletur, nostri obliscatur,
cum nos comparticipes compassionē animi in tribu-
latione sua aliquando habuerit, et adhuc pre posse
devotissimos gloriæ suæ prædicatores. De his hac-
tenus. Ceterum de oblatione vestra universitas
fratrum nostrorum grates quas potest vobis repen-
dit, et quem cum fratre vestro Richardo ab annis
prioribus in societate bonorum suorum adnumerava-
vit, emulatius amplectitur, et jucundius in perpe-
tuam commemorationem astringit. Nondum tamen
reditus exinde comparavimus, quia nulla opportu-
nitatis se obtulit. Instantius autem laborabimus quæ-
rere, quo id maturius efficiatur. De glosis nostris,
quas retinuistis, utcunque patienter sustineremus,
nisi plus quam granum sinapis minutissimam fidem
de nobis apud vos deprehenderemus. Tanto tempore

JACOBI SIRMONDI· NOTÆ.

(35) *Imperator indulxit.* Fridericus Ahenobarbus.
Non semel, ut in remotis possessionibus accidere
solet, in Marsna bonis vim passi sunt monachi
Sancti Remigii Nam et paucis abhinc annis in eo-
rum possessionem, qua dejecti per annos complu-

A nobiscum fuistis, et miror, imo horreo, si tam ex-
iguam de nobis confidentiam ex præteritis actibus
et verbis conceperitis, ut libellum parvissimi pretii
a nobis gratis retinere formidaretis. Tamen quia
ita egressum est de labiis vestris, ne siant irrita
vestra, prorsus sumptus reposcimus grandes et gra-
ves, ut fiat vobis juxta fidem vestram. Pretium ta-
men sine taxatione et sine aestimatione est. Domini-
num episcopum Exoniensem saluto, et me sanctissi-
mis suis orationibus commendō. Fratrem vestrum
Richardum, quem tenerrime diligo et dulcissime
amplector a Jesu Christo et a Spiritu sancto, imo
a Deo Patre, ueste gratiarum impleri exopto.
Participem enim me totorum bonorum ejus non du-
bito. Valete.

B

EPISTOLA CXXV.

AD EUDDEM.

[vii, 2.] PETRUS abbas Sancti Remigii, JOANNI de
Saresberia.

Nunquam pulsum tuum in litteris a te receptis
inæqualem, aut citatum de superveniente febre re-
giae commotionis deprehendo. Mirarer tam bonæ et
optimæ animi complexionis, nisi antiqua cognitio
admirationem compesceret, et olim jam notus status
tuus majora et meliora innotuisset. Certe cum His
et de illis te esse non ambigo, de quibus dicitur
quia ubi erat impetus spiritus, illuc gradiebantur
(Ezech. 1). Cholérica et cœlestis complexio tua sis
passionibus hilarescit, suis congelationibus fron-
descit, suis eversionibus excrescit, suis ægritudi-
nibus convalescit, suis contrariis infortuniis fortior
et audacior enitescit. Quid igitur? Consolabor te?
Sed non es desolatus, qui desolationem reputas
consolationem? Relevabo te? sed non es dejectus,
qui dum ejiceris elevaris. Conficiam aliquod em-
plastrum sive electuarium? sed neque vulneratus
es, neque in passione aliqua turbatus. Tamen per-
cusso et non vulnerato, impulse et non dejecto,
cencusso et non excusso, reor congratulandum de
constantia, timendum de nondum finita pugna, ad-
hortandum de perseverantia. Ecce caminus, sed
non timet aurum; ecce mare, sed supernatæ foli-
um; ecce malleus, sed non confringitur adamas;
ecce ventus, sed mons Sion non commovebitur;
D ecce prælium, sed miles tenet gladium. Supervacu-
cis impendiis (36) laborat, qui solem facibus niti-
tur adjuvare. Non ista et scientia et experientia. Si
qua tamen tibi ex me potest fieri consolatio, utere
ut libet, et præsens et absens, tuus sum, et omnia
mea tua sunt. De gente tua et moribus, mihi satis
notum est, quia utres, imo ventres suos solent im-
plere, quinimo superinfundere, tam de vino quam
de mulso, sine reprehensione; et tanquam Hebræi

res caruerant, regis nostri auctoritate postliminio
restituti sunt.

(36) *Supervacuis impendiis.* Verba sunt Ennodii
Ticinensis lib. II, epist. 22, cuius et alia quædam
hinc inde imitatur.

carnem suam circumcidunt, in signum quod se- A Justus denique, qui ut leo confidens absque ter-
men sunt Abrahæ, absque opprobrii confusione.

EPISTOLA CXXVI.

AD AVENIONENSEM EPISCOPUM.

[viii, 2.] Avenionensi episcopo (37), PETRUS ab-
bas Sancti Remigii.

Virtutis propago ramos gratiaæ suæ semper pullu-
lans, in Ecclesia Christi beneficio suo rigat novellas,
sicut antiquas paradisi plantationes, quando in de-
cessu religiosi prælati bonus nihilominus et ho-
nestus substituitur. Sic ignis in altari perpetuatur;
sic in Sabbato panes propositionis renovantur; sic
pro patribus filii Ecclesiæ nascuntur; sic denique
vectes in arca semper circumferenda insiguntur.
Prædecessoris vestri gratiam, ut decet, firmiter
teneamus; qui tanquam pius pastor et pater, fra-
tres nostros, et quod in episcopatu vestro habemus,
dum vixit, servavit, et pro posse ab infestatione
defendit. Oramus ut spiritus ejus duplex fiat in vo-
bis; quatenus nec farina regiminis, nec oleum man-
suetudinis in lecytho deficiat. Habetis fidelem in
celo remuneratorem beatum Remigium, cuius oves
sumus, et si necesse et opportunum fuerit, tam de
lacte, quam de lanis nostris, ad usum vestrum
mutuare poteritis. Mittimus itaque juvenem istum
etate, sed moribus, ut experti sumus, maturum, ad
partes vestras, cui tradidimus et committimus prior-
atum nostrum cum his quæ ad nos pertinent in
provincia. Ut ergo sub alis vestris ipsum excipiatis
et soveatis, rogamus et obsecramus.

EPISTOLA CXXVII.

AD B. EPISCOPUM EXCESTRIENSEM.

[v, 4.] Domino et Patri suo charissimo B. Dei
gratia episcopo Excestriensi (38), frater PETRUS
Sancti Remigii dictus abbas, salutem devotissimam.

Sententia dubia quæstionibus ventilata clarescit,
species aromatica pistillorum tensione fragrascit.
Ecclesia oppressione malorum crescit. Virtus quo-
que bonorum, adversariorum infestatione lacesita
flore vernal et fructu. Equus ille, qui procul odo-
ratur bellum ad vocem buccinæ dicit Vah! eoque
amplius servet in certamine, quo acrius concitatur
fuso undique clamore. Quas enim vires collectas
tempore pacis dissimulabat, senore multiplicato
exsolvit, cum expostulaverit necessitas, ut tanquam D
de grano sinapis virtutem mireris, si speciem sim-
pliciter minutissimi grani intuearis. Tunc igitur
virtus se expandit propagine multa, cum malis
reluctantibus fuerit provocata, nec ad plenum fides
discernitur, nisi telo infidelitatis fortiter impetratur.

JACOBI SIRMONDI NOTÆ.

(37) *Avenionensi episcopo.* Pontio, ut conjectura
est, successori Gausredi.

(38) *Excestrensi episcopo.* Excestra Domnoniae
civitas in Anglia, sedes episcopalibus esse cœpit ante
annos plus minus dL. Cathedra illuc per Lifricum
episcopum translata, cum Cridiæ antea esset. Idem
itaque episcopi Excestrenses, qui olim Cridienses.

(39) *Ad episc. Exoniensem.* Bartholomæo, ut liquet
ex epistolis Joannis Saresb. et Petri Blesensis 83.

A Justus denique, qui ut leo confidens absque ter-
re est, quando gloriatur, nisi quando experimen-
tum sui ex aliquo discrimine capit, ut tunc se ali-
quid posse cognoverit, cum locum virtutis oblato
labore invenerit? Gloriosos faciunt martyres no-
stros causa cum poena, et poena cum causa. Dia-
est quod in terra vestra latuit, imo consopita jacuit
fidei virtus, ubi plures ad se evocabat poculum
confectionis, quam Evangelium apostolice prædica-
tionis. Unde igitur sic effloruit et refloruit moderna
in vobis religio, ut apostolicos spiritus ebiberetis,
et tota fiducia in medium prosilientes dicatis: Me-
lius est Deo obediens, quam hominibus? (Act. v.)
Certe musto non sicera pleni sunt, qui concepto
robore pellem pro pelle, et cuncta quæ habent dant
pro animabus suis. De his hactenus. Cæterum si
magna illa bellua evomuerit vos de terra vestra, est
apud nos domus nova vobis para, cum omni
sumptu, sine auro et argento, ubi et copiam li-
brorum, et studendi otium pro libitu invenietis.
Valete.

EPISTOLA CXXVIII.

AD EPISCOPUM EXONIENSEM (39).

[v, 16.] Luctus noster in gaudium vertitur, cum
de terris amicus noster ad cœlum levatur. Spem qui-
dem bonam de ipso, si diu inter nos viveret, conce-
peramus; sed jam optimam in cœlo repositam habe-
mus, episcope Exoniensis. Quid et de quo loqua-
mur, nostis. Non dubito partes vestras plenissime
interpositas, ubi tantum perpetratum est nefas. Re-
manserunt hujus aquilæ, quæ ad astra evolavit, puli
lambentes sanguinem ejus, et sese quotidie inci-
briantes felle et absinthio. Sit eis tamen solarium
spes futurorum, evidentia miraculorum, et patientia
præsentium malorum. Quis dabit mibi pennas
sicut columbæ, ut evolem (Psal. LIV), et visitor
tumbam pretiosi martyris sancti Thomæ? Credite
mihi considerenter, veniam impetratus de peccatis
meis adirem locum illum, de quo sanctissima ejus
anima per proprium sanguinem assumpta est ad
consortium sanctorum meorum. Vos ergo vices
nostras supplete, et pro nobis orate, atque dulcissi-
mos illos amicos nostros et vestros benigne fo-
vete.

EPISTOLA CXXIX.

AD EPISCOPUM CESTRENSEM.

[vii, 10.] Episcopo Cestrensi (40), PETRUS abbas
S. Remigii.

Vestri officii est, Pater charissime, calamum
quassatum non conterere, et religionem impulsam

Eundem ergo intelligi oportet lib. v, epist. 42.

(40) *Episc. Cestrensi.* Auctor est Malmesburiensis
lib. iv De gestis pontificum Anglorum, Petrum
episcopum Licesfeldensem, Guillelmi senioris tem-
poribus, sedem Cestram transstulisse, quæ olim ci-
vitas Legionum a militari in ea colonia vocitata.
In eo tractu positus videtur fuisse prioratus Lape-
lenensis, nec procul a monasterio Beldewas, ad cuius
abbatem epistola quæ sequitur.

vero aut falso rumore non penitus evertere, sed sustentare et relevare. Nihil namque in hominibus cuiuscunque professionis adeo sanctum et perfectam, quandiu in eodem statu nullus reperitur, ut aulta impostura seu scissura interveniat. Ut enim ait Gregorius, vera religio compassionem habet, non indignationem. Unde et Jesus inclinans se scribebat in terra : *Si quis sine peccato est vestrum, prior in adulteram lapidem mittat (Joan. viii).* Tandem reatum solvit, et ream absolvit; non favendo iniqutati, sed commissa delendo, et non committenda præcipiendo. Venerande Pater et domine, non excusamus peccata nostra, sive illorum, qui in opprobrium sui ordinis faciunt ea quæ non convenient. Secretius tamen, non mitius, arguendos decerno illos, quorum vita spectaculum debet esse mundo, et angelis et hominibus, si offendenter in lapidem offensionis, non suo, sed sancti ordinis merito. Cum enim causa distinguat inter personam et regulam, salva regula tangatur persona, ne nomen Christi blasphemetur inter gentes. Hactenus monachi solent judicari in capitulo, non in consilio; inter monachos, non inter presbyteros; ab abbate, non ab archidiacono; corporali, non pecuniaria poena. Scitis, ut credo, quia si notificasset nobis paternitas vestra, aut sedulitas archidiaconi, enormitates monachorum nostrorum, nec oculos, nec aures clauderemus, sed juxta antiquorum Patruin consuetudinem regulariter male acta corrigeremus. Amovemus igitur tam priorem illum, quam fratrem suum a prioratu illo, et subrogamus bonos ut credimus fratres, quos vestre paternitati attentius commendamus, quatenus sub aliis vestræ protectionis milvorum rapacitatem non timeant, et cum Dei adjutorio, vestro fulti auxilio, ruinam, si qua est, in domo illa reparent.

EPISTOLA CXXX.

AD ABBATEM DE BELDEWAS.

[vii, 41.] Abbati de Beldewas PETRUS abbas Sancti Remigii.

In negotiis amicorum gerendis tantumdem bona fidei exigitur, quantum et in propriis. Nec ignoro fraternalm sollicitudinem vestram operam dedisse, quatenus fidei vestræ commissum negotium, bono inchoatum principio, sine meliori clauderetur. Fortuna tamen, quæ non subjet humano arbitrio, frequenter eludit sollicitudinem nostram, et elidit intentionem. Quis enim dominatur potestati maris, imo quis imperat motibus indomiti cordis? Vix quisque potest regere familiam penetralium suorum; alienam vero, quam adire non potest, regere quomodo potest? Idecirco indulgentia Dei nobis non negatur, si de coimmissorum sollicitudine nihil omittatur. In exactione itaque amicali nemo sit du-

JACOBI SIRMONDI NOTÆ.

(41) *Abbati de S. Huberto.* In Arduenna silva, diœcesi Leodiensi. Scripta servente adhuc schismate, quod tempus malitiae et discordie vocat.

(42) *Abb. Stabulensis.* In diœcesi Leodiensi, in

Arior, quam Dominum vult sentire, indebita repetendo, vel remittendo. His omnibus diligenter inspectis et appensis, ignosco vobis sterilitatem domus nostræ de Lapelee, quam, ut credo, bonis admonitionibus vestris circumfodistis, sed incrementum, quod solius Dei est, præstare non potuistis. Commendo rursum vobis novellas istas plantationes, quæ genimine meliori, Deo cooperante, ut sperainus, gustabiliore referent fructum.

EPISTOLA CXXXI.

AD H. ABBATEM S. BUBERTI.

[v, 6.] H. venerando abbati de Sancto Huberto (41), P. Sancti Remigii dictus abbas, salutem.

B Omnia quæ in tempore sunt rationem temporis cum omnibus circumstantiis suis sollicite pensare debent, si finem bonum habere volunt. Idecirco, bone Pater et amice charissime, si susceptam navigationem ad portum salutis perducere potestis, non deseratis abbatiam vestram, sed in hoc tempore malitiae et discordie patiënt et tolerando, donec transeat iniquitas, resumite vires, et onus diu portatum nolite projicere, cum vestra et multorum læsione; sed paulatim ab humeris deponite. Si enī pax et unitas Ecclesiae redderetur, nec esset chaos inter nos et vos, fieri possent multa quæ modo fieri non possunt. Valete.

EPISTOLA CXXXII.

AD E. ABBATEM STABULENSEM.

[v, 10.] Venerando domino et amico charissimo E. abbati Stabulensis (42) Ecclesiæ, PETRUS humili abbas Sancti Remigii, in perpetuum cum Christe gaudere.

D Nulla negligentia bona est; non tamen omnis æqualiter culpabilis. Cumulat namque aut minuit meritum negligentie amputanda dissimulatio faciendorum, aut inconsiderata festinatio non faciendorum. Ea nihilominus quæ a nobis remota sunt, et per procuratores sunt, non consimili a nobis poena exiguntur, si male administrentur, sicut illa quæ manu nostra et proprio studio peragi solent. Inde est, domine abba et amice charissime, quod aliquantam opponunt pro nobis excusationem, si fratres nostri de Marna, non solvendo pecuniam quam debent, molestiam vobis fecerunt, cum factum ab anno præterito aestimaremus, quod adhuc faciendum modo cognoscimus. Ignoscite itaque culpam, quam nec superbia genuit, nec contumacia defendit. Dignus namque venia est, qui cito corrigit delictum, vel qui pro posse reddit debitum. Domini imperatoris mandatum vestrum et nostrum certe turbavit negotium. Injungimus præposito nostro, ut cito solvat, quod jam fecisse debuerat. Vobis gratias agimus de bona patientia vestra,

qua præbendas erant Marsnenses S. Remigii. De his vero, et de Friderici imper. mandato, quod innuit, plura epist. 90.

et innotescimus, quod nunquam utilis nobis fuerit A evidens argumentum est, non bene animos conjunctos, ubi quæ possibilia sunt, et factu digna, nulla interveniente ratione, ab amicis non præstantur.

EPISTOLA CXXXIII.

AD ABBATEM S. EADMUNDI.

[v. 45.] Charissimo domino et amico suo abbatii Sancti Eadmundi (43) PETRUS humilis abbas Sancti Remigii, salutem et devotum obsequium.

Non solum scribere, sed nec nuntium mittere a multis temporibus vobis potuimus. Causa non latet, nec quidem jacet. Adhuc in pendulo est, et magis apud nos dubium quam certum, utrum præsentes litteræ salvæ aliquo modo ad vos pervenire valeant. Per eant tamen an veniant, nostra dilectio obire non poterit, quia nec hominem timet, nec ignem, nec aquam, nec quamlibet oppressionem ex insidiis fortunæ. Mediatores illos, quorum interventu familitas inter nos oborta est, penes vos habetis; de quorum amore tam vester quam noster animus pendet; in ipsis et ex ipsis faciem nostram aspice, et quam habeamus erga vos affectionem, pensate. Plura scriberemus, sed digito labellum compescimus, quia incultum est veritatem fines vestros perambulare, ubi recenter suffocata et strangulata est, nec jam in palam apparere audet.

EPISTOLA CXXXIV.

AD EUMDEN.

[vi. 10.] Non vilesat vobis nostra littera, quam commendat dilectio. Fungitur namque legatione devoti amici, et parvis expensis supplet impossibilitatem difficillimæ peregrinationis. Illota forte facie, et minus compta vilitate pannorum, sublimes offendet oculos, nisi essent amicabiles. Genus itaque pensandum, non decus, quia specimen generationis pluris est, quam forma lucrativa adulterii et fornicationis. Nostra ad vos oratio de genere Israel est, non deprehensa, vel aliquando deprehendenda macula mendacii, tanquam adulterii. Magnum mihi est religiosorum familiaritatem habere, et pretiosum firmiter retinere. Rogo itaque, vices mutuæ orationum nostrarum saepè alterno recursu ad invicem præbeant columbina oscula, et duæ pennæ jungantur, quarum beneficio cœli palatia, Deo annuente, penetrentur. Valete.

EPISTOLA CXXXV.

AD ABBATEM LATINIACENSEM,

[v. 48.] Abbati Latiniaciensi (44) abbas Sancti Remigii.

Promissioni nostræ et petitioni vestræ, nec potui, nec debui deesse. Cui enim semel animam nostram communicavimus, valde absurdum esset, si ea quæ infra animam sunt negaremus. Apparens etenim et

JACOBI SIRMONDI NOTÆ.

(43) *Abbatii S. Eadmundi.* Hugoni, ad quem Sareshieriensis epist. 256 et aliae. De S. Edmundi monasterio in Norwicensi Orientalis Angliæ diœcesi multa Willelmus Malmesb. lib. ii De gestis pontificum Anglorum.

(44) *Abbatii Latiniaciensi.* Quod S. Petri, de Latiniaco ordinis item Benedictorum est cenobium in diœcesi Parisiensi. Exstat D. Bernardi epistola 230

A evidens argumentum est, non bene animos conjunctos, ubi quæ possibilia sunt, et factu digna, nulla interveniente ratione, ab amicis non præstantur. Et in hoc itaque et in aliis, me et mea vobis exhibeo, non diffidens de bonitate vestra, ut si quando simile quid a vobis expostulavero, facile mihi indulgeatur. Tamen noverit dilectio vestra, frater, nos opus nostrum incorrectum confidentissime vobis credere, obnoxie rogans et supplicans, ut limam correctionis adhibeatis, superflua confodiendo, exilia supplendo, male ordinata ad ordinem revocando, et quidquid inde vobis visum fuerit, tanquam de vestro faciendo. Valete.

EPISTOLA CXXXVI.

AD PETRUM ABBATEM DE SILVA.

[v. 47.] Domino PETRO abbati de Silva (45) PETRUS abbas Sancti Remigii.

Satis est grata nobis occasio, qua vobis scribere compellimur. Cum enim vestram præsentiam, si à Deo daretur, totis semper amplecteremur brachiis, quid mirum si vel semel in anno absentiam qualicunque stylo alloqui desideramus? Nec tamen quæ, vel quantum volumus, amantissimo amico præsentibus litteris insinuamus: obstante illa, quæ pene cunctis affectionibus nostris insidioso novercatur oculo, importunitate congestorum negotiorum, quæ tollit a me animam meam plus saepè nolente quam volente. Est itaque petitio nostra apud vos pro priore vestro Noviense, viro honesto, opinionis bonæ, et famæ hilaris in partibus nostris. Electus enim in abbatem, excusat se a tanto onere, tum propter humilitatem suam, tum propter difficultatem laboris, quem nondum expertus, jam reformat tanquam expertus. Instillavit enim auribus nostris, se potius sæculum repetere, quam onus istud suscipere. Non quidem approbo tantam hominis in isto negotio constantiam, ne dicam pertinaciam, quia ordinata Ecclesiæ charitas hoc exigit, ut gratiam acceptam in vicem subministremus, et juxta legem Mosaicam, maledictionem illam fugiamus, qua dicitur maledicta sterilis, et quæ semen non fecerit in Israel. Quia tamen alias dicitur: Quid molesti estis huic mulieri? (Matth. xvi.) Et in Canticis: Adjuro vos, filiæ Jerusalem, ne suscitetis,

D neque evigilare faciatam dilectam, donec ipsa velit (Cant. ii). Pede postulationis nostræ suspenso in ambiguitate spinosa deambulans, vestræ discretioni quid potius e duabus eligendum sit relinqu. Officium autem postulantis expleo, ut suggestens vobis nullo modo cogendum supra vires hominem discreturn desiniam.

pro abbatie Latiniaciensi.

(45) *Petro abb. de Silva.* Silvæ Majoris dicitur libro vi. Sic enim appellant Benedictinorum cenobium in diœcesi Burdegalesi, de quo ejusque auctore B. Gerardo in Sanctorum album tunc recente ascripto Stephanus Tornacensis epist. 331. Aliud est Grandis silvæ monasterium ordinis Cisterciensis in Tolosana.

EPISTOLA CXXXVII

AD ABBATEM DE MAIORI SILVA.

[vi, 17.] Quod me semel vestris sanctis commendavi orationibus, et vice mutua nostras qualescumque orationes repromisi, huic congratulor contractui, et perpetuandum totis viribus exopto. Scintillas in litteris vestris excandentes et recalentes hujus nostri mutui amoris cum multa letitia excepi, et tanquam de sacro altari igne hausto thuribulum propriæ conscientiæ replens, devotionum nostrarum incensa prout potui adhibui. Scit Deus et Dominus scientiarum, quod de propriis nihil presumens meritis, et orationibus amicorum intercessiones, ad illum qui adhuc longe agit legatione fungentes, securus mitto, nec aliquatenus vacuas redire spero. Juxta itaque fidem meam unus de mediatoribus et reconciliatoribus meæ fragilitatis ad illum qui sedet in throno gratiæ accedatis, et copiosam de plenitude gratiarum benedictionem infelici et misero peccatori referatis. Cæterum pro priore de Novis valde familiari et amico nostro, vestro autem fidelissimo, paternitatem vestram supplex deprecor, quatenus sicut cœpistis paterno foveatis gremio, nec aliquid aliquando sinistri. de illo suspicemini. Quod enim quasi contumaciter onus abbatiae recusavit, non de protervitate, aut elatione, sive inobedientia processit. Venas quidem susurri de sacratissimo pectoris vestri arcano susreperat, quod de facili indulgentiam vestram habiturus esset, si potius eligeret in potestate vestra et monachus vester remainere, quam si emancipationem et abbatiam appeteret. Valete.

EPISTOLA CXXXVIII.

AD EUMDEM.

[vi, 19.] Abbati Silvæ Majoris, PETRUS abbas S. Remigii.

Jam in itinere posuerant pedem priores vestri, ut ad vos venirent, cum valefacientes nos, dixerunt quid humilitas nostra remandaret paternitati vestræ. Cœpi urgeri, utrum in tanta festinatione nudo verbo, an qualicunque scripto salutare vos deberem. Impetrato tamen brevissimo spatio cucurri ad scriptorem, nihil excoxitatum, nihil præmeditatum, nihil emendatum quærens; sed sicut in ore nostro et in manu scriptoris accurrebant verba, sic ea incondita litteris mandavi. Nec etenim aliorum thesauros, nec nostros pauperes angulos evolvere poteram. Verbum illud, quod prope est in ore et in corde, non fuit necesse diu querere, hoc est verbum dilectionis, verbum salutationis. Semper enim stat in januis, et omni transeunti occurrit quod diligam vos, et quod vester totus sum, et de orationibus vestris apud Deum plurimum confido. Scio sine dubio ad judicium me properare, ubi sola veritas locum habebit; sed nolo ut sola justitia sine misericordia portas judicii præripiat. Ad fugam enim potius me præpararem, si possem, quam ad

A talem curiam, in qua malo suo merito omnis homo condemnaretur, et nullus nisi misericordia suas partes interponeret, salvaretur. Credo vos atiquid posse apud misericordem et justum judicem, sive præire sive sequi vos contingat causam nostram. Dedit enim apud se fideles suos multum posse, qui fideles fecit, et januam suæ amicitiæ illis aperuit. Sit ergo fiduciæ meæ spes certa, non præsumptio vana, quod de Dei misericordia confido, et de intercessione vestra. De his hactenus. Priores vestros amicos nostros, præcipue Norviensem, et de Bella valle, et S. Pauli, affectuosius vobis commendo, et ut eosdem ad nos remittatis cum bona gratia, imploro. Valete.

EPISTOLA CXXXIX.

AD THEOBALDUM ABBATEM MOLISMENSEM.

[vi, 13.] Venerando, et utinam non verbo et lingua, sed opere et veritate amico, THEOBALDO abbatii Molismensi, frater PETRUS Sancti Remigii humilis minister, spiritum veritatis.

Vox quidem vestra vox Jacob est, et utinam manus non essent manus Esau. Verba vestra venti sunt, litteræ cymbalum tinniens, promissiones nubes sine aqua, sermo sine voce, flores sine fructu, ignis sine calore, aqua sine humore, corpus sine anima, anima sine vita. Quoties, dilectissime domine, baculus arundineus mihi factus estis, dum vobis crederem, et nihil acciperem? Quoties nuntios nostros non primo, non secundo, non tertio fatigastis, et vanis atque frustratoriis dilationibus delusistis? Ubi est ergo illud privilegium amicitiæ, ut scribitis? ubi dilectio illa specialis, ubi fides singularis? Communia vestra male testimo, cum specialia tam cassa et vana reperio. Homo tantæ auctoritatis, abbas tantæ congregationis, monachus et sacerdos veracissimi Christi, quare non appendit in statera justa verba sua, ut nunquam exorbitet a regula veritatis, qui Regulam professus est Beati Benedicti, imo Christianæ religionis? Fideliter et veraciter protestor, multa incommoda sequi mendacem, dum quisque se et sua illi credere refugit. Si meis aequiescere volueritis consiliis, mutato meliori fundamento, diutius et melius cum prosperitate in abbatia vestra durabit, et adversarii vestris locum adversum vos malignandi non præstabitis. Debitum nostrum, cum Deus voluerit et vobis placuerit, halebo. Verumtamen exinde non promerui laborem et dispendium, quia bona fide et cum utilitate Ecclesiæ vestræ multo centum libras ab Otranno Trecensi accepi. Sufficiunt mihi veteres molestiæ, et pristini labores, quos sustinui, ne vel una die creditorem molestarem. Non igitur vadam vobis in occursum pro ista re. Apud nos sunt, qui sciunt quid ex debito receperimus, et quid non. Si ad nos veneritis, honorifice vos suscipiemus, et maxime cum pace, si pacem detuleritis. Valete.

EPISTOLA CXL.

AD EUMDEM.

(vii, 45.) THEOBALDO Molismensi (46) abbatii P. abbas Sancti Remigii, salutem.

Statum vestrum cogitans et recognoscens pene usque ad nescio quid dicam rapior. Caligine siquidem nimia pressus an hoc aut illud eligam, dicere confundor. Si enim dixero, Sta, casum timeo. Si dixero, Susceptum rejice onus, providentiam Dei offendere vereor. Proinde verum est quod ait Scriptura : *Inculta et timida sunt hominam consilia* (*Sap. ix*). Quid ergo ? Tacebo et silentio abscondam charissimo amico quid de ipso sentio ? Rursus tanquam cæcus lapidem jactabo, et feriam ubi non video ? Sed scio quia in ambiguis benignius semper interpretandum est, juxta Apostolum qui ait : *Tu quis es, qui judicas alienum servum ? Suo domino stat, aut cadit : stabit autem* (*Rom. xiv*). Consulo itaque priores et multos labores, in cella Carthusiensis ordinis pro Dei amore perppersos, semper te ante oculos habere, et tutissimo loco intimi cordis reposare, et si datum fuerit desuper, novos quotidie acervos aggregare. Nunquam enim bono negotiatori quæstus sufficit hesternus. Quotidie namque multa de acquisitis expendimus, et forte una jactura plus amittimus, quam per annum lucratii fuerimus. Ideo Apostolus quæ retro oblitus, ad anteriora semper tendit, nisi meliora et fortiora agat, parum pensans quid egerit. Si ergo lucrativa sunt tibi quæ facis, fac quod facis. Appende lucrum animæ tuæ ; C appende tibi commissorum profectum ; appende quid tibi accreverit in temporalibus, quid iterum in spiritualibus. Pensandum siquidem est quietis pristinæ damnum, etsi reparat illud novum emolumen. Tibi, non mihi, crede de bonis tuis; tu enim illa vides et sentis, ego tantum audio et credo. Tibi sunt nota, quia vicina, interiora tua. Si ventrem doles, nescio, nisi dixeris mihi, ventrem meum doleo. Sic nemo scit hominum quæ sunt hominis, nisi spiritus hominis, qui in ipso est. Itaque cum spiritu tuo, imo cum Spiritu Dei, discerne causam tuam, et appende in statera justa, ne sis mendax in statera dolosa, sanum te asserens, cum infirmus sis, vel intûmum, cum sanus sis. Sed omnis homo mendax non solum in his, quorum non penetrat occulta, sed etiam in se, cuius privato amore palpat moliter, quæ amputanda essent mordaciter et fortiter. Adhibendum itaque præclarissimum speculum Scripturarum ad se cognoscendum et de se judicandum. Regula veritatis apponenda, quæ nec modicum lacet fermentum, nec dissimulat minimum quoque et veniale peccatum. Si dormieris inter hos clerros, si

JACOBI SIRMONDI NOTÆ.

(46) *Molismensi abbatii*. Ex hac epistola discimus, Theobaldum aliquando inter Carthusienses versatum.

(47) *Abbatis Richarii*. Centulum olim loco nomen, et monasterio. Postea auctoris nomen sumpsit, hodieque retinet, S. Richarii in Pontino pago diœ-

A accubueris inter hos terminos, si consulueris oracula inter hos cherubin productiles et aureos, rectos faciet gressus tuos, nec erit necesse consilium Achitofel, quod aliquando infatuatum est. Infra hos circulos immite vectes tuos, et semper habens arcam Dei ante oculos non timebis Philisteos tuos, sive spirituales sive corporales. Ipsa die qua recessisti a nobis, venit frater Henricus. Persuasimus ei de redditu ad vos.

EPISTOLA CXLI.

AD ABBATEM SANCTI RICHARIUS (47).

[vii, 4.] In præcipuis boni pastoris sollicitudinibus non insimum tenent locum deliberatio et moderationis cunctarum suarum actionum. Præcipitatio enim et subita animi perturbatio regulam summi arbitri offendit. Qui omnia non mensura et pondere et numero disponit, male quoque cuncta ministrat. Utilius tamen et commodius est corrigere illicita et resecare superflua, quam contumaciter semper ad proclivia defluere. Nam Petrus princeps apostolorum, qui est optima forma omnium prælatorum, habendas regni dicitur habere, quibus impetum cordis tanquam pullum indomitum refrenet, et passibus ordinatis ambulare compellat. Ut ad rem veniam, sacramentum illud, quo monachum vestrum astrinxistis, ne ad monasterium, cui presidetis, quædui administratio vestra duraret, aliquatenus nisi permissione vestra rediret, de sancta penitentia absque ullo pudore et reatu perjurii, potestis relaxare, quod aliquantisper inconsiderate factum est. Si ergo nostro consilio acquiescitis, ovem abjectam revocabitis, et potius ad misericordiæ cornu dextrum, quam ad judicij sinistrum, censuram vestram inclinabitis. Misericordia enim superexaltat judicio. Quærerit etiam monachus vester, utrum tenendum sit tale juramentum, an non. Pro certo respondeo, non tenendum, nisi urgentissima et exactissima subsit causa necessitas. Valete.

EPISTOLA CXLII.

AD ABBATEM ET CONVENTUM VILLARIENSEM.

[vii, 4.] Abbatii Villariensi (48) et conventui, PETRUS abbas Sancti Remigii.

Cum reo, et pro reo, ipse non in uno, sed in multis reus, reatus veniam postulo, causam non D justitiae, sed misericordiæ allego, fontem David resignandum et aperiendum sitienti et de via redeunti imploro. Judæi captum a bestia, et morticinum, atque carnem porcinam non comedunt; sed Jesus lillum inter spinas, et captum liberat, et morticinum salvat, et porci immunditiam sua munditia, quæ attingit a fine usque ad finem fortiter et disponit omnia suaviter (*Sap. viii*), emundat et

cessis Ambianensis.

(48) *Abbatii Villariensi*. Celebre est in diœcesi Metensi monasterium de Villariis : est et in Leonensi alterum de Villari, utrumque ordinis Cisterciensis. Utrius horum, an alterius fortasse cognominis abbati scribat, incertum.

meadat. Fossa juxta altare, quæ sacrificiorum et holocaustorum reliquias sive superflua solet excipere, non nobis oppilata sed aperta reservetur, quia et ipsum altare concavum et in modum retis fieri jussum est, quatenus et cineres excipiat, et vaporess admodum flammæ intrinsecus usque ad animam soveat. Nostrum altare, quod est non hujus creationis, sed in excelsis, paternæ tantum generationis, et in terris materna nihilominus tantum conceptionis Jesus Christus, ventrem habet eburneum quidem, sed distinctum sapphiris: quatenus et ex virtute Dei nostras delect ignorantias et peccata, et ex susceptione humanæ naturæ nostris infirmatiibus ex his quæ passus est compati noverit. Noluit autem plegas illas sanctas et vulnera in cruce suscepta, ita recludi, quod meatus venie et indulgentiae peccatoribus obstruerentur; sed adhuc manus habet expansas in cruce dicens: *Venite ad me, omnes qui laboratis et onerati estis, et ego vos reficiam* (*Matth. xi*). Quia igitur viris sapientibus scribo, de arca sapientia vestrae quântaslibet quisquiliis mutuare mihi concedat eadem sapientia, quæ numquam caret afflenti bonitate et copiosa largitate. Pro fratre Ansredo, imo pro causa ejus, qui ad vos revertitur, haec intimare nec mihi plurum est, nec vobis onerosum esse debet. Causa equidem suæ ab accessionis differens fuit ab aliis, qui propositum sanctæ religionis irreverenter abjiciunt, et tanquam canis ad vomitum redeunt (*II Petr. ii*). Effectus siquidem causæ ipsam probat. Non enim abjecto pudore et reverentia sancti propositi, cum merecibus more aliorum lupanaribus se immiscuit, vel aliis enormitatibus sæcularis conversationis rupto fodere sanctitatis se immersit. Non ergo a vobis uno et indiferenti modo rerum cause pensantur. Quamvis enim in mente divina causa atque ratio omnium habeatur, tamen sicut fluvius, qui egreditur de paradiso in quatuor capita dividitur, sic de illa radice divinae dispositionis rami innarabilium causarum, et in se eadem manens diversas propagines exuberat, universitate eorum quæ fuerunt, vel sunt vel erunt. Quisque enim eventus sive effectus de propria causa procedit. Inde est, quantum ad præsentem causam attinet, quod manus Moysi, quam primo de sinu leprosum retraxit, secundo remisit, et carni reliquæ similia apparuit. Similiter frater Ansfredus, cum ad claustrum sanctæ congregationis vestræ, tanquam ad sinum Moysi, conversus contineretur, nulla in eo lepra criminalis peccati apparebat. Cum autem de claustro exire, tanquam leprosus apparuit. Favente igitur et agente divina jussione, ad sinum Moysi, tanquam ad virum priorem rediens dicit: Melius mihi erat tunc magis quam nunc, nunquam inde postea exiturus, nisi ex mandato abbatis, vel vocazione cœlesti

JACOBI SIRMONDI NOTÆ.

(49) *Clerus de castro nostro.* Castro S. Remigii, in suburbio scilicet Remensi, in quo situm monasterium, et aliæ basilicæ complures. Nunc etiam

A in exitu mortis, quando sana et integra, qualis de baptimate exivit, anima ejus ad domum ipso proprio redibit. Non ergo poeniteat vos ad horam illum amisisse, quem perpetuum fratrem et monachum recipitis. Proderit enim ei sensisse laqueos diaboli, quibus Dei adjutorio contritis, anima ejus liberata est. Tam enim nos, quam fratres nostri, nec non et clerus de castro nostro (49) testimonium ei perhibemus, quod religiosius se habuit in sæculo, quam multi in claustrorum, dum sere septennio nobiscum conversatus est. Exempla misericordiae plurima supponerem, nisi viscera Joseph jam in vobis mota ad misericordiam præsentirem, et nisi modum epistolarem excedere timerem. Breviter tamen et compendiouse patrem prodigi filii ad B eum revertentis cum vitulo saginato, stola, annulo et calceamentis occurrentem, imo accurrentem monstrum: et Jesum æque filium Mariæ virginis, adhuc Thomæ apostolo latus et manus ostendentem, ut quasi petra refugium erinaceis, in cavernis et foraminibus suæ passionis pullos fugientes admittat, et ab insecuritate milvi rapacissimi tutetur. Oleum itaque de capite vestro non desciat, quia postquam Sareptena mulier, id est Ecclesia, Eliam pavit, id est Christum recepit, farina misericordiae divinæ non desecrit, nec lecythus olei imminutus est. Itaque nec ubera sint vobis arentia, nec sterilis vulva. Christus enim non de sterili natus est, sed de puella gratia virginitatis et secunditatis plena. Valete. Quidam clericus bene litteratus, qui in lege Domini die ac nocte meditatur, januam vestram pulsat, magister Willelmus, ut ad convivium sive ad cœnam Domini admittatur. Vestem siquidem habet nuptiale, id est pauperem et humilem, non villosam, nec pomposam. Quo itaque substantia et spiritu pauperior, eo societate Christi dignior. Rogo ut illum recipiatis. Orate pro nobis, quia ovem vestram detonsam bene vobis conservavimus, et cum multa lana remisimus.

EPISTOLA CXLIII.

AD ABBATEN VILLARIENSEM.

[vit. 5.] Abbati Villariensi, PETRUS abbas Sancti Remigii.

Munus amicabile est amico sollicitudinem gerere. Pluris etenim est munus animi quam nummi. Sollicitudo autem implet animum, non manum. Unde nec tam facile tollitur de corde sollicitudo amoris, quam cito excutitur de sinu vel manu pinguis cuiuslibet materialitatis. Cum igitur a fratre H. diligenter de statu vestro quererem, audivi vos in labore hominum esse et calicem sororis nostræ, quæ est passio Christi, cum his qui in torculari premunt, frequenter bibete. Amara quidem poterbentibus illam, sed spem salutis optimam in se habet repositam. Nihil enim ad cœlum euntibus tu-

tametsi in omnibus urbis inclusum, Burgum S. Remigii eam partem vocant.

tips, quam sequi stramat sanguine Christi tinctam, quam vestigia clavorum impressa prospicere, et ante oculos suos Christum semper prescriptum et præscriptum inspicere. Rectissimum hoc iter ad tribunal gratiæ. Via hæc latronibus vacua, et finem suum pertendens ad ihūm, qui peregrinantibus est via, proficiscentibus veritas, pervenientibus vita. Duri sunt lapides ad caput Jacob in itinere quiescenti, asperi silices cacumina montium petenti, pungunt spinæ et tribuli teneros pedes, femori infliguntur sagittæ, sed nunquid non erit fisis? *Finem*, inquit apostolus, *Domini vidistis, patientiam Job audistis* (*Jacob. v.*). Quid igitur post finem, quid in fine? *Omnis consummationis vidi finem, latum mandatum tuum nimis* (*Psal. cxviii.*). In fine siquidem apprehendemus quæ sit longitudo, latitudo, sublimitas crucis Christi, et profundum. Longitudo dierum in dextera ejus; latitudo, ut sit tanta cognitio de Deo quanta dilectio, tanta dilectio quanta beatitudo, tanta beatitudo quanta dulcedo Dei, tanta dulcedo quantus ipse Deus. Sublimitas, in capite Nazaræi, Jesus Nazarenus rex angelorum. Profundum, cum omnia subjecta erunt ei, præter illum qui sibi subjicit omnia. Hæc, charissime frater et domine, charissimus filius vester H. a nobis nolens vacuus redire sua instantia extorsit, non a nolente, sed ab obesse multis curis et turbis. Libentissime vidimus novum hominem factum de veteri, reversum de regione dissimilitudinis ad patrem clementissimi pectoris et redundantissimæ pinguedinis. Hunc vobis affectuosius commendamus, tanquam mutuæ dilectionis pignus, et fratrem, quem ego aliquantis per enutrixi, et valde diligo.

EPISTOLA CXLIV.

AD ABBATEM SANCTI ÆGIDI.

[ix, 7.] Abbati Sancti Ægidii (50), Petrus abbas Sancti Remigii.

Vagabundas frequenter litteras ad diversos lucque absque emolumento aliquo devolvimus. Una vero res seria plura redimit otiosa. Columna quoque firmiter locata sustinet in se residentia etiam titubantia. Uno lucro plures jacturas compensat sedulus negotiator. Ut ad nostra veniamus, delictum Judæorum divitiæ sunt mundi, et diminutio eorum divitiæ gentium. Hæc idcirco prælibaverim, ut non sine fructu scribam vobis. Fructum dico, non qui perit, sed qui permanet. Permanet autem quidquid Deo placet. Placet vero Deo vera dilectio, pura oratio, sancta compunctione, mandatorum Dei observatio. Suum possessorem nec avaram nec prodigum faciunt. Avarum redderent, si dilectionem et orationem amicis non erogaret;

JACOBI SIRMONDI NOTÆ.

(50) *Abbatis Ægidi.* Viro nobili et litterato. Monasterium est in Septimanianâ, haud procul a Rhodani confluentibus, quod oppido etiam nomen fecit, ui primi juris, in Cluniacensium postea disciplinam potestatemque translatum.

(51) *Basilio.* Majoris Carthusiæ priori VIII vitæ

A prodigum, nisi compunctionem et mandatorum Dei observationem proprie retineret. Sic monet Sapientia: *Deriventur, inquiens, fontes tui in plateis* (*Prov. v.*), quod ad alios; *Sit tibi fons proprius et non communicet ex eo alienus* (*ibid.*), quod ad se ipsum. Bene offert, qui sic dividit. Progrediatur epistola, et demissa facie quæ sequuntur eloquatur. Nobilitas vestra et litteratura, sicut de carne et sanguine sunt, sic carnem et sanguinem, nisi comedimentum religionis interponatur, sapiunt. Regularia tamen irregularibus ab oppositis sese objiciunt. Claustralis disciplina in habitu et forma regularium deputantur. Carnalia et sacerdularia regulam aut exuunt, aut interrumpunt. Operiat utique velamen religionis turpitudinem lubricæ carnalitatis: et in abbate monacho lateat ventosæ nobilitatis, et superfulgeat vexillum humilitatis. Dicat igitur conscientia in vestimentis ovium sepulta: *Quoniam non cognovi litteraturam, introibo in potentias Domini* (*Psal. lxx.*). Item: *Absit mihi gloriari, nisi in cruce Domini mei Iesu Christi* (*Gal. vi.*). Vera nobilitas nunquam superbit; litteratura sacerdularis inflat, si illam charitas non reprimat. Ecce super candelabrum præclarum lucerna superposita in abbatia Sancti Ægidii, siclare ardet, plurimas adventantium regiones illuminat; si declinat in obscurum seu vaporem sumi, offendit videntes. Sic itaque luceat lux vestra, ut videntes glorifcent Patrem vestrum, qui in celis est.

EPISTOLA CXLIV bis.

AD BASILIUM ET ALIOS PRIORES CARTHUSIENSES.

[v, 9.] Dominis et Patribus Basilio (51) cum ceteris prioribus Carthusiensis ordinis, frater Petrus humilius abbas Sancti Remigii, salutem cum omni devotione.

Ad glorificandum Christum vos convenire, quotiescumque convenitis, non ignoramus. De nullo itaque negotio sacerdulari directionem cordis vestri impedire sine dubio fas est. Commonere autem vos dignum est, ut quod facitis usque in finem facere studeatis. Virtus enim boni operis de radice procedit bonæ intentionis, et in perseverantia dilectionis perficitur, et omnis laus in fine canitur; melior quoque est finis orationis quam principium. Hæc D ideo præmiserim, ut quia manut misistis ad fortia, semper ad ampliora et anteriora charitatis opera extendere contendatis, ad ejus imitationem, qui dum in mundo esset, porrigit manum, corporum lepras, oculorum cæcitates, aurium surditates, et labiorum silentia curavit. In fine vero prorsus in cruce manus extendens, cœli et terræ, universaliter plagas et vulnera antidoto sanguinis

sanctimonia, doctrinaque illustri. Huic iterum, universique ordinis comitiis, quæ quotannis baberi solent, scribit epistolam II, nec dissimili arguento; nunc quidem pro monasterio in Dacia Esquili archiepiscopi rogatu erigendo; tum vero pro Trecensi, quod Henricus comes meditabatur.

sui curavit, et contra omnia recidiva, validissimam medicinam in cornu crucis, omnibus posteris usque ad consummationem saeculi reposuit, ut quicunque crucem suam post eum bajulaverit, vita eternæ compos et particeps, contrariam valetudinem timere non habeat. Frater iste, præsentium lator, per nos et per multos alios rogat mitti operarios de vobis in messem Domini. Messis enim multa in Dacia jam alba et ad metendum; sed operarii pauci, sed minor numerus qui non potest sufficere ad edendum agnum. Non sit itaque vobis pigrum, non durum, non desperabile, mittere ex vobis, qui nomen Dei et sanctum ordinem vestrum in terra illa portent in spe percipiendi fructus centesimi, aut potius millesimi. Corona vestra et gloria, si bono exemplo vestro animas plures Deus lucratus fuerit, et in regno gloriæ dñe salute aliorum merces vestra amplior et glriosior in conspectu Dei et sanctorum angelorum erit. Valete.

EPISTOLA CXLV.

AD THEOBALDUM CLUNIACENSEM ELECTUM.

[ix. 3.] THEOBALDO electo Cluniacensi (52), Pe-
trus abbas Sancti Remigii.

Gemebundas, et quasi intestinorum suorum tumultuosa collisione seu conquestione, et velut a fulgere et tempestate percussas a vobis recepi litteras. Hominem siquidem redolebant satis conturbatum et exterritum, ac velut repentina superveniente tonitruo pene jacentem exanimatum. Nec mirum. Res namque nova, tam sua novitate quam magnitudine, hominem audacissimum et fortissimum potuit concutere. Qui ad crucem ducitur, gemens et lugens merito conqueritur. Si crux a cruciato dicitur, nonne in cruce cruciatur, cuius humeri importabili oneri supponuntur? Profecto amodo tot molas supportabilis, quot monachorum curam recipietis. Quid ergo? Nonne cum Apostolo dicetis: *Quis infirmatur, et ego non infirmor? quis scandalizatur, et ego non eror?* (II Cor. xi.) Ecce timor, ecce anxietas, ecce cruciatus. Sed quid? ubi consolatio? ubi revelatio? ubi tanti doloris remedium? sine dubio in Christo. Nam ipse primus ascensor, mitigator et sanctificator crucis; qui suo cruciato nostros absolvit cruciatus in cruce, et de cruce dixit: *Mulier, ecce filius tuus* (Joan. xix), et discipulo: *Ecce mater tua* (ibid.). Sed quid hoc ad rem? quid ad præsentem quæstionem? Multum per omhem modum. Nam mulier est Cluniacensis Ecclesia, que est mater omnium nostrum, que de fructu ventris sui plures manipulos sanctorum animarum ab Oriente et Occidente in sinu Abrahæ, Isaac et Jacob, jam collocavit, et sponso suo poena nova novitorum, et vetera antiquorum et senum, in coelesti mensa frequenter

A obtulit. Quis vero discipulus sit, de quo dicitur: *Mulier, ecce filius tuus*, jam credo animadvertis. Tangit enim vos haec sententia, quia æterna prædestinatione, et moderna vocatione, sollicitudinem hujus matris vestrae decreto inviolabili gratia Dñi injungit. Temerarium autem est, et inhumanum, tam divinam ordinationem respuere, quam matre fidele obsequium denegare. Igitur tanquam Issachar asinus fortis, eervicem et humeros huic electioni supponite, et de Dei auxilio fideliter præsumite, quia spiritus adjuvat infirmitatem vestram. Mibi autem amico et fidieli vestro gaudium est et exsultatio, quod tantum amicum in tam excellenti loco merui videre sublimatum. Nam et ipse servus et filius sum Cluniacensis Ecclesiæ. Valete, et per nos, oro, transitum facite.

EPISTOLA CXLVI.

AD H. ABBATEM CLUNIACENSEM (53).

[ix, 44.] Non omissionis excubis Dominicæ sepulturæ vestri habens memoriam, sancto Sabbato opus aggredior lege non prohibitum. Nec legere namque, nec scribere prohibet lex. Lugeo interim ex lege sua contra legem proscriptum Jesum extra synagogam, extra civitatem sanctam tunc profanam, extra vitam. Sed Christus proscriptus meliorem adiit mansionem, populum chariorem, civitatem sanctiorem, lectulum gratiorem, mensam suaviorem. Quid plura? proscriptus a Judæis ascriptus est rex et Dominus in cœlis. De exsilio migravit ad regnum; ab his qui odio habuerunt eum gratis, ad illos qui obsequuntur semper gratis, a cruce ad cœlum, a patibulo contumelie ad thronum gratiæ. O benigna patientia, quoisque sustinui locum contumeliosum, populum injuriosum? Certe non una die, non mense, non anno, sed annis multis, quatenus penitentiam de commisso agerent, et indulgentiam acciperent. Dormis, Jesu, in monumento, nec ore, nec naribus ullos strepitus facis: medium noctis silentium tenent omnia, donec surgas, donec evigiles, donec apostolos dispersos revoces. Mittat gallus vocem, et melius cantet in Christi resurrectione quam in Petri negatione. Raucae tunc cantavit dicens: Raucae facte sunt fauces meæ a conturbatione hominum, a tempestate procellarum. Ubi enim in terra vox clara, quando Verbum suffocabatur, quinimo et verberabatur, ut veritas supprimetur? Sed parvo intervallo factus est terræmotus, quia surrexit Dominus, et cantavit gallus, surrexit Dominus de sepulcro. Non ter, sed millies gallus Christianorum singulis noctibus, singulis civitatibus, singulis sanctorum congregationibus cantat Alleluia, cantat et Christi mortem et resurrectionem. Unde: *Gallo canente spes reddit*, etc. Alius quidam

JACOBI SIRMONDI NOTÆ.

(52) *Theobaldo electo Cluniac.* Anno 1180. Anno unico fuit abbas Cluniacensium. Postea cardinalis Ostiensis a Lucio III pontifice creatus est. Itaque in Urbani III et Clementis III privilegiis ad Hugonem abbatem Cluniacensem, Theobaldi hujus successo.

rem, subscribit ipse Theobaldus episcopus Ostiensis et Veltternensis.

(53) *H. abb. Cluniac.* Hugonem IV, qui Theobaldo cardinali successerat.

ineffabilis galtus... dicens : *Exsurge gloria mea, exurge psalterio cithara (Psal. LVI).* O Fili, gloria mea ! nam filius sapiens gloria est patris ; exsurge, dormasti, somnum cepisti, satis est, exsurge, ultra non dormitur, sed tecum in gloria mea vigilatur ad psallendum, ad citharandum vicinis et amicis meis, qui libenter, non impudenter auscultant vocem tuam. Concentum certe cœli cantando et psallendo dormire facis. Veni cum psalterio, veni cum cithara tua. In psalterio decem chordarum cantabis, quia super novem ordines angelorum cum homine redempto collocaberis. Citharam quoque passionis tue percute in auribus meis, quia illum qui non debuit condemnari condemnavi, et volo ut senior ille frater, qui in agro occidit Abel, meam audiat diabolus symphoniam et chorum, non ut delectetur, sed ut confundatur, et sit ei in testimonium suæ malignitatis et meæ benignitatis, qui dedi filium ut redimerem servum. Hanc portionem mihi hodie contulit Dominus de sua passione et resurrectione, antequam ad nostrum capitulum accederemus. Tingite panem vestrum in aquam crassam vituli saginati, et sicut adipe et pinguedine repleatur anima vestra. De his hactenus. Mitto fratrem Stephanum quem diligitis, cum fratre suo B. quatenus eo pacto sub fratre suo domus nostræ de Provincia curam habeat, ut vos et fratrem ejus fidejussores habeam de indemnitate bonorum nostrorum. Est enim in hoc officio novus, et necesse est ut habeat bonos adjutores et consiliarios, donec per se ambulare didicerit.

PISTOLA CXLVII (54).

AD HUGONEM ABBATEM S. AMANDI.

(Opp. Joannis Saresb. edit. GILES, Oxon. 1848, in-8°, t. I, col. 192, epist. 136.)

Amicorum fidem articulus necessitatis examinat, et qua quisque moveatur ad alium affectione convincit. Nobis autem, qui jam pridem totum animum devovimus obsequio vestro, devolutumque Domino auctore inviolabiliter conservamus, gravis et onerosa incumbit necessitas, quam vestra gratia, de qua plurimum confidimus, speramus, et petimus sublevare. Nam quod fertasse mirabimini, addicti sumus exilio, et in eo jugi sollicitamur et torquemur angustia. Si quidem clericus quidam nobis longe semper amicissimus, cuius omnia tam prospera, quam adversa a multis retro temporibus nostra sunt, litterarum eruditio, et morum honestate, tanto cunctis probatior, quanto notior, ab Anglia exsulat apud nos, et nos domi nostræ exsulamus cum illo. Sustinet enim indignationem regis Anglie, non suo quidem merito, ut de nostra et ipsius loquamur conscientia, sed quia domino suo Cantuariensi archiepiscopo, ut oportuit, servivit. Is est magister Joannes de Saresberia, bonum testimonium habens in partibus cismarinis et transma-

A rinis. Ut ergo a nobis ipsis tam proprii quam futuri exsiliis amoveatis angustias, dilectioni vestre attentius supplicamus, ut eum interventu comitis Flandrensis et vestro, reconciliet regi Anglorum, et sicut videritis expedire, ei litteras regis patentes perquiratis, quibus secure redeat, et suis in pace fruatur bonis. Sciatisque pro certo quia nos in nulla re magis poteritis promerer, nec est quod dissimuletis, quia constat pluribus, potestatem vobis esse collatam, si voluntas adfuerit.]

PISTOLA CXLVIII.

AD ABBATES S. MEDARDI ET S. CRISPINI.

Sancti Medardi (55) et Sancti Crispini abbatibus PETRUS abbas Sancti Remigii.

[v. 21.] Nescit veræ amicitiae naturam, qui in amore imitatur arundinem vento agitatam. Sine profunda radice amicitia, accidens est non substantia, species non virtus, fenum de lecto, quod antequam evellatur arescit. Tres itaque præcipuas ancillas, sine quibus vivere nou potest, conites habet et pedisequas, justitiam, patientiam, et constantiam. Justitia suum jus unicuique servat; patientia, si forte intervenerit, injuriam salva integritate amicitiae tolerat; constantia nec qualitate nec quantitate pacti prævaricati exspirat. Quis ergo abduxit ? quis seduxit ? quis exturbavit funiculum hunc triplicem a sacratissimis visceribus dominorum et amicorum meorum, abbatis Sancti Medardi, et abbatis Sanctorum Crispini et Crispiniani ? Moriar non vivat tam nefarium et nefandissimum scandalum servorum Dei, quod de radice vetustissimi eolubri, id est ineptissimæ avaritiae prodiit. Subornat se quidem occasio avaritiae vestimentis justitiae, sicut Jacob vestimentis Esau valde bonis, et Jacob mentitur se Esau. Pater tamen universorum, qui quasi oculos caligantes exhibet, dum ipso judice, ipso omnia regente, injustitia justitiam opprimit, nec poenam recipit, quasi miratur de tanta hominum fraude, qui sub oculis ejus non timent mentiri, et in invicem fraudare, dicens : *Vox quidem, vox Jacob, sed manus, manus sunt Esau (Gen. xxvii).* Praesert quiske alterantium jus authenticum et regulare se habere, nostra, inquiens, diu sic possedit Ecclesia, et nostrasic. Ecce Jacob in voce. Deinde par cordium concutitur, antiqua familiaritas excutitur, obliquantur oculi, castissimi amplexus solvuntur, de altero alter conqueritur, innexi discipulorum parietes in domus scissuram partiuntur. Ecce manus Esau. Redite, amici charissimi, redite ad cor. Non grandis querela, grandis autem est de hac discordia inter nos et vicinos vestros infamia. Prædecessorum vestrorum temporibus, nec in personis, nec in rebus monasteriorum vestrorum dicitur fuisse inventa tanta concordia, quantam firmo et fraterno fædere hactenus ad invicem excoluistis. Unde ergo tam subito valde odiosa advenit simultas ? Quomodo ausa-

JACOBI SIRMONDI NOTÆ.

(54) Nova.

(55) S. Medardi abb. Apud Suessiones. Vetus ac

nobile S. Benedicti monasterium, vel S. Gregorii pape privilegio clarissimum.

est sacra penetrare pectora execrabilis et exse- A
cranda temeritas, qua pacis cubicula inquietarentur,
et utriusque pacatissima quies intempestive sollici-
tata infestaretur? Resarcitur repente amoris vin-
culum, ne charitas in alumnis suis saltem unius
dei, ne dicam mensis vel anni, præscriptionis in-
currat dispendium. Qui enim ait: *Sol non occidat super iracundiam vestram* (*Ephes. iv.*), regulam juris
præfixit, quam intulit est prævaricari. Gravis enim
sumitur vindicta de illo qui Evangelii jura violat
perpetua. Quare, inquit Apostolus, *non magis infu- riam accipitis?* *quare non magis fraudem patimini?* (*I Cor. vi.*) Sordet religio, ubi prævalet ambitio;
fama foedatur, si res injuste auferatur vel acquira-
tur; conscientia molestatur, si stimulo elationis
quoquo modo pungatur. Oleum quo caput mentis
impinguatur extra funditur, si pluris pecunia quam
justitia habeatur. Itaque interpono partes nostra-
amicitiae, si forte recognita cognatione antiquæ fa-
miliaritatis, reporrigan sibi hiantia corda reconcili-
ationis mutua brachia. Kogo ut dies per amicos
vestros accipiatur, in quo de concordia familiariter
agatur. Valete.

EPISTOLA CXLIX.

AD PRIOREM CANTUARIENSEM

[vi, 9.] Me debitorem vobis constituit tam obse-
quium dilectionis, quod omnibus ex parte nostra
per vos transeuntibus impeditis, quam charissimi
nostrí magistri Joannis gratia, quam plenissime
obuenies. Novus quoque a Deo vobis collatus mar-
tyr ad suæ sepulturæ locum attrahit et allicit. Quem
enim præ aliis mortalibus virum conatantem, et in
fide vera fundatum cognoxi, cum sanctis angelis et
martyribus jam annumeratum (56) corde credo, et
ore confiteor. Præsumo autem et ipse de orationi-
bus ejus, utique quia dignum fecit me Deus suis
benedictionibus, colloquio, cognitione atque fami-
liaritate. Accedit et hoc ad cumulum totius amici-
tiae, quod in turbine illo et tempestate per M. Joannem (57) salvatus et conservatus est. Noluit Deus
stellas omnes cum magno illo sole simul de terra
vestra tollere. Ideo reliquæ salvaæ factæ sunt. Plane
bene appellaverim stellas, doctrina et vita relucen-
tes tanti patris filios, et tanti doctoris discipulos.
Utinam radios suos libere, et absque interpolatione D
tenebrosæ noctis exercere valerent. Cæteris enim
terris vestra melior et clarior appareret, si doctri-
nam illorum recuperet.

JACOBI SIRMONDI NOTÆ.

(56) *Martyribus jam annumeratum.* Annumerandum
haud multo post apostolica auctoritate decrevit
Alexander pont. anno 1172 die primo Quadragesi-
mæ, ut est in ejus epistola 54.

(57) *Per M. Joannem.* Sarcsberiensem, qui nota-
rius et familiaris fuerat B. Thomæ. Itaque illo in-
columi non totus obiisse B. Thomas videbatur.

(58) Quod de mortis B. Thomæ revelatione ini-
tio evistolæ ait, eo spectare videtur, quod a multis
proditum est, atque in litteris Willelmi archiepi-
scopi Senonensis ad Alexandrum papam legitur his

EPISTOLA CL.

AD EUNDÆM (58)

[vi, 18.] Lugdunensem archiepiscopum nobis all-
quando scripsisse de revelatione pretiosæ mortis
sancti et gloriosi martyris Thomæ non teneo. Au-
divi quidem, sed a quo audierim mente excidit. No-
lui ergo certa pro incertis scribere. Superflua enim
sunt impendia lucernæ, ubi sol meridianus lucet
in virtute sua, et denigrat majestatem verorum, ad-
mistum modicum ferenti mendacii et falsitatis.
Credo enim magis laborandum, ut plura demandur
miracula, quæ mera veritate fulciuntur in gloria
Dei et præfati martyris, quam ut aliqua furtiva et
emendicata supponantur. Omni supplicatione et po-
stulatione tam vos quam omnes qui posteris tradi-
turi estis memoriam mirabilium vestri et nostri mar-
tyris exoro, ut nihil nisi septempliciter examina-
tum, purgatum, et colatum fidelissima veritate scri-
batur de eo vel de miraculis ejus. De monacho Montis
Dei, nomine Gausredo, refero quæ veraciter fa-
cta partim ab ipso, plenius a quodam monacho no-
stro, qui tunc temporis ibi scribebat, audivi. Forte
ab Anglia charta miraculorum sancti Thomæ ad nos
devenerat, et a nobis ad fratres de Monte Dei. Jam
dictus frater turgidus et inflatus toto corpore, ut
vere hydropticus, cellam egredi non poterat. Accepta
itaque cum fide et invocatione sancti nominis char-
ta, tetigit pedes suos, et tibias, et totum corpus
suum de ipsa, et in tantum convolavit ut parvo
tempore interposito ad Ecclesiam, et ad officia sua,
non tamen ex toto curatus, rediret. Addo miraculum
plus jucundum quam utile. In capella nostra libel-
lus qui legitur in capitulo de natalitiis sanctorum,
et de recordatione defunctorum nostrorum, nescio
quis forte suratus est. Altera die cum flagitarem
more solito legi lectionem ex ipso libro, turbatis
capellanis non est inventus libellus. Cum vero de
negligentia et de incuria malæ custodiaz eosdem
capellanos increparem, unus eorum, nomine Robertus
Anglicus, qui frequenter missam ad altare, in
quo reliquæ sancti Thomæ continentur, celebrabat,
in hanc vocem prorupit: Certe nunquam credam
Thomam esse sanctum, nisi reddiderit nostrum li-
bellum. Fere post mensem, redditus est nobis liber.
Si hoc miraculum est, istud verum esse confirmo.
Valete. Sanctum cōventum, et M. Joannem salu-
tate.

verbis: *Dicitur namque et constanter asseritur, post passionem suam multis apparuisse in visu, quibus perhibet se non mortuum esse, sed vivere, et non vulnera, sed vulnerum tantum cicatrices ostendit.* De mi-
raculorum autem fama, quæ B. martyris occasum
mox secuta est, in litteris Ludovici regis ad Alexan-
drum eundem: *Et ecce ad tumulum agonistæ, ut re-
velatum est nobis, divina in miraculis revelatur gra-
tia, et divinitus demonstratur, ubi humatus requie-
scit, pro cuius nomine decertari.*

EPISTOLA CLI.

A

AD PRIOREM ET FRATRES CANTUARIENSES.

[vii, 20.] Priori Cantuariensi et ceteris fratribus, PETRUS abbas Sancti Remigii.

Beata occasio, qua vobis admoneor scribere. Misericordia certe me judicat de inertia, quae detinet senectutem meam a visitatione quondam amici, nunc domini, Patris et patroni nostri sancti Thomae pretiosi martyris Dei. Hinc arguit me conscientia, inde excusat. Si viveret in corpore archiepiscopus Thomas, nonne, inquit conscientia, ires et visitares illum? nonne et marina pericula postponeres, et omnem a te torporem excuteres, ut amicum visitares, et mutua conferres colloquia? Econtra iterum talia refert: Sed monachus es, sed abbas, sed senex, sed corpore invalidus. Monachi est, non egredi de castris Domini, imo de claustris monasterii; abbatis est, procurare curæ sua temporalem et regularem sollicitudinem: senis est, inniti baculo suo sub oliva et fico et vite sua, et cogitare dies antiquos et annos æternos in mente habere. Invalidi est, converti in ærumnæ sua, dum confringitur spina, et dicere quotidie: *Quis me liberabit de corpore mortis hujus? Gratia Dei per Jesum Christum (Rom. vii).* His cogitationibus disputatione sua sic me accusantibus et excusantibus, interponit se statera sequitatis medium, sicutque litem resolvit, ut neutra de conclusione erubescat, sed pace bona alteri cedat altera. Pium namque est ire, pium non ire, bona est peregrinatio, quam comitata fuerit sancta devotio; religiosa nihilominus detentio, cui assidue adest pia commemoration, et eo intentio flagrantior, quo suo non satiatur desiderio. Utinam sic me deferret angelus ad sancti sepulcrum, sicut Habacuc transtulit ad lacum leonum, non ut deserrem Danieli refectionem, sed ut referrem peccatorum remissionem! Constituo autem interim absentia nostræ vicarium magistrum G. quem ad se vocavit D. archiepiscopus Cantuariensis. Commando itaque vobis commendabilem amicum et clericum nostrum eumdem G. qui sentit in se viscera dilectionis, misericordiae, et pietatis, quæ ad nos habetis, non pro merito nostro, sed pro gratuito beneplacito vestro. Certe si primam familiaritatis vestram portam appetueritis ei gratia nostri, credo quod ex prælibatione avida subsequetur famæ, et continuo dicetis, jam non propter tuam loquelam illum diligimus, ipsum enim cognoscimus, et scimus quia dignus est amicitia et contubernio bonorum. Excipite itaque illum tanquam honestum clericum et bene litteratum, ut apud vos possideam hunc ramuscum, successione illius magnæ arboris, quæ transplantata est in ecclesia Carnotensi. Fuit enim noster alumnus magister Joannes: et iste, utinam similiter!

JACOBI SIRMONDI NOTÆ.

(59) Priorem Wigornensem. Radulphum, ad quem Saresberiensis epist. 205, et noster epist. 153, 154,

EPISTOLA CLII.

AD PRIOREM WIGORNENSEM (59).

[vi, 21.] Rerum et temporum varietas, que nos ubique et undique circumvallat, non sinit nos stabiliter gradu in eodem stare, aliquando quidem nostro, aliquando alterius vitio. Nam cum in eodem proposito volentes stare pedem figimus, frequenter irruit, et occupat propositum stabilitatis nostræ, decursus et incursus instabilitatis alienæ. Inde est, charissime amice, quod contra propositum et voluntatem cordis vestri, fratrem P. priorem de Lapelee cogimur amovere. Toties siquidem rumores malos de prioratu illo accipimus, quoties transmarinos de illis partibus hospites suscipimus. Claustrales et ministeriales uno impetu concitati clamant perire domum, prioratum ad nibilum redigi, et in summa jam paupertate detineri. Quid ultra? Nullum ibi monachum esse, solum priorem semivulum palpitare. Mittimos itaque a latere nostro fratrem Absalonem, cujus industriam in multis experti sumus, et cujus studio, si ei gratia Dei adfuerit, ruinas illas reparandas et in melius commutandas speramus. Commendamus ergo illum vobis, ut consilio et auxilio vestro fultus, ad honorem Dei, et animæ sue salutem, ac Ecclesie nostræ utilitatem, valeat commissa sibi strenuus adimplere. Valete.

EPISTOLA CLIII.

AD EUMDEM.

[vii, 9.] Priori Wigornensi, PETRUS Sancti Remigii abbas.

Neque subitaneus, neque repentinus soleo res magnas disponere, sed cum multa maturi consilii deliberatione, finis causarum appensione. Inde est, amice charissime, quod non statim credo omni spiritui, propter illum qui transfigurat se in angelum lucis, et sub pallio consultationis offert sapientiam deceptionis. Vitium autem est, omnibus credere, et nulli. Exemplo igitur illius, qui omnia novit antequam flant, et tamen descendit per angelos probare utrum clamor Sodomorum, qui ascenderat ad coelum, opere completeretur, an non, diu substiti acquiescere rumoribus quotidianis, de fratribus nostris de Lapelee, vel meliores fructus de fuculnea sperans, vel judicium tanquam meridiem exspectans. Quia itaque crebrescit, non rarescit fumus funestæ opinionis, securum appono ad radicem arboris, non detruncans, sed relevans ramos usque ad terram inclinatos, imo incurvatos, si forte suspensi ferant denuo uvas, non labruscas. Mitto autem a latere nostro fratres integres hactenus apud nos opinionis, quorum conversationem, si de præteritis futurorum praesagia apprehenduntur, bonam in terra vestra credimus futuram et honestam. Sit

155, quibus agit de Lapeleensi S. Remigii prioratu in Anglia.

cum illis manus vestra et consilium, quo si quid in eis minus est suppleatur ad bene regendam domum nostram, et ad famam dignam reparandam.

EPISTOLA CLIV.

AD INC. PRIOREM DE LAPELEE.

[ix, 5.] PETRUS humilis abbas Sancti Remigii Inc. priori de Lapelee (60).

Postulas in litteris tuis nostrum stylum recipere, non alienum. Sed hebetatus, sed retunsus, sed deinde plenus squalore et rubigine, qua facie transire poterit mare, cum potius sua rusticitate cachinnos moveat, quam suos lætitiet hospites? Calamus quoque noster annositate et desuetudine quassatus, necnon et terrenorum sollicitudine assidua obstrutus et obstrictus, rauce sonat, nec jam auditores suos demulcit, sed male commovet. Ne tamen filii et amici charissimi pettiunculam excludam, vel eludam, emendicatis repressis coloribus rhetoriciis, et leporem sermonis postponens, dies Dominicæ passionis præ oculis habens, moneo cum Jesu partiri suas contumelias, suas passiones, sua flagella, sua spuma, et totum cursum patientissimæ dispensationis, qua pro nobis usque ad inferna descendit. Reduc Jesum a planta pedis usque ad verticem vulneratum ante oculos tuos, aut animum deduc ad locum et focum ubi Petrus negavit, et quæ cordis medulla non liquefacta totum altare tam æneum quam aureum sua aspersione implebit? *Holocausta*, ait Psalmista, *medullata offeram tibi* (Psal. lxxv). Medulla animæ non est nisi de infusione gratiæ. Si anima, licet macra, tamen esuriens et sitiens, magno appetitu stillicidia elambuerit gratiæ, vespere, et mane, et meridie; vespere, complantata similitudini mortis Jesu; mane, renovata cum resurgentे Jesu; meridie, translata ad dexteram Patris cum Jesu: certe inebriabitur ab ubertate domus Dei, dicens: *Sicut adippe et pinguedine repleatur anima mea* (Psal. lxii). Quare non saginaretur de vitulo saginato? Quare non inebriaretur de flumine quod lætitiet civitatem Dei? Habet vinum de vite vera expressum in torculari crucis, et attractum aperto ostio lateris. Sicut enim tonellus foratur, ut vinum habeatur, sic latus Christi lancea militis apertum est, ut exiret aqua baptismatis, et sanguis nostræ redēptionis. Bunc quotidie sumimus in altari sub specie vini. Altare siquidem est locus pascuæ, de quo dicitur: *In loco pascuæ, ibi me Dominus collocavit* (Psal. xxii). Et in Canticis: *Indica mihi quem diligit anima mea, ubi pascas, ubi cubes in meridie* (Cant. i). Quid est in meridie? In luce, in puritate, in veritate, in charitate. Qui latet ut anguis in herba, abscondens peccata sua, non est in meridie; qui impudice vivit, et templum Dei violat immunditia aliqua, non est in meridie; qui dolosus et fraudulentus est, speciem pietatis habens et virtutem abnegans, non est in meridie; qui tepet odio fraterno, non est in meridie. Non ergo ipsum,

A vel cum ipso pascit Christus qui dicit: *Superbo et insatiabili corde cum hoc non edebam* (Psal. c). Non cubat etiam nisi ubi pascit. Sed de his hactenus pro tempore. De me vero si vis scire, onere tam annorum quam peccatorum quotidie more meo solito premor. Tamen benignitate et clementia Dei adhuc excedere valeo, et injuncta officii negotia utcunque procurare. Pacem etiam bonam cum fratribus nostris, et cum archiepiscopo, et cum omnibus hominibus habeo. Caput monasterii nostri renovare aggredior, et cum Dei auxilio jam opus inchoatum ridet, et sequentis operis auspicia nobilia spondet. Non excidit a memoria, quod aliquando mihi quasi reprehensorie dixeris, studere alia opera facere, et non curare de monasterio. Hoc verbum, etsi perfunctorie fuit dictum, non transitorie fuit auditum. Mille enim libras, adhuc simul quingentas postea pro opere monasterii expendi. Saluto fratrem Dudsonem. De bono odore vestræ conversationis gaudeo.

EPISTOLA CLV.

AD PRIOREM DE VALLE S. PETRI.

[vi, 14.] De quæstione vestra, utrum scilicet salva conscientia vere pœnitens possit respondere antiqua crimina sibi oljicienti, nihil est, aut nescio quid dicas, utinam tempus et licentiam largiorem scribendi obtinerem! Tamen quod in transcursu animo occurrit, respondeo. Vera confessio et plena satisfactio, omnes Ægyptios, tanquam plumbeum, in aquis vehementibus indifferenter submergunt, adeo ut solus Israelita, id est virtus a Deo concessa evadat, et Ægyptii, id est peccati opprobrium tollatur a conscientia et ab infamia nota. Sicut enim in baptismō, tamen originalium quam actualium nullæ supernatant reliquiæ, sic in confessione illustrantur tenebræ, et nox vertitur in diem, ut veraciter converso et contenti dicatur, fuisti aliquando tenebræ, nunc autem lux in Domino. Et sicut idem Apostolus ait de Christo: *Etsi neveramus Christum secundum carnem, sed nunc jam non novimus* (II Cor. v); sic et de isto dicitur, etsi neveramus peccatorem, mendacem, homicidam, adulterum, injustum et impium, liquefactis iniquitatibus omnibus in fornace confessionis, reformatur ad sanctitatis imaginem, et dicatur bonus, verax, innocens, castus, justus et pius. *Verte*, inquit Scriptura, *impios, et non erunt* (Prov. xxii), utique impii. Ut enim tollitur nigredo superveniente albedine, sic malitia superveniente bonitate. Neminem Jesus semiplene curavit, nemini gratiam suam modio injusto mensuravit, ut totum se Deo exponentem non totis ulnis misericordiæ exciperet. *Sine pœnitentia*, ait Apostolus, *sunt dona et vocatio Dei* (Rom. xi); quia nisi ab ingratissimis semel a Deo concessa gratia non revocatur. Est namque in illo est, nec est in illo est et non, sed est tantum in illo est. Cum ergo vere consistens et vere pœnitens his ditetur pri-

JACOBI SIRMONDI NOTÆ.

60) *Ing. priori de Lapele.* Ingelberto fortasse, aut Ingelranno, quem Lapeleensi S. Remigii in Anglia prioratu prefecerat.

vilegiis, quis nequam oculus audebit dicere iudicia Dei non esse justa, et opera reprehensibilia? An, inquit Dominus in Evangelio, *oculus tuus nequam est, quia ego bonus sum?* (Matth. xx) Sic erunt novissimi, id est gravissimis occupati peccatis, per correptionem primi: et primi, qui se justos arbitrantur, quam justitiam constituentes, novissimi, id est gratia Dei vacui. His auctoritatibus non improbe assenseremus, veraciter posse respondere vero poenitentem exprobranti sibi antiquas et exterminatas abominationes, imo per confessionem antiquatas et deletas, nescio ita esse ut dicas, vel, nihil est quod dicas. De praesenti enim statu unumquemque judicat Deus, nec alicui ad confusione priores cicatrices peccatorum a Deo opponuntur, cuius ut aquilæ juventus per innovationem vitæ renovata est. Quidquid autem iudex ignorat, adversarius impunitare non potest. Unde Apostolus: *Si Deus pro nobis, quis contra nos?* (Rom. viii.) Non enim solum cum poenitente, imo etiam pro poenitente stat Deus, dicens pro ea que in adulterio deprehensa ei damnanda oblata fuerat: *Si quis vestrum sine peccato est, prior in illam lapidem mittat* (Joan. viii). Qua sententia illa liberata, cum ei diceretur: *Nemo te condemnavit, mulier?* (ibid.) et illa responderet: *Nemo, Domine: Nec ego, inquit, te condemnabo* (ibid.). Nonne recte dicere posset salva conscientia, Non sum quæ fueram, non sum adultera? Tamen regularius et modestius improperanti et calumniatori respondendum est taliter: Melius posses dicere, vel, Deus tibi ignorat hoc peccatum, vel si qua talia sunt, ad exemplum Jesu, cui cum dictum esset: *Nonne bene dicimus nos, quia Samaritanus es tu, et dæmonium habes* (ibid.), alterum simpliciter negavit, dicens: *Ego dæmonium non habeo* (ibid.), de alio prorsus tacens. De his hactenus.

Abbas Sancti Crispini in praesenti nobiscum ad Montem Dei venturus est, et mandat ut nobis ibi occurratis. Si ergo potestis, facite quod amicus rogat, quia de omnibus tunc melius poterimus conferre, et ad invicem, et cum priore. Marcam argenti et dimidiā ad faciendum calicem Ellandus canonicus Sanctæ Mariæ Remensis legavit vobis. Orate pro anima ejus. Valete.

EPISTOLA CLVI.

AD FRATRES MOLISMENSES

[vii, 14.] Fratribus Molismensibus, PETRUS abbas Sancti Remigii.

Ad monumentum ordinis nostri cum Jeremiæ lamentationibus consernatus residueo, et quadruplici alphabeto, quia jam quatriduano madet fetore, vehementer afficior. Fuit, fuit quondam de magno genere et nobili progenie ordo iste procreatus, etiam angelicis virtutibus morum informator prudentissimus, rerum mundanarum contemptor perfectus, et divinæ voluntatis amator idoneus. Hic hic brachia sua extendit a mari usque ad mare, de omni gente, quæ sub cœlo est, portans in ulnis suis usque ad thronum gratiæ, et collecans in soliis va-

cuatis et relictis a Lucifero, quando sicut fulgur cecidit in lacum fæcis et miseriae. O sancti angeli, quot palmites de hac vinea tulistis ad vos, quot ordine claustralib[us] vobiscum consedere fecistis in coelestibus in Christo? Heu, heu! capite vulpes quæ demoliuntur vineas; cucullatos, qui transferunt terminos Patrum, et sepem regularis institutionis diripiunt. Hi sunt, qui retia Domini rumpunt, qui vestimenta Domini dividunt, qui lancea linguæ suæ latus jam pendentes in cruce ordinis effundunt; intestina religionis in auras exsufflant, et si quid vitalis spiritus remanserat, extinguunt. Sic armantur filii contra patrem, sic genimina viperarum viscera materna crudeliter concutiunt, sic ab ortu suo sepulcrum patens inordinate vivendo ordinis professo aperiunt. Credo moveri vos contra tantæ sterilitatis auctores, quoties, juxta vos aspicientes coronam sanctorum spirituum et beatarum animarum, recordamini prioris aëculi, et magnæ fertilitatis sinus vestros repentis. Si Phinees adesset, forte pugione suo hanc iram placaret. Sed ecce quisque ponit gladium in vaginam, nec est qui accingatur ad vindicandum sanguinem patris. Inde est quod mundus plenus est cucullatis, et pene vacuus monachis. Inde est, quod in area Domini palea non ventilatur, sed sovetur, non extirpantur spinæ, sed multiplicantur. Ego, ego unus de cucullatis, video iniquitatem, et quid facio? Nequeo resuscitare ordinem mortuum, et qua patientia inter patricidas exsequias funeris ejus celebrabo? Non valeo refrenare præcipitem cursum ad barathrum, nunquid effici debo socius furum? Omnes quidem currunt, non ad bravium, sed ad malum, et ego quid? Optabam cum Apostolo anathema esse a Christo pro fratribus meis. Quis mihi det, ut ego moriar pro te, ordo sanctissime? in cujus praesentia quondam principes cessabant loqui, et superponerent digitum ori suo. Juvenes abscondebantur cum sederet in porta, et assurgebant, nec audebant addere ad verba ejus. Nunquid derident illum juniores tempore, quia senuit Isaac, et clare videre non poterat; senuit David, et calefieri vestibus non poterat. At Moyses cxx annorum cum esset, nec oculorum caliginem sensit, neque dentes ei moti sunt. Etsi Regulæ professores, etsi speciem pietatis habentes, sicut Isaac et David, senescendo spiritu tepescunt, et oculi eorum caligaverunt; tamen Moyses, id est beatus Benedictus claris obtutibus nunc nostras respicit pravitates, et in novissimo dentibus mordebit, accusando apud Dominum suorum decretorum et regularis professionis contemptores. Forte dicitis: Quid ad nos parabola ista? Abbas Remensis stylo suo utquid tam mordaciter ex oblio tangit nos? Quid de nobis ad ipsum? Respondeo: Christianitatis societate, ordinis germanitate antiqua, vicinitatis familiaritate novi vos et diligo vos. Doleo itaque, quod nimis extenuatur bonus odor Christi in vobis, tam apud vicinos, quam apud remotos. Doleo quod regionem, imo religionem

vestram; coram vobis alieni devorant : quod tinea A usurarum et debitorum substantiam vestram demoratur, quod nobilis puella hactenus duplicitus vestita enormiter exspoliatur. Religionis siquidem, et possessionis dotibus a fundatoribus suis Ecclesia vestra ditata diu floruit; sed nunc jam exaruit. Gallina illa Molismensis plena plumis, et bene pennata quo^t et quales de utero suo foetus produxit, dum ex se collegium Cisterciense (61) originario germine pullulavit! Deus meus, de illo uno ovo quam innumerabilis arena monachorum et conversorum faciem terræ operuit! quam lucido splendore cutem mundi denigratam per insectam vivendi negligentiam reformavit et illustravit! Respic, respice, Sion, filios tuos, et pelles tuas emarcidas noli contempnere; sed resume spiritum adolescentie tuæ, si forte cum Jacob, quasi de gravi somno evigilans, audias Joseph filium tuum in Ægypto regnare, et de manu ejus famam tuam, imo infamiam possis relevare. Fratres mei, fratres mei, recolligit plumas matris vestræ, et replantati suis in membris, conversationem vestram emendando, substantiam redimendo, odorem bonæ opinionis comparando, et ad antiquum statum omnia revocando. Epistola hæc non contristet vos; et si contristaverit, utinam ad pœnitentiam! Valete

EPISTOLA CLVII.

AD GRANDIMONTENSES.

[viii, 7.] Priori et fratribus Grandimontis, PETROS humiliis abbas Sancti Remigii, manus orationis et pretium.

Quanto fragiliores sumus, et de nostris minus speramus viribus, tanto si sapimus ardenter valideria et ampliora emendicamus suffragia. Væ enim soli, quia si cediderit, non habet sublevantem se! Si autem fuerint duo, sovebuntur mutuo. Solum æstimo, qui nec cum Deo in simplicitate et puritate ambulat, nec fraternalum currum invincibili societate et inseparabili unitate equitat, domini et fratres charissimi, ego vir videns tam paupertatem quam insufficientiam meam, ubi audio cœlestes pauperibus erogari dapes, curro, pulso, quero, et de reliquiarum micis offellas quas possum exspecto. Vestrum est, vestrum est, panis oleati buccellas cum Petro apostolo, cum convenientis ad cœnam Agni, sumere, sed et his qui non præparaverunt sibi, partes mittere. Dies enim Domini sanctus est, solemnitas Sancti Joannis Baptiste (61'), quando ad matrem pulli gallinæ revolant, et de singulis locis vestris rivuli ad locum de quo exierunt refluxunt, ut de paterna instructione et correctione reparato meatu copiosius et fortius iterum fluant. Servanda et tenenda est hæc probabilis et sancta consuetudo? quia non tantum ab homine et per

JACOBI SIRMONDI NOTÆ.

(61) Ex se coll. Cisterciense. Robertus enim abbas Molismensis, ut Sigebertus narrat, anno 1098 in Cisterciensi eremo coenobium primus extruxit, in quo cum aliquot monachis suis habitavit. Itaque Molismensis monasterii colonia Cisterciense.

(61') Solemnitas S. Joannis B. Quo die anniver-

B a hominem, sed etiam a lego et Deo hæc approbata est institutio. Tribus enim vicibus jubet Dominus in lege, ut Hebreus appareat ante Dominum, non tamen vacuis manibus. Nunquam autem vanum aut vacuum est, sinus paternos, tanquam suæ professionis alumnos, relambere, et novos inde sibi sapores attrahere. Procul igitur odorans ipse ego tam jucundos et festivos sanctitatis vestræ concursus, prompto animo et vultu submissio. Amen pauper inclamo, et de orationum suffragiis sublevamen expostulo. Hæc autem nostra postulatio non usque-quaque imbecillis, et carens sustentationis baculo, claudicans sanctum conventum vestrum ingreditur, quia fratres vestros, qui nostri in partibus comorantur, diligimus et honoramus, et etiam cellam bonam in nostro habetis patrimonio. Haec ergo securus confidentia, vestrorum rogo societatem bonorum; et cum anima soluto corpore vias ignotas aggressa fuerit, conductum vestrum usque ad meum judicem deposco. Rescribite, si placet, et quam misericordiam facere disponitis remandate. Valete.

EPISTOLA CLVIII.

AD GRANDIMONTENSES.

[viii, 22.] Dominis et amicis suis de Grandimonte, PETRUS abbas S. Remigii, salutem.

C Religioso fraternitatis vestræ conventui et sanctissimis orationibus saltem anniversaria revolutione nos commenadamus. Videtur siquidem mili meatus suos fluvius paradisi quasi ad sinum originalem revocare, cum de singulis partibus orbis ad diem beati Joannis Baptiste solemnem contingit priores vestros in unum convenire. Refluxus iste pretiosarum gemmarum arena ad utilitatem negotiatorum spiritualium redundant, et si quis pretiosas quærens margaritas ad littus hoc applicerit studium sanctæ negotiationis, nequaquam vacuus et inanis exibit. Ego itaque vir videns paupertatem meam, sed non negligens, bono et paucō pretio suffragium orationum vestrarum tento emere. Est autem pretium nostrum, rogare, postulare, scribere, et tenuissimas orationes rependere. Si pensatis usum æstimationis, parum est quod datur; si votum, imo animum devotum, multum. Æstimabile D procul dubio est, quod manus legitur: impreiabile, quod animus. Ut enim ait Gregorius, non quantum, sed ex quanto offeratur considerat Deus, id est non quantum pecuniae, sed ex quanta devotione. Suggerimus fraternitati vestræ supplicatione humili, quatenus benefactoribus Ecclesiæ nostræ beneficium sanctæ societatis vestræ indulgeatis; et præcipue illis, qui eleemosynas suas faciunt novo operi (62), quod ad honorem et decorem domus Dei

saria ordinis sui comitia celebrare solebant Grandimontenses, epist. 175.

(62) Novo operi. Ecclesiæ S. Remigii, quam fabricandam suscepserat, epist. 166 et 154 sub finem.

et beati Remigii inchoavimus. Nam caput monasterii nostri renovare volentes, cum Dei adjutorio manum ad fortia mittimus. Rescriptum itaque sigillo vestro roboratum mittite, ad excitandos fidelium animos, vestra sancta exhortatione, et orationum concessionem. Valeat sancta congregatio vestra.

EPISTOLA CLIX.

AD CLUNIACENSES.

[viii, 23.] Cluniacensibus, PETRUS abbas Sancti Remigii, salutem.

In tanta sanctorum congregatione, et persona nostra, si adesset, vilis et abjecta appareret, et vox exigua, timeo ne et littera rusticaria. Loquar tamen in medio vestrum, ut servus Abraham, ut puer Daniel, ut senex Jacob, non ut Heliu, cuius venter est ut mustum absque spiraculo. Lego in Scripturis Jeremiam lamentantem, Paulum optantem anathema a Christo pro fratribus suis. Stillicidiis tantæ charitatis inebriatus, nonne dolere debo usque ad medullarum compagum discretionem, super ruinam matris filiarum Sion, utique cœnobii Cluniacensis? Nonne hæc est urbs fortitudinis nostræ, de qua egrediebantur quondam mille per episcopatus, per abbacias, per regum et principum curias, et nunc paucissimi sunt incolæ ejus? Nonne luminare hoc magnum tenebras obscuratae religionis per diversas regiones illuminavit, ordinem reformando, honestatem docendo, charitatem infundendo, et cætera pietatis officia renovando? Usque ad sedem apostolicam (63) nonne gradibus humilitatis ascendit? O domini! o fratres! o filii Cluniacenses! ego ipse apud Sanctum Martinum de campis adolescentulus verissimis experimentis quod dico gustavi, et vidi ubi erat auro locus, in quo conflabatur. Proh dolor! Intepuit et consenuit tantus fervor. Quod autem antiquatur et senescit, prope interitum est; quod absit a vobis, et ab hæreditate Jacob! Melius est certe mori vos in bello vitiorum et vitosorum, qui more vulpium demoliuntur vineam Domini Sabaoth, quam videre ultima funera matris vestræ et nostræ. Repurgate igitur puteos Abrahæ, Isaac et Jacob, et zizania superseminata nocte ab inimico eradicare: præcipue illud originarium malum, de quo pessima seges ad suffocationem monasticæ religionis suboritur. Est autem consuetudo comensationum et epotacionum, quæ flunt completorium. Succidite, oro, hanc arborem malam in sententia vigilum. Adsit vobis gratia Spiritus sancti, qua cooperante constitutatis quod Deo sit acceptabile, Ecclesiae Cluniacensi utile, præsentibus salubre, posteris remedia bile.

JACOBI SIRMONDI NOTÆ.

(63) *Usque ad sedem apostoli.* Ad quam evectus Urbanus II., qui ante pontificatum prior fuerat monasterii Cluniacensis.

(64) *M. G. Puell.* Hoc est *M. Girardo Puella*. Id enim viro cognomen, qui postea episcopus fuit Cestrensis. Supplementum Siebergii anno 1182:

EPISTOLA CLX.

AD MAGISTRUM.

[vii, 3.] PETRUS abbas Sancti Remigii magistro G. Puell. (64).

Nullum virtutis dispendium est, ubi ab umbraculis ejus vitium extrahitur, ut revelata facie quod latebat appareat. Hac seitate atque his malignitatis diebus, Deus splendescere facit quis sit de gente tenebrarum, vel de populo honorificato diei et lucis, dum stricto ense et universo apparatu armorum hinc inde congregato, bonum et malum, virtus et vitium in castris suis manu conserta minus acriter dimicant. O quam pomposæ phalanges Philistinorum, multo numero et propriis viribus confidentes vibrant hastas, intorquent sagittas toxicatas veneno sæcularis gloriae, adversus Israel populum humilem, pusillum gregem, de se nil præsumentem! Ab initio enim, ex quo in veritate non stetit homicida ille, qui tanquam fulgor de cœlo cecidit, multiplicata sunt mala super terram; et rarescente tam virtute quam religione, super numerum excreverunt mulieres, Ægyptiorum nimirum et Hebræorum; adeo ut vix septem mulieres apprehendant virum unum, et pretiosior sit vir auro, et homo mundo obrizo. Quæris forte, quid intendat hoc nostrum proverbium; et quare hanc proposuerimus in exordio litterarum nostrarum querimoniam. Res ipsa sine dubio, et ratio temporis nodum quæstionis solvit, dum in errore schismatico, qui videbantur columnæ esse in domo Dei, procivius elabuntur, pro buccella panis et pro gloria carnis, quæ tanquam fenum tectorum evanescit, quod priusquam evellatur exaruit. Vident et agnoscunt homines, quod draco tertiam partem stellarum de cœlo secum dejecerit, nec exterriti tam fœdo et crudeli exemplo abhorrent ire post Satanam, et detinere veritatem Dei in mendacio. Una hæc de plaga Ægypti, quæ filios Israel non tangit, sed filios hujus sæculi, qui quærunt quæ videntur et temporalia sunt, non ea quæ non videntur et æterna sunt. Secunda autem similis est huic, quæ maxime debachatur in partibus vestris transmarinis, ubi rex Angliae omnes pene canes sic elingues reddidit, ut mutire non valeant, ne dicam latrare. Superenata verunt tamen aliqui, qui timebant ne simili tinea coroderentur, et tabesierent fauces eorum: de quibus est Cantuariensis cum domestica familia sua, ex quibus unum habenus catulum, Joannem de Saresberia, qui non facit animam suam pretiosiorem se, sed dominæ Ægyptiacæ auferenti tunicam non tenuit prius dimittere pallium, quam stupro falsitatis corrupti, et nudus rejecta sindone

M. Girardus cognomento Puella, vir magna litteraturæ et honestatis, electus est in episcopum Cestrensem. Scripta est epistola superstite S. Thoma, cum exsul esset in Gallia. Duo enim Ecclesiae mala deflet, schisma Germanicum, et persecutionem Anglicanam.

nudum sequi desiderat Christum. Bone amice, et tu de illis es; nam et loquela tua manifestum te facit. Quanvis enim cum nube umbrosa latites, et corporaliter cum illis habites, qui de lateribus aquilonis frigescunt, tamen corde bono et optimo, tanquam vere philosophiae discipulus, respicis ad austrum, et exspectas inde Paracletum, qui nebulas istas adventus sui illustratione expellat. Faciet autem hoc, cum sibi beneplacitum erit. Interim offero tibi me et mea, et rogo ut si opportunum fuerit, et necessitas aliqua exegerit, apud archiepiscopum bonum nobis teneas locum.

EPISTOLA CLXI.

AD MAGISTRUM PRESBYTERUM

[vii, 7.] Magistro presbytero charissimo amico suo PETRUS abbas, salutem.

Memor temporis illius, quo servente non minus studio, quam astate, in Cellensi monasterio simul commorati sumus, attendo plurimum detraxisse cursum interlabentem a corpore valetudinis, ab animo lectionis et meditationis. Inexplebili siquidem desiderio, nec oculus visu librorum, nec auris satiabatur auditu lectionum. Harum extremitatum Deus erat et medius, et primus, et ultimus. Salvo namque ordine, salva divinæ laudis debiti pensione, legebam leges, nec amittebam, vel omittebam consuetas orationes. Nunc autem, amice bone, curæ et sollicitudines, quæ me a juventute decerpere non destierunt, quotidie accrescunt, et ut mihi videtur, obsidionem perpetuam contra me firmaverunt. Si quid roris gratiæ, si quid pinguedinis misericordiæ raptim, et quasi furtim, de divinis cellariis interdum attraxit spiritus meus, de repente subitus et intempestivus totum absorbet nimius æstus. Unde clamo ad Deum: *Anima mea sic sit terra sine aqua tibi* (Psal. cxlii). Hoc de interiori. De exteriori vero statu, gratias ago benignissimo Deo meo, quia in omni prosperitate et pace sum, tamen qualem potest dare mundus. Libenter vos viderem, et senectutem meam vel ad tempus sub aliis beati Remigii soverem. Magister Joannes de Anglia, quondam clericus noster, electus est Carnotensis. Munuscum vestrum accepi, et gratias ago. Valete.

EPISTOLA CLXII.

AD DOMINUM RICHARDUM (65).

[vi, 16.] Tanquam de sepulcro Domini species aromaticas, quibus Nicodemus et Joseph Dominicum corpus perunxerunt, in monumento litterarum tuarum excepti, et tam ori quam odoratui apponens, spiritum super mel dulcem non semel legendu atraxi. Nihil fetidum, nihil foedum, nihil emortuum vivus ille sermo tuus, nitidus, et sale sufficienter respersus continet. Vivit memoria accepti beneficii, refuet narratio compacti amoris, stylus elimitus pondere sententiarum et ornatus verborum resulget

JACOBI SIRMONDI NOTÆ.

(65) *D. Richardum.* Canonicum regularem fratremque, ut dictum est, Joannis Saresberiensis, ad cuius nomen et suum, hoc est Petri, alludit.

A sicut sol in clypeos aureos, usque ad divisionem animæ et spiritus pertingens. De intimo et profundo cordis venas coelesti unguento repletas ad medium educit, et pulcherrimæ puellæ de terra Israel speciem spectaculo angelorum et hominum sistit. In vestitu enim deaurato per auctoritates divini eloquii et colores rhetoricos, in lecto eburneo propter verum et castum sermouem quiescentem banc inveni, sine macula mendacii, et ruga duplicitatis. Spiritus veritatis talen solet sobolem in mente sancta gignere, et spiraculum vitæ insufflare, ne mens amore divino gravida aliud possit parere, quam concepit. Cum adhuc esses, dilectissime, in atrio exteriori et sæculari habitu, per foramen nobis incognitum, manum submittebat ad animæ ventrem invisibilis ille amator; et demulcebat viscera jam sibi legitimo matrimonio copulanda, suavitate sibi certe et tibi forte cognita. Quales autem nunc tibi amplexus porrigit, quæ oscula offerat, cujusmodi factus conserat, nemo novit, nisi cum in sermone vel in scriptura partus latentem gratiam prodiderit. Secretum tuum tibi, secretum tuum tibi. Admittendi tamen salvo silentio sunt amici illi, cum quibus omnia sunt communia, qui non invident, sed congaudent fortunis prosperis; qui optant et dicunt, Crescas in mille millia. Credo me Petrum cum Joanne assumendum, etiam in transfiguratione, etiam in morte, etiam in resurrectione. Non me præfero Joanni, qui recubuit super pectus, sed præsumo post Joannem et stationem habere, et castra nostra ponere. Habeat ut dignum est Jesus cum Patre suo et Spiritu primam in te sessionem: habeat Virgo secundam; habeant sancti in ordine suo tertiam. De incolis autem terræ M. Joannes primam, ego, si placet, secundam; aliis quibuslibet non in video tertiam, et deinceps. De his hactenus. Si medicus essem, et medicinam qua repellerem infirmitatem tuam nossem, omnimodam curam adhiberem. Quia vero id non possum, facio quod possum. Mitto tibi species qualescumque nostras, utinam in nomine Jesu eis mandare possem effectum salutis et sanitatis!

EPISTOLA CLXII bis.

AD EUDDEM.

[vi, 20.] Domino RICHARDO regulari canonico PETRUS abbas Sancti Remigii.

Præsentium lator bene vobis notus, viva voce quæ apud nos geruntur poterit referre, atque ideo parcius voluimus scribere. Una enim littera, non atramento sed spiritu Dei scripta in corde nostro et vestro, amplius sufficit quam multa librorum congeries, quæ est vera et firma charitas. Hæc non delebitur in diluvio aquarum multarum, quia aquæ multæ non poterunt extinguere charitatem. Hæc nullo incisorio sollicitudinum, sive occupationum radetur; hæc nullo igne tribulationum et malorum conflagrabit. Charitas enim nostra nunquam excidit.

Hanc legere potestis sine sole in die, sine lucerna in nocte. Hanc oro ut legatis, cum sanctis altaribus assistitis, et in conspectu angelorum atque omnium coelestium virtutum. Lectio ista sine Tu autem continuetur. Nullum ipi auribus Domini Sabaoth strepitum faciet. Non a quiete qua Christus excutitur sonitu hujus lectionis, non interrupitur silentium cœli, non excitatur sponsa illa, quæ habens inter ubera sponsum, levam ipsius sponsi sub capite, et dexteram in amplexu habet. Valete,

EPISTOLA CLXIII.

AD RICHARDUM.

[vii. 12.] PETRUS abbas Sancti Remigii, RICHARDO,
Esi non est sermo in lingua mea de inopia scientie, tamen in manibus habeo signa de plenitudine amicitiae. Fontes qui præcedentibus annis rupi sunt et aperti, usque ad diluvium aquarum multarum, praesenti anno siccati sunt, et aruerunt usque ad defectum herbarum et virgultorum. Haec siccitas linguam quidem et sauces tangere potuit, sed non venam dilectionis attigit, nec oleum de capite defecit. Manabit certe cum vita, imo sine dubio, et ultra. Nam charitas nunquam excidit (*I Cor. xiii.*).

EPISTOLA CLXIV.

R. CANONICO MERITONÆ.

[viii. 3.] PETRUS abbas Sancti Remigii, R. (66) canonico Meritonæ.

Adipe et pinguedine spirituali resertas ex parte tua recepi litteras, quibus cibatis et potatis, salvo quadragesimali jejunio, factum est in ore meo tanquam mel dulce, et medullæ repletæ sunt uberrima exultatione. De vase siquidem bouo et optimo eructavit stylus tuus verba bona, verba consolatoria, quæ me a diluvio aquarum multarum ad arcum Noe, qui interpretatur *replies*, provocant, et de claustralii disciplina (67) non solum cogitare, sed et scribere exorant. Promptum me et facilem nosti in omni obedientia, sed vincum et occupatum laboriosa sarcina, cui nova alluvione accrevit et accessit renum gravissima infirmitas. Non credas quod de solito luti et lateris penso aliquid imminentur urgentissima principis tenebrarum harum exactio. Componit quotidie strues lignorum, in negotiis addit paleas, et stipulam sicciam in pugis et vanis discursionibus. Vexatus denique **D** plagis variis orationum, psalmodiarum, sanctorum meditationum, eleemosynarum, magis ac magis cor ejus induratur, negans licentiam deserto abeundi et immolandi Deo sacrificium justitiae et innocentiae. Quomodo itaque in manicis ferreis detentus, et supra modum fame lectionis et otii exinanitus, speciosa deserti dinumerare, et claustra-

JACOBI SIRMONDI NOTÆ.

(66) *Canonico Meritonæ.* In Anglia. Saresberiensis epist. 28. Sanctorum fratrum qui apud Meritonam Deo famulantur, et luce bonorum operum illustrant Insulam nostram, vexationibus et injuriis jure compatrios. Regulares erant S. Augustini, eoque nomine illos Adriano IV ejusdem olim ordinis canonico commendat. Pro Meritano Mintona vitiouse

A lem disciplinam possum funiculo propheticō dimetiri? Non potuit Josue filii Israel terram promissionis sorte dividere, donec terra quievit a præliis. Utinam veniret Sabbathum delicatum! utinam pax requiesceret in cubili nostro! utinam jubilæus annus celebraretur! ut sic rediret cor ad possessiōnem suam, et servus peccati, corpus mortale ad libertatem suam. Interim tamen claustralii disciplina non atramento, sed exercitio compingatur, quia is qui sub lege est non Moysi, sed Augustini, aut beati Benedicti, si præcepta servaverit, præmia habebit. Compendiose et succincte claustralem disciplinam uno illo verbo complector, quo Pharsus usus est ad Joseph: *Ego, inquit, sum Pharaon, abque tuo imperio non movebit quisquam manum aut pedem in omni terra Ægypti* (*Gen. xl.*). Sanctissima et æquissima disciplina in claustro, ut nihil agatur, nihil dicatur, nihil habeatur, nisi cum abbatis licentia, ut nec oculus egrediatur constituta, nec manus moveatur ad illicita, nec pes currat ad prohibita. His nervis corpus religionis compactum immobile stat, fundamentum habemus, præter quod nulla firma est religio.

EPISTOLA CLXV.

AD R. CANONICUM.

[viii. 6.] Amico suo charissimo R. canonico, Petrus abbas Sapci Remigii,

Unum quaternum jam impleveram de disciplina claustri, et mittere per præsentium latorem plurimum festinabam. Sed dissuastum est ab amicis, ne opus imperfectum amico mitterem, propter rapaces curiosorum manus et oculos. Nam si viderent, aut abjicerent, aut retinerent. Si abjicerent, forte concilarent. Si concecularent, nullum delectum habentes inter utile et inutile peccarent. Si retinerent, aut legerent, aut scriberent, aut negligenter. Si legerent, aut scriberent, scabrosam forte lectionem et minus compositam offendentes, imperitiae et præsumptioni, non festinationi imputarent, quatenus mihi merito illud proverbium ascribatur, quo dicitur: *Onos lyras*, id est, *asinus ad lyram*, aut rescriberent, et nostra vitia perpetuarent. Si negligenter, quantum ad illos in vanum laborasse, et perisset opera et impensa. Quicunque igitur fidelis nuntius post paucissimos dies occurserit, casibus fortuitis me committens, mittam quæ ad petitionem tuam de disciplina claustri scripsi. Valete.

EPISTOLA CLXVI.

AD EUMDEM.

[ix. 4.] PETRUS abbas Sancti Remigii, R. canonico de Meritonæ,

Simul moventur et manus ad tibi scribendum, et

apud eumdem Saresberiensem legitur epist. 139. (67) *De claustralii disciplina.* Hoc enim argumento ac titulo librum scripsit ad Henricum comitem Trecensem, cuius etiam meminit epistola 30. Vetus Index Bibliothecæ Montis Dei: *Petri abbatis S. Remigii De disciplina claustralii. Incipit, domino et amico suo H. illustri Trecensiū comiti palatino.*

nuntius ad iter arripiendum. Non sum immemor antiquæ nostræ consuetudinis, quia invicem solebamus quamlibet informes conceptus nostrarum meditationum communicare. Ego ut senex sensu exinanitus, ætate fessus, occupatione irretitus, jam parere fetus idoneos ad legendum desicio. Consulens autem naturali erubescencie meæ, potius abortivos meos infra latebras suas sepelio, quam extra cum pudore profero. Quis enim ramus fronde et fructu formosus de veteroso et emortuo trunco pullulabit? fons aridus et cisterna dissipata quas irrigabit areolas, cum nec gutta supersit ad proprias consolandas venas? Vetus itaque homo qui corrumpitur, novitate spiritus renovandus esset: nisi et ipse spiritus sua negligientia inveteratus juxta Apostolum prope interitum esset. Altera istorum vetustas appareat, altera latet. Periculosior autem est latens quam apparet. Nullum enim periculum est, cubile vitorum, corpus animale, hospitium de impossibilitate peccatis non exhibere. Optimum equidem est non peccare: imo et nolle; sed et bonum et non posse. Fomes siquidem peccati utitur ætate juvenili, velut fornace, in qua tres pueri a rege Babylonia mittuntur, et membra puerilia, tanquam ligna flammis apta, obstinacissime succiduntur. Cum vero senectus evisceraverit medullas corporis, et omnino debilitaverit legem membrorum, quæ reputat legi mentis, conquiescent strepitus vitorum, et quia non habent ubi caput reclinent, exeunt, et deserta circumeunt. Potius ergo lætandum quam dolendum de ista oppressione, quæ magis operatur vitam quam mortem, remedium quam excidium. Ille est apparet et parum nocens vetustas. Latens vero, quia nescitur, minime aut tarde curatur. Unde Isaías: *Vulnus et litor et plaga tumens non est circumligata, nec curata medicamine, neque sota oleo* (Isa. 1). Quis enim medicinam morbo porrigeret, quem nec oculus, nee manus attingeret? Solus itaque Dei Spiritus, qui omnia scrutatur, spiritum nostrum curat, vivificat, et renovat. In medio istorum vetustatum positus, spiritualem timeo, corporalem jam sperno. In fundo vita meæ, ubi sera parcimonia est, de reliquiis primæ prævaricationis jamjam fæces limosas exhaui, et lutum vespere indurandum et arescendum præsentio. Jesum tamen, non minus sapientissimum quam benignissimum sigillum, exspecto; qui de vase fictili, usque ad minutissimum pulverem effracto, potest albidum in resurrectione vas facere in honorem, ut sit clementior, ne dicam cautior, aut potentior in reficiendo, quam in faciendo; ut sit major gloria secundæ domus, quam primæ, et Adam qui primus factus est in animam viventem, denuo fiat in spir-

JACOBI SIRMONDI NOTÆ.

(68) *Monacho de S. Bertino.* Sithivensis monasterii, quod Taravanensis olim diœcesis, nunc S. Audomari.

(69) *M. Gilleberti, et m. Petri.* Petrum, ni fallor, Treceusam intelligit, qui appellatus est Comestor. Gillebertum vero illum fortasse S. Stephani Antu-

A tum vivificantem. Hæc spes in sinu meo reposita, excitat vota mea mortem non timere, sed amare, non fugere, sed patienter exspectare. Interim neque dormitare neque dormire volo, sed juxta Sapientis consilium quæcumque possum instanter operari. Hinc est quod nobilem ecclesiam nostram tam in fronte quam in ventre, cui caput secundum se deerat, fabricandam suscepimus, et ut speramus, cum Dei adjutorio perficiemus.

EPISTOLA CLXVII.

AD MONACHUM DE S. BERTINO.

[vii, 19.] PETRUS abbas S. Remigii monacho de Sancto Bertino (68).

B Sermones nostros, quos tanquam plumbas inutilis et superflua quatuor venti coeli per diversa precepserunt, habere desideras. Si legisti, nonne exsanctis sensibus sententiarum et enervis tenuitate verborum invenisti? Si non vidiisti, quis persuasit tantopere te quærere, quos inventos statim habeas respuere? Curiositas, an studii assiduitas te urgent, vilissimi hominis herbas et cortices insipidos mendicare, cum sedeas ad mensas divitis Augustini, benigni Gregorii, pecuniosi Hieronymi, gloriosi Ambrosii, Bedæ omnium monetarum nummos, profundissimi tanquam maris magni Hilarii, suavissimi eloquii Origenis, et aliorum innumerabilium, quorum nec micas sub mensa dignus sum colligere? Si nova placent, ecce magistri Hugonis; ecce S. Bernardi, ecce magistri Gilleberti et magistri Petri (69) scripta, in quibus nec rosæ, nec lilia de-sunt. Nostra vero scripta nec de profundo hauriunt, nec de alto propinant, quia verba nostra sunt arenaria, forte et sterilia. Intentione tamen hac frequenter admovi tabellis stylum, quatenus vigiliis solemnitatum saltem media hora occuparem me contemplationi sequentium gaudierum, et subtraherem me a tumultibus me opprimentium jugiter secularium sollicitudinum. Idcirco imperfectos invenies multos de sermonibus nostris, quia post horam aliquando negligentia mea, aliquando occupatione ingrata, conceptum fetum parturiebam infectum et imperfectum, nec saltem sicut ursa lambendo promovebam postea ad plenum partum. Ecce hoc erit tibi signum, si quando in manus tuas venerint, quæ nostri sunt, si imperfecti, si squalidi, si rusticani, si male amicti prodierint. Tamen da veniam, quia pudibundi non se ingerunt, sed compulsi vix publica ferunt.

EPISTOLA CLXVIII.

AD MONACHUM DE REDDINGES.

[vi, 22.] PETRUS abbas S. Remigii monacho de Reddinges (70).

Litteras vestræ amicitiae ad manum non habebam,

siodorensis canonicum, qui glossas edidit in utrumque Testamentum, et propter eximiam doctrinam vocatus est universalis, Londonensisque postea creatus episcopus.

(70) *Monacho de Reddinges.* Ordinis Cluniacensis. Radingense in Anglia monasterium inter Kenstaur

cum nata occasione vobis scribere decrevi. Frater enim vester magister Willelmus secum eas asportaverat. Tenorem quoque illarum non bene memoriam commendaveram; unde nec recapitulare potui, quae præcipua et digna erant, sive responsione, sive præconio laudis. Tenuissime siquidem reminiscor, quia tanquam in opaca silva, tam sensuum quam verborum grandis in eis præjacebat materia, de qua sapientia excidens columnas septem, domum Salomonis, sive templum Domini posset construere. Itaque factus tanquam vir, qui præ inopia racemos colligit in autumno, non mihi occurrit, quod vellem præstare amico venienti de via, vel animæ esurienti, magis ex copia quam ex inopia. Evidem non ignoro patere vobis spatio illa deambulatoria, ubi omnia ligna paradisi, ubi vitis abundans in lateribus domus Dei, ubi promptuaria eructantia ex hoc in illud, ubi deliciae deliciarum, ubi canticæ omnium letantium de sponsi præsentia et sponsæ magnificientia. Puro namque pectore quid jucundius, quid ditius, quid appetibilius? Ibi Deus, ibi angelus, ibi virtus, ibi juge convivium, ibi solemnitas solennitatum, ibi mensa refectionis, ibi somnus quietissimæ pausationis. Potoria sunt quæ ibi præsentiantur, quam ea quæ dicuntur. Sic enim in Psalmo loquitur talis conscientia: *Non est sermo in lingua mea (Psal. cxxxix)*, id est quæ corde sentio, ore non profero. Sic de vobis sentire mihi persuadet fama publica, sic testatur conversatio sancta, et integra atque inviolabilis propositi observatio, quam fortius tenetis proficiendo, quam inchoaveritis arripiendo. Contra faciunt, qui cum spiritu cœperint, carne consummantur. Panes nostros (71). si tamen nostros, libenter comeditis, et scripta nostra sublimiori honore quam decet excipitis. Nunquam enim de tam immundo vase emanat aqua digna ad sorbendum, vel de tam furfureo et cinereo cibano mundus egreditur panis. Dilectio tamen, quæ cinerem tanquam panem manducat, in vobis abundans, vilia quæque amici pretiosa reputat, et pallio honestiori ignobilia nostra, circumvenustat. Sed utinam lima correctionis vestræ omnia scripta nostra explanata essent et emendata!

EPISTOLA CLXIX.

AD NICOLAUM MONACHUM (72).

[vi. 4.] Iniqua sorte sacerdotalis occupatio, et æternorum affectio, sollicititudinem nostram dividunt. Sesquialteram namque et supra animæ nostræ portionem negotiatio temporalium actionum sibi, nullo interveniente bona fidei contractu, vindicat, et mibi de me vel exiguum partem non relinquit. Passam denique injuriam in alios referre, non minus stulti quam injuriosi est. Sumpto siquidem probabili et noto de prope argumento, cavere quisque debet, ne

JACOBI SIRMONDI NOTÆ.

et Tameam fluvios ab Henrico primo rege collatum, Cluniacensibusque monachis traditum docet Malmesburiensis lib. v De gestis regum Anglorum.

(71) Id est opusculum *De panibus*.

A de alieno ægrotet incommodo. Igitur de quantulae cunctæ relicta mihi portione quietis, sive furtivi otii, subdividens indulgeo amico modicus de medico. Gratia quoque tui facio licitum, quod de facto, non de jure, pene redditur illicitum. Sola etenim non licent, quæ sola licere deberent. Ea vero plurima et sine licentia sese ingerunt, quæ salutem magis impediunt quam expediant. Unde ergo exordiar? Quam solemne, quam devotum acturus sum vicinis congratulationis convivium, qui quasi de morte recepi amicum? Plus falsi quam veri rumores serere populares, in multis expertus, fallaciam ejus æquitatis judicio condemnare soleo. In hoc autem articulo, mendacio ramulosso verbositatis gratias ago. Jam namque a multis retro annis te in fata concessisse acceperam; quod veraciter falsum esse nuper, quasi de gravi somno evigilans, gavisus sum, in eo quod adhuc nostræ sortis et vite consortem te esse audivi. Evidem de numero amicorum nostrorum ex eo habere te censui, ex quo scripta tua legi. Amplius autem nostræ amicitiae vincula tenacissima intexere debet, quod ex toto corde compassus, Deo animam tuam, quam de corpore evolasse ad sinum matris misericordie credebam, non semel commendavi. Vicem ergo debes nobis, si recte de amicitia judicaveris. Quam idcirco obnixe expostulo, quia nescio qua hora, quod de te falso opinatus sum, mihi indubitanter contingat. Et video viscera misericordie Dei nostri fines vestros copiosa benedictione respersisse. I'retiosi namque martyris Thomæ Cantuariensis archiepiscopi occasus, orientalem nobis fenestram aperuit, et de fidei atque patientiæ sue splendore angelicas tenebras illustravit. Quæ enim terra tantum de se palmitem protulit, ministeriales cœlicotas, angelicas utique virtutes, pro tanto fructu in situ suo recepto, perpetuo conciliavit. Qua itaque ratione non sæpe et frequenter revisent terram, de qua tantum thesaurum suis gazis intulerunt? Credo manum cultoris, sive agricolæ, de quo dicitur: *Pater meus agricola est (Joan. xv)*, venas et valvas nubium suarum nondum inclusisse, ut abstineat benedicere terræ, quam compluit sanguine magni sacerdotis Thomæ. Non immerito igitur undecunque populi

D advenientes, et tumbam illius venerantes, benedicunt genti, populo et nationi, de qua tantus Christi testis ortum habuit. Exora itaque sancta ejus merita pro amico tuo, et si qua babes nova scripta mitte nobis. Quæro a te, memor favorabilis non odiose altercationis dudum inter nos habite, utram dicta morte emendatus, errorem qui non de odio, sed de summo, aut plus quam summo favore Virginis virginum venit, deleveris aut delinieris. Velle ergo videre, si quid de vera morte simulata

(72) Nicolaum monachum. Ad Anglum, monachum Sancti Albani, quocum de conceptione Beate Virginis altercatur epist. 171 et 173.

mutaverit, cum absque præcipiti ambiguo vexatio A inferni, etsi non salubriter, tamen pœnalter, colonna suum doceat ubi erraverit. *Emulanda certe, imo cumulanda imitatione, seria illa non sera præoccupatione anticipat mens cauta et provida, quotidie advocans cœlum et terram cum omni circumillustratione angelorum, hominum et dæmonum, acta singulorum proferentium, et debita tormenta alle-gantium.* Felix anima, quæ talibus assueta præludiis, fallaces et ferocias tempestive præcedit malignorum accusations, vindictam judicalem de se ipsa a se ipsa exigens et solvens, ut ventilabrum non inveniens, quod vexando excutiat, sola grana æternis apothecis reponat. Quid igitur de imagine ista transsumperis, rogo mandata litteris mittere amico non dedigneris. Tuus enim mihi placet et stylus et animus. Vale.

EPISTOLA CLXX

AD NICOLAUM ALIUM.

[vi, 5.] Jam in jesuétudinem pene abierunt reciprocae salutationes, quas tu bonus sub ovina pelle mihi solebas mittere, et ego qualis qualis tibi. Ne-scio utrum modo sis melior, quam tunc, vetustior tamen et nigrior es, et terræ propinquior. Exspecto fæcias istas nostras a te cum usura statim solvi. Provolutus ergo pedibus tetricimi idoli, peto indulgentiam de nullo reatu. Mando tamen ut venias ad festum nostrum, quatenus tua pulcherrima et sanctissima facie tota solemnitas illustretur, et ore illo veridico animæ nostræ a plagis et vulneribus suis curentur. Interim mando tibi negotia nostra, quæ tibi frater iste et socius tuus in colore et facie dicet. Vale, et ora pro nobis. Tua enim oratio penetrat celos.

EPISTOLA CLXXI.

AD NICOLAUM MONACHUM S. ALBANI.

[vi, 23.] PETRUS S. Remigii, NICOLAO monacho S. Albani (73).

Vacui et vacantis animi esset, singulis quæ in litteris tuis sunt recapitulatis, sigillatim ad verbum respondere. Summam itaque respcionum mearum constringens, et potioribus epistolæ tuis dictis astringens, pacis et bonæ patientiæ pactum prius hinc inde interpono, ne quis nostrum cujuslibet commotionis scintilla pro quolibet verbo adu-ratur vel inflammetur. Sola mihi sancti Bernardi injuria donetur, et quæcumque et undecunque vis jacula conglomera, sive ut meam rusticitatem confundas, sive ut de sensu meo vilissimas sententiarum quisquilias excutias; sive ut thesauros tuos homini pauperi aperias, sive ut nescientem doceas, et sensus tuos fortissimis assertionum repagulis

JACOBI SIRMONDI NOTÆ.

(73) *Nicolas monacho S. Albani.* Vetus et nobile apud Anglos S. Albani monasterium, ab Offa rege conditum haud procul Verolamio, ubi sanguinem pro Christo fuderat S. Albanus. Cæterum eadem hic Petro abbati de festo Conceptionis B. Virginis cum Nicolao concertatio, quæ D. Bernardo fuerat cum canonice Lugdunensibus epistola 174 eadem-

A stabilias. Aggredior igitur phantasmatu tua, lenocinaria quidem pulchritudinis specie, sed titubantia stabilis fundamenti egestate. Quidquid enim Scripturæ basibus auctoritatum non supportatur, nullius roboris stabilitate fulcit. Nec indigneatur Anglica levitas, si ea solidior sit Gallica maturitas. Insula enim est circumfusa aqua, unde hujus elementi propria qualitate ejus incole non immerito afficiuntur, et nimia mobilitate in tenuissimas et subtiles phantasias frequenter transferuntur, somnia sua visionibus comparantes, ne dicam præse-rentes. Et quæ culpa naturæ, si talis est natura terræ? Certe expertus sum somniatores plus esse Anglicos quam Gallos. Cerebrum namque humidius fumositate stomachi citius involvit, et quaslibet imagines in se ipso depingit, quæ ab animali virtute utcunque spirituali deseruntur, et ex occupatione omnium, tam naturalium quam animalium, seu spiritualium virtutum, infra judicium veritatem con-finguntur, ut phantasmatu seu somnia appellantur. Non sic cavernosa, non sic aquatica Gallia, ubi sunt montes Iapidei, ubi ferrum nascitur, ubi terra suo pondere gravatur. Quid ergo? non cito a suo sensu moventur, et veritatis auctoritatibus tenacius innituntur. *Meus est, inquit Dominus, Galaad* (*Psal. LIX*), id est, *acerrus testimonii, et, in ore duorum aut trium testium stabit omne verbum* (*Mal. XVIII*). Leve est ergo omne verbum, quod neque testimonio solidum, neque auctoritate verum est. Nec est alij cuius momenti quidquid humani sensus ingeniosa fornax commentata fuerit, si examine careat veritatis. Pondus siquidem sanctuarii, quo tam merita quam præmia angelorum et hominum appenduntur, clausura dispensabili penes veritatem in arca iustitiae perpetua reconditur custodia. Vagatur itaque vanis evolutionibus per aera, qui nullius auctoritatis fundamento affixus, arundinea volubilitate et mobilitate circumagitatur, et hospes testamentorum Dei nullis detinetur certis mansionibus. Mira virtus veritatis, quæ adversarios reprehendit nolentes et nescientes in agutia sua. Fugitivos namque suos frequenter urget ad laqueos inevitabilis conclusionis, ut capiantur et illaqueantur sermonibus suis, dum inviti vera loquuntur, et quod non sen-tiunt corde, exprimunt ore. Inde est, frater Nicolae, quod ridendo verum dixisti, cum me fixum, te mobilem scripsti. Me petram vocasti, et concedo, si pro constantia, non pro duritia intellexisti. Sum quidem natura, professione, et jam ætate ac voluntate, sicut nomine Petrus, petrinus, radicatus, et fundatus in montibus sanctorum auctoritatum, et in medio petrarum, ubi mater Ecclesias nidificat in

D que sententia; nihil videlicet in ea renovandum vi-deri ante sedis apostolicæ decretum. Quod quidem si eorum ævo prodiisset, quale postea secutum est, haud dubium quin pro eximia utriusque erga Vir-ginem reverentia sequissimis letissimisque animis accepissent.

foraminibus petræ, et in cavernis maceriae. Hinc non exeo, nisi ad vocem rotarum, quæ in se habent spiritum vitæ, et stant ac moventur, tanquam volubiles cum animalibus senas alas habentibus et oculos ante et retro. Securus sequor; quia facies leonis præcedit, ne aliquid noceat; facies hominis, ne aliquid decipiat; facies vituli, ne vanitatis aliquid interveniat; facies aquilæ, ne aliquid dubitatis remaneat, vel tarditatis præpediat. Regula veritatis tornavit rotas istas in circino et orbe veritatis æternæ, quæ de mente divina procedens tantæ apud Deum majestatis est, ut in summo vertice lucis inhabitabilis resideat, tantæ auctoritatis, ut nullius ditioni subjaceat; tantæ maturitatis, ut numquam vultum deificum deponat; tantæ certitudinis, ut nulla mutatio aut vicissitudinis obumbratio in ea incurrat; tantæ severitatis, ut nec Lucifero peccanti in cœlis locum relinquat, nec homini a Verbo assumpto petenti: *Si possibile est transeat a me calix iste (Matth. xxvi)*, crucem et mortem remittat. Hæc æterno tramite stelliferas deambulans regiones, imbre matutinum et serotinum distillavit, et sublunarem regionem arenem mediante nube virginea, roris de sanguine et doctrina illum perpetuis irroravit. Collectanea ejus misericordia, salvo jure privilegii inviolabilis, leges mitiores et jura tolerabiliora ab ea impetravit, quatenus peccatorum remissionem et exsilii relevationem speraret, qui in regno veritatis correctis erroribus et emendatis moribus vivebat. Neutra tamen sororum istarum adulationum lenocinia admittit, quin potius tanquam illa stranearum vehementissimo turbine corruptit, et tunicam inconsutilem, tam illi quam matri ejus, fideli textura componit. Bone amice, quid facit stupra, ubi de auro, hyacintho, purpura, coco bis tincto, et byssò retorta sacerdotalis contextur vestis, et cœlo, sole ac luna pretiosior et purior summo sacerdoti aptatur eidem? Prorsus nihil ad nos, nihil ad angelos dignius et melius de omnibus thesauris suis protulit æterna Trinitas, quam templum virginale, et holocaustum, quod ad immolandum ex eo traxit et extraxit Verbum Deo Patri coeternum et consubstantiale. Sic corde credo, sic ore confiteor. Nonne et tu? Imo vehementius, ne dicam immoderatus tu. Totum te expendis in laude Virginis, et ego quid? Impendo plane, et expendo, et superimpendo. Tu contendis honorare conceptionem, et ego prædestinationem, ac totam ejus retro progeniem; tu rosam, ego etiam spinam; tu florem et fructum, ego cotticem et folium; tu apparentia, ego latentia; tu farinam, ego fufurem: tu panem, ego cinerem; tu solium, ego scabellum; tu substantiam, ego picturam. Si cursum ejus fas esset distinguere, et sequestrare in mente divina a collegio cunctorum creatorum, mitterem animam ab initio prædestinationis, ut sequeretur adorando, sancta et suprema veneratione colendo ejus vestigia. Repetenda tibi, imo nova et longa expetenda peregrinatio, non ad sanctum Thomam

A archiepiscopum in Anglia, sed ad sanctum Thomam apostolum in India, quia semper interero conventiculis, ubi Dominæ nostræ digna celebratur commemoratio, sive nominetur Conceptio, sive Nativitas, sive Assumptio, sive alia quæcumque venerationis. Cum ergo una gradiamur via, quid ad rem si diversa sit semita? Tu sinistram tenes semitam, quare murmuras si ego teneo dexteram? Si tua tibi displicet semita, quia et larga et charitativa est nostra, cedo; et concedo tibi locum juxta me. Proverbiū est: Non sunt dimittendæ veteres via propter novas. Quis sanctorum, quis antiquorum non ambulavit semitam nostram? Credo et vere fateor, si in hoc errassent, et hoc eis Deus revealasset. Quibus enim sua tam familiariter revelavit consilia, ut etiam ad supplementum evangeliorum, epistolarum, et prophetarum, perpetua stabilitate canones et decreta statuerint pari pene observantia tenenda cum Evangelio, hoc solum eis tacuisse, si periculosum esset? Sed forte dices mibi: Audesne, tu, qualisque abbas, occulere puteos semper continuandæ devotionis, et profundius quotidie fodendæ venerationis? Nonne eodem spiritu potantur moderni, quo et antiqui? Nonne, ut ait Hieronymus, in templo Dei quisque pro vili portione offert, aliis aurum, aliis argentum, aliis lapides pretiosos, aliis, ut ad viliora veniamus, pilos caprarum, et cætera? Non erat ab initio Nativitas Virginis in Ecclesia solemnis, sed crescente fidelium devotione, addita est præclaris Ecclesiæ solemnitatibus. Quare igitur non similiter et diem Conceptionis obtineat sedulitas Christianæ devotionis? Ad quod ego: Cataractas cœli et fontes abyssi libentius in obsequium Virginis solverem quam clauderem: et si filius ejus Jesus aliquid omisisset in prærogativa exaltationis suæ matri, ego servus, ego mancipium, non quidem de effectu, sed saltem affectu supplere gestirem. Mallem certe non habere linguam, quam aliquid dicere contra Dominam nostram. Ante eligerem non habere animam, quam vellem ejus extenuare gloriam. Licuit quoque, semperque licebit sponsam Christi Ecclesiam, quæ in terris peregrinatur, secundum mutationes rerum, personarum et temporum, variare rationes decretorum, et nova adinvenire medicamina remediorum; et statuere sanctis adeptione gloriæ frequentiam solemnitatum.

Est tamen auro locus in quo constatur, et habet argentum venarum suarum principia, sedem Petri et curiam Romanam, quæ claves cœli principaliter tenet; et clausura consistorium Dei reserata dispensante Deo, unguentum gratiae a capite usque in oram vestimenti habet compluere. Hæc sedes Petri, id est petra in qua Moyses residet, videlicet lex Dei immaculata convertens animas, fragosa quæque hæreticorum conciliabula elidit et allidit, profanas vocum novitates resecat et rescindit, superflua confudit et jugulat, hiantia et ecliptica complet et illustrat. Ultima solva veritatis auctoritate, lance con-

menis concilii, hec domina et moderatrix totius Christianitatis, conceptionem Virginis librasset et approbasset, et a mari usque ad mare hanc propagasset! Sole, id est apostolico, ac luna, id est curia Romana praeseunte: tam secure quam expedite, in lumine vultus eorum gressus meos ponerem et disponerem, ex hoc videns vitare subricum, et sequi solidum et securem. Nihil in Ecclesia pessimius presumptione erronea, nihil stultius presumptione temeraria, nihil odibilis presumptione noxia. Utetunque vero tolerabilis presumptione pia, sed non satis probabilis. Abstinere certe ab omni presumptione vole: gradatim tamen servatis distinctionibus premisis secundum magis et minus. Jam destinatissimum ultra de praefacenti materia scribere, non cōdemnans errorē tuū, si error dicendus est, qui de pietate venit, nec me opponens gloriosissimam Domīnam nostrā, cujus non solum terram, sed et pulverem lingere sommas dīvitias reputo: præcipue cum in calculo epistolæ tuæ asseras, nullatenus te posse moveri ab eo quod scripsisti, dicens: Quod dixi dixi, quod scripsi scripsi; nisi lapidem offensionis et petram scandali in eadem epistola tua conjocasses. Dicis, Domīna nostrā animam non solum in passione filii gladio transfixam, sed etiam in conceptionis sue contradictione. Hic bonus dormitavit Homerus. Bone magister, nunquid non mea et tua Domīna super chorus angelorum exaltata, sic omni plena et circumfusa est gloria Patris, et Filii, et Spiritus sancti, et sanctorum angelorum, ut nullatenus nostris indigeat obsequiis, nostris neque violetur aut molestetur negligentiis quantum ad se, neque melioretur beneficiis? Esto, nostra placent ei obsequia, nunquid possibilis adhuc est ejus anima? Fides supplet irrefragabilem conclusionem, ut vera impossibilitas et immortalitas nullas admittat molestias, ne ad supra transeant feces malorum, quæ inferos exercent pro pena peccatorum. Hic lapis est offensionis. Petra vero scandali est, quod beatissimum Bernardum debita exuisi veneratione, et verborum jacula post eum emitti, tanquam famam ejus possis extenuare, vel gloriam evanescere.

Bona fide qua te diligo, et fidelissima charitate laudo, consulo et rogo, ne amplius in cœlum ponas deum tuum, quia nisi caveris tibi, in caput tuum recessurus est lapis quo ferreum vis penetrare cœlum. An excidit a mente tua omni saucto competere, sagittam non appropinquabit tabernaculo tuo? (Psal. xc.) Super quem certe ceciderit lapis iste incaute missus, conteret eum. Subrides, et forte nondum correctus lobia mordes, Quæ, inquiens, hujus Bernardi sanctitas, quæ religio, quæ meritum prerogativa? Nullus sum ego ad illius sancta præconia referre [f. referenda]. Vita ejus, fama ejus, opera, scripta, miracula, fides, spes, charitas, caritas, abstinentia, mortificatio demum in membris ejus, sermo, vultus, habitus et gestus ejus, et

A his similia, ipsa sunt quæ testimonium prohibent de eo.

Prætermitto ista omnia, si nondum emolliiri cor tuum potuit: unum est, in quo clavis in altum defixa arbitror me te apprehensurum, et in amorem sancti Bernardi liquefacturum. Alumnus enim familiarissimus fuit Domīne nostrā, cui non unam tantum basilicam, sed totius ordinis Cisterciensis basilicas dedicavit, ad cujus laudem politissimus tractatus et facundos composit. Si ergo potes tangere pupillam oculi Domīne nostrā, scribe contra Bernardum suum, cui loquitur ipsa: *Qui tangit te, quasi qui tangit pupillam oculi mei (Zach. ii).* Cisterciensium quoque nugas nescio, quos pre aliis mortalibus seris et sine fine mansuris intendere video. B Hi sunt, qui monetam nostri jam in agonia positi ordinis reformaverunt. Hi sunt, qui Regulam beati Benedicti pene combustam, sicut Eadras veterem legem, restauraverunt. Hi cum Apostolo Corinthiis, id est agricolis et rusticis seculeribus onerosi non sunt; sed propriis manibus laborantes, se et alios pauperes pro posse exhibent. Claustra illorum castra Dei sunt, ubi nocte in psalmis et orationibus parati sunt snciscitare Leviathan, qui sub umbra dormit in locis humentibus, et in die in agro Jericho principi militiae occurront, qui tenet gladium bis acutum, ut superflua resecet cogitationum et operationum. Quærunt ergo cum Josue dicentes: *Noster es, as adversariorum? (Jos. v.)* Utilis quæstio, et ineffagitabilis solutio, utrum Deus pro nobis, an contra nos (Rom. viii). Si autem contra nos, quis pro nobis? Ampliorem provocat amorem, si pro nobis; sollicitudinem et timorem, si contra nos. Ponamus itaque animam nostram in manibus nostris, si contra nos, quia etsi horrendum incidere in manus Dei post sæculum, melius est tamen incidere in hoc aëculo propitiabili quam in manus dæmonum. Dicamus itaque cum Job: *Etiamsi occiderit me, in ipso sperabo (Job xiii).* Haec sunt nugae Cisterciensium.

Statera tua in hoc etiam videtur mentiri, aut iniquitate ponderis, aut iniuitate moderantis, forte plus labiorum non bona distinctione, quam sensus falsitate, quod dicens, Virgo singularis vicit omne peccatum, non omne debellando, sed nullum prorsus sentiendo. Sta hic, frater, tene aciem, infige radiis solis amici intentionem, ut discas virginem nondum matrem et virginem jam matrem. Attendas domum sapientie inchoatam, et jam consummatam, distinguas lanam de prima gratia candidam, et purpuram de secunda sanguine conchylli tintam: dividas vellus non complutum imprægnatione, et vellus madefactum incarnatione. Quia enim ratione de ipsa in Ecclesia cantaretur: *Quæ est ista, quæ ascendit quasi aurora consurgens, utique in nativitate, pulchra ut luna, in sancta concepcione, electa ut sol, divina conceptione, terribilis ut castrorum acies ordinari (Cant. vi), ecclesi exal-*

tatione seu assumptione, si nullus ei virtutum fuissest profectus et pròiectus? Si ab hora conceptionis nulla cum carne aut cum hoste concertatio superfuisset causa merendi, plurimum dispendium sustinuissest, cum de ea dictum sit, quia plus est meritis et non natura, quam virgo et homo. Concedo et credo siquidem, quod sæva libidinis incentiva Deo præoperante nunquam senserit, vel ad modicum: cætera vero impedimenta humanæ fragilitatis, quæ naturali origine, sive scaturigine, de natura procedunt, ante divinam conceptionem sentire potuit, sed nullatenus consensit. Et præveniente siquidem gratia, et in virgine sua præludia habente, fomes peccati aphelando extrellum spiritum trahebat, solum sepulcrum ei supererat, donec veniens Spiritus sanctus defunctum perpetuae sepulturæ mandavit, et serpentem antiquum suo gladio jugulavit. Dictum namque fuerat: *Inimicitas ponage inter te et mulierem, et semen tuum et semen illius* (*Gen. iii*). Unde Hieronymus: Etsi cæteræ virgines imitantur illam utque ad conceptum partus, et Gabrielis novæ salutationis obsequium, deinceps totum divinum est, quod operatur in ea, teste angelio, quia Spiritu sancto et virtute Altissimi obumbratur. Ante hoc ipsum sane uterus virginis quamvis mundus, quamvis impollutus, et alienus a contagione peccati, quamvis sanctus, tamen adhuc vilitate humanitatis induitur, ut ita dicam, ac si lana candidissima, suique coloris dealbata. Ad quam sane cum accessit Spiritus sanctus, quasi ipsa eadēque lana, cum inficitur sanguine conchylii, vel muricis, vertitur in purpuram, versa est et ipsa sine coitu in matrem, ut non sit jam admodum quod fuerat, sed purpura veracissima ad indumentum et gloriam summi Regis divinitus aptissime dedicata, ut nulli deinceps ea uti usu semineo licuerit, nisi Deo. Post conceptum itaque suum meruit crystallinam soliditatem, quæ ante gratiæ plenitudinem non exuerat teneritudinem, sed puram, sed sanctam, sed immaculatam, quæ consensu urū nullatenus potuit, et si aliquatenus admota tentatione percelli potuit, non ad læsionem, sed ad probationem, non ad mortificationem conscientiæ, sed ad confirmationem gratiæ et ostensionem constantiæ. Utquid enim tanta virtus latitans obdormiret? utquid tanta gratia fructum non faciens præter consuetudinem suam vacaret? utquid denique tanta gloria matris Domini carnem domando, hostem debellando, peccatum ex omni parte vincendo, tacti inundo non se manifestaret? Tolle pugnam, tolles et victoriam. Tolle victoriam, tolles et coronam. Tolle coronam, tolles et gloriam. Ne ergo demas gloriam, noli subtrahere pugnam, quia non coronaabitur, nisi qui legitime pugnaverit (*II Tim. xi*). Si recte offeras, et recte dividias.

Quid est igitur, Virgo singularis omne peccatum vicit, non omne debellando, sed nullum prorsus sentiendo? Quam victricem appellas, debellatricem appellare cur formidas? An times eam debellare in

A bello, quam non potes dicere vincere nisi in prælio, aut sine prælio? Segnior est si qua est Victoria sine prælio, fortior quæ in prælio. Ad ampliorem itaque gloriam, assero Dominani nostram peccatum omne viciisse et debellasse. Addis: Non omne debellando, sed nullum prorsus sentiendo. Illic si distinxisses, non peccasses. Multiformiter enim peccatum sentitur. Aliquando cum peccato, aliquando sine peccato. Quod in præsenti occurrit, sentio peccatum aliquando tanquam ignem, aliquando tanquam picem, aliquando tanquam lapidem, aliquando tanquam aerem. Ignem generat delectatio, picem consensus vel ipsa perpetratio; lapidem consuetudo vel obstinatio, aerem serpentis sibilatio, quæ Virginis nostra foræ potuit pulsare, sed non penetrare. B Hortus enim erat conclusus, an non eadem Domina potuit calcare super serpentes et scorpiones, ita quod nil illam noceret? Re itaque integra potuit hoc modo sentire peccatum, non autem consentire peccato. Potuit debellare omne peccatum sine vulnere, sine pudore, sine silentii sui concussione, sine futuri partus violatione. De proposita questione, Deus cum omnia possit, non potest de corrupta virgine facere incorruptam; valet quidem liberare a poena, sed non valet coronare corruptam. Utinam vim intelligerem verbi, et sensum tenerem Hieronymi! Procul dubio neque maligne recondem, neque avare communicarem. Ab eo igitur imploranda solutio, qui dignus inventus est solvere signacula septem libri signati. In epistola tamen Hieronymi aliter dicitur: *Audenter, inquit, loquer: cum omnia possit Deus, virginem post ruinam suscitare non potest*, etc. Recurrentem proinde est ad materiam locutionis, et ad intentionem loquentis. De observanda virginitate et cavenda corruptione tractabatur. Exaudivit ergo, et ad præconium virginitatis eloquium suum Hieronymus inflammavit, venas susurrii sui infra Dei potentiae et virginitatis gloriæ venas subinserens, et velut munditiam virginitatis rebus creatis omnibus præferens ut facilius sit Deus cœlum novum et terram novam, et omnem creature defectum reparare, quam virginitatem semel lapsam in priorem statum resigurare. Hoc, inquam, unicum suæ imaginis et similitudinis signaculum animæ de cœlo impressit, contestatus in mandatis, ut hoc fidele depositum præ aliis omnibus omni diligentia servaret, et tanquam irreparabile dampnum intra medullas suas a latronibus et ab omni casu consignaret. Nil in possessione felicius, et Deo similius, in ammissione nil miserius, et Deo dissimilius. Ut ergo tam egregium et singulare beneficium non negligetur, durissima conditio apponitur, ut quodammodo ad id resarcendum dampnum Deus infirmetur, non de potestate, sed de dispensatione. Si enim potentia ejus simpliciter attendatur, et a poena valet liberare, et que fuerit aliquando corrupta tanquam incorruptam coronare. Si ad dispensationem et constitutionem æternis legibus fixam et invariabilem, non valet, quia nihil

contra se ipsum valet, id est velle potest, vel debet. Cum enim simplicissimæ sit naturæ Deus, de ipso tamen secundum usus nostræ locutionis improprie loquimur, dicendo eum aliquid posse, vel non posse, aliquid nosse vel non nosse, aliquid velle vel nolle. Quasi igitur in Deo parturiente in misericordia ad redintegrandum fractum virginitatis signaculum, obstetricando, imo obstante, justitia decretorum suorum ostia ventris claudit, et ne de vulva egrediatur, aut genibus excipiatur, aut uberibus lacteatur, aborsum facit, ne de corrupta incorrupta iterata pariatur, sicut de baptismō legitur : *Nunquid, ait Dominus, homo cum sit senex potest in ventrem matris suæ iterato introire et renasci?* (*Joan. iii.*) Vicaria denique vicissitudine justitia in partu suo, refellente misericordia, non dissimiliter periclitatur, cum volens vituli fabricatores delere, ait Moysi : *Dimitte me ut deleam multitudinem hanc, faciamque te in gentem magnam* (*Exod. xxxii.*). At Moyses gladium divinæ animadversionis tenens, et in vaginam mansuetudinis solitæ refringens respondit : *Audimitte eis hanc noxam, aut dele me de libro quem scripsisti* (*Ibid.*). Sic quasi quod voluit Deus non valuit, propitiabilius se inclinans servi fidelis amicitia, quam ingratissimi populi genuissimæ culpæ. Et notandum, quia triplex est corruptio, aut corporis tantum, aut animi tantum, aut simul corporis et animi. De prima dicit Hieronymus : *Finge tempore persecutionis aliquam virginem prostitutam : corrupta est in lege, incorrupta in Evangelio. De secunda Apostolus : Timeo ne sicut serpens seduxit Eum astutia sua, ita corrumpanter sensus vestri a simplicitate fidci* (*I Cor. xi.*). De tertia idem Apostolus : *Templum Dei sanctum est, quod estis vos. Si quis templum Dei violaverit, disperdet illum Deus* (*I Cor. iii.*). A nullo tamen genere corrupta mundatur, nisi Deus misereatur. Si autem tanquam vasculi sui fracturam quamcumque manus tornaticles resarcire voluerint, poteritne plus negligentia, vel impotentia, quam Dei omnipotentia ? Absit ! Sane id solum non potest Deus, quod se non posse vult. Quis infinitæ detrahet potentie, etiam voluntate corruptam mutata voluntate posse facere, si voluerit, incorruptam, aut coronare tanquam incorruptam ? Dictum est ergo non pro diminutione divinæ potentie, sed pro commendatione sanctissimæ pudicitie, Deus non valet, id est non vult, post ruanam coronare corruptam. Haec spica de agro Booz sorti nostræ obvenit, salvis messorum grandiusculis acervis. Extremam apponimus manum ad Samsonis nostris problemata multis sindonibus involuta, neque parvo pretio resignanda. Habeant, inquiens, Galli de Anglia quæstione quod ruminent, et Angli de Gallico hausto quod petissent. Sicut enim potus est Dagon Angliæ, sic Baal est cibus Galliæ. Malus potus, malus cibus, mala inebriatio, mala ructatio.

JACOBI SIRMONDI NOTÆ.

(75) *Nicolaus mon. S. Albani. Refutat Petri Cellensis epistolam 171, pugnatque pro immaculata b. Virginis Conceptione.*

A Singulum horum suis cultoribus pafrat gehennam. Quam ergo simul inferrent poenam? Si de refrigeratione conceptionis agis, aut de impossibilitate reparandæ conceptionis, fornace et sufflatorio utcunque sufficiente, capita et membra omnia idolorum frustatim communata, atque in pulverem confusa, sive in cibum, sive in potum, ab Anglis et Gallis jamjam absungi possunt. An itaque sitis Anglica et fames Gallica resecte tali cibo et potu conquecent? Non credo, quia et sitis perpetua, et nostra fames continua. Furemur autem per disciplinam, et conslemus per abstinentiam, quod superfluum est in cibo et potu, tanquam idolum patris nostri Adæ, quod de ligno scientiæ boni et mali conflatum est, unde ipse et Eva saturati, dimiserunt reliquias parvulis suis, quas sorte missa divisorunt inter se Angli et Galli, ut illi humilioribus resolverentur, isti solidioribus suffocarentur. Nisi vera scriberem, meum *Confiteor* dicerem. Attamen quia veritas odium parit, digito compesco labellum, et interim nova tonitrua, et fulgurationes Nicolai mei humo absconditus formido. Vale, et ora pro me.

B

EPISTOLA CLXXII.

NICOLAI MONACHI S. ALBANI AD PETRUM.

[ix, 9.] NICOLAUS monachus Sancti Albani, PETRO abbati Sancti Remigii (75).

Invectionis palliatæ saturatus opprobrio, et ironico crapulatus a vino, vere putabam me missiōnem accepisse, et fœdus jam cum silentio pepigesse. Quid senserim sane de privilegio singularis Integritatis in virginem Virgine scripseram, et metam ibi fixeram : et ecce meus Petrus de nova materia novum suscitat ex insperato bellum, et omnes Virginis domesticos provocat ad indignationem, et doctos in lege Domini ad præsumptionis minus Catholicæ contradictionem. Quandiu tractabatur de articulis, qui sic vel alteri poterant intelligi, sana utrinque fide, dissimulabam, et animus noster si concepit non peperit dolorem. Nunc autem cum tuba canitur, quod Virgo peccatum senserit, et sentiendo debellaverit, non dissimulo, non patienter ago, vix manus tenco, quin in publicum hostem irruo. Sed priusquam pro communi omnium Virginis domesticorum indignatione respondeam, lapidem offensionis et scandali petram contueor, quæ in nostra epistola invenit, qui nodum in scirpo saepius querit ; et prava privatæ lesionis in directa, et aspera redigam in vias planas. Lapis itaque lapidem offendit in eo quod dixi : *Virginis ipsius animam pertransivit gladius, non solum olim in Filii passione, sed etiam nuper in conceptionis sue condemnatione, et ironico typo subsannans hic bonum dormitasse Homerum Aristotelico more sic logicat. Esto, nostra placent ei obseqnia, nunquid passibile est adhuc ejus anima? Fides supplet irrefragabilem*

conclusionem, ut vera impassibilitas et immortalitas nullas admittat molestias.

Miror, et indignor virum ecclesiasticum, in divinæ Scripturæ figuris exercitorum, has loquendi figuræ ignorare, vel earum scientiam dissimulare. Nonne legitur Deus zelans, irascens, poenitens, dolore cordis intrinsecus tactus, antequam fuerit humanatus? Nunquid ideo ejus divinitas sensit passionum molestias, quia nostro more de ipsa loquitur Scripturæ auctoritas? Nunquid angelos sollicitudo inquietat, quia leguntur securi de sua, solliciti de nostra gloria? Tanta est hujus tropica copia in divina pagina, quod ipsa abundantia generat inopiam. Pauca igitur de multis sapienti sufficere debent in tam plano articulo. Ad petram vero scandali de corde vestro tollendam plusculum est immorandum, qui res exigit ut palam faciam quod celare proposueram. Sanctus ille Bernardus, quem dicas me debita exuere veneratione, et post eum verborum jacula emittere, quandam sanctorum Catalogo ascriptas, nuper est in Ecclesia canonizatus (76), et ab humano iudicio exemplius. Exemptus, inquam, est, ne de gloria ejus dubitemus; sed non ut minus de ejus dictis disputemus. De gloria beati martyris Cypriani beatus Augustinus non dubitat, tamen in Spiritus sancti datione eum errasse verissime comprobavit. Errorum martyrio deletum scribit, et sic docuit Ecclesiam venerari martyris gloriam, ut tamen non imitaretur errorum. Ego autem, etsi dissimili scientia, simili tamen conscientia, sic veneror beatum confessorem Bernardum, ut laudem et amem ejus sanctitatem, qui nec amem, nec laudem ejus presumptionem in matris Domini conceptionem. Et ne putes me magis pertinaci quam bona conscientia dicere quæ dico; audi quid ab ipsis Cisterciensibus vera religione præditis, et Virginem in veritate diligentibus, acceperim de sancto Bernardo, quorum nomina abscondo sub modo, ne odiosos faciam fratrum suorum collegio. In Clarevallensi collegio quidam conversus bene religiosus in visu noctis vidit abbatem Bernardum niveis indutum vestibus, quasi ad mammillam pectoris survam habere maculam. Quen: ex admiratione tristior alloquens. Quid est, inquit, Pater, quod nigram in te maculam video? et ille: Quia de Dominicæ nostræ conceptione scripsi non scribenda, signum purgationis meæ maculam in pectore porto. Frater visa conventui innotuit, et aliquis fratrum in scriptum rededit. Relatum est in generali Cisterciensi capitulo, et de communi consilio scriptum periit incendio. Maluitque abbatum universitas Virginis perclitari gloriam, quam sancti Bernardi opinionem. Non sic Paulus, non sic; qui se blasphemum et injuriosum inclamat, ut Redemptoris gloriam amplius extellat. Et certe, ut credo, ea ratione sanctus in propria persona viro simplici et de talibus nil scienti apparet, et cul-

A pam suam innotuit, ut totius Cisterciensis capituli discretio deprehenderet eum velle suum errorum danunari, et virginem conceptionis gloriam prædicari. Igitur si ego publico, quod ipse, ut credo, publicari voluit, hoc non est ejus famam extenuare, vel gloriam evanescere, sed ejus voluntatem super delicti sui poenitentia exprimere. Porro facto leviter purgatorium transitu, intravit in gaudium Domini sui, qui in diebus suis sanctitate venerabilis, opinione singularis, eloquentia suavis, et signorum innovatione, immutationeque mirabilium existit mirabilis. Hæc ego de beatissimo abbe Bernardo.

B Nunc de statera mea, quæ in hoc, ut scribitis, videtur mentiri quod dixi: Virgo singularis vicit omne peccatum, non omne debellando, sed nullum prorsus sentiendo. Quod non omne debellaverit, testimonium perhibent, homicidium, adulterium, furtum, et horum similia multa peccata, quæ ejus affectum nunquam momorderunt, ejus memoriam nunquam contaminarunt, ejus denique opinionem nunquam læserunt. Testimonium etiam perhibet conscientia petrina, quæ, etsi colibus sit durior, hanc tamen abhorret duritiam, quam totus mundus abhorret. Os enim aliter sentiens non solum est obstruendum simo, sed lapide conterendum durissimo. Quod nullum prorsus senserit peccatum Virgo peccati destructrix, hoc videtur sentire beatus Augustinus, ubi inhibet Virginis mentionem in peccati mentione. Hoc videtur sensisse et propheticō spiritu prædictissime David, ubi Verbum incarnari desiderans, dicit: *Surge in requiem tuam, tu et arca sanctificationis tuæ* (*Psal. cxxi*). Surgere enim Verbi, sicut ab occulto suo prodire in nostrum publicum, invisibilem fieri visibilem habitu carnis indutum. Incarnatum itaque desiderat surgere in requiem, quam signanter dicit suam, ut a communi hominum requie distinguat, quam idem David designat alibi: *Converte, inquiens, anima mea in requiem tuam* (*Psal. cxiv*). Requies animæ humanæ in hac vita est, vel devicta, vel sopita carnis contradictione, sensualitatem rationis imperio de facili obedire. Verbi vero incarnati requies est, in carne nullam carnis contradictionem, nullam membrorum legem menti repugnantem sentire. In hanc igitur

C requiem suam surrexit Verbum, incarnatum, et non solum Verbum sed et arca sanctificationis suæ, videlicet mater sua, de qua, et in qua est Verbum incarnatum. Sicut enim in cœlo, qualis Pater, talis Filius; sic et in terra, qualis Filius, talis Mater, non dico de Spiritu concepta, ut Filius, sed de Spiritu repleta et sanctificata ex utero matris, ut Filius. Quod quidem sensit et scripsit, quem laudas auctorem in præsenti, abbas Bernardus. Inde quippe dies Nativitatis non Conceptionis virginis diem haberi solemnem, quia quæ in peccatis concepta est, ut universum genus hominum, sine peccato nata est, ut pauci hominum. Si igitur sine peccato nata

JACORI SIRMONDI NOTÆ.

(76) *Nuper canonizatus.* Ab Alexandro III Anagniæ anno 1174, post ipsius obitum 20.

est, consequenter sine peccato conversata est. Si sine peccato conversata est, consequenter sine sensu peccati ex hoc mundo ad patrem assumpta est. Sed dicis, eam sine peccato sensisse peccatum. Fateor me nescire quid velis dicere. Nam exempla sentiendi, quæ proponis, nullius sunt auctoritatis, et ideo nullius ponderis. De cætero omnia exempla quæ ponis, solis sensibus corporeis comprehenduntur. Possunt enim videri, audiri et tangi, et forte olfactu et gustu percipi. Et licet quinque sint corporei sensus, tamen non dicimus, sentio ignem quia video, nec sentio aerem quia audio, nec sentio lapidem gustu: forte picem sentio olfactu, sed de sensu olfaciendi nihil ad sensum peccati. Preinde omnia quæ posuisti sentire te dicis, quia tangis. Si igitur Virgo sensit peccatum, cum peccatum tripliciter accipiatur in sacro eloquio, videlicet prena peccati, culpa peccati, hostia pro peccato: utrum hec omnia, an duo, an unum tantum senserit, vellem tuo edoceri magisterio. Si enim sic intelligis; sensit peccatum, id est pœnam peccati; sic et ego intelligo. More quippe nostro esurivit, sitivit, friguit, et multis tribulationibus decocta, nostris calamitatibus subjacuit, et ex talium in Christo patientia, multimoda meritorum prærogativa efflorauit, absque his quibus intrinsecus quotidie proflicebat: nova videlicet virginitatis dilectione, singulari Dei contemplatione, incompatibili proximi charitate, tota virtutum omnium pulchritudine, nulla macula vel levissimæ turpitudine. Nam cum meritorum nostrorum summa consistat in patiëntio pro Christo, et in diligendo Christum; Deum videlicet, et proximum nostrum: in his duobus excitata est ad plenum agonista nostra ante adventura Verbi in uterum ejus; ut nec ei decesset vel cum carpe, vel cum hoste certatio, nec pacatissimi animi contemplatio. Prende dispendium merendi non sustinuit, quæ tot temptationibus exposita, gratia, qua ante obumbrationem plena, et Dominus cum ea fuit, omnes debellavit, et omnes superavit. Dispendium, inquam, merendi non sustinuit, quæ in dies operatione proficiens pariter et amore, optimam Mariæ partem adimplevit, et Marthæ sollicitudinem per ætatis teneritudinem non exclusit. Quod si intelligis, sensit peccatum, id est sensit culpam peccati, more nostro legem membrorum sensit, motus pudendos sensit, picem titillationis sensit, et inquinata est ab ea, quod absit!

Ivo (77) venerabilis Carnotensis episcopus in Chronicis suis scripait, duodecimo anno ætatis suæ Virginem ab archangelo Gabriele salutatam, et a Spiritu sancto obumbratam: infra quem ætatis annum non permittit natura moveri pubescentium genitalia. Terminus igitur pudendi motus in Virginem a Spiritu sancto preventus reliquit nos du-

JACOBI SIRMONDI NOTÆ.

(77) *Ieo in chronicis suis.* Non existant hæc Chronicæ Ivironis. Et quidem veterum fere omnium, recentiorumque est sententia, Mariam Virginem non

A bios, utrum a die conceptionis, an a die nativitatis, an certe a die superventionis Spiritus sancti in Virgine, Virgo liberata sit a contradictione carnis pudenda. Unde et Augustinus dubitative de Christe dixit: Quod inde suscepit, aut suscipiendum mundavit, aut suscipiendo mundavit. Sed modis omnibus constare nobis debet, quod Virgo singularis nunquam in carne, in qua et de qua Christus homœ factus est, motum illicitum sensit, nunquam legem membrorum sensit, nunquam quod non voluit egit, nunquam sensit quod sentire non decuit. Cum igitur ante duodenatum ex naturæ beneficio, post duodenatum ex gratiæ dono peccatum sentire non potuerit; quando sensit et sentiendo debellavit Virgo peccatum, quæ aliis temporibus in terris non vixit? Si de Salomone et Achaz das instantiam, qui undecimo ætatis sue anno generunt filios, scias quia singulare privilegium non facit legem communem; vel certe, quia reprehendit eos Scriptura de incontinentia, potuit fieri ut obscenis motibus genitalium infirma irritarent, et pudoris claustra rumperent, et de animi sui perversitate jura suæ naturæ inolita perverterent, non communem hominum naturam exterminarent. Radicatus et fundatus in montibus sanctarum auctoritatum, da sanctam auctoritatem, quæ perhibeat Dominam nostram sensit peccatum, quæ ita distinguat sensum peccati, videlicet in ignis, in picis, in lapidis, in aeris sensum; et errasse me fatebor. Quod si non occurrit, qua fronte audes singere nova commenta in tantam virginem? qua dementia infamare sensum genitalium, quæ Salvatorem pudoris titulo fuderunt? Quæ prærogativa distinctio inter singularem Virginem et alias sanctas virgines, si peccatum sensit ut aliae, sed non consensit peccato, sicut nec aliae? Quo gratie merito præminuit, ante virtutis obumbrationem dico, si ipsam cum universo hominum genere exclamare necesse fuit: *Quis me liberabit de corpore mortis huys?* (Rom. vii.) Parcius novas in Virginem adinventiones de spiritu tuo eudere debuisses, quam de Spiritu suo Deus Pater tam gloriose secundavit. Si ergo aliquid scribo de Virgine, quod non legerim in canone, laudem tamen sapit Virginis, laudem et Filii Virginis: et occasione scripture canonica, vel vera scribo, licet occulta, vel verisimilia et ipsa Catholica. Præsumuntur multa de Virginie, quæ nusquam leguntur; et præsumptionibus stendum est, donec probetur in contrarium. Singularis Virginis privilegium non habet similitudinis consorsium. Non solum singulare est, quod Virgo concepit, sed et quod Virgo sola et prima in Israel virginitatem adamavit. Non solum inauditum, quod Virgo peperit, sed et quod Virgo cito Angelo credidit et de facto non dubitans modum conceptionis inquisivit. Et in hunc

duodecimo, sed decimoquinto ætatis suæ anno Christum Dominum concepisse.

modum distingue inter Virginem nondum matrem, et Virginem jam matrem, ut singulari utrobius ceteris virginibus praeogetur privilegio, quæ singulariter nondum mater, Angelo testante, gratia plena fuit; et singulariter jam mater Spiritus sancti sacrarium exstitit, que nondum mater, quasi lana candidissima, nullius peccati sensu maculosa fuit, et singulariter jam mater, quasi purpura sanguine conchylii tincta, ita Spiritu sancto compluta et madefacta fuit, ut nullis de cætero usibus manciparetur, nisi divinis. Multa in hunc modum occurunt differentiarum genera, quibus Virgo nondum mater differt a se Verbi matre, licet nunquam peccatum senserit, vel nondum mater, vel jam mater. Vellus quippe, cum sit de corpore, ut ait Hieronymus, corporis non sentit passionem; sic et nostræ Virginis virginitas, cum sit in carne, non sensit vitia carnis.

Sed dicas: Multiformiter peccatum sentitur: aliquando cum peccato, aliquando sine peccato. Sine peccato sentitur, sicut aer. Hoc exemplum nullius est auctoritatis, ut dictum est, sed nec intelligentis expressivum Aer quippe sentitur aliquando intensius, aliquando remissius, secundum motus sui impetus, vel leniorem vel asperiorem; et durior est aeris frigidi sensus asperior, quam ignis tepidioris levior, vel lapidis, vel picis remotior. Ea propter me non movent exempla, que tam remota sunt a re, ad quam explicandam sunt inducta. Recurramus itaque ad sensum Ecclesiæ, et secundum quod in ea sentit de sensu peccati proferamus in medium, et videamus quo sensu Virgo potuerit sentire peccatum, sine sensu peccati. Cum igitur peccatum ecclesiastico sensu tripliciter dicatur, ut dictum est, videlicet poena, culpa, hostia, jungamus primo singulari singulis, deinde singula omnibus, ut experiamur qua conjunctione verum sit, peccatum sentiri sine peccato, et tandem deprehendamus, utrum veritas æquivocaæ conjunctionis obviet clausule univocaæ acceptioñis, qua dicitur: Virgo vicit ex omni parte peccatum, non omne debellando, sed nullum prorsus sentiendo. Attende, rogo, si virgo poenam peccati sensit sine poena peccati, si culpam peccati sensit sine culpa peccati, si hostiam sine hostia sensit: et doce quomodo haec possint fieri. Quod si non occurrit, attende si culpam sine poena, vel sine hostia sensit, si hostiam sine poena, vel sine culpa, sensit: et doce quæ Scriptura haec doceat, et quid utilitatis in praesenti disquisitione habeat. Perpende denique, quod Virgo poenam peccati sensit sine culpa peccati: et hoc sensu forte fieri potuit, quod peccatum sensit sine peccato, cum peccatum æquivocoæ poena dicatur et culpa peccati. Sed hic sensus in nullo derogat clausula, quæ Virgo perhibetur omne viciisse peccatum, non omne debellando, sed nullum prorsus sentiendo, quia in ea univoce ubi-

JACOBI SIRMONDI NOTÆ.

(78) Petrus Carnot. Nicolao. Respondet epistolaæ precedenti, atque ita de B. Virginis laudibus disserit, ut satis appareat illum, quamvis in dispa-

A que peccatum pro culpa peccati accipitur. Ipse quippe culpam peccati, videlicet concupiscentiam, et cætera quæ simul sunt et poena et culpa peccati, ex omni parte vicit, quod horum omnium nullum omnino sensit. Nam serpentis sibilatio foris fuit per suggestionem, non intus per titillationis prævirginem. Nec decuit illam carnem titillari, per quam meruit omnis caro a damnatione titillationis purgari. Non decuit illam carnem inordinate moveri, de cuius propagine ordinis disciplina demanavit; et omnem mundum sub justitiae moderamine colligens ad vitam æternam reformativit.

EPYSTOLA CLXXXIII.

PETRI AD NICOLAUM.

[ix, 10.] PETRUS Carnotensis electus NICOLAO (78) B S. Albani monacho.

E pistola tua multifarie dentata, dum me acerrime mordere intendit, dentes suos in semet elisos non injuria collidit. Acutus equidem formido, sed putres contemno. Subtiliter syllogizas, vel forte paralogizas; sed fallaciter concludis. Nostram irrides simplicitatem, nec mirum; non enim tenes veritatem. Contra legem fratris tui turpitudinem revelas, non quæ est, sed quam flingis. In humanis certe mentiri vereor, quanto magis in divinis? Credo, dico, assero, et juro, beatissimam Virginem nostram in æterna prædestinatione singulari privilegio muniram, nec a sua conceptione in aliquo violata: sed semper mansisse et permansisse illibatam; et sicut beata ultra humanam et ceterorum hominum naturam, sic secreta et incognita manet ultra omnium notionem. Quamvis autem more vervecum ad invicem nostra tentaverimus cornua, et verborum diversos hinc inde protylerimus sonos; tamen unus et simplex oculus utriusque nostrum in ejus obsequio et fainulatu nunquam caligavit; sed] neque Deo volente caligabit. Ut autem gustus cibum discernit, et alijs plus salis, alijs minus exigit; sic sensus humanus quandoque austeriora, quandoque dulciora appetit avidius. Profert alijs absque pondere rationis, seu auctoritatis quod ei placuerit; recusat alijs quidquid sale evangelico aut propheticō conditum non est. Est alijs utilior, dulcior alijs. Ego utilem dulci præpono. Solas fauces magis demulcit dulcis; omnibus membris utilis plus confert. Tu verba dulcia, ego utilia quero. Tu ienocinantia, ego salubria et confortantia. Seriis itaque intendamus. Quadam tamen seria jocosa aliquando non respuunt, imo libenter admittunt, quædam vero sic respuunt et expuunt; quod etiam anathematizant et suspendunt. Reginæ Dominiæ nostræ beatissimæ Virginis Mariæ obsequia venerationem postulant, non adulacionem; maturitatem, non scurrilitatem; cordis devotionem, non oris verbositatem; secreti admirationem, non publicam

de festo Conceptionis sententia; non impudicam erga illam venerationis studio fuisse.

discussionem Uterque nostrum currit post ipsam, et utinam ad ipsam. Ut credo, una intentio animos parificat; sed varietas sermonum, utpote linguae diversæ, sensus Scriptura salva fide alternat. An scientiores, an sapientiores sumus Augustino et Hieronymo? Nonne in fide unanimes, in religione concordes, in charitate ferventes, in scientia Scripturarum sublimes, in auctoritate pares, in quibusdam sententiis valde sunt disparés? In Epistola ad Galatas sic legitur: *Cum venisset Cephas Antiochiam in faciem ei restiti, quia reprehensibilis erat. Prius enim quam venirent quidam a Iacobo, cum gentibus edebat. Cum autem venissent, subtrahebat, et segregabat se, timens eos qui ex circumscriptione erant*, etc. (*Gal. ii.*)

Hieronymus defendit Petrum dicens, invitum fecisse, et dispensatori simulassem, ne scilicet Judæos amitteret, nec in hoc peccabat, quia bona intentione id agebat. Augustinus econtra dicit Petrum illa legalia servasse non dispensatori, sed vere; et eum vere peccasse, non illa servando, sed alias suo exemplo Judaizare cogendo. Ecce cedri Libani, ecce sublimes abies alio et alio impulsu, aliter et alter sentiunt, sed in charitatis radice nunquam dissentient. Unusquisque autem in suo sensu abundant. Nequaquam enim in articulis fidei, in iis, qui sunt duæ olivæ et duo candelabra ante Deum lucentia, error innascitur, pro quo alter periclitetur. Non itaque mirum, si nos stipulam siccum ventus rapiat in diversa. Si tu tendis honorare Virginem, hoc ego collaudo; si contendis defendere incircumcisum sermonem, istud non approbo. Incircumcisus autem sermo est, qui originale præputium trahens de ventre sensus humani arbitrii, cultro petrino non amputatur ad regulam evangelicæ auctoritatis. Si omnes sermones superfluos communicarem, et huic nostro scripto insererem, nemus juxta altare complantarem. Salvo nomine et numine sacratissimæ Virginis, verbale duellum non recusarem, si vacaret legere, si scribere, si arma querere in scutariis Salomonis. Si aures et oculos suos clauserit Dominæ nostra, et nenia disputationularum nostrarum nihil penderit, in cavernis suis Angulum Francigena conclusum et ligatum usque ad tempus mille annorum consignabit. O magister doctissime! dormiens, an vigilans, tubam canentem audisti, quod Virgo peccatum senserit, sentiendo debellaverit? Quam sis dolosus interpres in occultis, patet in apertis. Nam stylum vel calatum nostrum appellas tubam. Sed tubæ officium est vocem exaltare, styli et calami in silentio scribere. Sis ergo Davus, qui interturbat omnia. Quo autem sensu dixerim Virginem peccatum sensisse et debellasse, et si tu arreptus in tanto furore, quod vix manus contines, non potes patienter audire, qui nostra legerit scripta, favore et odio postpositis, audiat, et in statera æquitatis diligenter appendat. Ne vero auctoritate vobis circa Goliath ad bellum congregiar, antepono sentum auctoritatis qua dicitur: *Inimicitias ponam*

A inter te et mulierem, etc. Ipsa conteret caput tuum, et tu insidiaberis calcaneo ejus (Gen. iii).

Quæ est haec mulier? Virgo, quæ pro sexu, non pro corruptione, mulier appellatur. Quod est ejus semen? Jesus, in quo benedicuntur omnes gentes. Quæ sunt illeæ inimicitæ? Lege Apocalypsim Joannis: *Postquam, inquit, vidit draco quod projectus est in terram, persecutus est mulierem (Apoc. xii).* Ecce Virginem Mariam. Evangelium docet, quod draco malignus in Herode, sicut aliquando in serpente, quærebatur occidere Jesum filium hujus sanctissimæ mulieris. Quare Joseph cum matre et puer, monitus ab angelo, secessit in Ægyptum, tanquam in locum desertum. Luce clarius ad verbum exponit hoc sermo qui legitur in nativitate ejusdem Virginis, B ubi dicitur: *Inimicitias ponam inter te et mulierem, etc.* Quid est, fratres, inquit auctor in hoc loco, serpentis caput conterere, nisi principalem diaboli suggestionem, jd est concupiscentiam resistendo superare? Si ergo queritur, quæ mulier hujusmodi victoriani operata sit; profecto non repertur in linea generationis humanae, donec perveniatur ad illam, de qua nunc agimus, sanctorum Sanctam. Surdus es, si non audis; cœcus, si non vides; mutus, si non clamas; infidelis, si non credis; contumax, si adhuc contendis. Vade ad natatoriam Siloe, et lava oculos, et vide quomodo verum sit, quia sensit peccatum sine peccato. Sensit equidem, non ad lassitudinem, sed ad probationem; sensit, non succumbendo, sed superando; sensit extrinsecus, non intrinsecus; sensit hoste suggestionem jaciente, non carne delectando, vel spiritu consentiendo; sensit propulsando, non excipiendo, vel admittendo. Quis nostrum magis honorat Virginem, qui illam prædicat absque certamine felicem, an qui in certamine fortè? *Nam mulierem fortem quis inveniet? Procul et de ultimis finibus pretium ejus (Prov. xxxi).* Apostolus ait: *Non coronabitur, nisi qui legitime certaverit (II Tim. ii).* Spiritus in Apocalypsi dicit: *Vincenti dabo edere de ligno vitae, quod est in medio paradisi (Apoc. xi).* Item: *Qui vicerit, sic vestietur vestimentis albis (Apoc. iii).* Item: *Qui vicerit, faciam illum columnam in templo Dei mei (ibid.).* Item: *Qui vicerit, dabo ei sedem necum in throno meo (ibid.).*

Virgo nostra sedens juxta sedentem in throno gratiae solum suum Jesum, loquitur omnes victorias, quas obtinuit non dormiendo, sed vigilando; non otando, sed pugnando; non fugiendo, sed resistendo; non cadendo, sed casendo. An mater superior? An sanctior? An fortior? An gratia plenior? Sed ductus est Jesus in desertum, ut tentaretur a diabolo; sed dicit illum Apostolus tentatum per omnia pro similitudine absque peccato. Qui tentatur nonne sentit tentationem? Est autem modus sentiendi secundum virtutem non tentantis, sed tentati; debilis, debilior, debilissimus effectus sentiendi, secundum affectum et virtutem sentientis. Non enim quisquam potest judicare quid sentias,

nisi tu qui sentis. Hucusque satis sit de tuba, quam fecisti et sonuisti. Nunc autem ut ad singula epistola tua capitula, quibus meas, quam et ego confiteor, arguis insipientiam, respondeam, spineta tua sicut hinnulus cervorum transilio. Sed me non ignorare tropos divinæ locutionis assero: tuos vero in terra conculco. Denique compatior insolentia tua, qui de excellentissimis nostræ Virginis montibus ad profundissimam vallem descendisti, ne dicam corruisti. Licet enim in ista nihil sit verecundum, ubi omnia et singula ejus membra luna sunt puriora, et sole clariora; tamen nostræ fragilitatis tetrorema memoria, cum audierit nominari genitalia, vix a sua excutietur palude, vix incipiet non solita cogitare. In Virgine igitur talia sacrosanctis cortinis potius volo honorando involvere, quam nudis nominibus et manibus contrectare. Virgo certe virginis verbis et sancto velamine consecratis delectatur affari. Parco epistolæ meæ tua inserire verba, quæ tamen non pateo reprehendere. Finem facere festinabam; sed novum tuum decreto prius volo discutere, et ex quo consilio promulgatum sit requiro.

Sicut, inquis, in cœlo qualis Pater, talis Filius, sic in terra qualis filius, talis mater. O Domina! ignosce dicenti quod displicet tibi. Nonne tu filii tui, licet mater, tamen ancilla? Nonne sicut oculi ancillæ in manibus dominæ suæ, ita oculi tui in manibus Domini Filii tui? Non adæquabitur ei aurum de Aethiopia, nec conferetur tinctis Indiae coloribus, quia non est inventus similis ei super terram, qui unus et unicus est, et secundum non habet. Sufficit tibi, a dextræ ejus stare, non aequalitatis, vel qualitatis comparatione, sed gloriae et beatitudinis stabili et æterna copulatione. Datis jam dextris pacem habeamus ad Dominam nostram, cuius tu adjutor, ego assertor, cuius tu zelator, ego amator. Suum in laude Virginis expendere ingenium et studium nec improbabile est, nec irremunerabile. Ungulam tamen, et in hoc, et in omni actione nostra et intentione, findere auctoritas jubet et ratio suadet. Discernere autem quid et quomodo debeas laudare, ungulam est findere. Qui alterum postponit, officium laudationis aut pervertit aut prorsus amittit. In modo erras, si supra, vel infra, aut extra metas veritatis quemlibet laudas; in persona, si laude indignum laudare velis. Ut ad rem veniam, tu effers nostræ Virginis laudes, ego vero offero. Tu in aere evolas, ego interim dum in terra sum, pedibus curro. Tu præcipitas verba, ego dispono sermones meos in judicio, et in statera appendo. Tu acerbam et immaturam vindemiam, ego in imbre matutino et serotino jam natura poma nova et vetera ad mensam comporto. Virginem laudas, et ego laudo. Prædicas sanctam, et ego. Ex-

A tollis, super ehoros angelorum, et ego. Dicis immunem ab omni peccato, et ego. Asseris Dei genitricem, astris nostram ad Deum mediatrixem, et ego. Versa et reversa in quolibet statu veneracionis et glorificationis, tecum vado, tecum sentio. Si vero extra communis monetæ formam vis fabricare aliam, quam non approbaverit sedes Petri, cuius est approbare, vel improbare ordinem universalis Ecclesie, pedem sisto, et terminos constitutos non transgredior. Credo et confiteor plura esse apud nos ignota de Virgine sacrosancta, quam nota, quia confortata est et gratia et gloria, et non possumus ad eam. Evangelio, non somniis, de illa credo, et si aliter sapio, et hoc ipsum revelabit Deus, quando voluerit, et quomodo voluerit. Interim autem dum fit vox super firmamentum, nec descendit ad nostrum fundamentum, pennas submittit, et meæ ignorantiae caliginem non a te, sed a Patre luminum illustrandam imploro. Si ferrum de manubrio elapsum te in aliquo laesit, da veniam, eamdem a me recepturus indulgentiam. Ora pro me, amice charissime, et utinam facie ad faciem viderem te, quem scriptorum tuorum bene ornatus habitus non semel præstítit audire.

EPISTOLA CLXXIV.

AD CAPITULUM CISTERCIENSEM.

[ix, 8.] PETRUS Carnotensis (79) electus capitulo Cisterciensi.

Sancta sanctorum studia impedire non minoris aestimo culpæ, quam angelica et divina negotia interrupere. Tanti vero reatus poenam timeo incurere, si vos ad divina et in divinis occupatos, vanis et superfluis tentavero verbis retinere. Excusat tamen quandoque urgens necessitas ingerentem se importunitatem, quando etsi reprimit ad modicum festinationem, non premit aut deprimit penitus necessariam operationem. Utinam, inquit Apostolus, sustinere modicum quid insipientæ meæ! (II Cor. xi.) Non arguitur insipientæ formica, quæ sibi preparat escam in æstate. Non arguitur insipientæ villicus iniuritatis, qui fodere non valens et mendicare erubescens, fecit sibi amicos, qui receperent illum in æterna tabernacula. Non ad insipientiam est mihi, si non de mammona iniuritatis, sed de supplicatione humilitatis, et debito fraternali charitatis interpellò dominos meos et fratres charissimos, quatenus me commemorem inter sui gaudii socios, et futuræ exspectationis amicos. Recolat igitur sanctissimum vestrum collegium, unum me esse de alumnis beatissimi Bernardi, cuius merito Cisterciensem ordinem Deus usque ad mare et ultra dilatavit, et usque ad nubes, ut istæ quæ adhuc supersunt reliquæ testantur, magnificavit. Inter cætera sua beneficia contulit mihi superna gratia, eu vivente, adsuisse in his castro-

JACOBI SIRMONDI NOTÆ.

(79) Petrus Carnotensis electus. Post Joannem Saresberiensem, ut dictum est epistola 105. Supplementum Sigiberti anno 1182. Obiit Joannes Car-

notensis episcopus, et successit ei Petrus, qui fuerat abbas S. Remigii Remensis. Ante hanc autem abbas fuerat Cellensis, superstito adhuc S. Bernardo.

rum Dei convenientibus et commendatum, atque A receptum tam beneficiis quam orationibus. Translato etiam ipso ad coelestem curiam, semel adivi dominos meos et fratres charissimos, replicans et inculcans societatem et charitatem antiquitus indultam. Prostratus itaque, licet absens, pedibus totius sancte hujus congregationis, semper expectatum et expetitum, nec non etiam expetendum imploro suffragium. Vester fui, vester sum, vester semper ero. Alienos ad sinum suum colligit vestra charitas, et me leonibus, lupis, ursis, et malis bestiis indefensum exponitis? Cellensem enutristis, Remensem amastis, Carnotensem projicietis? Ubi major necessitas, ibi expirabit charitas? ubi summum periculum, ibi nullum subsidium? ubi descendes a Jerusalem in Jericho semivivus relinquitur, post sacerdotis et levite negligentiam, Samaritani pectus indurabitur, ne oleum et vinum vulneribus sauciati infundantur? Absit ut fons olei arescat, ut lecythus olei in sancto ordine vestro deficiat. Certe si in vobis defecerit sanctus, mundus remanebit immundus. Non esset dolor angelis Dei, sicut dolor iste. Pax itaque æterna et gratia sit vobiscum. Amen.

EPISTOLA CLXXV

AD GRANDIMONTENSES QUOSDAM, UT IN ORDINE CISTERCIENSI PERMANEANT ADMONET.

[ix, 12.] Ut breviter tumultuosis et scrupulosis cordis vestri questionibus super professione facta, tam in ordine Grandimontis, quam in Cisterciensi, respondeam, id mihi videtur, quod idem promissio non laedit qui solvit, quod promiserit, is quoque gratiae meritum superaddit, qui plus solverit quam ex voto debuerit. Non est meum ordines sanctorum judicare, neque meis stateris merita illorum appendere. Suo domino stant, aut cadunt, stant autem. Opinionis tamen meæ est, plus rigoris, plus justitiae, plus severitatis, plus etiam discretionis esse in ordine Cisterciensi quam in illo, qui mihi incognitus est, et de quo propter incertitudinem nullam præcipitare audeo sententiam. His omissis, ranas et muscas inquietantes penetralia cordis vestri ultimam abjecere, vel potius exterminare brevi admonitione possem! Non ignoro, apud Aristotelem dubitare de singulis non esse inutile. Teneo autem apud Hippocratem, quod mutationes maxima generant morbos. Dicit Gregorius, quod plantæ, quæ æpe transponuntur, radices non mittunt. Paulus anathematizat qui aliud evangelium prædicaverit, quam quod ipse prædicavit, etiam angelum de celo. Dominus noster Jesus Christus de Joanne Baptista dicit: *Quid existis in deserto videre? arundinem vento agitatum?* (Matth. xi.) In parabola quoque Evangelii, dum fatuae virgines irent emere oleum, clausa est janua? Harum auctoritatum sensus hic est, ne instabiles simus, ne fluctuemus, ne omni vento circumferamur, ne dicamus, ecce hic Christus, ecce illic. Vide itaque vocationem ve-

stram, et bases et plantas vestras statuite supra petram, et cum Job dicit: *In nidulo isto moriar, et tanquam palma multiplicabo dies* (Job xxix). Rogo amicitiam et fraternitatem vestram, ut parcatis vobis metipsis, et pro certo sciatis, quia unum ad salutem sufficiens est et necessarium, Deo se committere, nunquam cum Deo disputare. Praetato in omnibus obedire, omnia sua onera humeris ejus imponere, et sufficientem responsalem in Dei iudicio contra omnes adversarii allegationes tam veras quam falsas illum constituere; in simplicitate, non in subtilitate, Deum querere.

EPISTOLA CLXXVI (80).

AD EOSDEM EJUSDEM ARGUMENTI.

(*Spicil.*, ed. in-4°, t. II, 447.)

B Charissimis in Christo fratribus WILLELMO, PETRO, WIDONI, PETRUS Remensis spiritum consili et fortitudinis.

Primum loquar tibi, frater Willelme, quia in te et propter te commota sunt viscera mea, turbatus sum a facie commotionis, dicam commutationis tue. Audieram enim propositum tuum, laudaveram fortitudinem, approbaveram discretionem, modo autem nescio quo spiritu exagitatus nutare coepisti qui debueras esse columna immobilis, qui portaveras jugum ab adolescentia tua, et modo tandem ad frugem melioris vite, scilicet ad ordinem Cisterciensem veniens; levaveras te supra te. Timeo, dilekte, versutias illius qui transfigural se in Angelum lucis; timeo ne in te mutetur color optimus; ne argentum imo aurum vertatur in scoriam; siquidem cum immundus spiritus exiit ab homine, ambulat per loca inaquosa querens requiem, et tunc assumptis septem aliis spiritibus nequioribus se reddit in domum suam: unde et fuit novissima illius hominis pejora prioribus (Luc. 11). Nec hoc quod a te exierit spiritus immundus, qui per gratiam Dei in te non fuit, sed quod a te magis elongatum, modo quadam mutabili tua levitate, et levi mutabilitate vicinior tibi fieri conatur; et qui, ut ita dicam, substantiam religionis, et sinceritatem zeli tui mundanis istis et manifestis immunditiis non potest corrumpere, quibusdam pessimis accidentibus, locorum, sicut et ordinum mutationibus, et occultis illusionibus nititur te absorbere. Quippe spem habet ut influat Jordani in os ejus. Teste philosopho primum argumentum bene composite mentis existimo posse consistere, et secum morari. Discurrere enim et locorum mutationibus inquietari, ægri animi jactatio est, non enim coalescit vel convalescit planta quæ æpe transfertur.

Quod autem de professione prioris voti moveris, nullum scrupulum habet. Auxisti enim votum, non fregisti; modo enim imples, et plenius adimplebis illud Davidicum: *Labores manuum tuarum quia manducabis; beatus es, et bene tibi erit* (Psal. cxxvii). Quid plura? Credo, fateor et obtestor, quod de minori ad majus instinctu et inspiratione Spiritus

sancti ascendisti, et quanto ascensus altior, tanto A descensus, ne dicam casus, gravior. Proinde obsero te, charissime, ego tuus Petrus jam ex solo auditu pro te usque ad effusionem animæ vulneratus, ne mihi dolorem super dolorem adjicias, ne clero, populo, et diabolo materiam risus prebeas, ne te moveas ne in felici ascensu ubi non est voli fractio, sed integratio, ubi non est metus, timeas.

Tibi, frater Petre, incognitus facie, absens corpore, præsens autem spiritu, et devoto corde consulo, et ad pedes profusus anxie et obnixe supplico, ut non obtente pristinæ ad quam suspiras quietis te et alios inquietare incipias. Vera enim quies est in ordine Cisterciensi, ubi Martha Mariæ jungitur (*Luc. x.*), ubi, juxta verbum Sapientis, et agenti quiescendum, et quiescenti agendum. Sane quod B de priore quiete et otio objicis, ut pace tua loquar, ita sine questione omni procul est a ratione, ut responsione non indigeat : ubi enim plus silentii, plus jejunii, minus sollicitudinis mundanæ, et ideo plus contemplationis et sanctæ quietis, quam in ordine Cisterciensi? Quiescat ergo, quiescat ista tua communio, et dum parvula est, allidatur ad petram, dura vulpecula parva est, capiatur, et in matutino occidatur, ne demoliatur vineam Domini, id est conscientiam tuam : ne sub obtentu cujusdam vanæ quietis, ad pisces, non dico Ægypti, et ad alia, non dico Pharaonis, videaris suspirare. Invalidæ sunt ad exprimendum quod super tuis et fratris Willæmi phantasticis illusionibus sentio, litteræ; sed tu cum fratre Willæmo ex paucis multa perpende : consilium meum est, inq. ut paululum audacius loquar, sacrae Scripturæ mandatum, ut in ordine Cisterciensi sic curratis, sic in agone contendatis, ut bravium æternæ vocationis feliciter comprehendatis.

De te nunc, Wido, minus ad præsens sollicitus sum, tibi novissime non tanquam abortivo, sed quasi perfectio, cui non opus lacte, sed solido cibo solitati tue congratulans pauca scribo more ma-

tris, quæ magis anxiatur circa parvulum et debilem filium, quam circa fortem et perfectum. Tu ergo robustus in Domino alios conforta, viriliter agens, argue, obsecra, increpa; opportune, impotente (*II Tim. iv.*). Arduus quidem est ordo Cisterciensis, sed tendit in ardua virtus; siquidem juxta verbum philosophi

... *Serpens sitis ardor arenae,
Dulcia virtus gaudet patientia duris.*

Experciscimini ergo gloriosi milites Christi, mementote quia transit mundus, et figura, et gloria, et omnis concupiscentia ejus. Valete. Magistrum Arraudum, fortem et prudentem Christi athletam salutat anima mea, et per vos orationum munus ab eo expostulat.

PISTOLA CLXXVII (81).

AD LUDOVICUM REGEN.

(DUCHESNE, *Script. rer. Franc.*, iv, 678.)

Piissimo regi Francorum Ludovicō, dilecto et illustri Domino, P. Dei miseratione ecclesiæ Sancti Remigii humilis minister, temporali felicitate feliicitatem promererit sempiternam.

Mandastis mihi palefridum, qui ad opus vestri faceret, talem sane nullum habeo, sed habere quam citius potero non differam, nec dissimulabo. Quod si forte non potero talem invenire qui vestra dignus gratia videatur, hoc ipsum vobis remandare, et alio genere servitii recompensare, usque ad festum Sancti Andreae sollicitus ero. Sciatis enim, quod ad serviendum vobis major mihi semper fuit, et adhuc est animus, quam facultas. Miror autem quo animo acceperitis servitia quæ vobis præterito anno exhibui, quippe cum needum rescire potuerim, nec adhuc mihi innotuerit vos scire, vel gratum habere quod vobis miserim copiam quatuor marcarum, et Domino nostro rhedam trium equorum occasione vestri servitii et causa commodaverim, quos nunquam rehabui. Valeat excellentia vestra.

(81) Nova.

ALEXANDRI III PAPÆ

PISTOLÆ LVI

AD PETRUM ABBATEM S. REMIGII ET ALIOS

(Harum epistolarum scriem, quam primus evulgavit Jacobus Sirmondus, jam edidimus inter Alexandri III Regesta, *Patrologia* tom. CC.)

